











**SCRIPTORES
HISTORIAE ROMANAE
MINORES SEX.**

C. VELLEIUS PATERCULUS.

L. ANNAEUS FLORUS. x

EUTROPIUS. x

SEX. AURELIUS VICTOR.

SEX. RUFUS. x

MESSALA CORVINUS. x



BREVES DE VITIS ET LIBRIS SCRIPTORUM NARRATIONES
PRAEMISIT ET SECUNDUM OPTIMAS EDITIONES IN USUM
SCHOLARUM CURAVIT

FRANCISCUS FIEDLER,

PHILOS. DR. AL. LL. MAGISTER, GYMNASII VESALIENSIS COLLEGA.

EDITIO NOVA.

LIPSIAE

APUD CAR. CNOBLOCHIIUM.

MDCCCXXXIII.

16 gr.



BENEVOLO LECTORI

S. D.

FR. FIEDLER.



Populorum veterum res gestae et virorum illustrium vitae ut ex ipsis antiquis, id est, Graecis atque Romanis scriptoribus a studiosis litterarum bonarum cognoscantur, neve solum e summariis sive brevioriis, recentiori quidem aevo et vernaculo sermone scriptis, discantur, a magistris, qui antiquitatis et historiae studia in scholis regant, quam diligentissime curandum esse; nemo non concedet, qui scholasticae institutionis, qualis nostra quidem aetate conformata est, subtilitatem atque ambitum, disciplinaeque puerilis severitatem ac gravitatem comprobaverit. Etenim quid est, quod et ad accuratam historiae antiquae scientiam comparandam aptius, ad linguarum veterum cognitionem augendam magis frugiferum, et ad intimam cum antiquitate erudita illa familiaritatem ineundam efficacius esse possit, quam ex fontibus ipsis, quibus vera et accurata rerum gestarum narratio contineatur, antiquae historiae notitiam haurire? Quibus caussis permoti, praestantissimi historiarum praeceptores ad hoc studium iuvandum promovendumque libros scripserunt, in quibus capita, cognitione dignissima, ex summis auctoribus, et Graecis et Romanis, excerpta et ad temporis ordinem apte disposita ederent. Ita Io. Godofr. Eichhorn, Aug. Matthiae, Fridr. de Raumer, Fridr. Jacobs, egregie de historiae studio meritos esse, quis est, qui ignoret, eorumque libros, quorum titulos infra descriptos habes *), denuo etiam atque etiam commendare, ab hoc quidem loco non alienum esse existimavi. Quorum virorum consilium imita-

*) Antiqua historia ex ipsis veterum scriptorum latinorum narrationibus contexta. Ed. Io. Godofr. Eichhorn. T. I. Hist. Asiae et Africae. T. II. Hist. Europae. Gottingae 1811. 8.—*Eiusdem* Antiqua historia ex ipsis veterum scriptorum Graecorum narrationibus contexta. Lipsiae 1812. IV. Voll. 8.

tus, quo emolumentum aliquid studiis historiae, praesertim Romanae, in scholis adferrem, *Scriptores rerum Romanarum*, quos propter librorum exiguitatem et formam compendiariam *minores* vulgo vocant, Velleium Paterculum dico, Florum, Eutropium, Sex. Aurelium Victorem, Sex. Rufum, Messalam Corvinum, qui falso dicitur auctor libelli de Augusti progenie, in scholarum et iuventutis studiosae litterarum, quae ab humanitate nomen traxerunt, usum et commodum denuo edendos curavi. Exstant quidem plurimae illorum scriptorum editiones, et nostro aevo quibusque nundinis librariis catervatim quasi emittuntur, propter pretii quoque exiguitatem facile cuivis comparabiles, et quae formae minutae, qualem nostrates magnopere amare cecperunt, commoditate possint commendari. Nihilominus tamen illos historicos, quos supra nominavi, neque omnes in discipulorum manibus esse, neque ab iis legi, non sine magno dolore neglecti historiae antiquae studii animadverti. Cuius rei causam in eo mihi reprehendisse videor, quod illi libri singulatim editi sunt; pueri contra, vel potius eorum patres vel tutores emtionem multorum librorum, si ad scholarum usum maxime necessario exceperis, evitare et quasi horrere solent. Quod quidem non de omnibus parentibus dictum velim, at, mihi crede, haud paucos, quibus est tam sordida cura peculi, cognovi. Iam pia quasi fraude quadam agendum mihi duxi, ut tenaces isti patres unus libri citione plures simul scriptores comparare possint, eosque ad historiam Romanam accurate discendam omnium iudicio probatissimos animisque puerilibus perquam aptos, etiam ad Latinae linguae cognitionem comparandam utilissimos, utpote ab omnibus, qui ingeniis puerorum excolendis rebusque scholae operam navarunt et adhuc in hoc officio desudant, per omnem medii et recentioris aevi decursum commendatos. Videbar igitur operae pretium facturum esse, si historicos Romanos minores uno volumine coniunctos ederem, praesertim qui cursim, hoc est, non negligenter aut oscitantur, sed ut sapere iude et fari discant,

Historiae Graecae capita praecipua, seu excerpta ex Herodoto, Thucydide, Xenophonte, ed. *Aug. Matthiae*. Lips. 1809. 8.

Handbuch merkwürdiger Stellen aus den lateinischen Geschichtschreibern des Mittel-Alters, von *Friedrich von Raumer*. Breslau 1813. 8.

Klio der Römer, oder Auswahl aus den vorzüglichsten Geschichtschreibern Roms, mit erläuternden Anmerkungen von *Fried. Jacobs*, Jena 1825. 8.

hos scriptores legere voluerint, aut qui eos domestico sive privato, ut vulgo dicitur, studio tractandos destinaverint.

In edendis his scriptoribus id maxime respexi, ut, remotis coniecturis et verborum mutationibus, aut non necessariis, aut a codicum et editionum principum lectionibus nimis recedentibus, verba scriptorum et emendata et pura, uti nunc in praestantissimis editionibus leguntur, accurate redderentur. Quae verba aut spuria habeantur, aut varie leguntur, interdum uncis [], a quibus signa parentheses () discernas, inclusa apposui, ut puerorum ingenia acuerentur, et ipsi iudicare, quid verum sit, quid falsum, in legendo discerent. Ita assidua historicorum minorum lectio pueris, qui antiquitatis doctae alimentis nutriuntur, et humanitati et reipublicae educantur, ad maiores et difficiliore rerum Romanarum scriptores intelligendos viam mauiat, animosque iuveniles ad historiae, quae vitae magistra a Cicerone praedicatur, fructus quam uberrimos capiendos et ad incunditatem inde hauriendam suauiter allicit.

Ne tamen equidem plane ἀσύβολος in his libris edendis appaream, observationes aliquot addidisse iuvat, quae ad lectionem constituendam spectent et a me receptam defendant. Igitur locos aliquot, de quibus adhuc sub iudice lis est, diligentius examinandos elegi; ut paucos tantum et breuiter quidem attingerem, angustiores fines, quibus haec praefatiuncula erat circumscribenda, postulabant.

VELLEII PATERCULI Lib. I. c. 18. leguntur vulgo haec: *Una urbs Attica pluribus annis eloquentiae, quam universa Graecia, operibusque floruit, adeo ut corpora gentis illius separata sint in alias civitates, ingenia vero solis Atheniensium muris clausa existimes.* Ita habet Ed. pr. et ex ea sequentes. De variis huius loci emendandi et mutandi tentaminibus vide L. Fr. Gronovium in Observatt. II, 23. p. 311 sqq. Is nihil mutandum esse censet. Manutius minima mutatione, *eloquentia pro eloquentiae* hoc totum restituisse opinatur. Acidalius verio rem putat suam scripturam: *eloquentia — operibus, floruit. Opera* de rebus gestis explicat. Schegkii eadem ratione locum correxit. Lipsius scripsit: — *eloquentia, quam u. G. uberiusque floruit.* Quae emendatio Vossio videtur insignis. Ans. Popmā legit: *operibus usque floruit adeo.* Heinsio legere placet: — *eloquentiae, quam universa Graecia, ope uberiusque.* Gronovius vulgatam defendens, *annos eloquentiae* intelligit, ut apud Ciceronem legitur *erudita tempora*, saecula ingenii et gignendis et nutriendis continuata: *opera* sunt scripta edita. Dicit ergo Velleius et temporibus eruditis et scriptis ab Attica sola superari universam Graeciam. Krause vocem aliquam, ut *ingeniis*, ante *operibusque* excidisse putat. Quae ratio Ruhlenio dura videtur, quare ipso feliciter emendasse ait locum ita:

Una urbs Attica pluribus sanae eloquentiae, quam universa Graecia, operibus effloruit. Quam lectionem in textum recepit ed. Bip. alt. Cludius ita mutavit: *pluribus artibus et eloquentiae, q. u. Gr. operibus floruit.* Iam vero editionis primae, quae iustar codicis manu scripti habenda est, lectio *annis eloquentiae* — *operibusque* locum tenere nequit, et aut *annis*, aut *eloquentiae* mutandum est, aut *quo* in voce *operibus* delendum, quod idem etiam antiquitus lectum est. Recens. Berolin. in Biblioth. univ. Germ. T. XLVIII. coniicit: *plus studiis eloquentiae*, et intactum relinquit *operibusque*. Equidem, si quid video, nodus loci latet in voce *annis*, quae stare nequit. Etenim non longinquitatem temporis, per quod eloquentia Athenis fuerit, Velleius vult commemorare, sed nihil aliud dicere, quam quod in una urbe eloquentia magis flourerit, quam in universa Graecia. Ruhnkenii coniectura mihi, ingenue fateor, non placet. Neque enim video, cur eloquentiam auctor dixerit *sana*, ac si in ceteris Graeciae urbibus fuerit *insana*, quae tamen non fuit. Quod si vox *annis* orta fuerit ex compendio scribendi, ex quo permulta vitia in Velleium irrepserunt, et correctione facili et sensu commodo, suspicor, scripsisse Nostrum: *pluribus artibus eloquentiae* — *operibusque*. Quam correctionem textui intuli eodem iure, quo alii editores suam, donec a feliciore critico viro expellatur. *Artes eloquentiae* sunt disciplinae et praecepta ad varia dicendi genera spectantia; quo sensu apud Ciceronem in Bruto cap. 12. legitur, ubi Isocratem ait *totum se ad artes componendas transtulisse*. *Opera* de scriptis editis intelligo, praeeunte Gronovio. Flourerunt igitur Athenae et pluribus generibus et maiori dicendi arte, quam universa Graecia, et pluribus scriptis oratoriis.

Lib. II. cap. 2. Non adsentior Lipsio, qui in scriptura Ed. pr. *omnibus statim concupiscentibus* vitium odoratus emendationem suam, quam palmariam Ruhnkenius dicit, textu reposuit: *omnium* (sc. optimatum) *statum* (conditionem, fortunas) *concutientibus*. Quod editor Bip. mutavit in: *omnibus statim concupiscentibus*, eique *status* est melior fortunae conditio; *omnes* sunt Itali et plebs Romana tenuior. Sed defendi potest lectio Ed. pr. Tib. Gracchus pollicitus toti Italiae civitatem, simul etiam promulgatis agrariis legibus, summa iniis miscuit, *omnibus* sc. plebeiis civibus et pauperibus *statim* i. e. illico *concupiscentibus* sc. illarum legum executionem, agrorum divisionem promissam. Neque tamen repugnaverim, si quis *statim* reposuerit, qua voce usus est Noster II, 7. quippe nullum habentibus *statim* quilibet dux erat idoneus. Ita dicitur *status orbis* reipublicae, civitatis, apud Tacitum, Ciceronem, Ovidium, Livium, quorum locos indicavit ad h.l. Heinsius.

Lib. II. cap. 28. Locus vexatissimus in Ed. pr. ita exstat: *cuius honoris* (sc. dictaturae) *usurpatio per annos CXX intermissa*; nam proximus post annum, quum Hannibal excesserat; uti adpureat populum Rho. usum dictatoris aut metu desideras Tullio Cox. timuisse potestatem imperio, proh res ad vindicandum maximi periculi, spolia musieronteo immodice crudelitatis licentia. Longum est, omnium criticorum, quotquot in hoc loco

corruptissimo emendando desudarunt, mutationes et inventa hio commemorare; sufficiat indicasse, unde orta sit ea lectio, quam equidem posui. Primum post *excesserat* uncis inclusa est vox *fuit*, quod periisse opinatur Cludius ob sequens *uti*; quare addidit. Sed facile subintelligi et salvo sensu abesse potest. Sequuntur: *ut appareat*, *populum Romanum usum dictatoris haud metu desiderasse*. Vossius et Gronovius coniecere: *haud ita*, Heinsius: *in metu*, Rubnkenius: *ut in otio*. Nihil mutandum puto, praeter *aut* in *haud*. *Metu est metu commotus*. Velleii sententia est: Quum dictatura per annos CXX intermissa fuerit, patet, *populum Romanum haud metu commotum*, quamquam per tantum spatium decursum multi metuendi essent viri, et res adversae metum interdum inilicere potuissent, dictatoris usum desiderasse, *sed Sullae Consulis timuisse potestatem*. Is enim fuit, cuius consularum potestatem quam maxime timerent, et ita quidem, ut nihil ei resisterent, quam se ipsum Dictatorem diceret. Cf. Plutarch. in Sulla c. 53. Ἐξο δὲ τῶν φοβικῶν καὶ τὰ λοιπὰ τοῖς ἀνδράποιν ἐλέπει. Διτάτωρα μὲν γὰρ ταυτὸν ἀπηγόρευσε, δὲ ἐπὶ τῶν ἐκατὸν εἰκοσι τοῦτο τὸ γέρας τῆς ἀρχῆς ἀνταλαβόν. *Desiderasse facile oritur ex desideras*, quod Ed. pr. habet, et ex Tullio feci *Sullae*, paucis litteris mutatis. Alii alia inde extorserunt: Rubnken. *ut in otio*; Ed. Bip. *sed in loco*; Rosenheyn: *ita in otio*; Cludius: *ita ultra consularem* (ex seq. *Cos.*). Inter verba: *desideras Tullio* facile excidere potuit *sed*. Diu multumque locum versavi, ut si fieri posset, minima litterarum mutatione, dum vestigia Ed. principis sequor, genuinam Nostri scripturam restituerem; nulla enim adhuc proposita emendatio mihi satisfecit. Omnes in hoc loco emendando neglexerunt primam scripturam: *Tullio Cos.* quod recte monuit Cludius, corrigens *ita ultra Consul s. consularem*; nam saepius in Codd. fuit *Cos. pro consularis*. Ipse tamen non animadvertit, nomen proprium inesse verbo *Tullio*, cui additur *Cos.* Quare rescripsi *Sullae*, de quo sermo est, et qui tunc consulatus fungebatur, antequam Dictator creatus est. Sed et alia ratione fortasse huic loco mederi possumus, siquidem *Tullio* intactum relinquamus et ad *potestatem* cogitatione addamus *Sullae*. M. Tullius Decula quidam Consul fuit eo ipso anno, quo Sulla Dictator imperio suo in immodicae crudelitatis licentiam usus est; qui fuit annus 672 p. R. c. 81. a. Chr. n. Vide Theod. Ians. ab Almeloveen Fastorum Rom. Cons. libri duo. Amstelod. 1705. pag. 56. Quo *Tullii* Consulis nomine restituto, omnium superiorum editorum inventa in auras evanescent. Senior meditatio me movit, ut nunc lectionem Ed. pr. tuear, modo addita copula *sed* vel *at*. Sed indicent peritiores et meliora proferant; nam, ingenuae fateor, nondum hoc in loco mihi satisfacio. Eodem capite legitur in Ed. pr. *historiarum ex alto*, unde Ed. Basil. refinxit: *histrioni exalto*; Rubnken. *exalto*. Defendi potest *ex alto*, quod est, *e tribunali*; contrarium est *e plano* apud Sueton. in Tib. 33. *Iudicesque aut e plano, aut e Quaestoris tribunali admonebat*. Cludius addidit sine auctoritate Ed. pr. *a scena*, quia in *historiarum* plus esse videatur, quam *histrioni*. Heinsius scripsit: *histrioniarum*. Equidem textui reposui *exalto*.

secutus Ruhnkenium et Blpont. Sermo est de histrione, qui a spectatore petulanter exactus i. e. explosus, exhibitus est, et adversus conviciatorem coram iudicio potestatem agendi habet. Iniuriarum actio infami quoque personae, histrioni, dabatur.

Lib. II. c. 90. *Sepultis, ut praediximus, bellis civilibus, coalescentibusque Reipublicae membris, et externa coiere, quae tam longa annorum series laceraverat.* Verba et externa coiere in Ed. pr. leguntur: et coram alieno. A multis varia ratione locus est tentatus. Vir doctus quidam coniecit, illud monstrum lectionis ortum esse ex glossemate et eo iam altero, a sciolo ad bellis civilibus in margine adscripto, dein iniquo loco in textum illato. Ruhnkenius nihil hic se praestare posse fatetur; sed laudat locum Pacati Paneg. c. 36. unde Velleius corrigi possit: *Iunguntur socii agmina, et sub uno capite divisa reipublicae membra coalescunt.* Cludius recepit Rosenheyneii coniecturam: et curatis aliis omnibus. Magis secutus scripturam Cod. Nodellius in Obs. critt. Campis 1701. coniecit: et coierunt alia, quae ecc. Equidem scripti: et externa coiere, sive transpositis verbis: et coiere externa. Similiter Noster dicit II, 61. *brevi in formam iusti coiere exercitus.* Tacitus Hist. I, 79. de rebus alienorum populorum dicit: *externa sine cura habebantur.* Unde Crolius emendaverat: *egit curam externorum* (alienorum). Sensus est perspicuus: Finitis bellis civilibus, et reipublicae partibus, hucusque divisis, rursus coniunctis, etiam externae Romani imperii partes et provinciae, quas longum bellorum civilium tempus laceraverat et disiunxerat, denuo additae sunt et in corpus Romani imperii coierunt.

FLORI Prooem. c. 3. *si pariter atque insimul—ostendero.* Gruterus ex Vineti Mss. adducit *insemel*, unde *insemel* vulgo legitur. Sed *insimul* Flori est proprium. II, 20, §. r. Vide Indicem Freinsheimii ad Florum.

Eiusd. Prooem. §. 8. *nisi quod sub Traiano principe movet lacertos.* Magna est inter VV. DD. dubitatio, utrum *movit* legendum sit, an *movet*. Seebodius, novissimus editor, praetulit *movit*, cum Nazariano Cod., Camerte, Salmasio aliisque. Sequens tamen praesens *revirescit* me movit, ut illud *movet* utpote veram lectionem textu reponerem. Dicit Florus a Caesare Augusto in suum saeculum haud multo minus annos ducentos esse, et secundum Eusebii computationem ab initio imperii Augusti usque ad finem Traiani sunt fere anni CLXXXVIII, et menses VI. Quamquam verisimile est, Nostrum sub Hadriano vixisse, tamen et suum saeculum Traiani antecedentis tempora dicere et praesenti uti potuit. Similiter alio loco, quem in constituenda Nostri aetate neglexerunt VV. DD., praesenti utitur, quum historia rei praeteritum flagitare videatur. Est locus lib. IV, c. 12. §. 37. Sermo est de clade Variana et de aquilis a Germanis captis: *Signa et aquilas duas adhuc barbari possident.* Ex his colligi potest, Flori aetate duas illas aquilas a Romanis nondum recuperatas fuisse. At contra dicunt Tacitus Annal. I, 60. et Dio Cassius in Hist. LX. c. 8. Alteram aquilam legionis undevicesimae, cum Varo amissam, L. Stertinus, missu Germanici, inter caedem Bructerorum et praedam reperit; alteram Gabinus,

Claudio Imp., recuperavit, quae sola de clade Variana supererat. Sed variae sunt de his aquilis narrationes. Vide quae notavi in: *Röm. Denkmäler der Gegend von Xanten u. Wesel. Essen 1824. p. 52.* Quid vero? nisi Tacito et Dionii omnem fidem abrogare velimus, Florus aut falsa tradidit, aut non Traiani et Hadriani aetate, sed Augusto imperante vixit, et quidem ante aquilam a Germanico in Marsorum terra repertam scripsit. Sed de his certi aliquid ponere difficile est.

Flori lib. II. c. 2. §. 2. *ceteraque populi Romani sacerdotia — descripsit.* Codex Nazarianus refert: *ceteraque per sacerdotia.* Unde Salmasius rescribendum putavit: *ceteraque fere sacerdotia.* Camers edidit: *ceterosque per sacerdotia*; Vinetus: *ceteraque sacerdotia evulgavit.* Rutgersius vero, commonitus a Scriverio in Variarum lib. I. c. 18. proposuit legendum: *ceteraque P. R. sacerdotia*, i. e. populi Romani sacerdotia. Solent enim eiusmodi aliaeque formularum voces singulariis litteris a veteribus scribi. Quod quum non perciperet librarius, quod genus hominum litterarum paene rude fuisse constat, ex P. R. per efformasse est verisimile. Palmariam emendationem Rutgersii recepit Scebodius, quem sequi non dubitavi.

AUR. VICTOR de Or. G. R. c. X. Sermo est de Sibylla, futura praecinens in oppido, quod vocatur *Cimbarionis*. Quod nomen Arntzenius emendavit: *Cumarum urbs*, vel *Cumaea urbs*, quod ut ob antecessus vocabulum, oppido, ferri possit, veretur Grunerus, qui legere mavult: *quod vocatur Cumae ab incolis*, comparatis locis Sallustii c. 20. Livii XXVIII, 3. Equidem recepi Heynii coniecturam, *Cimmerion*, ut est apud Tibull. IV, 1, 64.

Cimmerion etiam obscurus accessit ad oras.

Ibi vulgo legitur *Cimmeriorum*, sed multi habent *Cimmerion*, genitivo Graeco. De hoc nomine Campaniae apud poetas obvio vide Heynium ad Tibulli l. 1. In editione, quae prodiit Marburgi 1818. offertur coniectura *Cerberionis*; quum Cerberion, Plinio teste H. N. VI, 6. vetus nomen Cimmerii fuerit. Sed ibi sermo est de oppido in ipso ore lacus Maeotidos sito. Mela I, 19, 15.

Aur. Victor de Or. G. R. c. XI. Caput falsa et scriptura et interpunctione depravatam ita restituendum enravi, ut et paucissima lectionis vulgatae verba mutarentur, et membra orationis recte discernerentur. Iam singula videamus. Inde a *quippe* usque ad *fore* signa parentheseos posui. Continent verba inclusa explanationem verbi *coniciante*, et causam, qua motus Anshises coniecerit, illam (crustam scilicet de farreis mensis, aut Italiae oram, quod utrumque antecedenti capite commemoratur) esse miseriarum finem. *Incipientem* est Schotti coniectura, explicatque hanc vocem Festus: *propinquam partui*. Ex veteris codicis lectione *intimentem* effingere in animo fuit *intumescensem* i. e. foetu tumidam, gravidam, ut Ovidius alienbi: *intumuit venter*. Et post *immolare* uncis inclusi: ex postremis litteris antecedentis verbi ortum esse videtur et alicuius est ab orationis nexu. *Eripuisse* in duas voces dissolvi, *eripuisse et*. Pro *tum simulacris* cum Arntzenio scripsi *cum*; deinde atque illum mutavi cum Grunero in atque urbem; porro ex postquam feci quam (scil. urbem) post.

Quae huius capituli verba, oratione obliqua, quam dicunt, expressa, si recta eloqui volueris, ita fere constituenda sunt: Tum, Anchisæ conciente, illam esse miseriarum errorisque finem, serosa etiam inciens (gravida), quam quum e navi produxissent, ut eam immolarent, se ministrorum manibus eripuit, et Aeneas, recordatus, quod aliquando ei responsum esset, urbi condendae quadrupedem fore, cum simulacris Deorum Penatium prosecutus, atque urbem, ubi illa procubuit enixaque est porculos XXX, ibidem auspicatus [est], quam post Lavinium dixit.

Aur. Victor de Viris ill. c. II. §. 3. *ut omnibus nuptiis Talassii nomen vocaretur. Vulgo invocaretur.* Codd. Leid. I. Palat. II. Havniensis et editio princeps Ruesingeri habent receptam lectionem, quae re ipsa confirmatur, non enim invocatur, sed iteratur et saepe vocatur Talassii nomen. Cf. Liv. I, 9. Plutarch. in Rom. c. XV. Lectio *iteraretur* pro glossa habenda est, quae ad marginem Cod. Palat. scripta exstat. Huius receptae lectionis auctorem lubens nomino Seebodius, virum de bonis litteris iisque propagandis merentissimum, cuius observationibus, quas in Censura duarum edd. Aur. Victoris edidit (*Krit. Bibl. für das Schul- und Unterrichtswesen. B. II. H. IV. No. 10. Hildesheim, 1819. p. 928 sqq*) magnopere me adiutum esse, grato animo fateor.

Eodem Victoris libro cap. XXIII. §. 3. leguntur: *Legati Deum (anguem Epidaurium) vehentes Antium profecti sunt: ubi per malaciam maris anguis proximum Aesculapii sanum petiit.* Edd. habent *mollitiem* seu *mollitiam*, quod idem ac tranquillitatem significare dicunt. Sed loco I. Caesaris adductus, qui exstat de B. G. III, 15. *tanta subito malacia et tranquillitas exstitit* — illam vocem inter scriptoris verba ponere non dubitavi. Est enim *malacia* verbum proprium de hac re, quae latine *flustra* dicuntur, quum, ut Festus ait, *in mari fluctus non moventur, quam Graeci μαλακίαν vocant.* Haec Sulpicius Severus Dialog. I, 4. ut Graecae vocis vim exprimeret, *mollitiem maris* nuncupavit. Etiam in Caesaris l. l. codex Leidensis I. habet *mollities*; alii Mss. et Edd. *malicia* et *malitia* inepte. Propter litterarum et soni similitudinem *malacia* et *mollities* facile commutari potuerunt. Librarii aut notiores sibi vocem in textu reposuerunt, aut ad marginem adscripserunt, unde inter scriptoris verba est posita. Fortasse etiam *maris* ab aliena manu profectum est.

Eodem libro cap. XXXIII. leg. *M.* sive *Munius*, quod constans praenomen est Curii Dentati, ut in Fastis et ceteris Hist. Rom. monumentis videre licet. Librarius potius mihi errasse videtur, quam Victor, cui hoc nomen notum esse debuit, in quovis scriptore, ex quo sua excerpsit, obvium.

Aur. Victor de Caesaribus cap. I. §. 4. *Mores viro (Augusto) civiles lepidique; flagrante haud modice luxuria, ludorumque cupidine aleaeque ad summum intemperantia.* Antea postrema verba perverse legebantur: *atque ad somnum intemperantia.* Scribendum putat Caspar Barthius in Observationibus a me editis pag. 148. *aleaeque ad summum intemperantia*, quod equidem recepi. Summum crimen, quod Augusto obijci poterat ex vero, aleae fuisse

dicat Victor. Cf. Epit. I. §. 21. Consentit Suetonius in Augusto c. 71. ubi ipsum *aleas* rumorem non declinasse scribit.

Ibid. cap. XXXIX. §. 21. *Carausius — Britanniam hausto imperio capessivit.* Malim legere *augusto imperio*. Insolenter dictum est *imperium haurire*. At quae Imperatoris sunt, *augusta* dicuntur, ut c. XXXVIII. §. 1. *augusto habitu*, et c. XLI. §. 1. XLII. 20. *augustum imperium*. *Carausium Augusti titulum usurpasse*, docent nummi. Vid. Rasche Lex. numar. T. I. P. II. p. 381.

In Epitome cap. XII. §. 6. ad verba: *Hic iurgiorum disceptator et scientissimus et frequens fuit.* Walchius, doctissimus editor Agricolae Tacitei, ad lib. laud. cap. XIV. p. 423. adnotat incommodum esse vocabulum *disceptator*, et reponere mavult *dispensator*, quod uncis inclusum vulgatae lectioni apposui, ne lectoris nova de hoc loco coniectura defraudentur.

In SEXTI RUFII cap. XXVII. locum varie tentatum ita reddidi, uti cum G. Münnich, Rufi editor accuratissimus, emendavit. Equidem quid de hoc loco constituendo sentiam, paucis exponam. Rufus narrat, Constantium ipsum praesentem his interfuisse veris et gravibus pugnis. Iam quae fuerint pugnae, ipse declarat, Singarena et Constantiniensis. Quae sequuntur: *et quum Amida capta est, grave — accepit —* cum antecedentibus non cohaerent, sed novum aliquid continent. Itaque maiore interpunctione recte separantur. Praecedentia vero librariorum negligentia et additamentis maxime depravata vides. Quibus eiectionibus, haec vera auctoris verba esse statuerim: *nimirum Singarenas, et iterum Constantiniensis quoque. Et quum Amida cet.* Verba praesente Constantio plane superflua sunt, quam statim praecesserit praesens adfuit. Deinde *Singarenas*, vel ut vulgo legitur, *Singarenus* repetitionem esse prioris nominis, incuria librariorum factam, apparet. Editio antiquissima, quam Münnich iam praef. edit. suae descripsit et nomine Gottingensis insignivit, ita locum exhibet: *Singarena praesente Constantiensi quoque et cum amico capta est. Grave cet.*

Sed haec sufficiant, quum me ultra propositos fines iam progressum esse sentiam. Tu vero, candide Lector, sicubi me quum festinatione, tum imbecillitate humana errantem deprehenderis, ut satisfacientem muneris scholastici officii et plurimis aliis occupationibus distentum excuses et doctrina Tua corrigas, meamque operam, quam iuventuti historiarum studiosae aliquantulum profuturam spero, ea, qua par est, indulgentia excipias, uti ex animo opto, ita humanissimis verbis Te rogatum esse volui. Scripsi Vescaliae ad Rhenum inferiorem. Kal. Sextil. MDCCCXXVIII.



I. DE VELLEIO PATERCULO.

De Velleii vita rebusque gestis et scriptis ea tantum scire licet, quae ipse de se scripsit, quum nullus veterum scriptorum eius faciat mentionem, uno Tacito excepto, qui libro III. Ann. cap. 39. P. Velleium praesidem exercitus Philippopolim, Thraciae urbem, ab obsidione liberasse narrat, de quo tamen ambigitur, fueritne historicus noster, an eius pater. Praeter Tacitum Priscianus grammaticus lib. VI. exiguum e Velleii historiae libro primo deperdito fragmentum servavit. Memorabile est, tam obscurum Velleii nomen, raram eius mentionem iam apud veteres scriptores, eiusque opus haud celebratum esse. Cuius rei causas in ipso scriptore eiusque libro quaeras. Nimia laude Seianum, infamem illum nequitiarum Tiberianarum ministrum, Velleius sustulit. Post huius viri scelestissimi supplicium aequales metu coacti Velleium, auctorem tantae laudis, ne in Tiberii suspicionem incidere, spreverunt, certe lectionem eius, ut periculosam, reformidaverunt. Nimia deinde adulatione Tiberium ipsum prosecutus est. Quo mortuo, posterum eum scriptorem detestati sunt, qui tam detestabilem Imperatorem plus aequo laudare potuerit. Ita factum esse videtur, ut Velleii historia negligeretur, raro a librariis describeretur. Neque tamen plane contentus est, mitigato Tiberii odio, et cognitis scriptoris nostri virtutibus, et studiosissimum aemulum nactus est Sulpicius Severus, hominem Christianum, et Neronis aetate Lucanus poeta quaedam a Nostro mutuatus est. Vitam Velleii pro temporum ratione accuratissime primum disposuit Henricus Dodwellus, Anglus, in Annalibus Velleianis, e quibus haec excerpta sunt: Maiores Velleii partim Capua, partim Asculo, partim Neapoli ortos fuisse, ipse narrat. Quae eius patria fuerit, ignoratur. Natus est anno U. 735. Q. Lucretio Cinna et C. Sentio Saturnino Coss. i. e. eo anno, quo P. Virgilius Maro mortem obiit, sive a. 19. p. Chr. n. Anno U. 749. togam virilem sumpsit et aetatis XV. anno inchoato militiae equestri tirocinium iniit. Primum praefecturam cohortis, deinde tribunatum accepit, adsumto laticlavio. Anno U. 753. Caium Caesarem, Iuliae filium, in Parthiam secutus est, et interfuit, quum ille cum rege Parthorum in Euphratis ripa congrederetur (II, 101.). Ex tribunatu Praefectus equitum factus, cum Tiberio, ab Augusto adoptato a. U. 757. in Germaniam profectus est et per continuum novennium patrono suo adfuit. Falsa verborum coniunctione deceptus (II, 104.), Dodwellus inanem movit quaestionem de castrorum tribunatu, qui nullus umquam exstitit. Iteratur fabula a Cludio, Velleii editore recentissimo,

suimet ipsius oblito, quippe qui in contexta, qui dicitur, recte interpuuxerit. In qua expeditione Germanica ornatus est alae equestris praefectura. Iam Quaestor designatus, legionem recens conscriptam ad Tiberium contra Dalmatas et Pannonios tunc pugnantem duxit et eius anni (759) hibernis est praefectus. Sequentis anni initio ad quaesturam ineundam Romam profectus est; deinde ad Tiberium in Pannoniam rediit, meruitque sub Germanico, qui bellum Pannonicum gerere coeperat, a Tiberio anno U. 761. confectum. Post cladem Vari in saltu Teutoburgiensi cum Tiberio in Germaniam profectus est. Quam Tiberius anno U. 765. triumpharet, et Velleius, et frater eius, Magius Celer, militari- bus donis insigniti, illum secuti sunt. Finitur hoc anno continu- um illud, quod in Tiberii satellitio egit Velleius, novennium. Sub fine anni d. X. Dec. iniiit tribunatum plebis; post (767) Prae- tor designatus est cum fratre Magio, ab Augusto ipso et a Tibe- rio commendati. Ex praetura, qua functus est anno U. 768. ma- iores honores Velleius non adsecutus esse videtur, nec quidquam de provincia praetoria, nedum de consulatu eius memoriae pro- ditum est. Studiis sine dubio et vitae deliciis, fortasse apud Tiberium in insula Capreis, indulsit. Quam M. Vinicius, quem Tacitus libro VI. 15. Ann. praedicat, Consul factus esset a. U. 783. sive a. 30 p. Chr. n., in eius gratiam hanc historiam rerum gestarum populi Romani compendiarium conscripsit. Annum aetatis XL. agens, a. U. 784. occisus est, ut visum est VV. DD. propter amicitiam Seiani, in quem, ut in eius domum et amicos, eodem anno crudelissime saevitum est. Quae de argumento et fatis libri Velleiani dici possint, audias velim a Beato Rhenano, Sele- stadiensi, (Bilde von Rheinach aus Schlettstadt im Elsass) prin- cipe et doctissimo editore Velleii, cuius verba ex dedicatione operis ad Illustr. Saxoniae Ducem, Fridericum, Princip. Elect. anno 1520. scripta apposuisse iuvat: *Describit is (Velleius) res Romanas castissimo stilo per epitomam ab urbe condita ad suam usque aetatem, hoc est, tempora Tiberii Caesaris: nam sub hoc floruit, ut in vita annotavimus. Meminit quorundam, quae nullo- rum sunt prodita litteris, saltem qui hodie extant. Qualis est de- letarum cum Varo legionum Arminio duce historia, et quae de Maroboduo Marcomanorum rege scribit, haud dubie tuae celsitu- dini tanto gratiora futura, quanto minus etiam doctissimis viris hactenus fuere cognita. Nam prioris rei tantum in transcurso me- morat Florus. Tanta autem facundia his referendis utitur, ut quemadmodum ipse Caesari proximum a Tullio locum tribuit, sic eum Caesari parem faciam, aut saltem proximo statuum loco. Quod si integer extaret, et a mendis purus, haud ambigerem, quin doctissimus quisque meo subscriberet iudicio: nunc quando mendis vitio vetustatis non caret, aliena culpa dignitatem aestima- tionis apud quosdam forsitan amittet. Equidem abhinc annos ut puto quinque, cum primum hunc in Murbacensi bibliotheca *) re- perissem, et viderem tam prodigiose corruptum, ut omnia resti-*

*) Hoc coenobium Benedictinorum Murbacense situm est in Al- satia superiore.

tuere non foret humani ingenii, properanter ac infelicer ab amico quodam descriptum, premendum plane censebam, donec melioris nobis codicis fieret copia, quem acceperam haberi Mediolani inventum olim a Georgio Merula. [Codex Mediolanensis numquam apparuit, et fuit haud dubie falsus ille rumor.] Verum dum frustra iam treis annos expectamus, interim doctissimus quisque mecum expostulat, cur tam insignem autorem studiosis communicare tamdiu differam. Addunt convicia quidam, dictitantes, illum in hoc a me premi, ut olim alienum opus tanquam ingenii mei foeturam gloriabundus in publicum emittam. Proinde nunc edidimus omnium eruditorum votis expetitur et ante promissum, ne studiosos diutius huius desiderio maceremus." — De qua editione Petrus Burmannus in Praefatione suae editionis haec refert: „*Vitam, vel potius ex tenebris, quibus per tot secula tectus latuerat, in lucem reditum debet Velleius Beato Rhenano Selestadiensi, viro in primis illis renascentium litterarum per Germaniam initii, diligentia, eruditione, et quod primum in hoc studio est, fide praecipuo, et principibus bonarum artium instauratoribus adnunderando; qui, ut plurimis industriae et doctrinae monumentis immortalem sibi apud posteros laudem pareret, id unice agebat, ut ex monasteriorum recessibus, ubi pulvere et situ obsiti veteris aevi codices putrescebant, protraheret eruditi quondam temporis reliquias, et cum orbe erudito communicaret. Is in coenobii Morbacensis pluteis cum antiquissimum Velleii, cuius vix nomen eruditis, nedum inertibus et ignavis monachis, auditum erat, exemplar reperisset, illud describi typis Frobenianis (Basileae) anno MDLXXX iussit. Cui editioni paullo post Iohannes Albertus Burerius, qui quis, qualisque fuerit parum mihi constat, adiecit emendationes Velleianas, ex ipso illo unico, ut iactat codice, accuratissime collato, petitas. Sed qui fidem et integritatem sequentibus Velleii interpretibus vix probare potuit.*” Burerius in Praefatione „*Praeterea cum hunc recentem vetusto Vellei codici conferrem, inquit, non modo verum versui, sed etiam syllabam syllabae, et (quod alicui plus quam curiosum ac pene stultum videri queat) etiam litteram litterae contuli, ne quid non ageretur in rem studiosorum. Valete.*” Fuit autem ille membranaceus, sed vetustate, maxime in fine, ita arrosus, uti vix, quid scriptum fuerit, appareret. Litteris minusculis scriptus, atque ex tali transcriptus. Vetustius illis vero exemplar exaratum fuisse videtur litteris maiusculis. Ita in vetustissimo exemplari apparuit INASIAMACNESIAM, unde descriptum: in Asiam ac Nesiam, quod Rhenanus feliciter emendavit: in Asia Magnesiam. Scriptus fuit vocibus disiunctis absque punctis et distinctionibus, licet Burerius interpunctionem saepe notaverit. Neque caruit compendiis scribendi. Testatur Rhenanus, cum, qui illum cod. descripserit, ne verbum quidem intellexisse; fuit enim ille prorsus ineruditus; quare interdum scripsit, quae omni carent sensu; quaedam omisit; alia his posuit; alia, quae praetermissa animadvertit, ubi libuit, addidit: ita ut tanta verborum et litterarum immutatio et confusio orta sit, quantam in nullo codice manu scripto alius veteris scriptoris facile reperias.

B. Rhenani editio princeps codicis loco nobis esse debet, quum

is, cuius apographum nactus erat Rhenanus, nusquam adhuc re-
pertus sit, Ruhnkenio per amicos in Alsaciae bibliothecis et mo-
nasteriis frustra indagante. Post Rhenanum et Burerium multos
nactus est Velleius editores et interpretes et criticos, qui in nullo
alio scriptore, quam in hoc, artem suam melius liberiusque
exercere potuerunt. Praestantissimae editiones fere hae sunt: *Iun-
tina* 8. cum Iustino et Nepote. Florentiae per heredes Phil.
Iuntae. a. D. 1525. *Avenionensis*, fol. cur. Ant. Bonhommaeo.
1532. quae editio rarissima est. *Parisiensis*, a Vascosano curata,
quae adhaeret Appiano latine excuso Parisiis 1538. fol. *Basileen-
sis* 1546. fol. apud Frobenium, cum C. Suetonio, Aelio Spartia-
no etc. *Aldina*, 8. Venetiis 1571. *Frid. Sylburgi* in Tom. I. Scriptt.
hist. Rom. Francof. 1588. fol. *Iac. Schegkii* eod. l. 1589. 12. ed.
rariss. Porro nominandae sunt *Acidalii*, Patavii 1590. 12. *Iusti
Lipsii* 1591. *Iani Gruteri*, Francofurti 1607. 16. et in Scriptt.
hist. Augustae ab eod. editos Hanoviae 1611. fol. *Gerardi Vossii*,
Lugd. Bat. 1639. 12. *Nic. Heinsii* Amstelod. ap. Elzevir. 12.
Petri Burmanni, Lugd. Bat. 1719. 8. *Io. Frid. Gruneri*, Coburgi
1762. 8. *Davidis Ruhnkenii*, Lugd. Bat. 1779. 2 voll. 8. *Biponti-
na* 1780. 8. repet. auct. et emend. 1811. *Christ. David. Iani et
Io. Chr. Henr. Krausii* ed. maior. Lipsiae 1800. 2 voll. 8. *Krau-
siana minor*, ibid. 1803. *Arminii Heimarti Cludii*, Hanoverae
1815. 8. Versio Germanica elegantissima est *Fr. Iacobsii*, Li-
psiae, 1793. 8.

II.

DE L. ANNAEO FLORO.

De L. Annaci Flori, qui in aliis codd. L. Iulius Florus, in
aliis L. Annaeus Florus dicitur, patria, genere, aetate, vita re-
liqua, nihil certi affirmaverim. Alii Augusto, alii Tiberio, alii
Traiano et Hadriano aequalem eum faciunt; alii propter ipsius
Flori verba, in quibus Hispaniae laudes continentur (II, 6, 38.
III, 22.), Hispanum, et fortasse ex ipsa Annaeorum, id est, Sc-
necarum gente oriundum, alii Gallum seu Trevirum (Taciti Ann.
III, 40.) eum esse voluerunt. Italus tamen civisque Romanus
fuisse videtur, nisi forte eius dicendi genus fucatusque orationis
color barbarum quid et, nisi fallor, Hispanum olet. Eum Au-
gusti aeo vixisse, Titzius, celeberrimus Flori editor, ex ipso
scriptore (IV, 3, 5, 12.) probare studet. Ad Lucium Iulium
Florum quendam Horatius Epist. II, 2. I, 3. scripsit. De prooemii
gentilitate, in quo *Traiani* aetas et populus *bis revirescens* indicatur,
inter VV. DD. adhuc dubitatur. Spartianus, unus ex historiae
Augustae scriptoribus, in vita Hadriani cap. XVI. Florum poetam
commemorat eiusque versiculos in Imperatorem scriptos:

*Ego nolo Caesar esse,
Ambulare per Britannos,
Scythicas pati pruinas.*

Quibus Hadrianus ita respondit:

*Ego nolo Florus esse,
Ambulare per tabernas,
Latitare per popinas,
Culices pati rotundos:*

Quem Annaeum Florum Charisius grammaticus poetam vocat, et ex eius ad Hadrianum epistola lib. I. p. 38. citat illa verba: *Poematis delector*, et eod. lib. p. 113. *quasi de Arabe aut Sarmata manubias*. Nostrum autem scriptorem poetica oratione usum esse, quis est, qui non animadvertat? Eidem Epitomae ex Livii historiarum libris conscriptae attribuuntur. Propter oratorium vel potius declamatorium scribendi genus in Flori libro non historia, quae vere dicitur, sed panegyricus in populum Romanum inesse non temere iudicatur. Lactantius lib. VII, c. 15. Institutionum Divinarum eum scriptorem, qui Romanae urbis tempora in aetates distribuit, Senecam appellat. Sed verba Senecae a Lactantio allata licet similia sint verborum Flori, tamen non sunt eadem, et Senecae divisio paullo alia est atque Flori in prologo historiae. *Iulium Florum*, qui declamator sub Tiberio vixit, nominat M. Seneca in Controvers. XXV. eundemque Fabius Quintilianus lib. X. cap. 3. mirae facundiae virum dicit *Iulium Secundum*. Alius *Florus* sub Nerone vixit, de quo Arrianus Diss. Epictetear. lib. I. cap. 2. Diversi tamen illi a nostro Floro esse videntur. Huius habemus *Epitomen de gestis Romanorum* sive *rerum Romanarum libros IV.* ab Urbe condita usque ad Iani templum prima vice clausum sub Augusto Imperatore; quod factum esse constat p. U. c. 725. Flori perpetuus imitator est Iordanes sive Iordanes, qui saeculo VI. de rebus Geticis scripsit; multa etiam Freculfum in Chronico, et Iulium Celsum sive Fr. Petrarham in Hist. Iulii Caesaris e nostro hausisse apparet. Ex Iusti Lipsii iudicio Florus composite, diserte, eleganter scripsit; subtilitate quidem et brevitate interdum mira; sententiarum quibusdam gemmulis cum iudicio insertis. Et Ioannes Freinshemius historicum nostrum artificiosa brevitate, puritate et elegantia sermonis, sententiarum acumine et pondere satis commendabilem praedicat. Cui laudi non plane adsenserim. Severum censorem nactus est Florus Io. Georg. Graevium in Praefatione ad eius editionem, qui multa in Floro ait passim occurrere, quae minime ferent aures teretes et religiosae; et tam in sententiis, quam in verbis esse multa *κακότηλα*, insana, *μειρακιδία*. Ultra modum enim eius sunt hyperbolae, ut I, 13, 17, II, 17, 12, IV, 11, 5, III, 10, 19, 5, 19, II, 6, 14. (si quidem locus est genuinus.) Putide etiam nonnumquam eruditionem ostendit et non suo loco, ut I, 17, 6. (locus est dubius) II, 2, 14., inepte dicta et quae ab emendate loquentium consuetudine aliena sunt; alia porro non observata temporis ratione narrantur, alia omittuntur, quae a lectore aegre desiderantur. Sed singulos locos, in quibus Florum peccasse dicunt, longum est hic enumerare. Monuisse sufficiat;

Florum depravata declamatorum aetatis suae dicendi consuetudine depravatum multum descivisse a nativa illa et infucata castitate et candore sermonis Latini, qui in Tulliani et Augustei seculi scriptoribus effulget; alioquin eum esse non plane centemnendum historiae Romanae epitomatores, dignum eum, qui a pueris, brevem et florida, interdum poetica, dictione compositam historiam rerum a Romanis gestarum, qualis est Flori, desiderantibus, studiose legatur. Mirum Cl. Salmasio videtur, Grammaticis tam invisum esse hoc Flori opus, ut nusquam aliquid ex eo ad testimonium citent. Eius tamen imitatio, quae inde a Iornande in multis historiae recentiorum nationum compendiis apparet, et editionum multitudo docent, eum a multis et omnibus temporibus quidem lectum fuisse et adhuc legi.

Princeps Flori editio est *Parisiensis* sine temporis, loci et typographi nota, cur. *Rob. Gaguino*. (*Gering*) in 4. Pertinet ad annum 1470—1472. Deinde secutae sunt editiones *Coloniensis*, s. a. l. et typogr. *Romana* per *Conr. Sweynheim* et *Arn. Pannartz*. 1472. *Lipsiensis* 1487. *Florentina* ex typogr. *Phil. Iuntae*. 8. 1510. Deinde exstiterunt hi editores: *Io. Ricutius Vellinus*, vulgo dictus *Camers*, *Viennae*. 1511. 4. *Elias Vinetus*, *Pictavis* 1554. 4. *Io. Stadius*, *Antverpiae* ex off. *Plantiniana* 1567. 8. *Io. Freinshemius*, *Argentorati* 1632. 8. *C. A. Duckerus*, *Lugd. Bat.* 1722. 1744. 2 Tom. 8. *Io. Georg. Graevius*, *Ultraieci* 1680. 8. *Amstelod.* 1702. 8. *Io. Frid. Fischerus*, *Lipsiae* 1760. 8. *Bipontina Societ.* 1783. ed. sec. 1810. 8. Nostro saeculo de Floro meriti sunt *Franc. Nicol. Titzius*, *Pragae* 1819. 8. *Seehodius*, *Hannoverae* 1818. Germanicae versiones factae sunt a *C. F. Kretschmanno*, *Lipsiae* 1785. 8. et a *Bertrando Francof.* ad *M.* 1789. 8. Accuratissimam de Flori vita, aetate, scriptis disquisitionem instituit *F. N. Titzius* in libello, cui titulus est: *De Epitomes Rerum Romanarum, quae sub nomine L. Annaei siue Flori siue Senecae fertur, aetate probabilissima, vero auctore, operis antiqui forma, Quaestionum novarum Libri III.* *Lincii* 1804. 8.

III. DE EUTROPIO.

De Eutropii natalibus et patria nihil certi constat; coniecturis et opinionibus nituntur, quae de eo feruntur. Nomen Eutropii Graecam originem prodit, et licet Eutropii quidam a saeculo inde quarto in Romana historia prodire coeperint, tamen dubium manet et incertum, an noster Eutropius inter eos inveniri possit. Flavii praenomen Eutropio cuidam Consuli in Fastis praeponitur. Si credere licet Anonymo in Antiquitatibus Constantinopolitanis, *ἐπιστολογράφος* seu Epistolaris Constantini Imp. fuit. Deinde *Julianum* Imp. *Parthis* bellum inferentem, comitatus est; cui

expeditioni, inquit, (lib. X, c. 16.) *ego quoque interfui*. Iuliano interfecto redux factus sub Imp. Valente floruit. Post bellum Gothiourum primum, a Valente contra Athanaricum a. 369 p. Chr. n. gestum, quod in fine operis sui innuere videtur, circa annum 370. p. Chr. n. supremum diem obiisse est verisimile. Alii eundem Proconsulem sub Valente fuisse autumant, teste Anniano Marcellino XXIX, 1. alii eum Proconsulem Asiae, quem Libanius Sophista commemorat; alii Praefectum Praetorio anno 381. p. Chr. n. uti e Codice Theodosiano colligitur. Sed pariter a vero aberrant, qui Eutrophium nostrum Augustini discipulum faciant, quod propter utriusque aevum esse non potuit. Neque Christi asseda fuisse videtur, quod nonnulli ex eius verbis de Iuliano (X, 16.) coniciunt. Iussu Valentis Imp. breviarium historiae Romanae in libros X descriptum confecit, in quo inde a primo Urbis exordio narratione perpetua strictim breviterque Romanorum res gestas ad Valentis aetatem deduxit. In conscribenda historia maxime secutus est Fabium Pictorem, Livium (ἐκτίμωσαν Λίβιον τὸν Πικτήριον. Suidas.), Sallustium, Suetonium, Historiae Augustae scriptores, alios, quos nominatim non commemorat, quibuscum tamen accurate consentit, ita ut autem oculos habuisse eos appareat. Oratio eius est tenuis, aperta et perspicua, vitiis aetatis suae adhaerentibus. Nihilominus tamen Eutropii libellus in magno semper honore habitus est diligentique lectione versatus, et in imitationem quoque vocatus, ut a Sexto Rufo, Orosio, Chronicorum scriptoribus, auctore Historiae Miscellae. Graecam versionem habemus a *Paeanio* quodam, qui non multo post Eutrophium vixisse videtur, confectam, quam alii referunt ad Capitonem Lucium, qui, Suida teste, nostrum Graece convertit. Duas olim exstitisse versiones Graecas, a se invicem maxime discrepantes, Tzschuckius demonstravit. Praeter breviarium etiam alios libros scripsit, Suida auctore; qui tamen fuerint, ignoratur. An maius illud opus, cuius spem in fine breviiarii movet, perfecit, non constat. De Constantinopolis instauratione Eutrophium scripsisse, Anonymus, qui supra laudatur, tradit. Sed de his, quum ea temporis iniuria perierint, nihil certi afferri potest.

Editio princeps Eutropii prodiit *Romae*, G. Lauer, die 20. Maii 1471. in 4. mai. Deinde plurimae sunt secutae, inter quas eminent: *Ant. Schonhopii*, Basileae 1546. 8. *El. Vineti*, Pictavii 1553. 8. *Henr. Glareani*, Friburgi 1554. 8. *Sylburgii* in Scriptt. hist. Tom. min. Francof. 1588. T. III. p. 559. *Paul. Merulae*, Lugd. Bat. 1592. *Christ. Collarii*, cum Paeanii metaphrasi Graeca, Cizae 1678. 8. Ed. in usum *Delphini*, Parisiis 1683. 4. *Sigeb. Havercampi*, Lugd. Bat. 1729. 8. Io. Fr. *Gruneri*, Coburgi 1752. 8. *Henr. Verheykii*, Lugd. Bat. 1762. *Bipontina* 1789. 8. in Hist. Rom. scriptt. minoribus. C. H. *Tzschuckii* ed. maior. Lipsiae 1796. 8. ed. minor, Lipsiae 1804. *Godofr. Seebodii*, Hannoverae 1817. *Fierichti*, Vindobonnae 1821. 8. *Paeanii versionem* e codice ἀπογράφῃ primus edidit *Sylburgius* in Scriptt. supra laudatis. Post repetita est a *Schmidio*, Lauenburgi 1736. Brunsvici 1763. 8. a *Kaltwassero*, Gothae 1780. 8. Antiquissima versio

Germanica exstat sine auct locique nota sub hoc titulo: *Flavii Eutropii Römische Historien und Chronick*. Recentiore aetate Eutropium fecerunt Germanicum *Hausius*, Francof. 1790. rec. ed. 1821. 8. *Büchlingius*, Lipsiae, 1794.

IV.

DE SEX. AURELIO VICTORE.

Quatuor librorum, qui sub S. Aurelii Victoris nomine aetatem tulerunt, et licet non ab uno auctore profecti, coniunctum uno volumine edi solent, ordinem ducit is, qui inscribitur: *De Origine Gentis Romanae*. In titulo, huic commentatiunculae, cuius non nisi principium exstat, praefixo, inter fontes, ex quibus sua hauserunt neoterici sive iuniores scriptores, Livius commemoratur, et, quod mirum est, Victor Afer. Sine dubio hic libellus, cuius auctorem nescimus, propter similitudinem argumenti a librariis adiungebatur libris S. Aur. Victoris de viris illustribus et de Caesaribus. Inde factum est, ut a Victore scriptus temere existimaretur. Inscriptio libelli non ab ipso auctore compositam, sed a recentiore manu additam esse, affirmavit Fabricius in Bibl. Lat. Vol. I. p. 571. Verisimile est, hanc de Origine G. R. commentatiunculam confectam esse ab aliquo, qui fuerit post Aurelium Victorem; atque idem epitomator, quicumque fuerit, acripit, ut ipse testatur, *de Origine Gentis Patavinæ*. Ceterum libellus dignus est, qui a iuvenibus historiae Romanae studiosis legatur, quum multa contineat, quae ex deperditis historicis excerpta, in scriptoribus adhuc exstantibus non leguntur.

Qui sequitur libellus *de Viris illustribus*, incipit a Proca, rege Albanorum, et vita Pompeii finitur. Quod adungi solet additamentum, continet vitas I. Caesaris, Augusti, aliorum, denique Cleopatrae. Ex libris manu scriptis id primus edidit Andreas Schottus. De huius quoque libri vero auctore dissentitur, aliis Plinio iun. qui in septem codd. auctor nominatur, aliis Corn. Tacito, aliis Suetonio Tranquillo, aliis Corn. Nepoti eum tribuentibus. In nonnullis codicibus dicitur pars prior historiae abbreviatæ Victoris, quem propterea genuinum eius auctorem esse Fabricius autumat. Si qui Victor scripserit de Viris illustribus, alius tamen esse videtur auctor scriptor de Caesaribus. Propter rerum ubertatem atque utilitatem, aequè ac propter orationem rectam suavemque iuventuti studiosae commendatur.

Libri *de Caesaribus* auctorem S. Aurelium Victorem esse, certioribus argumentis confirmari potest. In eo enim de se suaque aetate auctor ipse quaedam narrat. *Rure se ortum tenuique indocto patre* testatur cap. XX, 5. et cap. XVI, 12. aetatem indicat commemoratione *Cerealis Consulis*, quem 358 p. Chr. Consulatum fuisse Fasti docent. Deinde cap. XXVIII, 2. *consulatum*

Philippi commemorat, qui incidit in annum Christi 548. Porro ex cap. XL, 16. et XLI, 10. sub Constantino Imp. et Constantio Caesare eum scripsisse intelligitur, et cap. XLII, 20. narrat, Iulium Constantium annos tres atque viginti Augustum imperium regentem aegre ab armis abesse, quo annum 359 p. Chr. significat. Ammianus Marcellinus lib. XXI, cap. 18. de nostro Victore loqui videtur his verbis: Imperator (Iulianus) revertitur Naesum copiosum oppidum, quo impraepecte cuncta disponderet suis utilitatibus profutura. Ubi Victorem apud Sirmium visum, scriptorem historicum, exindeque venire praeceptum, Pannoniae secundae Consulare praefecit, et honoravit aenea statua, virum sobrietatis gratia aemulandum, multo post Urbi praefectum. In inscriptione antiqua, quae in Gruteri Corpore Inscriptt. p. CCLXXXVI. n. 5. legitur, S. Aur. Victor Vir Consularis, Urbis praefectus et Iudex Sacrarum Cognitionum commemoratur. Inscriptio haec est:

Priores versus desunt.

...IERVM. PRINCIPVM. CLEMENTIAM
...NCTITVDINEM. MVNIFICENTIAM
SVPERGRESSO

D. N. FL. THEODOSIO. PIO. VICTORI
SEMPER. AVGVSTO

SEX. AVR. VICTOR. V. C. VRBI. PRAEF.
IVDEX. SACRARVM. COGNITIONVM.

D. N. M. Q. E

Fragmentum est baseos, altum ped. b $1\frac{1}{2}$ effossum Romae in foro Traiani haud procul a columna eiusdem anno 1503. Litterae D. N. M. Q. E. significant: *Domino nostro maiestatique eius, vel expressum. Victorem historicum Christi asseclam non fuisse, christianis hominibus tamen non inimicum, patet ex cap. XXXIX, 45. et XLI, 5. Inscriptio libelli de Or. G. R. eum natione Afrum fuisse prodit, quod, Vossio de Hist. Lat. lib. II. cap. 8. monente, a vero non abhorret, quando quidem multus est in Africa laudanda, atque eam appellat terrarum decus (de Caes. cap. XL, 19.). Barthio Advers. lib. LIV. cap. 13. est summae autoritatis Historicus, Afrum in eo acumen, et densitas sententiarum nodosa, et summo affectatoque studio difficilis. In Adversariis ineditis Barthius dicit Victorem maxime serium scriptorem, Graeculo (Herodiano) longe fide digniorem, bene cordatum prudentemque.*

Denique additur libellus, qui inscribi solet *Epitome*, cuius auctorem hodie plane ignoramus. In libris manuscriptoris hic reperitur titulus: *Libellus de vita et moribus Imperatorum brevius ex libris Sexti Aurelii Victoris a Caesare Augusto usque ad Theodosium. Alii perhibent: De vita et moribus Imperatorum Romanorum excerpta ex libris Sexti Aurelii Victoris a Caesare Augusto usque ad Theodosium Imperatorem. Alii: De vita et moribus Imperatorum Romanorum Epitome ex libris Sexti Aurelii Victoris a Caesare Augusto usque ad excessum Theodosii Imp. In quibus nulla sit auctoris mentio. Libellus non ex solo Aurelio Victore*

de Caesaribus ad verbum excerpta continet, sed multa etiam ex aliis scriptoribus, interdum aliter atque in illo libro res narrantibus, delibata. Epitomatores Theodosio Imperatore, cuius faciem et habitum accurate, ut testis oculatus descripsit cap. XLVIII, 8. aetatem degisse, apparet ex fine libelli.

S. Aurelii Victoris editio princeps est *Sixti Ruesingeri* s. l. et a. (Romae circa a. 1472. 4, vel ut aliis videtur, Neapoli circa a. 1471.) Sequuntur *Florentina* 1474. 8. et *Veneta* 1501. 4. cum *Plinii Epp.* libram de viris illustribus continens. *Aldina* I. Venetiis 1516. cum Eutropio, Historia Miscella et Suetonio. Deinde insigni cura emendatus Noster prodiit ex officina *Frobenii*, edente *Sigism. Gelenio*, Basileae 1532. fol. cum Eutropio et Hist. Misc. Parisiis ap. *Rob. Stephanum* 1544. 8. Novae aetatis princeps Aur. Victori factus est *Andreas Schottus*, Antverpianus, qui libellum de Viris ill. urbis Romae, falso hactenus Corn. Nepoti, vel C. Plinio inscriptum, vero auctori reddidit in editione; quae prodiit Duaci 1577. 4. cum notis. Idem primus edidit libellum de Origine gentis Romanae, et de Caesaribus et iunioris cuiusdam Victoris libellum, qui Epitome vulgo vocatur, cum ceteris in unum volumen coniunxit. Ita primus integer editus est S. Aur. Victor Antverpiae 1579. 8. ex off. Plantiniana cum notis *Andr. Schotti*. Haec editio saepe repetita est et singulatim et in collectionibus Historicorum Romanorum a *Sylburgio* et *Grutero* factis. Porro plurima debet Noster *Io. Arntzenio* Icto Amstelod. qui eum cum notis priorum interpretum et emendatum ex Codd. edidit. Amstel. et Trai. Bat. 1733. 4. Eius vestigia secutus est *Io. Frid. Gruner*, cum animadversionibus criticis atque historicis, Coburgi 1757. 8. Secundum eius recensionem factae sunt editiones *Erlangensis* 1787. 8. quam animadv. ornavit *Harles*, et *Bipontina*, 1789. 8. De Viris ill. libellum edidit *Wachler*, Lemgoviae 1792. 8. *I. B. Friese*, Altonae 1804. 8. *I. H. Ch. Barby*, Berolini 1818. Omnes libros scriptoris nostri continet editio *Marburgensis* c. notis criticis, 1817. 8. cuius auctor secutus est *Grunerum* et *Harlesium*. Vide *Seebodii Krit. Bibl.* I. Jahrg. Bd. II. St. 4. Nr. 10. Hildesh. 1819. p. 923 sqq. Versionem Germanicam totius Victoris habemus *Hildebrandii*, Leipzig 1795. 8. et libellus de Viris ill. Germanicus prodiit *Hof* 1789. 8.

V. DE SEXTO RUFO.

De Sexto Rufo, quem alii *Rufum Festum*, alii *Festum Rufum Avienum* appellant, perpauca scimus. Ex inscriptione libelli apparet, eum sub Valente Imp. cui opusculum dedicavit, vitam egisse et Eutropio fuisse aequalem. Notae V. C. quas Rufi nomini appositae in dedicatione videmus, aut *Virum Consularem*,

aut *Virum Clarissimum* *) significant. In duobus codd. nominatur Festus Dictator. Valentis Imp. non Valentiniani, ut communi errore libri praeferunt, iussu impulsus, hoc *breviarium rerum gestarum populi Romani*, sive *de victoriis et provinciis P. R.* sensim per Reges, Consules, Imperatores usque ad Ioviani imperium prolatis libellum scripsit, Florum et Eutropium imitatus, cuius verba saepe refert. Ceterum quo anno Rufus natus, quove mortuus sit, qui fuerint parentes, quae patria, quos gesserit honores, ubi vitam degerit, plane nos latet. Exstat etiam Sexti Rufi nomine inscriptus libellus *de Regionibus urbis Romae*, quem primus edidit Onuphrius Panvinus, recentius optime Münnich. Non est, quod negemus illum eundem Rufum esse, qui et *breviarium* scripsit. *Ed. pr.* hic est titulus: *Breviarium, c. vitis quibusdam Plutarchi parallelis latine factis et al. a. I. A. Ant. Campano edit. s. l. et a. (Romae, ante 1470?) in fol. Paulo post prodiit cura Sixti Ruesingeri s. l. et a. in 4. ad calcem Aurelii Victoris. Constat hanc editionem Neapoli circa annum 1471 factam esse. Deinceps editores secuti sunt plures, inter quos eminent H. Meibomius, Helmstadii 1588. 8. Sylburgius, in Scriptt. Hist. Rom. T. I. Francof. ad Moen. 1588. fol. Cuspinianus, ibid. 1601. fol. Ian. Gruterus, in Hist. Augustae scriptoribus Lat. Hanoviae 1610. fol. T. II. qui primus Rufi libellum in capita distinxit. Cellarius, Halae Sax. 1698. 8. Sig. Havercampus Lugd. Bat. 1729. 8. H. Verheykius, ibid. 1762. 8. Bipontina Societas, 1789. 8. C. H. Tzschuckius, Lipsiae 1793. 12. G. Münnich, Hannoverae 1817. 8. cui editioni praestantissimae larga variantium lectionum collectio adiecta est.*

VI.

DE M. VALERIO MESSALA CORVINO.

M. Valerius Messala (Messalla in Fastis) Corvinus, nobili genere ortus, eodemque anno, quo Livius historicus, hoc est, 59 a. Chr. 695 p. U. c. C. Inlio Caesare et M. Calpurnio Bibulo Coss. natus est. Primum Triumviris adversarius et proscriptus, a Bruto Cassioque stetit, sed proelio ad Philippos commisso ad Antonium, mox ad Octavianum transiit, quocum consulatu functus est 723 p. U. c. et proelio apud Actium navali interfuit **). Octavianum primus in Senatu Patrem patriae salutavit ***). Quem

*) De titulo *Clarissimus*, quibusque dignitas *Clarissimus* attributa sit, vide *Panciroli* ad Notitiam Dignitatum, in Graevii Thes. A. R. T. VII. p. 1343 sq.

**) Vellei II, 72. Taciti Ann. XIII, 34. 84.

***) Sueton. Octav. 58.

deinde in Graeciam secutus, classi praefectus est, postea in Galliam pro Consule missus. De Aquitanis triumphum egit 727 p. U. c. Albius Tibullus poeta, qui in Messalae cohorte seu comitatu fuerat, quum is cum imperio extraordinario sen Legatus in Asiam profectus esset, ducem suum et patronum lib. I. el. VII. lib. IV. el. I. praecclare celebravit. Primus etiam Messala Praefectus Urbis fuit, sed sexto die magistratu eo se abdicavit, incivilem potestatem esse contestans, aut quasi nescius exercendi *). Quum memoria maxime valeret, septuagenarium tanta oblivio cepit, ut vel nominis sui oblivisceretur. Cui malo quum ulceris dolor acrior accessisset, inedia se confecit, annum aetatis LXXII. agens, 14 p. Chr. Insignis fuit orator „Cicerone melior et dulcior, et in verbis magis elaboratus“, et doctissimus Musarum patronus, cui Virgilius juvenile carmen Cirin dedicavit. Scripsit orationes, de Romanis familiis, de auspiciis, quum et Augur fuisset **). E scriptis eius nonnulla adhuc fragmenta supersunt. De progenie Augusti Caesaris libellus, cuius auctor Messala traditur, manifeste est spurius et supposititius, medii aevi foetus, latinitatem illius aevi redolens, utilis tamen, qui brevem de rebus Aeneae et de Romanorum imperio conspectum, variasque ex historia Romana narrationes contineat, ex eoque libello decrescentis Latinitatis formam et rationem iuvenes intelligant. Qui verus fuerit auctor, plane ignoratur. Manuscriptus quum alibi exstat, tum Oxonii in Bibliotheca Collegii Lincolnienensis.

Libellum hunc primus in lucem produxit *Jacobus Bedrotus*, philologus Argentoratensis, in editione Flori, quae prodiit *Basilae*, apud *Ioh. Hervagium Mense Martio Anno MDXXXII*. Deinde saepius editus est, Floro adnexus, *Parisiis*, 1539. *Moguntiae*, 1540. etc. Cum aliis scriptoribus historiae Romanae minoribus Messalae libellum edidit *Sylburgius* in opere saepe laudato, Tom. I. pag. 373 sqq. *Bipontina VV. DD. societas*, 1789. 8. *Hearnius*, cum *Eutropio*, *Oxonii* 1713. quam editionem repetiit *Havercampus*, *Lugduni Bat.* 1729. 8. *Tzschuckius* in *Auctoribus Latinis minoribus*, Tom. III. part. II. *Lipsiae* 1793. 12. et separatim eodem loco et anno. Ope codd. mss. restitutum esse Messalam in: *Effemeridi letterarie di Roma*, 1821. didici e *W. Hebenstreit* *Dictionario* edd. tum selectarum tum optimarum auctorum class. et Gr. et Rom. *Vindobonae* 1828. p. 140.



*) Taciti Ann. VI, 11. ibique interprpr.

**) Vellei. II, 36. Tacitus de Orat. 17. 18. Gellius N. A. XIII, 14. Heynius in Prooemio in Cirin Virgilii.

C. VELLEII PATERCULI
HISTORIAE ROMANAE

LIBRI DUO.

C. VELLEI PATERCULI

HISTORIAE ROMANAE

AD M. VINICIUM COS.

LIBER I.

I. ** [Epeus] tempestate distractus a duce suo Nestore, Metapontum condidit. Teucer, non receptus a patre Telamone, ob segnitiam non vindicatae fratris iniuriae, Cyprum adpulsus, cognominem patriae suae Salamina constituit. Pyrrhus, Achilles filius, Epirum occupavit; Phidippus Ephyram in Thesprotia. At rex regum Agamemnon, tempestate in Cretam insulam reiectus, tres ibi urbes statuit: duas a patriae nomine, unam a victoriae memoria, Mycenae, Tegeam, Pergamum. Idem mox scelere patruelis fratris Aegisthi, hereditarium exercentis in eum odium, et facinore uxoris oppressus occiditur. Regni potitur Aegisthus per annos VII. Hunc Orestes, matremque, socia consiliorum omnium sorore Electra, virilis animi femina, obtruncat. Factum ejus a Diis comprobatum, spatio vitae et felicitate imperii apparuit: quippe vixit annis XC, regnavit LXX, qui se etiam a Pyrrho, Achilles filio, virtute vindicavit. Nam quod pactae ejus, Menelae atque Helenae filiae, Hermiones, nuptias occupaverat, Delphis eum interfecit. Per haec tempora Lydus et Tyrrhenus fratres quam regnarent in Lydia, sterilitate frugum compulsi, sortiti sunt, uter cum parte multitudinis patria decederet. Sors Tyrrhenum contigit. Pervectus in Italiam, et loco et incolis et mari nobile ac perpetuum a se nomen dedit. Post Orestis interitum, filii ejus, Penthilus et Tisameus, regnare triennio.

II. Tum, fere anno octogesimo post Troiam captam, centesimo et vicesimo, quam Hercules ad Deos excesserat, Pelopis progenies, quae omni hoo tempore, pulsus Heraclidis, Peloponnesi imperium obtinuerat, ab Herculis progenie expellitur. Duces recuperandi imperii fuere, Temeus, Cresphontes, Aristodemus, quorum ahavus fuerat. Eodem fere tempore Athenae sub regibus esse desierunt: quarum ultimus rex fuit Codrus, Melanthi filius, vir non praetereundus. Quippe, quam Lacc-

daemonii gravi bello Atticos premerent, respondissetque Pythius, quorum dux ab hoste esset occisus, eos futuros superiores: deposita veste regia, pastorem cultum induit, immixtusque castris hostium, de industria rixam ciens, imprudenter interemptus est. Codrum cum morte aeterna gloria, Athenienses secuta victoria est. Quis eum non miretur, qui his artibus mortem quaesierit, quibus ab ignavis vita quaeri solet? Huius filius Medon primus Archon Athenis fuit. Ab hoc posterius apud Atticos dicti Medontidae, sed ii, insequentesque Archontes usque ad Charopem, dum viverent, eum honorem usurpabant. Peloponnesii, digredientes finibus Atticis, Megaram, mediam Corintho Athenisque urbem, condidere. Ea tempestate et Tyria classis, plurimum pollens mari, in ultimo Hispaniae tractu, in extremo nostri orbis termino insulam circumfusam Oceano, perexigua a continenti divisam freto, Gades condidit. Ab iisdem post paucos annos in Africa Utica condita est. Exclusi ab Heraclidis Orestis liberi, iactatque quum variis casibus, tum saevitia maris, quintodecimo anno sedem cepere circa Lesbum insulam.

III. Tum Graecia maximis concussa est motibus: Achaei ex Laconica pulsi, eas occupavere sedes, quas nunc obtinent: Pelasgi Athenas commigravere: acerque belli juvenis, nomine Thessalus, natione Thesprotius, cum magna civium manu, eam regionem armis occupavit, quae nunc ab eius nomine Thessalia appellatur, ante Myrmidonum vocitata civitas. Quo nomine mirari convenit eos, qui Iliaca componentes tempora, de ea regione, ut Thessalia, commemorant. Quod quum alii faciant, Tragicis frequentissime faciunt: quibus minime id concedendum est. Nihil enim ex persona poetae, sed omnia sub eorum, qui illo tempore vixerant, dixerunt. Quod si quis a Thessalo, Herculis filio, eos appellatos Thessalos dicet: reddenda erit ei ratio, cur numquam ante hunc insequentem Thessalum ea gens id nominis usurpaverit. Paulo ante Aletes, sextus ab Hercule, Hippotis filius, Corinthum, quae antea fuerat Ephyre, claustra Peloponnesi continentem, in Isthmo condidit. Neque est, quod miremur ab Homero nominari Corinthum. Nam ex persona poetae et hanc urbem et quasdam Ionum colonias iis nominibus appellat, quibus vocabantur aetate eius, multo post illam captum conditae.

IV. Athenienses in Euboea Chalcida et Eretriam colonis occupavere; Lacedaemonii in Asia Magnesiam. Nec multo post Chalcidenses, orti, ut praediximus, Atticis Hippocle et Megasthenes ducebus, Cumas in Italia condiderunt. Huius classis cursum esse directum alii columbae antecedentis volatu ferunt, alii, nocturno aeris sono, qualis Cerealius sacris cieri solet. Pars horum civium magno post intervallo Neapolim condidit. Utriusque urbis eximia semper in Romanos fides facit eas nobilitate atque amoeritate sua dignissimas. Sed aliis [illis] diligentior ritus patrii mansit custodia: Cumanos Oscan mutavit vicinia. Vires autem veteres earum urbium hodieque magnitudo ostentat moenium. Subsequenti tempore magna vis Graeciae

iuventutis, abundantia virum sedes quaeritans, in Asiam se effudit. Nam et Iones, duce Ione profecti Athenis, nobilissimam partem regionis maritimae occupavere, quae hodieque appellatur Ionia; urbesque constituere, Ephesum, Miletum, Colophonam, Prienum, Lebedum, Myntem, [Teum,] Erythram, Clazomenas, Phocaeam; multasque in Aegaeo atque Icario occupavere insulas, Samum, Chium, Andrum, Tenum, Parum, Delum, aliasque ignobiles. Et mox Aeolii, eadem profecti Graccia, longissimisque acti erroribus, non minus illustres obtinuerunt locos; clarasque urbes condiderunt, Smyrnam, Cymen, Larissam, Myrinam, Mitylenenque, et alias [urbes,] quae sunt in Lesbos insula.

V. Clarissimum deinde Homeri inluxit ingenium, sine exemplo maximum: qui magnitudine operis et fulgore carminum solus appellari Poëta meruit. In quo hoc maximum est, quod neque ante illum, quem ille imitaretur, neque post illum, qui eum imitari posset, inventus est. Neque quemquam alium, cuius operis primus auctor fuerit, in eo perfectissimum, praeter Homerum et Archilochum, reperimus. Ille longius a temporibus belli, quod composuit, Troici, quam quidam rentur, abfuit. Nam ferme ante annos DCCCCL floruit, intra mille natus est. Quo nomine non est mirandum, quod saepe illud usurpat, *ὅμοιόν τ' ἔστι βροτοῖς ἔπος*. Hoc enim ut hominum, ita seculorum notatur differentia. Quem si quis caecum genitum putat, omnibus sensibus orbis est.

VI. Insequenti tempore imperium Asiaticum ab Assyriis, qui id obtinuerant annis MLXX, translatum est ad Medos, abhinc annos ferme DCCCLXX. Quippe Sardanapalum eorum regem, mollitiis fluentem, et nimium felicem malo suo, tertio et tricesimo loco ab Nino et Semiramide, qui Babylona condiderant, natum, ita ut semper successor regni paterni foret filius, Arbaces [Pharnaces] Medus imperio vitaeque privavit.

Ea aetate clarissimus Graeci nominis Lyncurgus, Lacedaemonius, vir generis regii, fuit severissimarum iustissimarumque legum auctor, et disciplinae convenientissimae inventor; cuius quamdiu Sparta diligens fuit, excelsissime floruit. Hoc tractu temporum, ante annos quinque et sexaginta, quam urbs Romana conderetur, ab Elissa Tyria, quam quidam Dido autumant, Carthago conditur. Circa quod tempus Caranus; [vir generis regii,] sextus decimus ab Hercule, profectus Argis, regnum Macedoniae occupavit. A quo magnus Alexander quum fuerit septimus decimus, iure, materni generis Achille auctore, paterni Hercule, gloriatus est. [Inter hoc tempus et initium Nini regis Assyriorum, qui princeps rerum potitus, intersunt anni MDCCCXCIV.]

VII. Huius temporibus aequalis Hesiodus fuit, circa CXX annos distinctus ab Homeri aetate, vir perelegantis ingenii, et mollissima dulcedine carminum memorabilis, otii quietisque cupidissimus; ut tempore tanto viro, ita operis auctoritate proximus. Qui vitavit, ne in id, quod Homerus, incideret: patriamque et parentes testatus est; sed patriam, quia multatus ab ea erat, contumeliosissime.

Dum in externis moror, incidi in rem domesticam, maximique erroris et multum discrepantem auctorum opinionibus. Nam quidam, huius temporis tractu, aiunt, a Tuscis Capuam, Nolamque conditam, ante annos fere DCCCXXX: quibus equidem adsenserim. Sed M. Cato quantum differt! qui dicat, Capuam ab eisdem Tuscis conditam, ac subinde Nolam; stetisse autem Capuam, antequam a Romanis caperetur, annis circiter CCLX. Quod si ita est, quum sint a Capua capta anni CCXL: ut condita est, anni sunt fere D. Ego (pace diligentiae Catonis dixerim) vix crediderim, tam mature tantam urbem crevisse, floruisse, concidisse, resurrexisse.

VIII. Clarissimum deinde omnium ludicrum certamen, et ad excitandam corporis animique virtutem efficacissimum, Olympiorum initium habuit, auctorem Iphitum Elium. Is eos ludos mercatumque instituit ante annos, quam tu, M. Vinici, Consulatum inires, DCCCCXIII. Hoc sacrum eodem loco instituisse fertur abhinc annos ferme MCCL Atreus, quum Pelopi patri funebres ludos faceret. Quo quidem in ludicro, [luctae] omnisque generis certaminum Hercules victor exstitit. Tum Athenis perpetui Archontes esse desierunt, quum fuisset ultimus Alcmaeon, coeperuntque in denos annos creari. Quae consuetudo in annos LXX mansit: ac deinde annuis commissa est magistratibus Respublica. Ex iis, qui denis annis praefuerunt, primus fuit Charops, ultimus Eryxias: ex annis, primus Creon.

Sexta Olympiade, post duos et viginti annos, quam prima constituta fuerat, Romulus, Martis filius, ultis iniurias avi, Romam urbem Parilibus in Palatio condidit; a quo tempore ad vos Coss. anni sunt DCCLXXXIII. Id actum post Troiam captam annis CDXXXVII. Id gessit Romulus, adiutus legionibus Latinis avi sui. Libenter enim his, qui ita prodiderunt, accesserim: quum aliter firmare urbem novam, tam vicinis Veientibus, aliisque, Etruscis ac Sabinis, cum imbelli et pastoralis manu vix potuerit, quamquam eam, asylo facto inter duos lucos, auxit. Hic centum homines electos, appellatosque Patres, instar habuit consilii publici. Hanc originem nomen Patriciorum habet. Raptus virginum Sabinarum ***

[*Ingens lacuna, qua absorpta est historia usque ad annum, quo Perseus, rex Macedoniae, victus est. Ad hunc locum pertinet fragmentum, quod laudat Priscian. VI. p. 700. » M. Vellejus Paterculus primo: Nec minus clarus ea tempestate fuit Miltiades filius, Cimon.*]

IX. *** quam timuerat hostis, expetit. Nam biennio adeo varia fortuna cum Coss. conflixerat, ut plerumque superior fuerit, magnamque partem Graeciae in societatem suam perduceret. Quin Rhodii quoque, fidelissimi antea Romanis, tum dubia fide, speculati fortunam, prouiores regis partibus fuisse visi sunt; et rex Eumenes in eo bello medius fuit animo, neque fratris iniuriis, neque suae respondit consuetudini. Tum Senatus populusque Romanus Aemilium Paullum, qui et Praetor et Consul triumphaverat, virum in tantum laudandum, in quantum intelligi virtus potest, Consulem creavit; filium eius

Psulli, qui ad Caunas quam tergiversanter perniciosam Reipublicae pugnam inierat, tam fortiter in ea mortem obierat. Is Perseu ingenti proelio, apud urbem nomine Pydoam in Macedonia, fuso fugatumque castris exiit; deletisque eius copiis, destitutum omni spe coëgit e Macedonia profugere. Quam ille linqueus, in iusulam Samothraciam profugit, templique se religioni supplicem credidit. Ad eum Cn. Octavius Praetor, qui classi praeerat, pervenit; et ratione magis quam vi persuasit, ut se Romanorum fidei committeret. Ita Paullus maximum nobilissimumque regem in triumpho duxit. Quo anno et Octavii Praetoris navalis, et Avicii regem Illyriorum Gentium ante curru agentis, triumphi fuere celebres. Quam sit assidua eminentis fortunae comes invidia, altissimisque adhaereat, etiam hoc colligi potest, quod, quum Anicii Octaviiue triumphum nemo interpellaret, fuere, qui Paulli impedire obniterentur: cuius tantum priores excessit, vel magnitudine regis Persei, vel specie simulacrorum, vel modo pecuniae, ut his millies centies HS. aersio contulerit, et omnium ante actorum comparisonem amplitudine vicerit.

X. Per idem tempus, quum Antiochus Epiphanes, qui Athenis Olympicum inchoavit, tum rex Syriae, Ptolemaeum puerum Alexandriae obsideret, missus est ad eum legatus M. Popillius Laenas, qui iuberet incepto desistere. Mandataque exposuit, et regem, deliberaturum se dicentem, circumscripsit virgula, iussitque prius responsum reddere, quam egrederetur finito arenae circulo. Sic cogitationem regiam Romana disiecit constantia; obeditumque imperio. Lucio suten Paulo, magnae victoriae compoti, quatuor filii fuere. Ex iis duos, natu maiores, unum P. Scipioni, P. Africani filio, nihil ex paterna maiestate praeter speciem nominis, vigoremque eloquentiae retinenti, in adoptionem dederat, alterum Fabio Maximo: duos minores natu, praetextatos, quo tempore victoriam adeptus est, [domi] habuit. Is quum in concione extra urbem, more maiorum, ante triumphi diem, ordinem actorum suorum commemoraret, Deos immortales precatus est, *ut, si quis eorum invideret operibus ac fortunae suae, in ipsum potius saevirent, quam in Rempublicam.* Quae vox, veluti oraculo emissa, magna parte eum spoliavit sanguinis sui. Nam alterum ex suis, quos in familia retinuerat, liberis, ante paucos triumphi, alterum post pauciores amisit dies. Aspera circa haec tempora censura Fulvii Flacci et Postumii Albini fuit. Quippe Fulvii Censoris frater, et quidem consors, Cu. Fulvius, Senatu motus est ab iis Censoribus.

XI. Post victum captumque Persen, qui quadriennio post in libera custodia Albae decessit, Pseudophilippus, a mendacio simulatae originis appellatus, qui se Philipppum regiaeque stirpis ferebat, quum esset ultimae, armis occupata Macedonia, adsumtis regni insignibus, brevi temeritatis poenas dedit: quippe Q. Metellus Praetor, cui ex virtute Macedonici nomen iudicatum erat, praeclara victoria ipsum gentemque superavit, et immani etiam Achaeos rebellare incipientes fudit acie. Hic est Metellus Macedonicus, qui porticus, quae fuere circumdatae duabus

aedibus sine inscriptione positis, quae nunc Octaviae porticibus ambiuntur, fecerat: quique hanc turmam statuarum equestrium, quae frontem aedium spectant, hodieque maximum ornamentum eius loci, ex Macedonia detulit. Cuius turmae hanc causam referunt: Magnum Alexandrum impetrasse a Lysippo, singulari talium auctore operum, ut eorum equitum, qui ex ipsius turma apud Granicum flumen ceciderant, expressa similitudine figurarum, faceret statuas, et ipsius quoque iis interponeret. Hic idem primus omnium Romae aedem ex marmore in iis ipsis monumentis molitus, [huius] vel magnificentiae vel luxuriae princeps fuit. Vix ullius gentis, aetatis, ordinis hominem inveneris, cuius felicitatem fortunae Metelli compares. Nam praeter excellentes triumphos, honoresque amplissimos, et principale in Republica fastigium, extantumque vitae spatium, et acres innocentesque pro Republica cum inimicis contentiones, quatuor filios sustulit, omnes adultae aetatis vidit, omnes reliquit superstites et honoratissimos. Mortui eius lectum pro rostris sustulerunt quatuor filii: unus Consularis et Censorius, alter Consularis, tertius Consul, quartus candidatus Consulatui, quem honorem adeptus est. Hoc est nimirum magis, feliciter de vita migrare, quam mori.

XII. Universa deinde, ut praediximus, instincta in bellum Achaia, cuius pars magna eiusdem Metelli Macedonici virtute armisque fracta erat, maxime Corinthiis in arma, cum gravibus etiam in Romanos contumeliis, instigantibus, destinatus ei bello gerendo Consul Mummius. Et sub idem tempus, magis, quia volebant Romani, quidquid de Carthaginensibus diceretur, credere, quam quia credenda adferebantur, statuit Senatus Carthaginem exidere. Ita eodem tempore P. Scipio Aemilianus, vir avitis P. Africani paternisque L. Paulli virtutibus simillimus, omnibus belli ac togae dotibus, ingenique ac studiorum eminentissimus seculi sui, qui nihil in vita nisi laudandum aut fecit aut dixit ac sensit, quem, Paulo genitum, adoptatum a Scipione Africano filio, diximus, aedilitatem petens Consul creatus est. Bellum Carthagini, iam ante biennium a prioribus Consulibus illatum, maiore vi intulit: quum ante in Hispania murali corona, in Africa obsidionali donatus esset; in Hispania vero etiam ex provocatione, ipse modicus virum, immanis magnitudinis hostem interemisisset. Eamque urbem, magis invidia imperii, quam ullius eius temporis noxiae invisam Romano nomini, funditus sustulit: fecitque suae virtutis monumentum, quod fuerat avi eius clementiae. Carthago diruta est, quum stetisset annos DCLXXII, abhinc annos CLXXVII, Cn. Cornelio Lentulo, L. Mummius Coss. Hunc finem habuit Romani imperii Carthago aemula; cum qua bellare maiores nostri coepere Claudio et Fulvio Coss. ante annos CCXCIV, quam tu, M. Vinici, Consulatui inires. Ita per annos CXVIII, aut bellum inter eos populos, aut belli praeparatio, aut infida pax fuit. Neque se Roma, iam terrarum orbe superato, securam speravit fore, si nomen usquam stantis maneret Carthaginis: adeo odium, certaminibus ortum, ultra metum durat;

et ne in victis quidem deponitur; neque ante invisum esse desinit, quam esse desiit.

XIII. Ante triennium, quam Carthago deleteretur, M. Cato, perpetuus diruendae eiua auctor, L. Censorino, M. Manlio Coss. mortem obiit. Eodem anno, quo Carthago concidit, L. Mummius Corinthum, post annos DCCCCLII, quam ab Alete, Hippotis filio, erat condita, funditus eruit. Uterque imperator, devictae a se gentis nomine honoratus, alter Africanns, alter appellatus est Achaïens. Nec quisquam ex novis hominibus prior Mummio cognomen virtute partum vindicavit. Diversi imperatoribus mores, diversa fuere studia. Quippe Scipio tam elegans liberalium studiorum omnisque doctrinae et auctor et admirator fuit, ut Polybium Panaetiumque, praecellentes ingenio viros, domi militiaeque secum habuerit. Neque enim quisquam hoc Scipione elegantius intervalla negotiorum otio dispunxit, semperque aut belli aut pacis serviit artibus: semper inter arma ac studia versatus, aut corpus periculis aut animum disciplinis exercuit. Mummius tam rudis fuit, ut, capta Corintho, quum maximorum artificum perfectas manibus tabulas ac statuas in Italiam portandas locaret, iuberet praedici conducentibus, si eas perdidissent, novas eos reddituros. Non tamen, puto, dubites, Vinici, quin magis pro Republica fuerit, manere adhuc rudem Corinthiorum intellectum, quam in tantum ea intelligi, et quin hac prudentia illa imprudentia decori publico fuerit convenientior.

XIV. Quum facilis cuiusque rei in unum contracta species, quam divisa temporibus, oculis animisque inhaereat; statui priorem huius voluminis posterioremque partem, non inutili rerum notitia in artum contracta, distinguere; atque huic loco inserere, quæ quoque tempore, post Romam a Gallis captam, deducta sit colonia jussu Senatus. Nam militarium et causae et auctores et ipsarum praefulgent nomine. Huic rei per idem tempus civitates propagatas, auctumque Romanum nomen communione inris, haud intempestive subtexturi videmur. Post septem annos, quam Galli urbem ceperunt, Sutrinum deducta colonia est; et post annum Setia; novemque interiectis annis Nepe: deinde, interpositis duobus et triginta, Aricini in civitatem recepti. Abhinc annos autem CCCLXII, Sp. Postumio, Veturio Calvino Coss. Campanis data est civitas, partique Samnitium, sine suffragio: et eodem anno Cales deducta colonia. Interiecto deinde triennio Fundani et Formiani in civitatem recepti, eo ipso anno, quo Alexandria condita est. Insequentibusque Coss. a Sp. Postumio, Philone Publilio, Censoribus, Acerranis data civitas, et post triennium Terracina deducta colonia; interpositoque quadriennio Luceria; ac deinde, interiecto triennio, Suessa Aurunca; et-Satricula, Interamnague post biennium. Decem deinde hoc munere anni vacaverunt. Tunc Sora atque Alba deductae coloniae, et Carseoli post biennium. At quintum Fabio, Decio Mure quartum Coss. quo anno Pyrrhus regnare coepit, Sinnessam Minturnasque missi coloni, post quadriennium Venusiam: interiectoque biennio, M. Curio et Rufino Cor-

nelio Coss. Sabinis sine suffragio data civitas. Id actum ante annos ferme CCCXX. At Cossam et Paestum abhiuc annos ferme CCC, Fabio Dorsone et Claudio Canina Coss. interiecto quinquennio, Sempronio Sopho et Appio Caeci filio Coss. Ariminum, Beneventum, coloni missi; et suffragii ferendi ins Sabinis datum. At initio primi belli Punici Firmum et Castrum colonis occupata; et post annum Aesernia; postque XXII annos Aesulum et Alsium; Fregenacque post biennium; proximoque anno, Torquato Sempronioque Coss. Brundisium; et post triennium Spoletium, quo anno Floralium ludorum factum est initium. Postque biennium ducta Valentia, et sub adventum in Italiam Hannibalis, Cremona atque Placentia.

XV. Deinde, neque dum Hannibal in Italia moratur, neque proximis post excessum eius annis, vacavit Romanis colouias condere; quum esset in bello conquirendus potius miles, quam dimittendus, et post bellum vires refovendae magis, quam spargendae. Cn. autem Manlio Volsone et Fulvio Nobiliore Coss. Bononia deducta colonia, abhinc annos ferme CCVII; et, post quadriennium; Pisaurum ac Potentia; interiectoque triennio Aquileja et Gravisca, et post quadriennium Luca. Eodem temporum tractu, quamquam apud quosdam ambigitur, Puteolos Salernumque et Buxentum missi coloni. Auximum autem in Picenum, adhinc annos CLXXVII, ante triennium, quam Cassius Censor, a Lupericali in Palatium versus, theatrum facere instituit; cui inde moliendo eximia civitatis severitas et Consul Scipio restitere; quod ego inter clarissima publicae voluntatis argumenta numeraverim. Cassio autem Longino et Sextio Calvino, qui, Sallues apud Aquas, quae ab eo Sextiac appellantur, devicit, Consulibus, Fabrateria deducta est, abhinc annos ferme CLIII; et post annum, Sevlacium, Minervium, Tarentum, Neptunia; Carthagoque in Africa, prima, ut praediximus, extra Italiam colonia condita est. De Dertona ambigitur. Narbo autem Martius in Gallia, Porcio Marcioque Coss., abhinc annos circiter CLIII, deducta colonia est. Post tres et viginti annos in Bagiennis Eporedia, Mario sexiens, Valerioque Flacco Coss. Neque facile memoriae mandaverim, quae, nisi militaris, post hoc tempus deducta sit.

XVI. Quum haec particula operis velut formam propositi excesserit, quamquam intelligo, mihi in hac tam praecipiti festinatione, quae me rotae pronive gurgitis ac vorticis modo nusquam patitur consistere, paene magis necessaria praetereunda, quam supervacua amplectenda: nequeo tamen temperare mihi, quin rem, saepe agitatam animo meo, neque ad liquidum ratione perductam, signem stilo. Quis enim abunde mirari potest, quod eminentissima cuiusque professionis ingenia, in eandem formam, et in idem artati temporis congruerint spatium; et quemadmodum clausa capso, aliove septo, diversi generis animalia, nihilo minus separata alienis, in unum quaeque corpus congregantur; ita cuiusque clari operis capacia ingenia in similitudinem et temporum et profectuum semet ipsa ab aliis separaverunt? Una, neque multorum annorum spatio divisa,

aetas, per divini spiritus viros, Aeschylum, Sophoclem, Euripidem, illustravit tragoediam: una priscam illam et veterem sub Cratino, Aristophane et Eupolide comoediam: ac novam comicam Menandrus, aequalesque eius aetatis magis quam operis, Philemon ac Diphilus, et invenere intra paucissimos annos, neque imitanda reliquere. Philosophorum quoque ingenia, Socratico ore defluentia, quanto post Platouis Aristotelisque mortem florere spatio? Quid ante Isocratem, quid post eius auditores eorumque discipulos clarum in oratoribus fuit? Adeo quidem omnium, quos paulo ante enumeravimus, aevum artatum angustis temporum, ut nemo memoria dignus alter ab altero videri nequiverint.

XVII. Neque hoc in Graecis, quam in Romanis, evenit magis. Nam, nisi aspera ac rudia repetas, et inventi laudanda nomine, in Accio circaque eum Romana tragoedia est; dulcesque Latini leporis facitiae per Caecilium Terentiumque et Afranium suppari aetate nituerunt. Historicos (ut et Livium quoque priorum aetati adstruus) praeter Catonem et quosdam veteres et obscuros, minus LXXX annis circumdatum aevum tulit: ut nec poetarum in antiquis ceterisque processit ubertas. At oratio ac vis forensis, perfectumque prosae eloquentiae decus, ut idem separaretur Cato, (pace P. Crassi, Scipionisque, et Laelii, et Graechorum, et Fannii, et Servii Galbae dixerim) ita universa sub principe operis sui erupit Tullio, ut delectari ante eum paucissimis, mirari vero neminem possis, nisi aut ab illo visum, aut qui illum viderit. Hoc idem evenisse grammaticis, plasticis, pictoribus, sculptoribusque, si quis temporum institerit notis, reperiet, et eminentiam cuiusque operis artissimis temporum claustris circumdatam. Huius ergo recedentis in suum seculum ingeniorum similitudinis, congregantisque semet in studium par et emolumentum, causas quum semper requiro; numquam reperio, quas esse veras confidam, sed fortasse verisimiles; inter quas has maxime. Alit aemulatio ingenia; et nunc invidia, nunc admiratio incitationem accendit; naturaque, quod summo studio petatum est, ascendit in summum; difficilisque in perfecto mora est; naturaliterque, quod procedere non potest, sequi desinet, et, velut occupatam relinquens materiam, quaerit novam; praeteritoque eo, in quo eminere non possumus, aliquid, in quo nitamur, conquirimus; sequiturque, ut frequens ac mobilis transitus maximum perfecti operis impedimentum sit.

XVIII. Transit admiratio a conditione temporum ad urbem. Una urbs Attica pluribus artibus eloquentiae, quam universa Graecia, operibusque floruit; adeo ut corpora gentis illius separata sint in alias civitates; ingenia vero solis Atheniensium muris clausa existimes. Neque ego hoc magis miratus sum, neminem Argivum, Thebanum, Lacedaemonium oratorem, aut dum vixit auctoritate, aut post mortem memoria dignum existimatum. Quae urbes et civitates talium studiorum fuere steriles, nisi Thebas unum os Pindari illuminaret; nam Alcmaena Lacones falso sibi vindicant.

C. VELLEII PATERCULI
HISTORIAE ROMANAE
AD M. VINICIUM COS.

LIBER II.

I. **P**otentiae Romanorum prior Scipio viam aperuerat, luxuriae posterior aperuit. Quippe remoto Carthaginis metu, sublataque imperii aemula, non gradu, sed praecipiti cursu, a virtute descitum, ad vitia transcursum; vetus disciplina deserta, nova inducta; in somnum a vigiliis, ab armis ad voluptates, a negotiis in otium conversa civitas. Tum Scipio Nasica in Capitolio porticus, tum, quas praediximus, Metellus, tum in Circo Cn. Octavius multo amoenissimum, moliti sunt: publicamque magnificentiam secuta privata luxuria est. Triste deinde, et contumeliosum bellum in Hispania, duce latronum Viriatho, secutum est, quod ita varia fortuna gestum est, ut saepius Romanorum gereretur adversa. Sed interemto Viriatho, fraude magis quam virtute Servillii Caepionis, Numantinum gravius exarsit. Haec urbs numquam plura quam X millia propriae iuventutis armavit; sed, vel ferocia ingenii, vel inscitia nostrorum ducum, vel fortunae indulgentia, quum alios duces, tum Pompeium, magni nominis virum, ad turpissima deduxit foedera, (hic primus e Pompeiis Consul fuit,) nec minus ad turpia ac detestabilia Mancinum Consulem. Sed Pompeium gratia impunitam habuit: Mancinum verecundia, culpa poenam non recusando, perduxit huc, ut per Fetiales nudus, ac post tergum religatis manibus, dederetur hostibus. Quem illi recipere se negaverunt, sicut quondam Candini fecerunt, dicentes, *publicam violationem fidei non debere unius sui sanguine.*

II. Immanem deditio Mancini civitatis movit dissensionem. Quippe Tib. Gracchus, Tib. Gracchi clarissimi atque eminentissimi viri filius, P. Afriani ex filia nepos, quo Quaestore et auctore id foedus ictum erat, nunc graviter ferens aliquid a se factum infirmari, nunc similis vel iudicii vel poenae metuens discrimen, Tribunus plebis creatus, (vir alioqui vita innocentissimus, ingenio florentissimus, proposito sanctissimus, tantis denique adornatus virtutibus, quantas perfecta et natura et industria mortalis conditio recipit) P. Mucio Scaevola, L. Calpurnio Coss. abhinc annos CLXII descivit a bonis. Pollicitusque toti Italiae civitatem, simul etiam promulgatis agrariis legibus, omnibus statim [statum] concupiscentibus [concutientibus], summa imis miscuit; et in praeruptum atque anceps peri-

culum adduxit Rempublicani: Octavioque collegae, pro bono publico stanti, imperium abrogavit: Triumviros agris dividendis coloniisque deducendis creavit se, socerumque suum, Consularem Appium, et Gracchum fratrem, admodum juvenem.

III. Tum P. Scipio Nasica, eius, qui optimus vir a Senatu iudicatus erat, nepos; eius qui Censor porticus in Capitolio fecerat, filius; pronepos autem Cn. Scipionis, celeberrimi viri, P. Africani patrum, privatusque et togatus, quum esset consobrinus Tib. Gracchi, patriam cognationi praeferens, et quidquid publice salutare non esset, privatim alienum existimans, (ob eas virtutes primus omnium absens Pontifex Maximus factus est,) circumdata laevo brachio togae lacinia, ex superiore parte Capitolii, summis gradibus insistens, hortatus est, *qui salvam vellet Rempublicam, se sequerentur*. Tum optimates, Senatus atque equestris ordinis pars melior et maior, et intacta perniciosi consiliis plebs, irruere in Gracchum, statim in area cum catervis suis, et concientem paene totius Italiae frequentiam. Is fugiens, decurrensque clivo Capitolino, fragmine subsellii ictus, vitam, quam gloriosissime degere potuerat, immatura morte finivit. Hoc initium in urbe Roma civilis sanguinis, gladiatorumque impunitatis fuit. Inde ius vi obrutum, potentiorque habitus prior: discordiaeque civium, antea conditionibus sanari solitae, ferro diiudicatae; bellaque non caussis inita, sed prout eorum merces fuit. Quod haud mirum est. Non enim ibi consistunt exempla, unde coeperunt; sed, quamlibet in tenuem recepta tramitem, latissime evagandi sibi viam faciunt: et, ubi semel recto decurratum est, in praecipem pervenitur: nec quisquam sibi putat turpe, quod alii fuit fructuosum.

IV. Interim dum haec in Italia geruntur, Aristonicus, qui mortuo rege Attalo, a quo Asia populo Romano hereditate relicta erat, sicut relicta postea est a Nicomede Bithynia; mentitus regiae stirpis originem, armis eam occupaverat; is victus a M. Perpenna, ductusque in triumpho, sed a M. Aquillio, capite poenas dedit; quum initio belli Crassum Mucianum, virum iuris scientissimum, decedentem ex Asia Proconsulem, interemisset. Et P. Scipio Africanus Aemilianus, qui Carthaginem deleverat, post tot acceptas circa Numantiam clades, creatus iterum Consul, missusque in Hispaniani, fortunae virtutisque, expertae in Africa, respondit in Hispania: et intra annum ac tres menses, quam eo venerat, circumdatam operibus Numantiam excisamque aequavit solo. Nec quisquam ullius gentis hominum ante eum clariori urbium excidio nomen suum perpetuae commendavit memoriae. Quippe, excisa Carthagine ac Numantia, ab alterius nos metu, alterius vindicavit contumeliis. Hic, eum interrogante Tribuno Carbone, *quid de Tib. Gracchi caede sentiret?* respondit: *si is occupandae Reipublicae animum habuisset, iure caesum*. Et, quum omnis concio adclamasset: *Hostium, inquit, armatorum totiens clamore non territus, qui possum vestro moveri, quorum nocere est Italia?* Reversus in Urbem intra breve tempus, M. Aquillio, C. Sem-

pronio Coes. abhinc annos CLVIII, post duos Consulatus, duosque triumphos et his excisos terrores Reipublicae, mane in lectulo repertus est mortuus, ita ut quaedam elisarum faucium in eerviee reperirentur notae. De tanti viri morte nulla habita est quaestio: eiusque corpus velato capite elatum est, cuius opera super totum terrarum orbem Roma extulerat eaput. Seu fatalem, ut plures, seu conflata insidiis, ut aliqui prodidere memoriae, mortem obiit; vitam certe dignissimam egit, quae nullius ad id temporis praeterquam avito fulgore vinecretur. Decessit anno ferme LVI. De quo si quis ambigat, recurrat ad priorem Consulatum eius, in quem creatus est anno XXXVIII: ita dubitare desinet.

V. Ante tempus excisae Numantiae praeclara in Hispania militia D. Bruti fuit, qui, penetratis omnibus Hispaniae gentibus, ingenti vi hominum, urbiumque potitus numero, aditis quae vix audita erant, Gallacei cognomen meruit. Et ante enim paucis annis tam severum illius Q. Macedoniei in his gentibus imperium fuit, ut, quum urbem Contrebiam nomine in Hispania oppugnaret, pulsas praecipiti loco quinque cohortes legionarias, eodem protinus subire iuberet, facientibusque omnibus in procinctu testamenta, velut ad certam mortem eundum foret, non deterritus proposito, perseverantia dueis, quem moriturum miserat militem, victorem recepit: tantum effieit mixtus timori pudor, spesque desperatione quaesita. Hic virtute ac severitate facti, at Fabius Aemilianus, Paulli exemplo, disciplinae, in Hispania fuit elarissimus.

VI. Decem deinde interpositis annis, qui Tib. Gracchum, idem Caium, fratrem eius, oeenpavit furor, tam virtutibus eius omnibus, quam hunc errori similem, ingenio etiam eloquentiaque longe praestantiorum. Qui quum summa quiete animi civitatis princeps esse posset, vel vindicandae fraternae mortis gratia, vel praemuniendae regalis potentiae, eiusdem exempli tribunatum ingressus, longe maiora et acriora repetens, dabat civitatem omnibus Italieis, extendebat eam paene usque Alpes; dividebat agros; vetabat quemquam eivem plus quingentis iugeribus habere (quod aliquando lege Licinia cautum erat); nova constituebat portoria; novis coloniis replebat provincias; indicia a Senatu transferebat ad equites; frumentum plebi dare instituerat; nihil immotum, nihil tranquillum, nihil quietum denique in eodem statu relinquebat; quin alterum etiam continuavit tribunatum. Hunc L. Opimius Consul, qui Praetor Fregellas excederat, persecutus armis, unaque Fulvium Flaccum, Consularem ac triumphalem virum, aequae prava enipientem, quem C. Gracchus in locum Tiberii, fratris Triumvirum nominaverat, et cum socium regalis adsumserat potentiae, morte adficit. Id nnum nefarie ab Opimio proditum, quod capitis, non dicam Gracchi, sed eivis Romani pretium se daturum, idque auro repensurum proposuit. Flaccus in Aventino, armatos ad pugnam ciens, eum filio maiore iugalatus est. Gracchus profugiens, quum iam comprehenderetur ab iis, quos Opimius miserat, cervicem Euporo servo praebuit, qui non segnius se ipse

interemit, quam domino succurrerat. Quo die singularis Pomponii equitis Romani in Gracchum fides fuit, qui more Coclitis, sustentatis in ponte hostibus eius, gladio se transfixit. Ut Tib. Gracchi antea corpus, ita Caii, mira crudelitate victorum, in Tiberim deiectum est.

VII. Hunc Tib. Gracchi liberi, P. Scipionis Africani nepotes, viva adhuc matre Cornelia, Africani filia, viri optimis ingeniis male usi, vitae mortisque habuere exitum. Qui si civilem dignitatis concupissent modum; quidquid tumultuando adipisci gestierunt, quietis obtulisset Respublica. Huic atrocitati adiectum scelus unicum. Quippe iuvenis, specie excellens, necdum duodevicesimum transgressus annum, immunisque delictorum paternorum, Fulvii Flacci filius, quem pater legatum de conditionibus miserat, ab Opimio interemptus est. Quem quum haruspex Tuscus, amicus, flentem in vincula duci vidisset, *Quin tu hoc potius*, inquit, *facis?* protinusque, illiso capite in postem lapideum ianuae carceris, effusoque cerebro, exspiravit. Crudelesque mox quaestiones in amicos clientesque Gracchorum habitae sunt. Sed Opimium, virum alioqui sanctum et gravem, damnatum postea iudicio publico, memoria ipsius saevitiae, nulla civilis persecuta est misericordia. Eadem Rupilius Popilliumque, qui Coss. asperrime in Tib. Gracchi amicos saevierant, postea iudiciorum publicorum merito, oppressit invidia. Rei tantae parum ad notitiam pertinens interponatur. Hic est Opimius, a quo Consule celeberrimum Opimiani vini nomen: quod iam nullum esse, spatio annorum colligi potest; quum ab eo sint ad te, M. Vinici, Consulem, anni CLI. Factum Opimii, quod inimicitiarum quaesita erat ultio, minor secuta auctoritas: et visa ultio privato odio magis, quam publicae vindictae data.

VIII. Subinde Porcio Marcioque Coss. deducta colonia, Narbo Martius. Mandetur deinde memoria severitas iudiciorum. Quippe C. Cato Consularis, M. Catonis nepos, Africani sororis filius, repetundarum ex Macedonia damnatus est, quum lis eius HS. XVIII millibus aestimaretur. Adeo illi viri magis voluntatem peccandi intuebantur, quam modum: factaque ad consilium dirigebant, et quid, non in quantum, admissum foret, aestimabant. Circa eadem tempora duo Metelli fratres uno die triumphaverunt. Non minus clarum exemplum, et adhuc unicum Fulvii Flacci, eius qui Capuam ceperat, filiorum, sed alterius in adoptionem dati, in collegio Consulatus fuit. Adoptivus in Acidini Manlii familiam datus. Nam censura Metellorum, patruelium, non germanorum, fratrum fuit; quod solis contigerat Scipionibus. Tum Cimbri et Teutoni transcendere Rhenum, multis mox nostris suisque cladibus nobiles. Per eadem tempora clarus eius Minucii, qui porticus, quae hodieque celebres sunt, molitus est, e Scordiscis triumphus fuit.

IX. Eodem tractu temporum nituerunt oratores Scipio Aemilianus, Laeliusque, Ser. Galba, duo Gracchi, C. Fannius, Carbo Papirius, nec praetereundus Metellus Numidicus, et Scaurus, et ante omnes L. Crassus et M. Antonius. Quorum aetati ingeni-

isque successere C. Caesar Strabo, P. Sulpicius. Nam Q. Mucius iuris scientia, quam propriae eloquentiae nomine, celebrior fuit. Clara etiam per idem aevi spatium fuere ingenia, in togatis Afranii, in tragoediis Pacuvii atque Accii, usque in Graecorum ingeniorum comparisonem evecti, magnunquē inter hos ipsos facientis operi suo locum [Ennii]; adeo quidem, ut in illis limae, in hoc paene plus videatur fuisse sanguinis. Celebre et Lucilii nomen fuit, qui sub P. Africano, Numantino bello, eques militaverat. Quo quidem tempore iuvenes adhuc Iugurtha ac Marius, sub eodem Africano militantes, in iisdem castris didicere, quae postea in contrariis facerent. Historiarum auctor iam tum Sisenna erat iuvenis; sed opus belli civilis [socialis] Sullanique post aliquot annos ab eo seniore editum est. Vetusior Sisenna fuit Coelius; aequalis Sisennae Rutilius, Claudiusque Quadrigarius, et Valerius Antias. Sane non ignoremus, eadem aetate fuisse Pomponium, sensibus celebrem, verbis rudem, et novitate inventi a se operis commendabilem.

X. Persequamur notam severitatem Censorum, Cassii Longini, Caepionisque, qui abhinc annos CLV, M. Lepidum Aemilium Augurem, quod sex millibus HS. aedes conduxisset, adesce iusserunt. At nunc, si quis tanti habitet, vix ut Senator agnoscitur: adeo mature a rectis in vitia, a vitiis in prava, a pravis in praecipitia pervenitur. Eodem tractu temporum et Domitii ex Arvernīs, et Fabii ex Allobrogibus victoria fuit nobilis. Fabio, Paulli nepoti, ex victoria cognomen Allobrogico inditum. Notetur Domitiae familiae peculiaris quaedam, et ut clarissima, ita artata numero felicitas. Septem ante hunc, nobilissimae simplicitatis iuvenem, Cn. Domitium, fuere singuli [singulis] omnino parentibus geniti; sed omnes ad Consulatū Sacerdotiaeque, ad triumphū autem paene omnes pervenerunt insignia.

XI. Bellum deinde Iugurthinum gestum est per Q. Metellum, nulli secundum seculi sui. Huius Legatus fuit C. Marius, quem praediximus, natus equestri loco, hirtus atque horridus, vitaeque sanctus, quantum bello optimus, tantum pace pessimus, immodicus gloriae, [insatiabilis,] impotens, semperque inquietus. Hic per publicanos, aliosque in Africa negotiantes, criminatus Metelli lentitudinem, trahentis iam in tertium annum bellum, et naturalem nobilitatis superbiam, morandique in imperiis cupiditatem, effecit, ut, quum, comestitu petito, Romam venisset, Consul crearetur, bellicae paene patriati a Metello, qui his Iugurtham acie fuderat, summa committeretur sibi. Metelli tamen et triumphus fuit clarissimus, et meritum ipsi virtute cognomen Numidici inditum. Ut paulo ante Domitiae familiae, ita Caeciliae notanda claritudo est. Quippe intra XII ferme annos huius temporis Coss. fuere Metelli, aut Censores, aut triumpharunt, amplius [duodecies]; ut appareat, quemadmodum urbium imperiorumque, ita gentium, nunc florere fortunam, nunc senescere, nunc interire.

XII. At C. Marius L. Sullam, iam tunc, ut praecaventibus fatis, copulatum sibi Quaestorem habuit, et per eum missum ad regem Bocchum, Iugurtha rege, abhinc annos ferme CXXXVIII,

potitus est. Designatusque iterum Consul in Urbem reversus, secundi Consulatus initio Kalead. Ian. eum in triumpho duxit.

Effusa, ut praediximus, immānis vis Germanorum gentium, quibus nomen Cimbris ac Teutonis erat, quum Caepionem Manliumque Coss. et ante Carbonem Silanumque fudissent fugassentque in Galliis, et exuissent exercitu, Scaurumque Aurelium Consularem, et alios celeberrimi nominis viros trucidassent, populus Romanus non alium repellendis tantis hostibus magis idoneum imperatorem, quam Marium, est ratus. Tum multiplicati Consulatus eius. Tertius in apparatu belli consumtus: quo anno Cn. Domitius, Tribunus plebis, legem tulit, ut sacerdotēs, quos antea collegae sufficiebant, populus crearet. Quarto, trans Alpes circa Aquas Sextias cum Teutonis confligit, amplius CL millia hostium priore ac postero die ab eo trucidatis: gensque excisa Teutonum. Quinto, circa Alpes in campis, quibus nomen erat Raudiis, ipse Consul, et Proconsul Q. Lutatius Catulus, fortunatissimo decertavere proelio: caesa aut capta amplius CC millia hominum. Hac victoria videtur meruisse Marius, ne eius nati Rempublicam poeniteret, ac bono malis repensasse. Sextus Consulatus veluti praemium ei meritorum datus. Non tamen huius Consulatus fraudetur gloria, quo Servilii Glauciae, Saturninique Apuleii furorem, continuatis honoribus Rempublicam lacerantium, et gladiis quoque et caede comitia discutientium, Consul armia compescuit, hominesque exitiabiles in Hostilia curia morte multavit.

XIII. Deinde interiectis paucis annis Tribunatum iniit M. Livius Drusus, vir nobilissimus, eloquentissimus, sanctissimus, meliore in omnia ingenio animoque, quam fortuna, usus. Qui quum Senatui priscum restituere cuperet decus, et iudicia ab equitibus ad eum transferre ordinem; (quippe eam potestatem nacti equites Gracchanis legibus, cum in multos clarissimos atque innocentissimos viros saevierant, tum P. Rutilium, virum non seculi sui, sed omnis aevi optimum, interrogatum lege repetundarum, maximo cum gemitu civitatis damnaverant;) in iis ipsis, quae pro Senatu moliebatur, Senatum habuit adversarium, non intelligentem, si qua de plebis commodis ab eo agerentur, veluti inescandae illiciendaeque multitudinis causa fieri, ut minoribus perceptis maiora permitteret. Denique ea fortuna Drusi fuit, ut malefacta collegarum ejus, quam optime ab ipso cogitata, Senatus probaret magis; et honorem, qui ab eo deferrebat, sperneret; iniurias, quae ab illis intendebantur, aequo animo reciperet; et huius summae gloriae invideret, illorum modicam ferret.

XIV. Tum conversus Drusi animus, quando bene coepta male cedebant, ad dandam civitatem Italiae. Quod quum moliens revertisset e foro, immensa illa et incondita, quae eum semper comitabatur, cinctus multitudinae, in atrio domus suae cultello percussus, qui adfixus lateri eius relictus est, intra paucas horas decessit. Sed quum ultimum redderet spiritum, intuens circumstantium moerentiumque frequentiam, effudit vocem convenientissimam conscientiae suae: *Ecquandone*, inquit, *propinqui ami-*

cique, similem mei civem habebis Respublica? Hunc finem clarissimus juvenis vitae habuit: cuius morum minime omittatur argumentum. Quum aedificaret domum in Palatio in eo loco, ubi est, quae quondam Ciceronis, mox Censorini fuit, nunc Statilii Sisennae est; promitteretque ei architectus, ita se eam aedificaturum, ut libera a conspectu, immunisque ab omnibus arbitris esset [neque quisquam in eam despicere posset]; Tu vero, inquit, si quid in te artis est, ita compone domum meam, ut, quidquid agam, ab omnibus perspici possit.

XV. In legibus Gracchi inter perniciosissima numeraverim, quod extra Italiam colonias posuit. Id maiores, quum viderent tanto potentiorum Tyro Carthaginem, Massiliam Phocaea, Syracusas Corintho, Cyzicum ac Byzantium Mileto, genitali solo, diligenter vitaverant, et cives Romanos ad censendum ex provinciis in Italiam revocaverant. Prima autem extra Italiam colonia *Carthago* condita est. Mors Drusi iam pridem tumescens bellum excitavit Italicum. Quippe L. Caesare et P. Rutilio Coss. abhinc annos CXX, universa Italia, quum id malum ab Asclanlis ortum esset, qui Q. Servilium Praetorem, Fonteiumque legatum occiderant, ac deinde a Marsis exceptum in omnes penetrasset regiones, arma adversus Romanos cepit. Quorum ut fortuna atrox, ita causa fuit iustissima: petebant enim eam civitatem, cuius imperium armis tuebantur: *per omnes annos atque omnia bella, duplici numero se militum equitumque fungi, neque in eius civitatis ius recipi, quae per eos in id ipsum pervenisset fastigium, ex quo homines eiusdem et gentis et sanguinis, ut externos alienosque, fastidire posset.* Id bellum amplius CCC millia iuventutis Italicae abstulit. Clarissimi autem imperatores fuerunt Romani eo bello, Cn. Pompeius, Cn. Pompeii Magni pater, C. Marius, de quo praediximus, L. Sulla, anno ante Praetura functus, Q. Metellus, Numidici filius, qui meritum cognomen Pii consecutus erat. Quippe expulsum civitate a L. Saturnino, Tribuno plebis, quod solus in leges eius intrare nolnerat, pietate sua, auctoritate Senatus, consensu populi Romani, restituit patrem. Nec triumphis honoribusque, quam aut causa exilii aut exsilio aut reditu, clarior fuit Numidicus.

XVI. Italicorum autem fuerunt celeberrimi duces, Silo Poepaedius, Herius Asinius, Insteius Cato, C. Pontidius, Telesinus Pontius, Marius Egnatius, Papius Mutilus. Neque ego verecundia, domestici sanguinis gloriae quidquam, dum verum refero, subtraham; quippe multum Minatii Magii, avi mei, Acculanensis, tribuendum est memoriae, qui nepos Decii Magii, Campanorum principis, celeberrimi et fidelissimi viri, tantam hoc bello Romanis fidem praestitit, ut cum legione, quam ipse in Hirpinis conscripserat, Herculaneum simul cum T. Didio caperet, Pompeios cum L. Sulla oppugnaret, Cosamque occuparet. Cuius de virtutibus quum alii, tum maxime dilucide Q. Hortensius in Annalibus suis retulit. Cuius illi [illustri] pietati plenam populus Romanus gratiam retulit; ipsum viritum civitate donando, duos filios eius creando Praetores, quum seni adhuc crearentur. Tam varia atque atrox fortuna Italici belli fuit,

ut per biennium continuum duo Romani Consules, Rutilius ac deinde Cato Porcius, ab hostibus occiderentur, exercitus populi Romani multis in locis funderetur; utque ad saga iretur, diuque in eo habitu maneretur. Caput imperii sui Corfinium legerant, quod appellarent Italicam. Paulatim deinde recipiendo in civitatem, qui arma aut non ceperant, aut deposuerant maturius, vires refectae sunt, Pompeio Sullaque et Mario fluentem procumbentemque Rempublicam populi Romani restituentibus.

XVII. Finito ex maxima parte, nisi quae Nolani belli manebant reliquiae, Italico bello, (quo quidem Romani victis afflictisque ipsi exarmati, quam integri integris universis civitatem dare maluerunt) Consulatum inierunt Q. Pompeius, et L. Cornelius Sulla, vir, qui neque ad finem victoriae satis laudari, neque post victoriam abunde vituperari potest. Hic natus familia nobili, sextus a Cornelio Rufino, qui bello Pyrrhi inter celeberrimos fuerat duces, quum familiae eius claritudo intermissa esset, diu ita se gessit, ut nullam petendi Consulatum cogitationem habere videretur. Deinde post Praeturam illustratus bello Italico, et ante in Gallia legatione sub Mario, qua eminentissimos duces hostium fuderat, ex successu animuum sumpsit, petensque Consulatum, paene omnium civium suffragiis factus est. Sed cum honorem undequingagesimo aetatis suae anno adsecutus est.

XVIII. Per ea tempora Mithridates, Ponticus rex, vir neque silendus neque dicendus sine cura, bello acerrimus, virtute eximius, aliquando fortuna, semper animo maximus, consiliis dux, miles manu, odio in Romanos Hannibal, occupata Asia, necatisque in ea omnibus civibus Romanis, quos quidem eadem die atque hora, redditis civitatibus litteris, ingenti cum pollicitatione praemiorum, interini iusserat: (quo tempore neque fortitudine adversus Mithridatem, neque fide in Romanos quisquam Rhodiis par fuit. Horum fidem Mytilenaeorum perfidia illuminavit: qui M. Aquillium, aliosque Mithridati vinctos tradiderunt; quibus libertas, in unius Theophranis gratiam, postea a Pompeio restituta est.) Quum terribilis Italiae quoque videretur imminere, sorte obvenit Sullae Asia provincia. Is, egressus Urbe, quum circa Nola moraretur, quippo ea urbs pertinacissime arma retinebat, exercituque Romano obsidebatur, velut poeniteret eius fidei, quam omnium sanctissimam bello praestiterat Punico: P. Sulpicius, Tribunus plebis, disertus, acer, opibus, gratia, amicitiiis, vigore ingenii atque animi celeberrimus, quum antea rectissima voluntate apud populum maximam quaesisset dignitatem, quasi pigeret eum virtutum suarum, et bene consultae ei male cederent, subito pravus et praeceps, C. Mario, post LXX annum, omnia imperia et omnes provincias concupiscenti addixit, legemque ad populum tulit, qua Sullae imperium abrogaretur, C. Mario bellum decerneretur Mithridaticum. Aliasque leges perniciosas et exitiabiles, neque tolerandas liberae civitati, tulit: quin etiam Q. Pompeii Consulis filium, eundemque Sullae generum, per emissarios factionis suae interfecit.

XIX. Tum Sulla contracto exercitu ad Urbem rediit, eamque armis occupavit: XII auctores novarum pessimarumque rerum, inter quos Marium cum filio et P. Sulpicio, Urbe exturbavit, ac lege lata exsules fecit. Sulpicius etiam adsecuti equites, in Laurentinis paludibus iugulavere, caputque eius erectum et ostentatum pro Rostris, velut omen imminantis proscriptionis fuit. Marius post sextum Consulatum, annoque LXX, nudus ac limo obrutus, oculis tantummodo ac naribus eminentibus, extractus arundineto, circa paludem Maricae, in quam se, fugiens consectantes Sullae equites, abdiderat, iniecit in collum loro in carcerem Minturnensium iussu Duumviri perductus est. Ad quem interficiendum missus cum gladio servus publicus, natione Germanus, qui forte ab imperatore eo bello Cimbrico captus erat, ut agnovit Marium, magno eiulatu, expromente indignationem casu tanti viri, abiecto gladio profugit e carcere. Tum cives ab hoste, misereri paulo ante principis viri, docti, instructum eum viatico, collataque veste, in navem imposuerunt. At ille, adsecutus circa insulam Aenariam filium, eursus in Africam direxit, inopemque vitam in tugurio ruinarum Carthaginiensium toleravit: quum Marius, adspiciens Carthaginem, illa intuens Marium, alter alteri possent esse solatio.

XX. Hoc primum anno, sanguine Consulis Romani, militis imbutae manus sunt. Quippe Pompeius, collega Sullae, ab exercitu Cn. Pompeii Proconsulis, seditione, sed quam dux creaverat, interfectus est. Non erat Mario, Sulpicioque, Cinna temperator. Itaque, quum ita civitas Italiae data esset, ut in octo tribus contribuerentur novi cives; ne potentia eorum et multitudo veterum civium dignitatem frangeret, plusque possent recepti in beneficium, quam auctores beneficii; Cinna, in omnibus tribubus eos se distributurum, pollicitus est. Quo nomine ingentem totius Italiae frequentiam in Urbem acciverat. E qua pulsus collegae optimatumque viribus, quum in Campaniam tenderet, ex auctoritate Senatus Consulatus ei abrogatus est, suffectusque in eius locum L. Cornelius Merula, flamen Dialis. Haec iniuria homine, quam exemplo dignior fuit. Tum Cinna, corruptis primo Centurionibus ac Tribunis, mox etiam, spe largitionis, militibus, ab exercitu, qui circa Nolam erat, receptus est. Is quum universus in verba eius iurasset, retinens insignia Consulatus, patriae bellum intulit, fretus ingenti numero novorum civium: e quorum delectu CCC amplius cohortes conscripserat, ac triginta legionum instar impleverat. Opus erat partibus auctoritate, gratia: cuius augendae, C. Marium cum filio de exilio revocavit, quique cum iis pulsi erant.

XXI. Dum bellum autem infert patriae Cinna, Cn. Pompeius, Magni pater (cuius praeclara opera bello Marsico, praecipue circa Picenum agrum, ut praescripsimus, usa erat Respublica, quique Aesculum ceperat, circa quam urbem, quum in multis aliis regionibus exercitus dispersi forent, V et LXX millia civium Romanorum, amplius LX millia Italicorum, una die conflixerant,) frustratus spe continuandi Consulatus, ita se dubium mediumque partibus praestitit, ut omnia ex proprio

usu ageret, temporibusque insidiari videretur, et huc atque illuc, unde spes maior affulsisset potentiae, se exercitumque deflecteret. Sed ad ultimum magno atrocique proelio cum Cinna conflixit. Cuius commissi patratique sub ipsis moenibus oculisque urbis Romanae, pugnantibus spectantibusque quam fuerit eventus exitiabilis, vix verbis exprimi potest. Post hoc, quum utrumque exercitum, velut parum bello exhaustum, laceraret pestilentia, Cn. Pompeius decessit. Cuius interitus voluptas, amissorum aut gladio aut morbo civium paene damno repensata est: populusque Romanus, quam vivo iracundiam debuerat, in corpus mortui contulit. Seu duae, seu tres Pompeiorum fuere familiae, primus eius nominis, ante annos fere CLXVII, Q. Pompeius cum Cn. Servilio Consul fuit. Cinna et Marius, haud incruentis utrimque certaminibus editis, Urbem occupaverunt: sed prior ingressus Cinna, de recipiendo Mario legem tulit.

XXII. Mox C. Marius pestifero civibus suis reditu intravit moenia. Nihil illa victoria fuisset crudelius, nisi mox Sullana esset secuta: neque licentia in mediocres sacvitum, sed excelsissimi quoque atque eminentissimi civitatis viri variis suppliciorum generibus affecti. In iis Consul Octavius, vir lenissimi animi, iussu Cinnae interfectus est. Merula autem, qui se sub adventum Cinnae Consulatu abdicaverat, incisus venis, superfuoque altaribus sanguine, quos saepe pro salute Reipublicae flamen Dialis precatus erat Deos, eos in execrationem Cinnae partiumque eius tum precatus, optime de Republica meritum spiritum reddidit. M. Antonius, princeps civitatis atque eloquentiae, gladiis militum, quos ipsos sacundia sua moratus erat, iussu Marii Cinnaeque confossus est. Q. Catulus, et aliarum virtutum et belli Cimbrici gloria, quae illi cum Mario communis fuerat, celeberrimus, quum ad mortem conquireretur, conclusit se loco, super calce arenaque perpolito, illatoque igni, qui vim odoris excitaret, simul exitiali hausto spiritu, simul incluso suo, mortem magis voto, quam arbitrio inimicorum obiit. Omnia erant praecipitia in Republica: nec tamen adhuc quisquam inveniebatur, qui bona civis Romani aut donare auderet, aut petere sustineret. Postea id quoque accessit, ut saevitiae causam avaritia praerberet, et modus culpae ex pecuniae modo constitueretur; et qui fuisset locuples, fieret nocens, sui quisque periculi merces; nec quidquam videretur turpe, quod esset quaestuosum.

XXIII. Secundum deinde Consulatum Cinna, et septimum Marius in priorum dedecus iniit. Cuius initio morbo oppressus decessit, vir in bello hostibus, in otio civibus infestissimus, quietisque impatientissimus. In huius locum suffectus Valerius Flaccus, turpissimae legis auctor, qua *creditoribus quadrantem solvi* iusserat: cuius facti merita cum poena intra biennium consecuta est. Dominante in Italia Cinna, maior pars nobilitatis ad Sullam in Achaiam, ac deinde post in Asiam perfugit. Sulla interim cum Mithridatis praefectis circa Athenas Boeotianque et Macedoniam ita dimicavit, ut et Athenas reciperet,

et plurimo circa multiplices Piraeci portus munitiones labore expleto, amplius CC millia hostium interficeret, nec minus multa caperet. Si quis hoo rebellandi tempus, quo Athenae oppugnatae a Sulla sunt, imputat Atheniensibus, nimium veri vetustatisque ignarus est. Adeo enim certa Atheniensium in Romanos fides fuit, ut semper et in omni re, quidquid sincera fide gereretur, id Romani, Attica fieri, praedicarent. Ceterum tum oppressi Mithridatis armis homines miserrimae conditionis, quum ab inimicis tenerentur, oppugnabantur ab amicis, et animos extra moenia, corpora, necessitati servientes, intra muros habebant. Transgressus deinde in Asiam Sulla, parentem ante omnia supplicemque Mithridatem invenit. Quem multatum pecunia ac parte navium, Asia omniibusque aliis provinciis, quas armis occupaverat, decedere coëgit; captivos recepit; in perfugas noxiosque animadvertit; paternis, id est Ponticis finibus contentum esse iussit.

XXIV. [At] C. Flavius Fimbria, qui Praefectus equitum ante adventum Sullae, Valerium Flaccum, Consularem virum, interfecerat, exercituque occupato Imperator appellatus, sorte Mithridatem pepulerat proelio, sub adventum Sullae se ipso interemit; adolescens, quae pessime ausus erat, fortiter executus. Eodem anno P. Laenas, Tribunus plebis, Sex. Lucilius, qui priore anno Tribunus plebis fuerat, saxo Tarpeio deiecit; et quum collegae eius, quibus diem dixerat, metu ad Sullam profugissent, aqua ignique iis interdixit. Tum Sulla, compositis transmarinis rebus, quum ad eum, primum omnium Romanorum, legati Parthorum venissent, et in iis quidam magi ex notis corporis respondissent, *coelestem eius vitam et memoriam futuram*, reiectus in Italiam, haud plura quam XXX armatorum millia adversum CC millia amplius hostium exposuit Brundisii. Vix quidquam in Sullae operibus clarius duxerim, quam quod, quum per triennium Cinnae Marianaue partes Italiam obsiderent, neque illaturum se bellum iis dissimulavit, nec, quod erat in manibus, omisit; existimavitque ante frangendum hostem, quam ulciscendum civem; repulsoque externo metu, ubi, quod alienum esset, vicisset, superavit, quod erat domesticum. Ante adventum L. Sullae, Cinna, seditione orta, ab exercitu interemptus est: vir dignior, qui arbitrio victorum moreretur, quam iracundia militum. De quo vere dici potest, ausum eum, quae nemo auderet bonus, perfecisse, quae a nullo nisi fortissimo perfici possent, et fuisse eum in consultando temerarium, in exsequendo virum. Carbo, nullo suffecto collega, solus toto anno Consul fuit.

XXV. Putares, Sullam venisse in Italiam, non belli vindicem, sed pacis auctorem: tanta cum quiete exercitum per Calabria Apuliamque, cum singulari cura frugum, agrorum, hominum, urbium, perduxit in Campaniam; tentavitque iustis legibus et aequis conditionibus bellum componere: sed iis, quibus et pessima et immodica cupiditas erat, non poterat pax placere. Crescebat interim in dies Sullae exercitus, confluentibus ad eum optimo quoque et sanissimo. Felici deinde circa

Capuam eventu Scipionem Norbanumque Coss. superat: quorum Norbanus, acie victus; Scipio, ab exercitu suo desertus ac proditus, inviolatus a Sulla dimissus est. Adeo enim Sulla dissimilis fuit bellator ac victor, ut dum viuceret, iustissimo lenior; post victoriam audito fuerit crudelior. Nam et Consulem, ut praediximus, exarmatum, Q. Sertorium, proh quanti mox belli facem! et multos alios, potitus eorum, dimisit incolumes: credo, ut in eodem homine duplicis ac diversissimi animi conspiraretur exemplum. Post victoriam, qua defendens [descendens] montem Tifata cum C. Norbano concurrerat Sulla, grates Dianae, cuius numini regio illa sacrata est, solvit; aquas salubritate medendisque corporibus nobiles, et agros omnes addixit Deae. Huius gratiae religionis memoriam et inscriptio templi adfixa postea hodieque, et tabula testatur aerea intra aedem.

XXVI. Inde Coss. Carbo III, et C. Marius, septies Consul filius, annos natus XXVI, vir animi magis, quam aevi paterni, multa fortiterque molitus, neque usquam inferior nomine consulis, apud Sacriportum pulsus a Sulla acie, Praeneste, quod ante, natura munitum, praesidiis firmaverat, se exercitumque contulit. Et ne quid usquam malis publicis deesset, in qua civitate semper virtutibus certatum erat, certabatur sceleribus; optimusque sibi videbatur, qui fuerat pessimus. Quippe dum ad Sacriportum dimicatur, Damasippus Praetor Domitium, Scaevolam etiam, Pontificem Maximum et divini humanique iuris auctorem celeberrimum, et C. Carbonem praetorium, Consul fratrem, et Antistium aedilitium, velut faventes Sullae partibus, in curia Hostilia trucidavit. Non perdat nobilissimi facti gloriam Calpurnia, Bestiae filia, uxor Antistii, quae iugulato, ut praediximus, viro, gladio se ipsa transfixit. Quantum huius gloriae famaeque accessit! nunc virtute eminet, patria latet.

XXVII. At Pontius Telesinus, dux Samnitium, vir animi bellicae fortissimus, penitusque Romano nomini infestissimus, contractis circiter XL millibus fortissimae pertinacissimaeque in retinendis armis iuventutis, Carbone ac Mario Coss. abhinc annos CXI, Kalendis Novembribus, ita ad portam Collinam cum Sulla dimicavit, ut ad summum discrimen et cum et Rempublicam perduceret. Quae non maius periculum adiit, Hannibalis intra tertium milliarium castra conspicata, quam eo die, quo circumvolans ordines exercitus sui Telesinus, dictitansque, *adesse Romanis ultimum diem, vociferabatur, eruendam delendamque Urbem*; adiciens, *numquam defuturos raptores Italicae libertatis lupos, nisi silva, in quam refugere solerent, esset excisa*. Post primam demum horam noctis et Romana acies respiravit, et hostium cessit. Telesinus postera die semianimis repertus est, victoris magis quam morientis vultum praefereus: cuius abscisum caput ferri gestarique circa Praeneste Sulla iussit. Tum demum desperatis rebus suis, C. Marius adolescens per cuniculos, qui miro opere fabricati in diversas agrorum partes ferunt, conatus erumpere, quum foramine e terra emerisset, a dispositis in id ipsum interemtus est. Sunt, qui sua manu; sunt, qui concurrentem mutuis ictibus cum minore fra-

tre Telesini, una obsesso et erumpente, occubuisse prodiderint. Utcumque cecidit, hodieque tanta patris imagine non obscuratur eius memoria. De quo iuvene quid existimaverit Sulla, in promptu est. Occiso enim demum eo, Felicis nomen adsumsit: quod quidem usurpasset iustissime, si eundem et vincendi et vivendi finem habuisset. Oppugnationi autem Praenestis ac Marii praefuerat Ofella Lucretius; qui quum ante Marianarum fuisset partium Praetor, ad Sullam transfugerat. Felicitatem diei, quo Samnitium Telesinique pulsus est exercitus, Sulla perpetua ludorum Circensium honoravit memoria, qui sub eius nomine [Sullanæ victoriae] celebrantur.

XXVIII. Paulo ante quam Sulla ad Saeriportum dimicaret, magnificis proeliis partium eius viri hostium exercitum fuderant, duo Servilii apud Clusium, Metellus Pius apud Faventiam, M. Lucullus circa Fidentiam. Videbantur finita belli civilis mala, quum Sullae crudelitate aucta sunt. Quippe Dictator creatus, (cuius honoris usurpatio per annos CXX intermissa; nam proximus post annum, quam Hannibal Italia excesserat, [fuit]; uti appareat, populum Romanum usum dictatoris haud metu desiderasse, sed Sullae Cos. timuisse potestatem;) imperio, quo priores ad vindicandam maximis periculis Remp. usi erant, eo in immodicae crudelitatis licentiam usus est. Primus ille, et utinam ultimus! exemplum proscriptionis invenit, ut, in qua civitate petulantis convicii iudicium histioni exacto [ex alto] redditur, in ea iugulati civis Romani publicae constitueretur auctoramentum; plurimumque haberet, qui plurimos interemisset; neque occisi hostis, quam civis, uberius foret praemium; fieretque quisque merces mortis suae. Nec tamen in eos, qui contra arma tulerant, sed in multos insontes saevitum. Adiectum etiam, *ut bona proscriptorum venirent: exclusisque paternis opibus liberi, etiam petendorum bonorum iure prohiberentur: simulque, quod indignissimum est, senatorum filii et onera ordinis sustinerent et iura perderent.*

XXIX. Sub adventum in Italiam L. Sullae, Cn. Pompeius, (cuius Cn. Pompeii filius, quem magnificentissimas res in Consulatu gessisse bello Marsico praediximus.) XXIII annos natus, abhinc annos CXIII, privatis ut opibus, ita consiliis magna ausus, magnificeque conata exsecutus, ad vindicandam restituendamque dignitatem patriae, firmum ex agro Piceno, qui totus paternis eius clientelis refertus erat, contraxit exercitum. Cuius viri magnitudo multorum voluminum instar exigit: sed operis modus paucis eum narrari iubet. Fuit hic genitus matre Lucilia, stirpis senatoriae, forma excellens, non ea, qua flos commendatur aetatis, sed ex dignitate constantiaque, quae in illam conveniens amplitudinem fortunamque, eum ad ultimum vitae comitata est diem; innocentia eximius, sanctitate praecipuus, eloquentia medius; potentiae, quae honoris causa ad eum deferretur, non ut ab eo occuparetur, cupidissimus; dux bello peritissimus; civis in toga, nisi ubi vereretur, ne quem haberet parem, modestissimus; amicitiarum tenax, in offensis exorabilis, in reconcilianda gratia fidelissimus, in accipienda satisfactione

facillimus; potentia sua numquam aut raro ad impotentiam usus; paene omnium vitiorum expertus, nisi numeraretur inter maxima, in civitate libera dominaque gentium, indignari, quum omnes cives iure haberet parces, quenuquam aequalem dignitate conspiciere. Ille a toga virili adsuetus commilitio prudentissimi ducis, parentis sui, bonum et capax recta discendi ingenium singulari rerum militarium prudentia coluerat: ita ut a Sertorio Metellus laudaretur magis, Pompeius timeretur validius.

(Plurima deesse videntur, quae de Sertorio et bello Sertorianum scripsisse auctorem verisimile est.)

XXX. Tum M. Perperna, Praetorius, e proscriptis, gentis clarioris, quam animi, Sertorium inter coenam Oscae interemit, Romanisque certam victoriam, partibus suis excidium, sibi turpissimam mortem pessimo auctoravit facinore. Metellus et Pompeius ex Hispanis triumphaverunt: sed Pompeius hoc quoque triumpho, adhuc eques Romanus, ante diem quam Consulatum iniret, curru Urbem invectus est. Quem virum, quis non miretur, per tot extraordinaria imperia in summam fastigium vectum, iniquo tulisse animo, C. Caesaris in altero Consulatu petendo, Senatū populūque Romanum rationem habere? Adeo familiare est hominibus, omnia sibi ignoscere, nihil aliis remittere et invidiam rerum non ad causam, sed ad voluntatem personasque dirigere. Hoc Consulatu Pompeius Tribunitiam potestatem restituit, cuius Sulla imaginem sine re [inane] reliquerat.

Dum Sertorianum bellum in Hispania geritur, LXIV fugitivi e ludo gladiatorio Capua profugientes, duce Spartaco, raptis ex ea urbe gladiis, primo Vesuvium montem petiere; mox crescente in dies multitudine, gravibus variisque casibus afficere Italiam. Quorum numerus in tantum adolevit, ut, qua ultimo dimicavere acie, XL millia hominum se Romano exercitui opposuerint. Huius patrati gloria penes M. Crassum fuit, mox Reipublicae omnium principem.

XXXI. Converterat Cn. Pompeii persona totum in se terrarum orbem, et per omnia maiore vi habebatur. Qui quum Consul perquam laudabiliter iurasset, se in nullam provinciam ex eo magistratu iturum, idque servasset: post biennium A. Gabinius Tribunus legem tulit, ut, quam belli more, non latrociniorum, orbem classibus, iam non furtivis expeditionibus, piratae terrerent, quasdamque etiam Italiae urbes diripuissent, Cn. Pompeius ad eos opprimendos mitteretur; essetque ei imperium aequum in omnibus provinciis cum Proconsulibus, usque ad quinquagesimum miliarium a mari. Quo Senatusconsulto paene totius terrarum orbis imperium uni viro deferrebat. Sed tamen idem hoc ante biennium in M. Antonio Praetore decretum erat. Sed interdum persona, ut exemplo nocet, ita invidiam auget aut levat. Id in Antonio homines aequo animo passi erant: raro enim invidetur eorum honoribus, quorum vis non timetur. Contra in iis homines extraordinaria reformidant, qui ea suo arbitrio aut deposituri aut retenturi videntur, et

modum in voluntate habent. Dissuadebant optimates; sed consilia impetu victa sunt.

XXXII. Digna est memoria Q. Catuli quum auctoritas, tum verecundia: qui quum dissuadens legem in concione dixisset, *esse quidem praeclarum virum Cn. Pompeium, sed nimium iam liberaræ Reipublicae, neque omnia in uno reponendus: adiecissetque, si quid huic acciderit, quem in eius locum substituitis?* succlamavit universa concio, *Te Q. Catule.* Tum ille victus consensu omnium, et tam honorifico civitatis testimonio e concione discessit. Hic hominis verecundiam, populi iustitiam mirari libet: huius, quod non ultra contendit; plebis, quod dissuadentem et adversarium voluntatis suae vero testimonio fraudare noluit. Per idem tempus Cotta iudicandi munus, quod C. Gracchus ereptum Senatui ad equites, Sulla ab illis ad Senatum transtulerant, aequaliter inter utrumque ordinem partitus est; Otho Roscius lege sua equitibus in theatro loca restituit. At Cn. Pompeius, multis et praeclaris viris in id bellum adsumtis, descriptoque in omnes recessus maris praesidio navium, brevi, iuxsuperabili manu, terrarum orbem liberavit; praedonesque per multa maria multis locis victos, circa Ciliciam classe adgressus fudit ac fugavit. Et quo maturius bellum tam late diffusum conficeret, reliquias eorum contractas, in urbibus, remotoque a mari loco, in certa sede constituit. Sunt, qui hoc carpant. Sed quamquam in auctore satis rationis est, tamen ratio quemlibet magnum auctorem faceret. Data enim facultate siue rapti vivendi, rapinis arcuit.

XXXIII. Quum esset in fine bellum Mithridaticum, et L. Lucullus, qui ante septem annos ex Consulatu sortitus Asiam, Mithridati oppositus erat, magnasque ac memorabiles res ibi gesserat, Mithridatem saepe multis locis fuderat, egregia Cyzicum liberarat victoria, Tigranem, regum maximum, in Armenia vicerat, ultimamque bello manum paene magis noluerat imponere, quam non potuerat, qui alioqui per omnia laudabilis, et bello paene invictus, pecuniae expellebatur cupidine, idem bellum adhuc administraret; Manilius, Tribunus plebis, semper venalis, et alienae minister potentiae, legem dedit: *ut bellum Mithridaticum per Cn. Pompeium administraretur.* Accepta ea, magnisque certatum inter imperatores iurgiis: quum Pompeius Lucullo infamiam pecuniae, Lucullus Pompeio interminatam cupiditatem obiceret imperii; neuterque ab eo, qui arguebatur, mentitus argui posset. Nam neque Pompeius, ut primum ad Rempublicam adgressus est, quemquam animo parem tulit; et in quibus rehus primus esse debebat, solus esse cupiebat; neque eo viro quisquam aut alia omnia unius, aut gloriam magis concupiit: in appetendis honoribus immodicus, in gerendis verecundissimus: ut qui eos ut libentissime iniret, ita finiret aequo animo; et quod cupisset, arbitrio suo suaveret, alieno deponeret. Et Lucullus, summus alioqui vir, profusae huius in aedificiis convictibusque et apparatibus luxuriae primus auctor fuit. Quem ob injectas moles mari, et receptum suffossis montibus

in terras mare, hand infacete Magnus Pompeius *Xerxen togatum* vocare adsucverat.

XXXIV. Per id tempus a Q. Metello Creta insula in populi Romani potestatem redacta est. Quae ducibus Panare et Lasthene, XXIV millibus iuvenum coactis, velocitate pernicious, armorum laborumque patientissimis, sagittarum usu celeberrimis, per triennium Romanos exercitus fatigaverat. Ne ab huius quidem usura gloriae temperavit animum Cn. Pompeius, quin victoriae partem conaretur vindicare. Sed et Luculli et Metelli triumphum quum ipsorum singularis virtus, tum etiam invidia Pompeii apud optimum quemque fecit favorabilem.

Per haec tempora M. Cicero, qui omnia incrementa sua sibi debuit, vir novitatis nobilissimae, et ut vita clarus, ita ingenio maximus; qui effecit, ne, quorum arma viceramus, eorum ingenio vinceremur, Consul, Sergii Catilinae Lentulique et Cethegi et aliorum utriusque ordinis virorum coniurationem singulari virtute, constantia, vigilia, curaque aperuit. Catilina metu consularis imperii Urbe pulsus est: Lentulus, Consularis et Praetor iterum, Cethegusque, et alii clari nominis viri, auctore Senatu, iussu Consulis in carcere necati sunt.

XXXV. Ille Senatus dies, quo haec acta sunt, virtutem M. Catonis, iam multis in rebus conspicuam atque praenitentem, in altissimo luminavit. Hic genitus proavo M. Catone, principe illo familiae Porciae, homo virtuti consimillimus, et per omnia ingenio Diis, quam hominibus propior; qui nunquam recte fecit, ut facere videretur, sed quia aliter facere non poterat; cuique id solum visum est rationem habere, quod haberet iustitiam, omnibus humanis vitiis immunis, semper fortunam in sua potestate habuit. Hic Tribunus plebis designatus, adhuc admodum adolescens, quum alii suaderent, ut per municipia Lentulus coniuratique custodirentur, paene inter ultimos interrogatus sententiam, tanta vi animi atque ingenii inductus est in coniurationem, et ardore oris orationem omnium lenitatem suadentium societate consilii suspectam fecit; sic impendentia ex ruinis incendiisque Urbis et commutatione status publici pericula exposuit, ita Consulis virtutem amplificavit, ut universus Senatus in eius sententiam transiret, animadvertendumque in eos, quos praediximus, censeret; maiorque pars ordinis eius Catonem prosequerentur domum. At Catilina non segnus conata obiit, quam sceleris conandi consilia inierat: quippe fortissime dimicans, quem spiritum supplicio debuerat, proelio reddidit.

XXXVI. Consulatu Ciceronis non medio cre adiecit decus natus eo anno divus Augustus, abhinc annos LXXXII, omnibus omnium gentium viris magnitudinis sua inducturus caliginem. Iam paene supervacaneum videri potest, eminentium ingeniorum notare tempora. Quis enim ignorat, diremtos gradibus aetatis floruisse hoc tempore Ciceronem, Hortensium; antequam Crassum, Catonem, Sulpicium; moxque Brutum, Calidum, Coelium, Calvum, et proximum Ciceroni Caesarem; eorumque velut alumnos, Corvinum ac Pollionem Asinium, acmulumque Thucydidis Sallustium; auctoresque carminum Varronem ac Lucre-

tium, neque ullo in suscepti operis sui carminis minorem Catullum. Pacne stulta est inhaerentium oculis ingeniorum enumeratio; inter quae maxime nostri aevi eminent, princeps carminum Virgilius, Rabiriusque, et consecutus Sallustium Livius, Tibullusque et Naso, perfectissimi in forma operis sui. Nam vivorum ut magna admiratio, ita censura difficilis est.

XXXVII. Dum haec in Urbe Italiaque geruntur, Cn. Pompeius memorabile adversus Mithridatem, qui post Luculli profectionem magnas novi exercitus vires reparaverat, bellum gessit. At rex fusus fugatusque et omnibus exutus copiis, Armeniam Tigranemque socerum petit, regem eius temporis, nisi qua Luculli armis erat infractus, potentissimum. Simul itaque duos persecutus Pompeius, intravit Armeniam. Prior filius Tigranis, sed discors patri, pervenit ad Pompeium: mox ipse supplex et praeseus, se regnumque ditioni eius permisit, praefatus, *neminem alium, neque Romanum neque ullius gentis virum, futurum fuisse, cuius se societati commissurus foret, quam Cn. Pompeium: proinde omnem sibi vel adversam vel secundam, cuius auctor ille esset, fortunam tolerabilem futuram; non esse turpe ab eo vinci, quem vincere esset nefas; neque ei inhoneste aliquem subniti, quem fortuna super omnes extulisset.* Servatus regi honos imperii, sed multato ingenti pecunia: quae omnis, sicuti Pompeio moris erat, redacta in Quaestoris potestatem, ac publicis descripta litteris. Syria aliaeque, quas occupaverat, provinciae ereptae; et aliae restitutae populo Romano, alinetum primum in eius potestatem redactae, ut Syria, quae facta est stipendiaria. Finitis imperii regii terminatus Armenia.

XXXVIII. Haud absurdum videtur propositi operis regulae, paucis percurrere, quae cuiusque ductu gens ac natio, redacta in formulam provinciae, stipendiaria facta sit; ut facilius, quae partibus notavimus, simul universa conspici possint. Primum in Siciliam traiecit exercitum Consul Claudius, et provinciam eam, post annos ferme LII, captis Syracusis, fecit Marcellus Claudius. Primus Africam Regulus, nono ferme anno primi Punici belli: sed post CIX annos P. Scipio Aemilianus, eruta Carthagine, abhinc annos CLXXV Africam in formulam redegit provinciae. Sardinia inter primum et secundum bellum Punicum, ductu T. Manlii Consulis recepit imperii iugum. Immane bellicae civitatis argumentum, quod semel sub regibus, iterum hoc T. Manlio Consule, tertium Augusto principe, certae pacis argumentum Ianus Geminus clausus dedit. In Hispanias primi omnium duxere exercitus Cn. et P. Scipiones, luitio secundi belli Punici, abhinc annos CCL. Inde varie possessa, et saepe amissa partibus, universa ductu Augusti facta stipendiaria est. Macedoniam Paullus, Mummio Achaia, Fulvius Nobilior subegit Aetoliam; Asiam, L. Scipio, Africani frater, eripuit Antiocho: sed beneficio Senatus populique Romani mox ab Attolis possessam regibus, M. Perperna, capto Aristonico fecit tributariam. Cypri devictae nulli assignanda gloria est. Quippe Senatusconsulto, ministerio Catonis, regis morte, quam illi conscientia acciverat, facta provincia est. Creta Metelli ductu

longissimae libertatis sine multata est. Syria Pontusque Cn. Pompeii virtutis monumenta sunt.

XXXIX. Gullias primum a Domitio [et] Fabio, nepote Pauli, qui Allobrogicus vocatus est, intratas cum exercitu, magna mox clade nostra saepe et adfectavimus et amisimus. Sed fulgentissimum C. Caesaris opus in iis conspicitur: quippe eius ductu auspiciisque infractae, paene idem, quod totus terrarum orbis, in aerarium conferunt stipendium. Stipendiaria ab eodem facta Numidia. Ciliciam perdomuit Isauricus, et post bellum Antiochinum Cn. Vulso Manlius Gallo-Gracciam. Bithynia, ut praediximus, testamento Nicomedis relicta hereditaria. Divus Augustus praeter Hispanias aliasque gentes, quarum titulis forum eius praenitet, paene idem, facta Aegypto stipeudiarum, quantum pater eius Gallia, in aerarium redditus contulit. At Ti. Caesar, quam certam Hispanis parendi confessionem extorserat parens, [parem] Illyriis Dalmatisque extorsit. Rhactiam autem et Vindelicos ac Noricos, Pannoniamque et Scordiscos, novas imperio nostro subiunxit provincias. Ut has armis, ita auctoritate Cappadociam populo Romano fecit stipendiariam. Sed revertamur ad ordinem.

XL. Secuta deinde Cn. Pompeii militia, gloriae laborisque maioris, incertum est. Penetratae cum victoria Media, Albania, Iberia; deinde flexum agmen ad eas nationes, quae dextra atque intima Ponti incolunt, Colchos, Heniochosque et Acbaeos. Et oppressus auspiciis Pompeii, insidiis filii Pharnacis. Mithridates, ultimus omnium iuris sui regum, praeter Parthicos. Tum victor omnium, quas adierat, gentium Pompeius, suoque et civium voto maior, et per omnia fortunam hominis egressus, revertit in Italiam. Cuius reditum favorem opinio fecerat. Quippe plerique non sine exercitu venturum in Urbem adfirmabant, et libertati publicae statuturum arbitrio suo modum. Quo magis hoc homines timuerant, eo gratior civilis tanti imperatoris reditus fuit. Omni quippe Brundisii dimisso exercitu, nihil praeter nomen Imperatoris retinens, cum privato comitatu, quem semper illi vacare moris fuit, in Urbem rediit: magnificentissimumque de tot regibus per biduum egit triumphum; longeque maiorem omni ante se illata pecunia in aerarium, [praeter quanta spolia,] ex manubiis intulit. Absente Cn. Pompeio, T. Ampius et T. Labienus, Tribuni plebis, legem tulerunt, ut in ludis Circensibus corona laurea et omni cultu triumphantium uteretur, sceniciis autem praetexta coronaque aures. Id ille non plus quam semel, et hoc sane nimium fuit, usurpare sustinuit. Huius viri fastigium tantis auctibus fortuna extulit, ut primum ex Africa, iterum ex Europa, tertio ex Asia triumpharet; et quot partes terrarum orbis sunt, totidem faceret monumenta victoriae suae. Numquam eminentia invidia carent. Itaque et Lucullus, memor tamen acceptae iniuriae, et Metellus Creticus, non iniuste querens (quippe ornamentum triumphi eius, captivos duces, Pompeius subduxerat), et cum iis pars optimatum refragabatur, ne ant

promissa civitatibus a Pompeio, aut bene meritis praemia, ad arbitrium eius persolverentur.

XLJ. Secutus deinde est Consulatus C. Caesaris, qui scribenti manum iniicit, et quamlibet festinantem in se morari cogit. Hic nobilissima Iuliorum genitus familia, et quod inter omnes antiquissimos constabat, ab Anchise ac Venere deducens genus, forma omnium civium excellentissimus, vigore animi acerrimus; munificentiae effusissimus, animo super humanam et naturam et fidem evectus, magnitudine cogitationum, celeritate bellandi, patientia periculorum, Magno illi Alexandro, sed sobrio neque iracundo, simillimus, qui denique semper et somno et cibo iu vitam, non in voluptatem uteretur; quam fuisset C. Mario sanguine coniunctissimus, atque idem Cinnae gener (cuius filiam ut repudiaret, nullo metu compelli potuit: quum M. Piso Consularis Anniam, quae Cinnae uxor fuerat, in Sullae dimisisset gratiam), habuissetque fere XIX annos, eo tempore, quo Sulla rerum potitus est; magis ministris Sullae adiutoribusque partium, quam ipso, conquirentibus eum ad necem, mutata veste, dissimilemque fortunae suae indutus habitum, nocte Urbe elapsus est. Idem postea admodum iuvenis, quum a piratis captus esset, ita se per omne spatium, quo ab his retentus est, apud eos gessit, ut pariter his terrori venerationique esset, neque umquam aut nocte aut die (cur enim, quod vel maximum est, si narrari verbis speciosis non potest, omittatur?) aut excaleceretur, aut discingeretur; in hoc scilicet, ne, si quando aliquid ex solito variaret, suspectus his, qui oculis tantummodo eum custodiebant, foret.

XLII. Longum est narrare, quid et quoties ausus sit, quanto opere conata eius, qui obtinebat Asiam, magistratus proventu suo destituerit. Illud referatur documentum tanti mox evasuri viri. Quae nox eam diem secuta est, qua publica civitatum pecunia redemptus est, (ita tamen, ut cogeret ante obsides a piratis civitatibus dari,) contracta classe, et privata et tumultuaria, invectus in eum locum, in quo ipsi praedones erant, partem classis fugavit, partem mersit, aliquot naves multosque mortales cepit: laetusque nocturnae expeditionis, triumpho ad suos reversus est; mandatisque custodiae, quos ceperat, in Bithynia, perrexit ad Proconsulem Iunium, (tum idem enim Asiam eam quoque obtinebat) petens, ut auctor fieret sumendi de captivis supplicii. Quod quum ille se facturum negasset, venditurumque captivos dixisset (quippe sequebatur invidia inertiam); incredibili celeritate revectus ad mare, priusquam de ea re ulli Proconsulis redderentur epistolae, omnes, quos ceperat, suffixit cruci.

XLIII. Idem mox ad Sacerdotium ineundum (quippe absens Pontifex factus erat in Cottae Consularis locum, quum, paene puer a Mario Cinnaque Flamen Dialis creatus, victoria Sullae, qui omnia ab iis acta fecerat irrita, amississet id Sacerdotium,) festivans in Italiam, ne conspiceretur a praedonibus, omnia tunc obtinentibus maria et merito iam infestis sibi, quatuor scalmorum navem, una cum duobus amicis decemque servis in-

grestus, effusissimum Hadriatlei maris traiecit sinum. Quo quidem in cursu conspectis, ut putabat, piratarum navibus, quum exuisset vestem alligassetque pugionem ad femur, alterutri se fortunae parans, mox intellexit frustratum esse visum suum, arborumque ex longinquo ordinem antennarum prae buisse imaginem. Reliqua eius aeta in Urbe, nobilissimaque Dolabellae accusatio, et maior civitatis in eo favor, quam reis praestari solet; contentionesque civiles cum Q. Catulo, atque aliis eminentissimis viris, celeberrimae; et ante Praeturam victus Maximi Pontificatus petitione Q. Catulus, omnium confessione Senatus princeps; et restituta in Aedilitate, adversante quidem nobilitate, monumenta C. Marii; simulque revocati ad ius dignitatis proscriptorum liberi; et Praetura, Quaesturaque mirabili virtute atque industria obita in Hispania, (quum esset Quaestor sub Vetere Antistio, avo huius Veteris Consularis atque Pontificis, duorum Consularium et Sacerdotum patris, viri in tantum boni, in quantum humana simplicitas intelligi potest); quo notiora sunt, minus egent stilo.

XLIV. Hoc igitur Consule inter eum et Cn. Pompeium et M. Crassum inita potentiae societas, quae Urbi orbique terrarum, nec minus diverso quoque tempore ipsis, exitiabilis fuit. Hoc consilium sequendi Pompeius causam habuerat, ut tandem aeta in transmarinis provinciis (quibus, ut praediximus, multi obtrecebant,) per Caesarem confirmarentur Consulibus: Caesar autem, quod animadvertibat, se cedendo Pompeii gloriae aucturum suam, et, invidia communis potentiae in illum relegata, confirmaturum vires suas: Crassus, ut quem principatum solus assequi non poterat, auctoritate Pompeii, viribus teneret Caesaris. Affinitas etiam inter Caesarem Pompeiumque contracta nuptiis: quippe filiam C. Caesaris Cn. Magnus duxit uxorem. In hoc Consulatu Caesar legem tulit, ut ager Campanus plebei divideretur, suasore legis Pompeio. Ita circiter XX millia civium eo deducta, et ius civitatis restitutum post annos circiter CLII, quam bello Punico ab Romanis Capua in formam praefecturae redacta erat. Bibulus, collega Caesaris, quum actiones eius magis vellet impedire, quam posset, maiore parte anni domi se tenuit. Quo facto dum augere vult invidiam collegae, auxit potentiam. Tum Caesari decretae in quinquennium Galliae.

XLV. Per idem tempus P. Clodius, homo nobilis, disertus, audax, qui neque dicendi neque faciendi ullum, nisi quem vellet, nosset modum, malorum propositorum exsecutor acerrimus, infamis etiam sororis stupro, et actus incesti reus ob initum inter religiosissima populi Romani sacra adulterium; quum graves inimicitias cum M. Ciccone exerceret, (quid enim inter tam dissimiles amicum esse poterat?) et a patribus ad plebem transiret, legem in Tribunatu tulit: *Qui civem Romanum indemnatum interemisset, ei aqua et igni interdiceretur.* Quibus verbis etsi non nominabatur Cicero, tamen solus petebatur. Ita vir optime meritis de Republica conservatae patriae pretium calamitatem exsilii tulit. Non earuerunt suspicione oppressi Cicconis Caesar et Pompeius. Hoc sibi contraxisse videbatur Cicero, quod

inter XX viros dividendo agro Campano esse noluisse. Idem intra biennium sera Cn. Pompeii cura, verum, ut cupiit, intenta, votisque Italiae ac decretis Senatus, virtute atque actione Annii Milonis, Tribuni plebis, dignitati patriaeque restitutus est. Neque post Numidici exsilium aut reditum, quisquam aut expulsus invidiosius, aut receptus est laetius. Cuius domus, quam infeste a Clodio disiecta erat, tam speciose a Senatu restituta est. Idem P. Clodius [in Senatu] sub honorificentissimo ministerii titulo, M. Catonem a Republica relegavit. Quippe legem tulit, ut is *Quaestor cum iure praetorio, adiecto etiam Quaestore, mitteretur in insulam Cyprum, ad spoliandum regno Ptolemaeum*, omnibus morum vitiis eam contumeliam meritum. Sed ille, sub adventum Catonis, vitae suae vim intulit: unde pecuniam longe sperata maiorem Cato Romam retulit. Cuius integritatem laudari, nefas est: insolentia paene argui potest, quod una cum Coss. ac Senatu effusa civitate obviam, quum per Tiberim subiret navibus, non ante iis egressus est, quum ad eum locum pervenit, ubi erat exponenda pecunia.

XLVI. Quum deinde immanes res, vix multis voluminibus explicandas, C. Caesar in Gallia ageret, nec contentus plurimis ac felicissimis victoriis, innumerabilibusque caesis et captis hostium millibus, etiam in Britanniam traiecit exercitum, alterum paene imperio nostro ac suo quaerens orbem: invictum par Consulum, Cn. Pompeius et M. Crassus, alterum iniere Consulatum; qui neque petitus honeste ab his, neque probabiliter gestus est. Caesari lege, quam Pompeius ad populum tulit, prorogatae in idem spatium temporis provinciae: Crasso, bellum Parthicum in animo molienti, Syria decreta. Qui vir, cetera sanctissimus immunisque voluptatibus, neque in pecunia, neque in gloria concupiscenda aut modum norat, aut capiebat terminum. Hunc proficiscentem in Syriam diris cum ominibus, Tribuni plebis frustra retinere conati. Quorum execrationes si in ipsum tantummodo valuissent, utile imperatoris damnum salvo exercitu fuisset Reipublicae Transgressum Euphraten Crassum petentemque Seleuciam, circumfusus immanibus copiis equitum, rex Orodes una cum parte maiore Romani exercitus interemit. Reliquias legionum C. Cassius, atrocissimi mox auctor facinoris, tum Quaestor, conservavit; Syriamque adeo in populi Romani potestate retinuit, ut transgressos in eam Parthos, felici rerum eventu, fugaret ac funderet.

XLVII. Per haec, insequentiaque, et quae praediximus tempora, amplius CCCC milia hostium a C. Caesare caesa sunt, plura capta. Pugnatum saepe directa acie, saepe in agminibus, saepe eruptionibus; bis penetrata Britannia. Novem denique aestatibus vix ulla non iustissimus triumphus est emeritus. Circa Alesiam vero tantae res gestae, quantas audere vix hominis, perficere, paene nullius, nisi Dei, fuerit. Septimo ferme anno Caesar morabatur in Galliis, quum medium iam, ex unitate potentiae ac familiae cohaerentis, inter Cn. Pompeium et C. Caesarem concordiae pignus, lulia, uxor Magni, decessit; atque omnia inter destinatos tanto discrimini duces dirimente fortuna, filius

quoque parvus Pompeii, Iulia natus, intra breve spatium obiit. Tum in gladios caedesque civium furente ambitu, cuius neque finis reperiebatur nec modus, tertius Consulatus soli Cn. Pompeio, etiam adversantium antea dignitati eius iudicio, delatus est. Cujus ille honoris gloria, veluti reconciliatis sibi optimatibus, maxime a C. Caesare alienatus est. Sed eius Consulatus omnem vim in coercionem ambitus exercuit.

Quo tempore P. Clodius a Milone, candidato Consulatus, exemplo inutiliter facto salutari Reipublicae, circa Bovillas, contracta ex occurso rixa, iugulatus est. Milonem reum non magis invidia facti, quam Pompeii damnavit voluntas. Quem quidem M. Cato palam lata absolvit sententia. Qui si maturius tulisset, non defuissent, qui sequerentur exemplum, probarentque eum civem occisum, quo nemo perniciosior Reipublicae, neque bonis inimicius vixerat.

XLVIII. Intra breve deinde spatium belli civilis exarscrunt initia: quum iustissimus quisque et a Caesare et a Pompeio vellet dimitti exercitus. Quippe Pompeius in secundo Consulatu Hispanias sibi decerni voluerat, easque per triennium absens ipse ac praesidens Urbi, per Afranium et Petreium, Consularem ac Praetorium, Legatos suos, administrabat; et iis, qui a Caesare dimittendos exercitus contendebant, adessetabatur; iis, qui ab ipso quoque, adversabatur. Qui si ante biennium, quam ad arina itum est, perfectis muneribus theatri et aliorum operum, quae ei circumdedit, gravissima tentata valetudine decessisset in Campania, (quo quidem tempore universa Italia vota pro salute eius, primi omnium civium, suscepit;) defuisset fortunae destruendi eius locus, et quam apud superos habuerat magnitudinem, illibatam detulisset ad inferos. Bello autem civili, et tot, quae deinde per continuos XX annos consecuta sunt, malis, non alius maiorem flagrantiorumque, quam C. Curio, Tribunus plebis, subiecit facem: vir nobilis, eloquens, audax, suae alienaeque et fortunae et pudicitiae prodigus, homo ingeniosissime nequam, et facundus malo publico; cuius animo, voluptatibus vel libidinibus, neque opes ullae, neque cupiditates sufficere possent. Hic primo pro Pompeii partibus, id est, ut tunc habebatur, pro Republica, mox simulatione contra Pompeium et Caesarem, sed animo pro Caesare stetit. Id gratis, an accepto centies HS fecerit, ut accepimus, in medio relinquemus. Ad ultimum saluberrimas et coalescentis condiciones pacis, quas et Caesar iustissimo animo postulabat, et Pompeius aequo recipiebat, discussit ac rupit; unice cavente Cicerone concordiae publicae. Harum praeteritarumque rerum ordo quum iustus aliorum voluminibus promatur, tum, uti spero, nostris explicabitur.

XLIX. Nunc proposito operi sua forma reddatur; si prius gratulatus ero Q. Catulo, duobus Lucallis, Metelloque et Hortensio: qui quum sine invidia in Republica floruissent, eminuissentque sine periculo, quicta, ant certe non praecipitata, fatali ante initium bellorum civilium morte functi sunt.

Lentulo et Marcello Coss. post Urbem conditam annis DCCV,

et ante LXXVIII, quam tu, M. Vinici, Consulatum inires, bellum civile exarsit. Alterius ducis caussa melior videbatur: alterius erat firmitior. Hic omnia speciosa: illic valentia. Pompeium Senatus auctoritas, Caesarem militum armavit fiducia. Consules Senatusque caussae, non Pompeio, summam imperii detulerunt. Nihil relictum a Caesare, quod servandae pacis caussa tentari posset; nihil receptum a Pompeianis, quum alter Consul iusto esset ferocior, Lentulus vero salva Republica salvus esse non posset; M. autem Cato *moriendum ante, quam ullam conditionem eius accipiendam Reipublicae*, contenderet; vir antiquus et gravia Pompeii partes laudaret magis, quam prudens sequeretur Caesaris; et illa gloriosa, haec terribiliora duceret. Ut deinde, spretis omnibus, quae Caesar postulaverat, tantummodo contentus cum una legione titulum retinere provinciae, privatus in Urbem veniret, et se in petitione Consulatus suffragiis populi Romani committeret, decrevere: ratus bellandum Caesar, cum exercitu Rubiconem transiit. Cn. Pompeius Consulesque et maior pars Senatus, relicta Urbe, ac deinde Italia, transmisere Dyrrhachium.

L. At Caesar Domitio legionibusque Corfinii, quae una cum eo fuerant, potitus, duce aliisque, qui voluerant abire ad Pompeium, sine dilatione dimissis, persecutus Brundisium, ita ut appareret, malle, integris rebus et conditionibus, finire bellum, quam opprimere fugientes, quum transgressos reperisset Consules, in Urbem revertit: redditaque ratione consiliorum suorum in Senatu et in concione, ac miserrimae necessitudinis, quum alienis armis ad arma compulsus esset, Hispanias petere decrevit. Festinationem itineris eius aliquamdiu morata Massilia est, fide melior, quam consilio prudentior: intempestive principium armorum arbitria captans, quibus hi se debent interponere, qui non parentem coercere possunt. Exercitus deinde, qui sub Afranio Consulari ac Petreio Praetorio fuerat, ipsius adventus vigore ac fulgore occupatus, se Caesari tradidit. Uterque Legatorum, et quisquis cuiusque ordinis sequi eos voluerat, remissi ad Pompeium.

LI. Proximo anno, quum Dyrrhachium ac vicina ei urbi regio castris Pompeii teneretur, (qui accitis ex omnibus transmarinis provinciis legionibus, equitum ac peditum auxiliis, regumque, tetrarcharum, simulque dynastarum copiis, immanem exercitum confecerat, et mare praesidiis classium, ut rebatur, seperat, quo minus Caesar legiones posset transmittere) sua et celeritate et fortuna C. Caesar usus, nihil in mora habuit, quo minus eo, quum vellet, ipse exercitusque classibus perveniret, et primo paene castris Pompeii sua iungeret, mox etiam obsidione munimentisque eum complecteretur. Sed inopia obsidentibus, quam obsessis, erat gravior. Tum Balbus Cornelius, excedente humanam fidem temeritate, ingressus castra hostium, saepiusque cum Lentulo collocutus Consule, dubitante, quanti se venderet, illis incrementis fecit viam, quibus non Hispaniensis natus, sed Hispanus in triumphum et Pontificatum adsurgere, fieretque ex privato Consul. Variatum deinde proeliis,

sed uno longe magis Pompeianis prospero, quo graviter impulsī sunt Caesaris milites. Tum Caesar cum exercitu fatalem victoriae suae Thessaliam petiit.

LII, Pompeius, (longe diversa aliis suadentibus, quorum plerique hortabantur, ut in Italiam transmitteret; neque hercules quidquam partibus illis salubrius fuit: alii, ut bellum traheret, quod dignatione partium in dies ipsis magis prosperum fieret) usus impetu suo, hostem secutus est. Aciem Pharsalicam, et illum cruentissimum Romano nomini diem, tantumque utriusque exercitus profusum sanguinis, et collisa inter se duo Reipublicae capita, effossumque alterum Romani imperii lumen, tot talesque Pompeianarum partium caesos viros, non recipit enarranda hic scripturae modus. Illud notandum est: ut primum C. Caesar inclinatam vidit Pompeianorum aciem, neque prius neque antiquius quidquam habuit, quam in omnes partes (ut militari et verbo et consuetudine utar) dimitteret. Pro Dii immortales! quod huius voluntatis erga Brutum suae postea vir tam mitis pretium tulit! Nihil illa victoria mirabilius, magnificentius, clarius fuit, quando neminem, nisi acie consumptum, civem patria desideravit: sed munus miseroordiae corrumpit pertinacia; quum libentius vitam victor iam daret, quam victi acciperent.

LIII, Pompeius profugiens cum duobus Lentulis Consularibus, Sextoque filio, et Favonio Praetorio, quos comites ei fortuna aggregaverat, aliis ut Parthos, aliis ut Africam peteret, in qua fidelissimum partium suarum haberet regem Iubam, suadentibus, Aegyptum petere proposuit; memor beneficiorum, quae in patrem eius Ptolemaei, qui tum puero quam iuveni propior regnabat Alexandriae, contulerat. Sed quis in adversis beneficiorum servat memoriam? aut quis ullam calamitosis debere putat gratiam, aut quando Fortuna non mutat fidem? Missi itaque ab rege, qui venientem Cn. Pompeium (is iam a Mytilenis Corneliam uxorem receptam in navem, fugae comitem habere coeperat) consilio Theodoti et Achillae exciperent, hortarentur, ut ex oneraria in eam navem, quae obviam processerat, transcenderet. Quod quum fecisset, princeps Romani nominis, imperio arbitrioque Aegyptii mancipii, C. Caesare, P. Servilio Coss. iugulatus est. Hic post tres Consulatus et totidem triumphos, domitumque terrarum orbem, sanctissimi ac praestantissimi viri, in id evecti, super quod ascendere non potest, duodeagesimum annum agentis, pridie natalem ipsius, vitae fuit exitus: in tantum in illo viro a se discordante fortuna, ut cui modo ad victoriam terra defuerat, deesset ad sepulturam. Quid aliud quam nimium occupatos dixerim, quos in aetate tanti et paene nostri seculi viri fefellit quinquennium? quum a C. Atilio et Q. Servilio Coss. tam facilis esset annorum digestio. Quod adieci, non ut arguerem, sed ne arguerem.

LIV. Non fuit maior in Caesarem, quam in Pompeium fuerat, regis eorumque, quorum is auctoritate regebatur, fides. Quippe quum venientem eum tentassent insidiis, ac deinde bello lacessere anderent, utrique summo imperatorum, alteri superstiti, meritis poenas luere suppliciis. Nusquam erat Pompeius

corpore, adhuc ubique vivebat nomine: quippe ingens partium eius favor bellum excitaverat Africum. Quod ciebat rex Iuba et Scipio, vir Consularis, ante biennium, quam exstingueretur Pompeius, lectus ab eo socer. Eorumque copias auxerat M. Cato, ingenti cum difficultate itinerum locorumque inopia, perductis ad eos legionibus: qui vir, quum summum ei a militibus deferretur imperium, honoratiori parere maluit.

LV. Admonet promissae brevitatis fides, quanto omnia transcurso dicenda sint. Sequens fortunam suam Caesar, perpectus in Africam, quam occiso Curione, Iulianarum duce partium, Pompeiani obtinebant exercitus. Ibi primo varia fortuna, mox pugnavit sua: inclinataeque hostium copiae. Nec dissimilis ibi adversus victos, quam in priores, clementia Caesaris fuit. Victorem Africani belli C. Caesarem gravius excepit Hispaniense, (nam victus ab eo Pharnaces vix quidquam gloriae eius adstruxit.) quod Cn. Pompeius, Magni filius, adolescens, impetus ad bella maximi, ingens ac terribile conflaverat: undique ad eum adhuc paterni nominis magnitudinem sequentium ex toto orbe terrarum auxiliis confluentibus. Sua Caesarem in Hispaniam comitata fortuna est: sed nullum umquam atrocius periculosiusque ab eo initum proelium, adeo ut, plus quam dubio Marte, descenderet equo, consistensque ante recedentem suorum aciem, increpita prius fortuna, quod se in eum servasset exitum, denunciaret militibus, *vestigio se non necessurum: proinde viderent, quem et quo loco Imperatorem deserturi forent.* Verecundia magis quam virtute, acies restituta est a duce, quam a milite, fortius. Cn. Pompeius, gravis vulnere, inventus inter solitudines avias, interemptus est. Labienum Varumque acies abstulit.

LVI. Caesar omnium victor, regressus in Urbem, quod humanam excedat fidem, omnibus, qui contra se arma tulerant, ignovit; et magnificentissimis gladiatorii muneris, naumachiae, et equitum peditumque, simul elephantorum certaminis spectaculis, epulaeque per multos dies dati celebratione, replevit eam. Quinque egit triumphos. Gallici apparatus ex citro, Pontici ex acantho, Alexandrini testudine, Africi ebore. Hispaniensis argento rasili constitit. Pecunia ex manubiis lata paulo amplius sexies millies HS. Neque illi tanto viro, et tam clementer omnibus victoriis suis uso, plus quinque mensium principalis quietis contigit. Quippe quum mense Octobri in Urbem revertisset, Idibus Martiis, coniurationis auctoribus Bruto et Cassio, quorum alterum promittendo Consulatum non obligaverat, contra differendo Cassium offenderat; adicetis etiam consiliariis caedis familiarissimis omnium et fortuna partium elus in summum eventis fastigium, D. Bruto et C. Trebonio, aliisque clari nominis viris, interemptus est. Cui magnam invidiam conciliarat M. Antonius, omnibus audendis paratissimus, Consulatus collega, imponendo capiti eius, Lupercalibus sedentis pro Rostris, insigno regium; quod ab eo ita repulsum erat, ut non offensus videretur.

LVII. Laudandum experientia consilium est Pausae atque Hirtii, qui semper praedixerant Caesari, *ut principatum armis inusitatum armis teneret.* Ille dictitans, *maiori se, quam timore*

mallo, dum clementiam, quam praestiterat, exspectat, incautus ab ingratis occupatus est; quum quidem plurima praesagia atque indicia Dii immortales futuri obtulissent periculi. Nam et haruspices praemonuerant, *ut diligentissimo Iduum Martiarum caveret diem*; et uxor Calpurnia territa nocturno visu, *ut ea die domi subsisteret*, orabat; et libelli coniurationem nuntiantes, dati ab obvio, neque protinus lecti erant. Sed profecto ineluctabilis fatorum vis, cuiuscumque fortunam mutare constituit, consilia corrumpit.

LVIII. Quo anno id patravere facinus M. Brutus et C. Cassius, Praetores erant; D. Brutus Consul designatus. Hi una cum coniurationis globo, stipati gladiatorum D. Bruti manu, Capitolium occupavere, quum Consul Antonius (quem quum simul interimendum censuisset Cassius, testamentumque Caesaris abolendum, Brutus repugnaverat; dictitans: *nihil amplius civibus praeter tyranni*, ita enim appellari Caesarem facto eius expediebat, *petendum esse sanguinem*.) convocato Senatu, quum iam Dolabella, quem substituturus sibi Caesar designaverat Consulem, fasces atque insignia corripuisset Consularia, velut pacis auctor, liberos suos obsides in Capitolium misit, fidemque descendendi tuto interfectores Caesaris dedit. Et illud decreti Atheniensium celeberrimi exemplum, relatum a Cicerone, oblivionis praeteritarum rerum, decreto Patrum comprobatum est.

LIX. Caesaris deinde testamentum apertum est, quo C. Octavius, nepotem sororis suae Iuliae, adoptabat. De cuius origine, etiamsi praenitet, pauca dicenda sunt. Fuit C. Octavius, ut non patricia, ita admodum speciosa equestri genitus familia, gravis, sanctus, innocens, dives. Hic Praetor inter nobilissimos viros creatus, primo loco, quum ei dignatio Iulia genitam Atiam conciliasset uxorem, ex eo honore sortitus Macedoniam, appellatusque in ea Imperator, decedens ad petitionem Consulatus obiit, praetextato relicto filio. Quem C. Caesar, maior eius avunculus, educatum apud Philippum vitricum, dilexit ut suum, natumque annos XVII, Hispaniensis militiae, adsecutum se, postea comitem habuit, numquam aut alio usum hospitio, quam suo, aut alio vectum vehiculo: Pontificatusque sacerdotio puerum honoravit. Et patratis bellis civilibus, ad erudiendum liberalibus disciplinis singularis indolis iuvenem, Apolloniam eum in studia miserat, mox belli Getici ac deinde Parthici habiturus commilitonem. Cui ut est nuntiatum de caede avunculi, quum protinus ex vicinis legionibus Centuriones suam suorumque militum operam ei pollicerentur, neque eam spernendam Salvidienus et Agrippa dicerent; ille festinus pervenire in Urbem, omnem ordinem ac rationem et necis et testamenti Brundisii comperit. Cui, adventanti Romam, immanis amicorum occurrit frequentia; et quum intraret Urbem, Solis orbis [super caput eius] curvatus aequaliter, rotundatusque in colorem arcus, velut coronam tanti mox viri capiti imponens, conspectus est.

LX. Non placebat Atiae matri, Philippoque vitrico, adiri nomen invidiosae fortunae Caesaris: sed asserebant salutaria

Reipublicae terrarumque orbi fata conditorem conservatoremque Romani nominis. Sprevit itaque coelestis animus humana consilia; et cum periculo potius summa, quam tuto humilia, proposuit sequi, maluitque avunculo et Caesari de se, quam vitrico credere; diutius, *nefas esse, quo nomine Caesari dignus esset visus, semetipsum sibi videri indignum.* Hunc protinus Antonius Consul superbe excipit; (neque is erat contentus, sed metus;) vixque admisso in Pompeianos hortos loquendi secum tempus dedit: mox etiam, velut insidiis eius petitus, sceleste insimulare coepit; in quo turpiter deprehensa eius vanitas est. Aperte deinde Antonii ac Dolabellae Consulum ad nefandam dominationem erupit furor: HS. septies millies, depositum a C. Caesare ad aedem Opis, occupatum ab Antonio: actorum eiusdem, insertis falsis, civitatibusque *** corrupti commentarii: atque omnia pretio tentata, vendente Rempublicam Consule. Idem provinciam D. Bruto designato Consuli decretam, Galliam occupare statuit: Dolabella transmarinas decrevit sibi. Interque naturaliter dissimillimos, ac diversa volentes crescebat odium: eoque C. Caesar juvenis quotidianis Antonii petebatur insidiis.

LXI. Torpebat oppressa dominatione Antonii civitas; indignatio et dolor omnibus, vis ad resistendum nulli aderat: quum C. Caesar, XIX. annum ingressus, mira ausus, ac summa consecutus, privato consilio, maiorem Senatui pro Republica animum habuit. Primumque a Calatia, mox a Casilino, veteranos excivit paternos: quorum exemplum secuti alii, brevi in formam insti coiere exercitus. Mox quum Antonius occurrisset exercitui, quem ex transmarinis provinciis Brundisium venire iusserat, legio Martia et Quarta, cognita et Senatus voluntate et tanti invenis indole, sublatiis signis ad Caesarem se contulerunt. Enim Senatus, honoratum equestri statua, quae hodieque in Rostris posita aetatem eius scriptura indicat, (qui honor non alii, per CCC annos, quam L. Sullae et Cn. Pompeio et C. Caesari contigerat) pro Praetore, nna cum Coss. designatis Hirtio et Pansa, bellum cum Antonio gerere iussit. Id ab eo annum agente vicesimum, fortissime circa Mutinam administratum est: et D. Brutus obsidione liberatus: Antonius turpi ac nuda fuga coactus deserere Italiam: Consulum autem alter in acie, alter post paucos dies ex vulnere mortem obiit.

LXII. Omnia ante quam fugaretur Antonius, honorifice a Senatu in Caesarem exercitumque eius decreta sunt, maximo auctore Cicerone; sed, ut recessit metus, erupit voluntas, protinusque Pompeianis partibus rediit animus. Bruto Cassioque provinciae, quas iam ipsi sine ullo S. C. occupaverant, decretae. Laudati quicumque his [se] exercitus tradidissent. Omnia transmarina imperia eorum commissa arbitrio. Quippe M. Brutus et C. Cassius, nunc metuentes arma Antonii, nunc ad augendam eius invidiam, simulantes se metuere, testati edictis, *libenter se vel in perpetuo exsilio victuros, dum Respublica constaret concordia, nec ullam belli civilis praebituros materiam, plurimum sibi honoris esse in conscientia facti sui, profecti* Urbe atque Italia, intento ac pari animo, sine auctoritate pu-

blia, provincias exercitusque occupaverant, et *ubicumque ipsi essent*, praetextentes, *esse Rempublicam*, pecunias etiam, quae ex trausmarinis provinciis Romam ab Quaestoribus deportabantur, a volentibus acceperant. Quae omnia Senatus decretis comprehensa et comprobata sunt. Et D. Bruto, quod alieno beneficio viveret, decretus triumphus: Pansae atque Hirtii corpora publica sepultura honorata: Caesaris adeo nulla habitamentio, ut legati, qui ad exercitum eius missi erant, iuberentur, summoto eo, milites alloqui. Non fuit tam ingratus exercitus, quam fuerat Senatus. Nam, quum eam iniuriam dissimulando Caesar ferret, negavere milites, *sine Imperatore suo ulla se audituros mandata*. Hoc est illud tempus, quo Cicero, iusto amore Pompeianarum partium, *Caesarem laudandum et tollendum* censebat; quum aliud diceret, aliud intelligi vellet.

LXIII. Interim Antonius, fuga transgressus Alpes, primo per colloquia repulsus a M. Lepido, qui Pontifex Maximus in C. Caesaris locum furto creatus, decreta sibi Hispania, adhuc in Gallia morabatur, mox saepius in conspectum veniens militum, (quum et Lepido omnes imperatores forent meliores, et multis Antonius, dum erat sobrius,) per aversa castrorum, proruto vallo, militibus receptus est: qui titulo imperii cedebat Lepido, quum summa virium penes eum foret. Sub Antonii ingressum in castra Iuventius Laterensis, vir vita ac morte consentaneus, quum acerrime suasisset Lepido, *ne se cum Antonio, hoste iudicato, iungeret*, irritus consilii, gladio se ipse transfixit. Plancus deinde dubia, id est, sua fide, diu, quarum esset partium, secum luctatus, ac sibi difficile consentiens, et nunc adiutor D. Bruti, designatus Consul, collegae sui, Senatusque se literis vendicans, mox eiusdem proditor; Asinius autem Pollio, firmus proposito, et Iulianis partibus fidus, Pompeianis adversus; uterque exercitus tradidere Antonio.

LXIV. D. Brutus, desertus primo a Planco, post etiam insidiis eiusdem petitus, paulatim relinquente eum exercitu, fugiens, in hospitis cuiusdam, nobilis viri, nomine Camilli, domo, ab iis, quos miserat Antonius, iugulatus est; iustissimasque optime de se merito viro C. Caesari poenas dedit. Cuius quum primus omnium amicorum fuisset, interfector fuit, et fortunae, ex qua fructum tulerat, invidiam in auctorem relegabat: censebatque aequum, quae acceperat a Caesare, retinere; Caesarem, quia illa dederat, perisse. Haec sunt tempora, quibus M. Tullius continuis actionibus aeternas Antonii memoriae inussit notas. Sed hic fulgentissimo et coelesti ore; at Tribunus Caninius canina rabie lacerabat Antonium. Utrique viudicta libertatis morte statit: sed Tribuni sanguine commissa proscripcio; Ciceronis, velut satiatio Antonio poena, finita. Lepidus deinde a Senatu hostis indicatus est, ut ante fuerat Antonius.

LXV. Tum inter eum, Caesaremque et Antonium commercia epistolarum; et conditionum facta mentio. Quum Antonius subinde Caesarem admoneret, et quam inimicae ipsi Pompeianae partes forent, et in quod iam emersissent fastigium, et quanto Ciceronis studio Brutus Cassiusque attollerentur; denunciaret-

que, *se cum Bruto Cassioque, qui iam decem et septem legionum potentes erant, iuncturum vires suas, si Caesar eius aspernaretur concordiam, diceretque: plus Caesarem patris, quam se amici ultioni debere*: tum inita potentiae societas. Et hortantibus orantibusque exercitibus, inter Antonium etiam et Caesarem facta affinitas; quum esset privigna Antonii desponsa Caesari. Consulatumque iniiit Caesar pridie, quam viginti annos impleret X. Kalend. Octobres, cum collega Q. Pedio, post U. C. annis DCCIX, ante LXXII quam tu, M. Vinici, Consulatum inires. Vidit hic annus Ventidium, per quam Urbem inter captivos Picentium in triumpho ductus erat, in ea Consulare praetextam iungentem Praetoria. Idem hic postea triumphavit.

LXVI. Furente deinde Antonio, simulque Lepido, quorum uterque, ut praediximus, hostes iudicati erant, quum ambo mallent, sibi nuntiari, quid passi essent, quam quid emeruisent, repugnante Caesare, sed frustra adversus duos, instauratum Sullani exempli malum, proscriptio. Nihil tam iudicium illo tempore fuit, quam, quod aut Caesar aliquem proscribere coactus est, aut ab ullo Cicero proscriptus est. Abscisaque scelere Antonii vox publica est, quum eius salutem nemo defendisset, qui per tot annos publicam civitatis et privatam civium defenderat. Nihil tamen egisti, M. Antoni: (cogit enim excedere propositi formam operis, erumpens animo ac pectore indignatio :) nihil, inquam, egisti, mercedem coelestissimi oris et clarissimi capitis abscisi numerando, auctoramentoque fenebris ad conservatoris quondam Reipublicae tantique Consulis irritando necem. Rapuisti tu M. Ciceroni lucem sollicitam, et aetatem senilem, et vitam miseriorem te principe, quam sub te Triumviro mortem: famam vero gloriamque factorum atque dictorum adeo non abstulisti, ut auxeris. Vivit vivetque per omnem seculorum memoriam. Dumque hoc vel forte vel providentia vel utcumque constitutum rerum naturae corpus, quod ille paene solus Romanorum animo vidit, ingenio complexus est, eloquentia illuminavit, manebit incolume: comitem aevi sui laudem Ciceronis trahet; omnisque posteritas illius in te scripta mirabitur; tuum in eum factum execrabitur; citiusque in mundo genus hominum, quam ille cadet.

LXVII. Huius totius temporis fortunam ne declinare quidem quisquam satis digne potuit, adeo nemo exprimere verbis potest. Id tamen notandum est, fuisse in proscriptos uxorum fidem summam, libertorum mediam, servorum aliquam, filiorum nullam: adeo difficilis est hominibus utcumque conceptae spei mora. Ne quid ullibi sanctum relinqueretur, velut in dotem iuventutemque sceleris, Antonius L. Caesarem avunculum, Lepidus Paullum fratrem proscripserant. Nec Planco gratia defuit ad impetrandum, ut frater eius Plancus Plotius proscriberetur. Eoque inter iocos militares, qui curram Lepidi Plancique secuti erant, et inter execrationem civium, usurpabant hunc versum:

De Germanis, non de Gallis, duo triumphant Consules.

LXVIII. Suo praeteritum loco referatur; neque enim persona umbrae actae rei capit. Dum in acie Pharsalica [Africae] de

summa rerum Caesar dimicat, M. Caelius, vir eloquio animoque Curioni simillimus, sed in utroque perfectior, nec minus ingeniose nequam, quum ne modico quidem seruari posset, (quippe peior illi res familiaris quam mens erat,) in Praetura novarum tabularum auctor exstitit; nequique Senatus et auctoritate Consulibus deterreri: accito etiam Milone Annio, qui, non impetrato reditu, Iulianis partibus infestus erat, in Urbe seditionem, haud magis occulte bellicum tumultum movens, primo summo-tus a Republica, mox Consularibus armis, auctore Senatu, circa Thurios oppressus est. Incepto pari similis fortuna Milonis fuit; qui Compsam in Hirpinis oppugnans, ictusque lapide, tum P. Clodio, tum patriae, quam armis petebat, poenas dedit; vir iniques, et ultra fortem temerarius. Quatenus autem aliquid ex omissis peto, notetur; Immodica et intempestiva libertate usos adversus C. Caesarem, Marullum Epidium, Flavum-que Caesetium, Tribunus plebis, dum arguant in eo regni voluntatem, pacis vim dominationis expertos. In hoc tamen saepe lacessiti principis ira excessit, ut Censoria potius contentus noto, quam animadversione Dictatoria, summo-eretur eos a Repu-blica, testareturque, *esse sibi miserrimum, quod aut natura sua ei excedendum foret, aut minuenda dignitas.* Sed ad ordinem revertendum est.

LXIX. Iam et Dolabella in Asia C. Trebonium Consularem, cui succedebat, fraude deceptum Smyrnae occiderat, virum ad-versus merita Caesaris ingratissimum participemque caedis eius, a quo ipse in Consulare proventus fastigium fuerat. Et C. Cas-sius, acceptis a Statio Murco et Crispo Marcio, Praetoriis viris, imperatoribus quippe, validis in Syria legionibus, inclusum Dolabellum, qui praeoccupata Asia in Syriam pervenerat, Lao-diceae, expugnata ea urbe, confecerat, (ita tamen, ut ad ictum servi sui Dolabella non segniter cervicem daret), et decem legiones in eo tractu sui iuris fecerat. Et M. Brutus C. Antonio, fratri M. Antonii, in Macedonia, Vatinioque circa Dyrrhachium volentes legiones extorserat; sed Antonium bello lacessierat, Vatinium dignatione obruerat; quum et Brutus cuilibet ducum praefendus videretur, et Vatinius nulli nomini non esset post-ferendus. In quo deformitas corporis cum turpitudine certabat ingenii, adeo ut animus eius dignissimo domicilio inclusus vi-deretur: eratque septem legionibus validus. At lege Pedia, quam Consul Pedius, collega Caesaris, tulerat, omnibus, qui Caesarem patrem interfecerant, aqua ignique [damnatis] inter-dictum erat. Quo tempore Capito, patruus meus, vir ordinis Senatorii, Agrippae subscripsit in C. Cassium. Dumque ea in Italia geruntur, acri atque prosperrimo bello Cassius Rhodum, rem immanis operis, ceperat: Brutus Lycios devicerat, et inde in Macedoniam exercitus traiecerant; quum per omnia repugnans naturae suae Cassius etiam Bruti clementiam vinceret. Neque reperia, quos aut prior Fortuna comitata sit, aut veluti fatigata maturius destituerit, quam Brutum et Cassium.

LXX. Tum Caesar et Antonius traiecerunt exercitus in Ma-cedoniam, et apud urbem Philippos cum M. Bruto Cassioque

acie concurrerunt. Cornu, cui Brutus praeerat, impulsis hostibus castra Caesaris cepit. Nam ipse Caesar, etiamsi infirmissimus valetudine erat, obibat munia ducis, oratus etiam ab Artorio medico, *ne in castris remaneret*, manifeste denuntiatione quietis terro. Id autem, in quo Cassius fuerat, fugatum ac male mulcatum in altiora se receperat loca. Tum Cassius ex sua fortuna eventum collegae aestimans, quum dimisisset evocatum, iussissetque nuntiare sibi, *quae esset multitudo ac vis hominum, quae ad se tenderet*, tardius eo nuntiante, quum in vicino esset agmen cursu ad eum tendentium, neque pulvere facies aut signa denotari possent, existimans, hostes esse, qui irruerent, lacerna caput circumdedit, extantamque cervicem interitus liberto praebuit. Deciderat Cassii caput, quum evocatus advenit, nuntians, *Brutum esse victorem*. Qui quum imperatorem prostratum videret, *sequar*, inquit, *eum, quem mea occidit tarditas*; et ita in gladium incubuit. Post paucos deinde dies Brutus confligit cum hostibus: et victus acie, quum in tumultum nocte ex fuga se recepisset, impetravit a Stratone Aegate, familiari suo, ut manum morituro commodaret sibi; reiectoque laevo super caput brachio, quum mucronem gladii eius dextera tenens, sinistrae admovisset mammillae, ad eum ipsum locum, qua cor enicat; impellens se in vulnus, uno ictu transfixus exspiravit protinus.

LXXI. [Corvinus] Messalla, fulgentissimus iuvcnis, proximus in illis castris Bruti Cassique auctoritati, quum essent, qui eum ducem poscerent, servari beneficio Caesaris maluit, quam dubiam spem armorum tentare amplius. Nec aut Caesari quidquam ex victoriis suis fuit lactius, quam servasse Corvinum; aut maius exemplum hominis grati ac pii, quam Corvinus in Caesarem fuit. Non aliud bellum cruentius caede clarissimorum virorum fuit. Tum Catonis filius cecidit. Eadem Lucillum Hortensiumque, eminentissimorum civium filios, fortuna abstulit. Nam Varro ad ludibrium moriturus Antonii, digna illo ac vera de exitu eius magna cum libertate ominatus est. Drusus Livius, Iuliae Augustae pater, et Varus Quinctilius, ne tentata quidem hostis misericordia, alter se ipse in tabernaculo intemit; Varus autem liberti, quem id facere coegerat, manu, quum se insignibus honorum velasset, iugulatus est.

LXXII. Hunc exitum M. Bruti partium, septimum et tricesimum annum agentis, Fortuna esse voluit: incorrupto animo eius in diem, quae illi omnes virtutes unius temeritate facti abstulit. Fuit autem dux Cassius melior, quanto vir Brutus: e quibus Brutum amicum habere malles, inimicum magis timeres Cassium: in altero maior vis, in altero virtus. Qui si vicissent; quantum Reipublicae interfuit, Caesarem potius habere quam Antonium principem, tantum retulisset habere Brutum quam Cassium. Cn. Domitius, pater L. Domitii, nuper a nobis visi, eminentissimae ac nobilissimae simplicitatis viri, avus huius Cn. Domitii, clarissimi juvenis, occupatis navibus, cum magno sequentium consilia sua comitatu, fugae fortunaeque se commisit, semetipso contentus duce partium. Statius Murcus, qui classi

et custodias maris praefuerat, cum omni commissa sibi parte exercitus naviumque Sex. Pompeium, Cn. Magni filium, qui ex Hispania revertens, Siciliam armis occupaverat, petit. Ad quem et e Brutianis castris et ex Italia, aliisque terrarum partibus, quos praesenti periculo fortuna subdlexerat, proscripti confluxerant. Quippe nullum habentibus statum quilibet dux erat idoneus; quum fortuna non electionem daret, perfugium ostenderet; exitialemque tempestatem fugientibus statio pro portu foret.

LXXIII. Hic adolescens erat studiis rudis, sermone barbarus, impetu strenuus, manu promptus, cogitatu celer, fide patri dissimilimus, libertorum suorum libertus, servorumque servus, speciosis invidens, ut pareret humillimis. Quem Senatus, paene totus adhuc e Pompeianis constans partibus, post Antonii a Mutina fugam, eodem illo tempore, quo Bruto Cassioque transmarinas provincias decreverat, revocatum ex Hispania, ubi adversus eum clarissimum bellum Pollio Asinius Praetorius gesserat, in paternam bona restituerat, et orae maritimae praefecerat. Is tunc, ut praediximus, occupata Sicilia, servitia fugitivosque in numerum exercitus sui recipiens, magnum modum legionum effecerat: perque Maenam et Menecratem, paternos libertos, Praefectos classium, latrocinii ac praedationibus infestato mari, ad se exercitumque tuendum rapto utebatur, quum eum non depuderet, vindicatum armis ac ductu patris sui mare infestare piraticis sceleribus.

LXXIV. Fractis Brutianis Cassianisque partibus, Antonius transmarinas obituras provincias substitit; Caesar in Italiam se recepit, eamque longe quam speraverat tumultuosiores reperit. Quippe L. Antonius Consul, vitiorum fratris sui consors, sed virtutum, quae interdum in illo erant, expertus, modo apud veteranos criminatus Caesarem, modo eos, qui iusta [instituta] divisione praediorum nominatisque coloniis, agros amiserant, ad arma conciens, magnum exercitum conflaverat. Ex altera parte uxor Antonii Fulvia, nihil muliebri praeter corpus gerens, omnia armis tumultuque miscebat. Haec belli sedem Praeneste ceperat: Antonius pulsus undique viribus Caesaris Perusiam se contulerat: Planeus, Antonianarum adiutor partium, spem magis ostenderat auxilii, quam opem ferebat Antonio. Usus Caesar virtute et fortuna sua, Perusiam expugnavit; Antonium involatam dimisit. In Perusinos magis ira militum, quam voluntate saevitum ducis. Urbs incensa; cuius initium incendii principes eius loci fecit Macedonicus; qui, subiecto rebus ac penatibus suis igni, transfixum se gladio flammae intulit.

LXXV. Per eadem tempora exarserat in Campania bellum, quod, professus eorum, qui perdiderant agros, patrocinium, ciebat Tib. Claudius Nero, Praetorius et Pontifex, Tib. Caesaris pater, magni vir animi doctissimique ingenii. Id quoque adventu Caesaris sepultum atque discussum est. Quis fortunae mutationes, quis dubios rerum humanarum casus satis mirari queat? quis non diversa praesentibus contrariaque expectatis aut speret, aut timeat? Livia nobilissimi et fortissimi viri, Drusi Claudiani, filia, genere, probitate, forma Romanarum emi-

notissima, quam postea coniugem Augusti vidimus, quam transgressi ad Deos sacerdotem ac filiam, tum fugiens mox futuri sui, Caesaris arma, minus binum hunc Tiberium Caesarem, vindicem Romani imperii, futurumque eiusdem Caesaris filium, gestans sinu, per avia itinerum, vitatis militum gladiis, uno comitante, quo facillius occultaretur fuga, pervenit ad mare, et cum viro Nerone pervecta in Siciliam est.

LXXVI. Quod alieno testimonium redderem, eo non fraudabo avum meum. Quippe C. Velleius, honoratissimo inter illos CCCLX iudices loco a Cn. Pompeio lectus, eiusdem, Marciique Bruti ac Tib. Neronis Praefectus fabrum, vir nulli secundus, in Campania, digressu Neronis a Neapoli, cuius, ob singularem cum eo amicitiam, partium adiutor fuerat, gravis iam aetate et corpore, quum comes esse non posset, gladio se ipso transfixit, Inviolatam excedere Italia Caesar passus Fulviam, Plancumque muliebri fugae comitem. Nam Pollio Asinius cum septem legionibus, diu retenta in potestate Antonii Venetia, magnis speciosisque rebus circa Altinum, aliasque eius regionis urbes, editis, Antonium petens, vagum adhuc Domitium, quem digressum e Brutianis castris post eandem eius praediximus, et propriae classis factum ducem, consiliis suis illectum, ac fide data, iunxit Antonio. Quo facto, quisquis aequum se praestiterit, sciat, non minus a Pollione in Antonium, quam ab Antonio in Pollionem, esse collatum. Adventus deinde in Italiam Antonii, praeparatusque contra eum Caesaris, habuit belli metum; sed, pax circa Brundisium composita. Per quae tempora Rufi Salvidieni scelestae consilia patefacta sunt. Qui natus obscurissimis initiis, parum habebat summa acceperisse, et proximus a Cn. Pompeio ipsoque Caesare, ex equestri ordine Consul creatus esse, nisi in id ascendisset, e quo infra se et Caesarem videret et Rempublicam.

LXXVII. Tum expostulante consensu populi, quem gravis urebat, infesto mari, annona, cum Pompeio quoque circa Misenum pax inita: qui haud absurde, quum in navi Caesarenique et Antonium coena exciperet, dixit, *in Carinis suis se cenam dare*, referebat hoc dictum ad loci nomen, in quo paterna domus ab Antonio possidebatur. In hoc pacis foedere placuit Siciliam Achalamque Pompeio concedere. In quo tamen animus iniquus manere non potuit: id unum tantummodo, salutare [adventu suo] patriae attulit, quod omnibus proscriptis aliisque, qui ad eum ex diversis causis fugerant, reditum salutemque pactus est. Quae res et alios clarissimos viros, et Neronem Claudium, et M. Sillanum, Sentiumque Saturninum, et Aruntium, ac Titium, restituit Reipublicae. Statium autem Murcum, qui adventu suo classisque celeberrimae vires eius duplicaverat, ipsamulatam falsis criminationibus, quia talem virum collegam officii Maena et Meneceatea fastidierant, Pompeius in Sicilia interfecerat.

LXXVIII. Hoc tractu temporum Octaviam, sororem Caesaris, M. Antipius duxit uxorem. Redierat Pompeius in Siciliam, Antonius in transmarinas provincias. Quas magnis momentis

Labienus, ex Brutianis castris profectus ad Parthos, perducto eorum exercitu in Syriam; interfectoque Legato Antonii, concusserat: qui virtute et ductu Ventidii, una cum Parthorum copiis, celeberrimoque iuvenum Pacoro, regis filio, extinctus est. Interim Caesar per haec tempora, ne res disciplinae inimicissima, otium corrumpere militem, crebris in Illyricis Dalmatiaque expeditionibus, patientia periculorum bellicae experientia durabat exercitum. Eadem tempestate Calvinus Domitius, quum ex Consulatu obtineret Hispaniam, gravissimi comparandique antiquis exempli auctor fuit. Quippe primipili Centurionem, nomine Vibillum, ob turpem ex acie fugam, fusti percussit.

LXXIX. Crescente in dies et classe et fama Pompeii, Caesar molem belli eius suscipere statuit. Aedificandis navibus, contrahendoque militi ac remigi, navallibusque adsuendo certaminibus atque exercitationibus, praefectus est M. Agrippa. [vir] virtutis nobilissimae, labore, vigilia, periculo invictus, parendique, sed uni, scientissimus, aliis sane imperandi cupidus, et per omnia extra dilaciones positus, consultisque facta coniungens, Hic in Averno ac Lucrino lacu speciosissima classe fabricata, quotidianis exercitationibus militem remigamque ad summam et militaris et maritimae rei perduxit scientiam. Haec classe Caesar, quum prius, despondente ei Nerone, cui ante nupta fuerat, Liviam, auspiciis Reipublicae omnibus duxisset uxorem, Pompeio Siciliaeque bellum intulit. Sed virum humana ope invictum, graviter eo tempore fortuna concussit. Quippe longe maiorem partem classis, circa Veliam Pallinurique promontorium, adorta vis Africi laceravit ac distulit. Ea patrandi bello mora fuit, quod post industria, et interdum ancipiti fortuna gestum est. Nam et classis eodem loco vexata est tempestate, et ut navali primo praelio apud Mylas ducta Agrippae pugnatum prospere, ita inopinato classis [adversae] adventu gravis sub ipsius Caesaris oculis, circa Tauromenium accepta clades: neque ab ipso periculum abfuit. Legiones, quae cum Cornificio erant, Legato Caesaris, expositae in terra, paene a Pompeio oppressae sunt. Sed ancipitis fortuna temporis matura virtute correctae. Explicatis quippe utriusque partis classibus, paene omnibus exutus navibus Pompeius Asiam fuga petivit: iussaque M. Antonii, cuius opem petierat, dum inter duces et supplices tumultuatur, et nunc dignitatem retinet, nunc vitam precatur, a Titio iugulatus est. Cui in tantum duravit hoc facinore contractum odium, ut mox ludos in theatro Pompeii faciens, execratione populi, spectaculo, quod praebebat, pelleretur.

LXXX. Acciverat, gerens contra Pompeium bellum, ex Africa Caesar Lepidum cum XII semiplenis legionibus. Hic vir omnium vanissimus, neque ulla virtute tam longam fortunae indulgentiam meritis, exercitum Pompeii, quia propior fuerat, sequentem non ipsius, sed Caesaris auctoritatem ac fidem, sibi iunxerat: inflatusque amplius XX legionum numero, in id furoris processerat, ut inutilis in aliena victoria comes, quam diu moratus erat, dissidendo in consiliis Caesari, et semper di-

versa his, quae aliis placebant, discendo, totam victoriam ut suam interpretaretur: audebatque denuntiari Caesari, *excederet Sicilia*. Non ab Scipionibus, aliisque veteribus Romanorum ducum, quidquam ausum patratumque fortius, quam tunc a Caesare. Quippe quum inermis et lacernatus esset, praeter nomen nihil trahens, ingressus castra Lepidi, evitatis, quae iussu hominis pravissimae tela in eum acta erant, quum lacerna eius perforata esset lancea, aquilam legionis rapere ausus est. Scires quid interesset inter duces. Armati inermem secuti sunt: decimoque anno, quam ad dissimillimam vitae suae potentiam pervenerat, Lepidus et a militibus et a fortuna desertus; pulloque velatus amiculo, inter ultimam confluentium ad Caesarem turbam latens, genibus eius advolutus est. Vita rerumque suarum dominium concessa ei sunt; spoliata, quam tueri non poterat, dignitas.

LXXXI. Subita deinde exercitus seditio (qui plerumque contemplatus frequentiam suam, a disciplina desciscit, et, quod cogere se putat posse, rogare non sustinet) partim severitate, partim liberalitate discussa Principis. Speciosumque per id tempus adiectum supplementum Campanae Coloniae. Agri eius relictis erant publici: pro his longe uberiores redditus duodecies HS. in Creta insula redditus, et aqua permissa, quae hodieque singulare et salubritatis instar et amoenitatis ornamentum est. Insigne coronae classicae, quo nemo umquam Romanorum donatus erat, hoc bello Agrippa singulari virtute meruit. Victor deinde Caesar reversus in Urbem, contractas emtionibus complures domos per procuratores, quo laxior fieret ipsius, publicis se usibus destinare professus est; templumque Apollini, et circa porticus, facturum promisit, quod ab eo singulari extructum munificentia est.

LXXXII. Qua aestate Caesar tam prospere Lepidum in Sicilia debellavit, fortuna in Caesare et Republica militavit ad Orientem. Quippe Antonius cum XIII [XVI] legionibus ingressus Armeniam, ac deinde Mediam, et per eas regiones Parthos petens, habuit regem eorum obvium. Primoque duas legiones, cum omnibus impedimentis tormentisque et Statiano Legato amisit: mox saepius ipse, cum summo totius exercitus discrimine, ea adiit pericula, e quibus servari se posse desperaverat; amissaque non minus quarta parte militum, captivi cuiusdam, sed Romani, consilio ac fide servatur: qui clade Crassiani exercitus captus, quam fortunam, non animum mutasset, accessit nocte ad stationem Romanam; praedixitque, *ne destinatum iter peterent, sed diverso silvestrique pervaderent*. Hoc M. Antonio ac tot illis legionibus saluti fuit: de quibus tamen, totoque exercitu, haud minus pars quarta, ut praediximus, militum, calorum servitilque desiderata tertia est, impedimentorum vix ulla superfuit. Hanc tamen Antonius fugam suam, quia vivus exierat, victoriam vocabat. Qui tertia aestate reversus in Armeniam, regem eius Artavasdem, fraude deceptum, catenis, sed, ne quid honori deesset, aureis vinxit. Crescente deinde et amoris in Cleopatram incendio, et vitiorum, quae semper fa-

cultatibus licentiaque et assentationibus aluntur, magnitudine, bellum patriae inferre constituit; quum ante. Novum se Liberrum patrem appellari iussisset. Tum rediit hederis, coronaque velatus aurea, et thyrsum tenens cothurnisque succinctus [suras vinctus], curru, velut Liber Pater, vectus esset Alexandriae.

LXXXIII. Inter hunc apparatus belli, Plaucus, non iudicio recta legendi, neque amore Reipublicae aut Caesaris, (quippe haec semper impugnabat,) sed morbo proditor, quum fuisset humillimus assentator reginae, et infra servos cliens, quum Antonii librarius, quum obscoenissimarum rerum et auctor et minister, quum in omnia et omnibus venalis, quum caeruleatus et uduus, caputque redimitus arundine et caudam trahens, genibus innixus Glaucum saltasset in convivio, refrigeratus ab Antonio, oh manifestarum rapinarum indicia, transfugit ad Caesarem. Et idem postea clementiam victoris pro sua virtute interpretabatur; dictitans, *id probatum a Caesare*, cui ille ignoverat. Mox autem hunc avunculum Titius imitatus est. Haud absurde Coponius, vir Praetorius gravissimus, P. Silii socer, quum recens transfuga, multa ac nefanda Plaucus absenti Antonio in Senatu obiiceret; *Multa*, inquit, *me hercules fecit Antonius, pridie quam tu illum relinqueres.*

LXXXIV. Caesare deinde et Messalla Corvino Coss. debellatum apud Actium; ubi longe ante, quam dimicaretur, exploratissima Iulianarum partium fuit victoria. Vigeat in hac parte miles atque imperator; illa marcebant omnia: hinc, remiges firmissimi; illinc inopia adfectissimi: navium hinc magnitudo modica cum celeritate adversa; illa specie terribilior: hinc ad Antonium nemo, illinc ad Caesarem quotidie aliqui transfugiebant. Denique in ore atque oculis Antonianae classis per M. Agrippam Leucas expugnata, Patrae captae, Corinthus occupata, bis ante, ultimum discrimen classis hostium superata. Rex Amyntas, meliora et utiliora secutus, nam Deillius, exempli sui tenax, ut a Dolabella [ad Cassium, a Cassio ad Antonium, ita ab Antonio transiit] ad Caesarem: virque clarissimus Cn. Domitius, qui solus Antonianarum partium, numquam reginam, nisi nomine, salutavit, maximo et praecipiti periculo transiit ad Caesarem.

LXXXV. Advenit deinde maximi discriminis dies, quo Caesar Antoniusque, productis classibus, pro salute alter, in ruinam alter terrarum orbis dimicavere. Dextrum navium Iulianarum cornu M. Lurio commissum, laevum Aruntio, Agrippae omne classici certaminis arbitrium. Caesar ei parti destinatus, in quam a fortuna vocaretur, ubique aderat: classis Antonii regimen Publicolae Sosioque commissum. At in terra locatum exercitum Taurus Caesaris, Antonii regebat Canidius. Ubi initum certamen est, omnia in altera parte fuere, dux, remiges, milites; in altera nihil praeter milites. Prima occupat fugam Cleopatra: Antonius fugientis reginae, quam pugnantis militis sui, comes esse maluit; et imperator, qui in desertores saevire debuerat, desertor exercitus sui factus est. Illis, etiam detracto capite, in longum fortissime pugnandi duravit constantia: et desperata

victoria, in mortem dimicabatur. Caesar, quos ferro poterat interimere, verbis mulcere cupiens, clamitansque et ostendens, *fugisse Antonium*, quarebat, *pro quo et cum quo pugnarent?* at illi, quum diu pro absente dimicassent duce, acre submissis armis cessere victoriam: citiusque vitam veniamque Caesar promisit, quam illis, ut ea precarentur, persuasum est. Fuitque in confesso, milites optimi imperatoris, imperatorem fugacissimi militis functum officio. Quis dubitet, suo, an Cleopatrae arbitrio victoriam temperaturus fuerit, qui ad eius arbitrium direxit fugam? Idem locatus in terra fecit exercitus, quum se Canidius praecepiti fuga rapuisset ad Antonium.

LXXXVI. Quid ille dies terrarum orbi praestiterit, ex quo in quem statum pervenerit fortuna publica, quis in hoc transcurso tam artati operis exprimere audeat? Victoria vero fuit elementissima: nec quisquam interemptus est, nisi paucissimi, et hi, qui ne deprecari quidem pro se sustinerent. Ex qua lenitate ducis colligi potuit, quem aut iulio triumviratus sui, aut in campis Philippiis, si sic licuisset, victoriae suae facturus fuerit modum. At Sositum L. Aruntii, prisca gravitate celebrari, fides, mox diu [cum] clementia luctatus sua Caesar, servavit incolumem: Non praetereatur Asinii Pollionis factum et dictum memorabile. Namque quum se post Brundisiam pacem continuisset in Italia, neque aut vidisset umquam reginam, aut post enervatum amore eius Antonii animum, partibus eius se miscuisset, rogante Caesare, *ut secum ad bellum proficisceretur Actiacum*; *Mea*, inquit, *in Antonium maiora merita sunt, illius in me beneficia notiora: itaque discrimini vestro me subtraham, et ero praeda victoris.*

LXXXVII. Proximo deinde anno persecutus reginam Antoniumque Alexandriam, ultimam bellis civilibus imposuit manum. Antonius se ipse non segniter interemit; adeo ut multa desidia crimina una morte redimeret. At Cleopatra, frustratis custodibus, illata aspide, morsus eius, sane experta muliebris metus spiritum reddidit. Fuitque et fortuna et clementia Caesaris dignum, quod nemo ex his, qui contra eum arma tulerant, ab eo iussu eius sit interemptus. D. Brutum Antonii interemit crudelitas. Sex. Pompeium, ab eodem victum, idem Antonius, quum dignitatis quoque servandae dedisset fidem, etiam spiritu privavit. Brutus et Cassius, ante quam victorum experirentur animum, voluntaria morte obierunt. Antonii Cleopatraeque quis fuisset exitus, narravimus. Canidius timidus decessit, quam professioni eius, qua semper usus erat, congruebat. Ultimus autem ex interfectoribus Caesaris Parmensis Cassius morte poenas dedit, ut dederat [primus] Trebonius.

LXXXVIII. Dum ultimam bello Actiaco Alexandrinoque Caesar imponit manum, M. Lepidus iuvenis forma quam mente melior, Lepidi eius, qui Triumvir fuerat Reipublicae confidendum, filius, Iunia Bruti sorore natus, interficiendi, simul in Urbem revertisset, Caesaris consilia iniecit. Tunc Urbis custodibus praepositus C. Maecenas, equestri, sed splendido genere natus, vir, ubi res vigiliam exigeret, sane exsomnis, providens,

alique agendi scilicet; simul vero aliquid ex negotio remitti posset, otio ac mollitiis paene ultra femineam fluens: non minus Agrippa Caesari carus, sed minus honoratus (quippe vixit angusti clavi paene contentus); nec minora consequi potuit, sed non tam concupivit. Hic speculatus est per summam quietem ac dissimulationem praecipitis consilia iuvenis, et mira celeritate nullaque perturbatione aut rerum aut hominum oppresso Lepido, immane novi ac resurrecturi belli civilis restinxit initium. Et ille quidem male consultorum poenas exsolvit. Aequetur praedictae iam Antistii, Servilia Lepidi uxor, quae vivo igni devorato, praematuram mortem immortali nominis sui pensavit memoria.

LXXXIX. Caesar autem reversus in Italiam atque Urbem, quo occursum, quo favore omnium hominum, aetatum, ordinum exceptus sit, quae magnificentia triumphorum eius, quae fuerit munera, ne in operis quidem iusti materia, nedum huius tam recisi, digne exprimi potest. Nihil deinde optare a Diis homines, nihil Deis hominibus praestare possunt; nihil voto concipi, nihil felicitate consummari, quod non Augustus, post reditum in Urbem, Reipublicae populoque Romano terrarumque orbi repraesentaverit. Finita vicesimo anno bella civilia, sepulta externa; revocata pax, sopitus ubique armorum furor, restituta vis legibus, iudiciis auctoritas, Senatui maiestas; imperium magistratum ad pristinum redactum modum; tantummodo octo Praetoribus affecti duo; prisca illa et antiqua Reipublicae forma revocata. Rediit cultus agris, sacris honos, severitas hominibus, certa cuique rerum suarum possessio; leges emendatae utiliter, latae salubriter; Senatus sine asperitate nec sine severitate lectus; principes viri, triumphisque et amplissimis honoribus functi; hortatu Principis, ad ornandam Urbem illecti sunt. Consulatus tantummodo usque ad undecimum, quem continuaret, quum saepe obnitens repugnasset, impetrari potuit. Nam Dictaturam, quam pertinaciter ei deferebat populus, tam constanter repulsi. Bella sub Imperatore gesta, pacatusque victoriis terrarum orbis, et tot extra Italiam domique opera, omne aevi sui spatium impensurum in id solum opus scriptorem fatigent. Nos memores professionis, universam imaginem principatus eius oculis animisque subicimus.

XC. Sepultis, ut praediximus, bellis civilibus, coalescentibusque Reipublicae membris, et externa coiere, quae tam longa annorum series laceraverat. Dalmatia, viginti et ducentos annos rebellis, ad certam confessionem pacata est imperii. Alpes, feris inultisque nationibus celebres, perdomitae. Hispaniae, nunc ipsius praesentia, nunc Agrippae, (quem usque in tertium Consulatum, et mox collegium Tribunitiae potestatis, amicitia Principis exexerat) multo varioque Marte pacatae. In quas provincias quum initio, Scipione et Sempronio Longo Coss., primo anno secundi [belli] Punici, abhinc annos CCL, Romani exercitus missi essent, duce Cn. Scipione, Africani patruo, per annos CC in his multo magnoque ita certatum est sanguine, ut amissis populi Romani imperatoribus exercitibusque, saepe con-

tumelia, [etiam] nonnumquam periculum Romano inferretur iuperio. Illae enim provinciae Scipiones consumserunt; illae contumelioso X annorum bello sub duce Viriatho maiores nostros exercuerunt; illae terrore Numantini belli, populum Romanum concusserunt; in illis turpe Q. Pompeii foedus turpiusque Mancini, Senatus cum ignominia dediti imperatoris rescidit: illa tot Consulares, tot Praetorios absumsit duces; patrumque aetate, in tantum Sertorium armis extulit, ut per quinquennium diiudicari non potuerit, Hispanis Romanisque in armis plus esset roboris, et uter populus alteri pariturus foret. Has igitur provincias tam diffusas, tam frequentes, tam feras, ad eam pacem abhiuc annos ferme L perduxit Caesar Augustus, ut, quae maximis bellis numquam vacaverant, eae sub C. Antonio, ac deinde P. Silio Legato ceterisque postea, etiam latrocinii vacarent.

XCI. Dum pacatur Occidens, ab Oriente ac rege Parthorum signa Romana, quae Crasso oppresso Orodes, quae Antonio pulso filius eius Phraates ceperant, Augusto remissa sunt: quod cognomen illi viro, Planci sententia, consensus universi Senatus populique Romani indidit. Erant tamen, qui hunc felicissimum statum odissent. Quippe L. Murena, et Fannius Caepio, diversis moribus, (nam Murena sine hoc facinore potuit videri bonus, Caepio et hoc ante pessimus,) quum inissent occidendi Caesaris consilia, oppressi auctoritate publica, quod vi facere voluerant, iure passi sunt. Neque multo post Rufus Egnatius, per omnia gladiatori quam Senatori propior, collecto in Aedilitate favore populi, quem extinguendis privata familia incendiis in dies auxerat, in tantum quidem, ut ei Praeturam continuaret, mox etiam Consulatum petere ausus, quum esset omnium flagitiorum scelerumque sentina emersus, nec melior illi res familiaris, quam mens foret, aggregatis simillimis sibi, interimere Caesarem statuit, ut, quo salvo salvus esse non poterat, eo sublato moreretur. Quippe ita se mores habent, ut publica quisque ruina malit occidere, quam sua proteri, et idem passurus, minus conspici. Neque hic prioribus in occultando felicius fuit: addictusque carceri, cum consciis facinoris, mortem dignissimam vita sua obiit.

XCII. Praeclarum excellentis viri factum C. Sentii Saturnini, circa ea tempora Consulis, ne fraudetur memoria. Aberat in ordinandis Asiaticisque rebus Caesar, circumferens terrarum orbi praesentia [sua] pacis suae bona: tum Sentius, forte et solus, et absente Caesare, Consul, quum alia, prisca severitate summaque constantia, veterum Consulum more [ac severitate], gessisset, protraxisset publicanorum fraudes, punisset avaritiam, regressisset in aerarium pecunias publicas, tum in comitiis habendis praecipuum egit Consulem. Nam et Quaesturam petentes, quos indignos iudicavit, profiteri vetuit; et, quum id facturos se perseverarent, consularem, si in campum descendissent, vindictam minatus est; et Egnatium, florentem favore publico, sperantemque, ut Praeturam Aedilitati, Consulatum Praeturae se iuncturum, profiteri vetuit; et quum id non obtinisset, iuravit, etiam si factus esset Consul, suffragiis populi, tamen se

nam non renuntiaturum. Quod ego factum cuilibet veterum Consulum gloriae comparandum reor, nisi quod naturaliter audita visis laudamus libentius; et praesentia invidia, praeterita veneratione prosequimur; et his nos obrui, illis instrui credimus.

XCIII. Ante triennium fere, quam Egnatianum scelus crumperet, circa Murenæ Caepionisque coniurationis tempus, abhinc annos L, M. Marcellus, sororis Augusti Octaviae filius, (quem homines ita, si quid accidisset Caesari, successorem potentiae eius arbitrabantur futurum, ut tamen id per M. Agrippam securo ei posse contingere non existimarent) magnificentissimo munere Aedilitatis edito, decessit admodum iuvenis; sane, ut nunt, ingenuarum virtutum, laetusque animi et ingenii, fortunaeque, in quam alebatur, capax. Post cūlus obitum Agrippa, qui sub specie ministeriorum principalium profectus in Asiam, ut fama loquitur, ob tacitas cum Marcello offensiones, praesenti se subduxerat tempori, reversus inde filiam Caesaris Iuliam, quam in matrimonio Marcellus habuerat, duxit uxorem, feminam neque sibi, neque Reipublicae felicis uteri.

XCIV. Hoc tractu temporum Tib. Claudius Nero, (quo timo, ut praediximus, Livia, Drusi Claudiani filia, despondente Nerone, cui ante nupta fuerat, Caesari nupserat,) innutritus coelestium praeceptorum disciplinis, iuvenis genere, forma, celsitudine corporis, optimis studiis, maximoque ingenio instructissimus, qui protinus, quantus est, sperari potuerat, visuquo praetulerit principem, Quaestor undevicesimum annum agens capessere coepit Rempublicam; maximamque difficultatem anno-nae, ac rei frumentariae inopiam, ita Ostiae atque in Urbe mandato vitrici moderatus est, ut per id, quod agebat, quantus evasurus esset, eluceret. Nec multo post missus ab eodem vitrico cum exercitu ad visendas ordinandasque, quae sub Oriente sunt, provincias, praecipuis omnium virtutum experimentis in eo tractu editis, cum legionibus ingressus Armeniam, redacta ea in potestatem populi Romani regnum eius, Artavasdi [eruptam, Tigrani] dedit. Quin rex quoque Parthorum, tanti nominis fama territus, liberos suos ad Caesarem misit obsides.

XCV. Reversum inde Neronem Caesar haud mediocris belli molem experiri statuit, adiutore operis dato fratre ipsius, Druso Claudio, quem intra Caesaris penates enixa erat Livia. Quippe uterque, divisis partibus, Rhactos Vindelicosque adgressi, multis urbium et castrorum oppugnationibus, nec non directaque quoque acie feliciter functi, gentes locis tutissimas, aditu difficillimas, numero frequentes, feritate truces, maiore cum periculo quam damno Romani exercitus, plurimo cum earum sanguine perdomuerunt. Ante quae tempora Censura Planci et Paulli, acta inter discordiam, neque ipsis honori, neque Reipublicae usui fuit: quum alteri vis censoria, alteri vita deesset; Paullus vix posset implere Censorem, Plancius timere deberet; nec quidquam obilcere posset adolescentibus, [aut obilcientes audire,] quod non agnosceret senex.

XCVI. Mors deinde Agrippae (qui novitatem suam multis rebus nobilitaverat, atque in hoc perduxerat, ut et Neronis es-

set socer; cuiusque liberos, nepotes suos, D. Augustus, praepositis Caii ac Lucii nominibus adoptaverat) admovit propius Neronem Caesari. Quippe filia eius Iulia, quae fuerat Agrippae nupta, Neroni nupsit. Subinde bellum Pannonicum, quod inchoatum ab Agrippa, Marcoque Vinicio, avo tuo, Cos. magnam atroxque et perquam vicinum imminebat Italiae, per Neronem gestum est. Gentes Pannoniorum, Dalmatarumque nationes, situmque regionum ac fluminum, numerumque et modum virium, excelsissimasque et multiplices eo bello victorias tanti imperatoris, alio loco explicabimus. Hoc opus servet formam suam. Huius victoriae compos Nero, ovans triumphavit.

XCVII. Sed dum in hac parte imperii omnia geruntur prosperissime, accepta in Germania clades sub Legato M. Lollio, homine in omnia pecuniae, quam recte facienda cupidior, et inter summam vitiorum dissimulationem vitiosissimo; amissaque legionis quintae aquila, vocavit ab Urbe in Gallias Caesarem. Cura deinde atque onus Germanici belli delegata Druso Claudio, fratri Neronis, adolescenti tot tantarumque virtutum, quot et quantas natura mortalis recipit, vel industria perficit; cuius ingenium utrum bellicis magis operibus, an civilibus suffecerit artibus, in incerto est: morum certe dulcedo ac suavitas, et adversus amicos aequa ac par sui aestimatio, inimitabilis fuisse dicitur. Nam pulchritudo corporis proxima fraternae fuit. Sed illum, magna ex parte domitorem Germaniae, plurimo eius gentis variis in locis profuso sanguine, fatorum iniquitas, Consullem, agentem annum tricesimum, rapuit. Moles deinde eius belli translata in Neronem est, quod is sua et virtute et fortuna administravit, peragratusque [pervagatusque] victor omnes partes Germaniae, sine ullo detrimento commissi exercitus (quod praecipue huic duci semper curae fuit,) sic perdomuit eam, ut in formam pacis stipendiariae redigeret provinciae. Tum alter triumphus cum altero Consulatu ei oblatas est.

XCVIII. Dum ea, quae praediximus, in Pannonia Germania-que geruntur, atrox in Thracia bellum ortum, omnibus eius gentis nationibus in arma accensis, L. Pisonis, quem hodieque diligentissimum atque eundem lenissimum securitatis urbanae custodem habemus, virtus compressit. Quippe Legatus Caesaris triennio cum his bellavit, gentesque ferocissimas, plurimo cum earum excidio, nunc acie, nunc expugnationibus, in pristinum pacis redegit modum: eiusque patratione Asiae securitatem, Macedoniae pacem reddidit. De quo viro hoc omnibus sentiendum ac praedicandum est, esse mores eius vigore ac lenitate temperatissimos, et vix quemquam reperiri posse, qui aut otium validius diligat, aut facilius sufficiat negotio, et magis, quae agenda sunt, curet, sine ulla ostensione agendi.

XCIX. Brevi interiecto spatio Tib. Nero, duobus Consulatibus totidemque triumphis actis, Tribunitiae potestatis consortionem aequatus Augusto, civium post unum (et hoc, quia volebat) eminentissimus, ducum maximus, fama fortunaque celebrissimus, et vere alterum Reipublicae lumen et caput, mira quadam et incredibili atque inenarrabili pietate, [cuius causae mox

detectae sunt,] quum C. Caesar sumisset iam virilem togam, Lucius item maturus esset viribus, ne fulgor suus orientium iuvenum obstaret initiis, dissimulata causa consilii sui, commeatum ab socero atque eodem vitrico acquiescendi a continuatione laborum petiit. Quis fuerit eo tempore civitatis habitus, qui singulorum animi, quae digredientium a tanto viri omnium infirmitate, quam paene ei patria manum iniecerit, iusto servemus operi. Illud etiam in hoc transcurso dicendum est, ita septem annos Rhodi moratum, ut omnes, qui pro Consulibus Legatique, in transmarinas profecti provincias, visendi eius gratia ad eum venissent, semper privato, si illa maiestas privata unquam fuit, fasces suos submiserint, fassique sint, otium eius honoratius imperio suo.

C. Sensit terrarum orbis, digressum a custodia Neronem. Nam et Parthus, desciscens a societate Romana, adiecit Armeniae munus; et Germania, aversis domitoris sui oculis, rebellavit. At in Urbe, eo ipso anno, quo magnificentissimi gladiatorii muneris naumachiaeque spectaculis, D. Augustus, abhinc annos XXX, se et Gallo Caninio Coss. dedicato Martis templo, animos oculosque populi Romani repleverat, foeda dictu memoriaeque horrenda in ipsius domo tempestas erupit. Quippe filia eius Iulia, per omnia tanti parentis ac viri immemor, nihil, quod facere aut pati turpiter posset femina, luxuria, libidine infectum reliquit: magnitudinemque fortunae suae peccandi licentia metiebatur; quidquid liberet, pro licito vindicans. Tum Iulius Antonius, singulare exemplum clementiae Caesaris, violator eius domus, ipse sceleris a se commissi ultor fuit: quem, victo eius patre, non tantum incolumitate donaverat, sed Sacerdotio, Praetura, Consulatu, provinciis, honoratum, etiam matrimonio sororis suae filiae in artificissimam adfinitatem receperat: Quinctiusque Crispinus, singularem nequitiam supercilio truci protegens, et Appius Claudius, et Sempronius Gracchus, ac Scipio, alique minoris nominis, utriusque ordinis viri, quasi cuiuslibet uxore violata, poenae pendere: quum Caesaris filiam et Neronis violassent coniugem. Inlita relegata in insulam, patriaeque et parentum subducta oculis, quam tamen comitata mater Scribonia, voluntaria exilii permansit comes.

CI. Breve ab hoc intercesserat spatium, quum C. Caesar, ante alios provincialis ad visendum obitus, in Syriam missus, convento prius Tib. Nerone, cui omnem honorem, ut superiori, habuit, tam varie se ibi gessit, ut nec laudaturum magna, nec vituperatum mediocri materia deficiat. Cum rege Parthorum iuvenis excelsissimus, in insula, quam amicus Euphrates ambiebat, aequo utriusque partis numero, coeuit. Quod spectaculum stantibus ex diverso, hinc Romani, illinc Parthorum exercitus, quum duo inter se eminentissima imperiorum et hominum colerent capita, perquam clarum et memorabile, sub initia stipendiorum meorum, Tribuno militum mihi visere contigit. Quem militiae gradum ante sub patre tuo, M. Vinici, et P. Silio auspiciatus, in Thracia Macedoniaeque, mox Achaia Asiaeque, et omnibus ad Orientem visis provinciis, et ore atque

utroque maris Pontici latere, haud iniucunda tot rerum, locorum, gentium, urbium recordatione perfruor. Prior Parthus apud Caium in nostra ripa, posterior hic apud regem in hostili epulatus est.

CII. Quo tempore M. Lollii, quem veluti moderatorem iuventutis filii sui Augustus esse voluerat, perfida et plene subdoli ac versuti animi consilia, per Parthum iudicata Caesari, fama vulgavit. Cuius mors intra paucos dies fortuita, an voluntaria fuerit, ignoro. Sed quam hunc decessisse laetati homines, tam paullo post, obisse Censorinum in iisdem provinciis, graviter tulit civitas, virum demerendis hominibus genitum. Armeniam deinde [Caius] ingressus, prima parte introitus prospere rem gessit; mox in colloquio, cui se temere crediderat, circa Artageram graviter a quodam, nomine Adduo, vulneratus, ex eo, ut corpus minus habile, ita animum minus utilem Reipublicae habere coepit. Nec defuit conversatio hominum, vitia eius assentatione alentium. Eteum semper magnae fortunae comes adest adulatio. Per quae eo ductus erat, ut in ultimo ac remotissimo terrarum orbis angulo consenescere, quam Romam regredi mallet. Diu deinde reluctatus, invitusque revertens in Italiam, in urbe Lyciae (Limyra nominant) morbo obiit; quum ante annum ferme L. Caesar, frater eius, Hispanias petens, Massiliae decessisset.

CIII. Sed fortuna, quae subdlexerat spem magni nominis, iam tum Reipublicae sua praesidia reddiderat. Quippe, ante utriusque horum obitum, patre tuo P. Vinicio Consule, Tib. Nero, reversus Rhodo, incredibili laetitia patriam repleverat. Non est diu cunctatus Caesar Augustus. Neque enim quaerendus erat, quem legeret, sed legendus, qui eminebat. Itaque, quod post Lucii mortem, adhuc Caio vivo, facere voluerat, adeoque vehementer repugnante Nerone erat inhibitus, post utriusque adolescentium obitum facere perseveravit, ut et Tribunitiae potestatis consortionem Neroni constitueret, multum quidem eo quum domi, tum in Senatu recusante, et cum Aelio Cato et Sentio Coss. V. Kaleud. Iul. post U. C. annis DCCLVII, abhinc annis XXVII, adoptaret. Laetitiam illius diei, concursusque civitatis, et vota pacis inserentium coelo manus, spemque conceptae perpetuae securitatis aeternitatisque Romani imperii, vix in illo iusto opere abunde persequi poterimus, nedum hic implere: contenti simus, id unum dixisse, quanti ille omnibus fuerit. Tum refulsit certa spes liberorum parentibus, viris matrimoniorum, dominis patrimonii, omnibus hominibus salutis, quietis, pacis, tranquillitatis, adeo, ut nec plus sperari potuerit, nec spei responderi felicius.

CIV. Adoptatus eadem die etiam M. Agrippa, quem post mortem Agrippae Iulia enixa erat. Sed in Neronis adoptione illud adiectum, his ipsis Caesaris verbis: Hoc [inquit] Reipublicae causa facto. Non diu vindicem eustodemque imperii sui morata in Urbe patria, protinus in Germaniam misit; ubi ante triennium sub M. Vinicio, avo tuo, clarissimo viro, immensum exarserat bellum. Erat id ab eo quibusdam in locis

gestum, quibusdam sustentatum feliciter: eoque nomine decreta ei cum speciosissima inscriptione operum ornamenta triumphalia. Hoc tempus me, functum ante Tribuatu, castrorum Tili Caesaris militem fecit. Quippe protinus ab adoptione missus cum eo Praefectus equitum in Germaniam, successor officii patris mei, coelestissimorum eius operum per annos continuos LX Praefectus aut Legatus, spectator et pro captu mediocritatis meae adiutor fui. Neque illi spectaculo; quo fructus sum, simile conditio mortalis recipere videtur mihi; quum per celeberrimam Italiae partem, tractumque omnem Galliae provinciarum, veterem Imperatorem et ante meritis ac viribus, quam nomine, Caesarem revisentes, sibi quisque, quam illi, gratularentur plenius. At vero militum conspectu eius elicite gaudio lacrimae: alacritasque et salutationis nova quaedam exultatio, et contingendi manum cupiditas, non continentium protinus, quid adiiicerent, *Videmus te, Imperator? saluum recepimus?* ac deinde, *Ego tecum, Imperator, in Armenia, ego in Rhaetia fui; ego a te in Vindeliciis, ego in Pannonia, ego in Germania donatus sum,* neque verbis exprimi, et fortasse vix mereri fidem potest.

CV. Intrata protinus Germania; subacti Caninefates; Attuarii, Bructeri; recenti Cherusci, et amnis, mox nostra clade nobilis, transitus Visurgis: penetrata ulteriora: quum omnem partem asperissimi et periculosissimi belli Caesar vindicaret; [in] iis, quae minoris erant discriminis, Sentium Saturninum, qui tum Legatus patris eius in Germania fuerat, praefecisset, virum multiplicem [in] virtutibus, navum, agilem, providum, militariumque officiorum patientem ac peritum pariter; sed eundem, ubi negotia fecissent locum otio, liberaliter lauteque eo abutentem, ita tamen, ut eum splendidam ac hilarem potius, quam luxuriosum aut desidem diceres. De cuius viri claro celebrique Consulatu praediximus. Anni eius aestiva, usque in mensem Decembrem perducta, immanis emolumentum fecere victoriae. Pietas sua Caesarem, paene obstructis hieme Alpibus, in Urbem traxit: ac tutela imperii eum veris initio reduxit in Germaniam; in cuius mediis finibus, ad caput Lupiae fluminis, hiberna digrediens princeps locaverat.

CVI. Pro Dii boni, quanti voluminis opera insequenti aestate, sub duce Tiberio Caesare, gessimus! Perlustrata armis tota Germania est: victae gentes, paene nominibus incognitae: receptae Cauchorum nationes; omnis eorum inventus, infinita numero, immensa corporibus, sita locorum tutissima, traditis armis, una cum ducibus suis, septa fulgenti armatoque militum nostrorum agmine; ante Imperatoris procubuit tribunal; fracti Langobardi, gens etiam Germana feritate ferocior: denique quod nunquam antea spe conceptum, nedum opere tentatum erat, ad quadringentesimum milliarium a Rheno usque ad flumen Albim, qui Semnonum Hermundurorumque fines praeterfuit, Romanus cum signis perductus exercitus; et eodem, mira felicitate et cura ducis, temporumque observantia, classis, quae Oceani circumnavigaverat sinus, ab inaudito atque incognito

ante mari flumine Albi subvecta, plurimarum gentium victoria, cum abundantissima rerum omnium copia, exercitui Caesarique se iunxit.

CVII. Non tempore mihi, quin tantae rerum magnitudinis hoc, qualecumque est, inseram. Quum citeriorem ripam praedicti fluminis castris occupassemus, et ulterior armata hostium iuventute fulgeret, sub omen metumque nostrarum navium protinus refugientium, unus e barbaris, aetate senior, corpore excellens, dignitate, quantum ostendebat cultus, eminens, cavatum, ut illis mos est, ex materia conscendit alveum, solusque id navigii genus temperans, ad medium processit fluminis, et petiit, *liceret sibi, sine periculo, in eam, quam armis tenebamus, egredi ripam, ac videre Caesarem.* Data [a Caesare] potenti facultas. Tum appulso lintre, diu tacitus contemplatus Caesarem. *Nostra quidem, inquit, fuit iuventus, quae quum vestrum numen absentium colat, praesentium potius arma metuit, quam sequitur fidem. Sed ego beneficio ac permissu tuo, Caesar, quos ante audiebam, hodie vidi Deos: nec feliciorem ullum vitae meae aut optavi aut sensi diem.* Impetratoque, ut manum contingeret, reversus in naviculam, sine fine respectans Caesarem, ripae suorum appulsus est.

Victor omnium gentium locorumque, quos adierat, Caesar, cum incolumi inviolatoque, et semel tantummodo, magna cum elade hostium, fraude eorum tentato exercitu, in hiberna legiones reduxit; eadem, qua priore anno, festinatione Urbem petens.

CVIII. Nihil erat iam in Germania, quod vinci posset, praeter gentem Marcomannorum; quae Maroboduus duce excita sedibus suis, atque in interiora refugiens, incinctos Hercynia silva campos incolebat. Nulla festinatio huius viri mentionem transgredi debet. Maroboduus, genere nobilis, corpore praevalens, animo ferox, natione magis quam ratione barbarus, non tumultuarium, neque fortuitum, neque mobilem et ex voluntate parentum constantem, inter suos occupavit principatum, sed certum imperium vimque regiam complexus animo, statuit, avocata procul a Romanis gente sua, eo progredi, ubi, quam propter potentiora arma refugisset, sua faceret potentissima.

CIX. Occupatis igitur, quos praediximus, locis, finitimos omnes aut bellodomuit, aut conditionibus iuris sui fecit: corpus suum custodia manivit: imperium, perpetuis armorum exercitiis exercitu paene ad Romanae disciplinae formam redacto; brevi in eminens et nostro quoque imperio timendum perduxit fastigium: gerebatque se ita adversus Romanos, ut neque bello nos laceraret; et, si lacerassetur, superesse sibi vim ac voluntatem resistendi ostenderet. Legati, quos mittebat ad Caesares, interdum ut supplicem commendabant, interdum ut pro pari loquebantur. Gentibus hominibusque a nobis desciscitibus erat apud eum perfugium; totusque ex male dissimulato agebat acmulum: exercitumque, quem LXX millium peditum, quatuor equitum fecerat, assiduis adversus finitimos bellis exerceendo, maiori, quam quod obibat, operi praeparabat. Eratque etiam eo timendus, quod, quum Germa-

niam ad laevam et in fronte, Panuoniam ad dextram, a tergo sedium suarum haberet Noricos, tamquam in omnes semper venturus, ab omnibus timebatur. Nec securam incrementi sui patiebatur esse Italiam: quippe quum a summis Alpium iugis, quae finem Italiae terminant, initium eius finium haud multo plus CC millibus passuum abesset. Hunc virum et hanc regionem proximo anno diversis e partibus Tib. Caesar adgredi statuit. Sentio Saturnino mandatum, ut per Catos, excisis continentibus Hercyniae silvis, legiones Boiohoemum (id regioni, quam incolebat Maroboduus, nomen est) duceret: ipse a Carnunto, qui locus Norici regni proximus ah hac parte erat, exercitum, qui in Illyrico crebat, ducere in Marcomannos orsus est.

CX. Rumpit, interdum moratur proposita hominum Fortuna. Praeparaverat iam hiberna Caesar ad Danubium, amotoque exercitu non plus quam quinque dierum iter a primis hostium, Saturninum adnoveri placuerat, cuius copiae, paene aequali divisae intervallo ab hoste, intra paucos dies in praedicto loco cum Caesare se iuncturae erant. Tum universa Pannonia, insolens longae pacis bonis, et aduta viribus Dalmatia, omnibusque tractus eius gentibus in societatem adductis, constitit et arma corripuit. Tum necessaria gloriosis praeposita: neque tutum visum, abdito in interiora exercitu, vacuum tam vicino hosti relinquere Italiam. Gentium nationumque, quae rebellaverant, omnis numerus DCCC millibus explebat. CC fere perditum colligebantur, armis habilia; equitum novem. Cuius immensae multitudinis, parentis accerrimis ac peritissimis ducibus, pars petere Italiam decreverat, iunctam sibi Nauporti ac Tergestis confinio; pars in Macedoniam se effuderat; pars suis sedibus praesidio esse destinaverat. Proxima duobus Batonibus ac Pinneti ducibus auctoritas erat. Omnibus autem Pannoniis non disciplinae tantummodo, sed linguae quoque notitia Romanae: plerisque etiam litterarum usus, et familiaris animorum erat exercitatio. Itaque, hercules, nulla umquam natio tam mature consilio belli bellum iunxit, ac decreta patravit. Oppressi cives Romani; trucidati negotiatores; magnus vexillariorum numerus ad internecionem, ea in regione, quae plurimum ab Imperatore aberat, caesus; occupata armis Macedonia; omnia et in omnibus locis igni ferroque vastata: quin tantus etiam huius belli metus fuit, ut stabilem illum, et firmatum tantorum bellorum experientia, Caesaris Augusti animum quateret atque terreret.

CXI. Habiti itaque delectus, revocati undique et omnes veterani; viri feminaeque ex censu libertinum coactae dare militem. Audita in Senata vox Principis, *decimo die, ni caveretur, posse hostem in urbis Romae venire conspectum*. Senatorum equitumque Romanorum exactae ad id bellum operae ex pollicitatione. Omnia haec frustra praeparassemus, nisi, qui illa regeret, fuisset. Itaque, ut praesidium militum, Respublica ab Augusto ducem in bellum poposcit Tiberium, Habuit in hoc quoque bello mediocritas nostra spectosi ministri locum. Finita

equestri militia, designatus Quaestor, neodum Senator aequatus Senatoribus, etiam designatis Tribunis plebis, partem exercitus ab Urbe, traditi ab Augusto, perduxit ad filium eius. In Quaestura deinde, remissa sorte provinciae, Legatus eiusdem ad eundem missus, quas nos primo anno acies hostium fudimus? quantis prudentiae ducis opportunitatibus furentes eorum vires universas evasimus partibus? quanto cum temperamento simul virtutis et utilitatis res auctoritate Imperatoris agi vidimus? qua prudentia hiberna disposita sunt? quanto opere inclusus custodius exercitus nostri [hostis], ne qua posset erumpere, inopsque copiarum et intra se furens, viribus haustis, elanguesceret?

CXII. Felix eventus, forte conatu, prima aestate belli, Messalini opus mandandum est memoriae. Qui vir animo etiam, quam gente, nobilior, (dignissimus, qui et patrem Corvinum habuisset, et cognomen suum Cottae fratri relinqueret,) praepositus Illyrico, subita rebellione, cum semiplena legione vicissina, circumdatus hostili exercitu, amplius XX millia hostium fudit fugavitque, et ob id ornamentis triumphalibus honoratus est. Ita placebat barbaris numerus suus, ita fiducia virium, ut, ubicumque Caesar esset, nihil in se spei reponerent. Pars exercitus eorum, proposita ipsi duci, et ad arbitrium utilitatemque nostram macerata, perductaque ad exitiabilem famem, neque instantem sustinere, neque cum facientibus copiam pugnandi dirigentibusque aciem ausa congreri, occupato monte Claudio, munitione se defendit. At ea pars, quae obviam se effuderat exercitui, quem A. Caecina et Silvanus Plautius Consulares ex transmarinis adducebant provinciis, circumfusa quinque legionibus nostris, auxiliariisque, et equitatu regio (quippe magnam Thracum manum, iunctus praedictis ducibus, Rhoemetalcus, Thraciae rex, in adiutorium eius belli secum trahebat). paene exitiabilem omnibus cladem intulit. Fusa regionum equestres acies, fugatae alae, conversae cohortes sunt, apud signa quoque legionum trepidatum. Sed Romani virtus militis plus eo tempore vindicavit gloriae, quam ducibus reliquit: qui, multum a more Imperatoris sui discrepantes, ante in hostem inciderunt, quam per exploratores, ubi hostis esset, cognoscerent. Iam igitur in dubiis rebus semet ipsae legiones adhortatae, iugulatis ab hoste quibusdam Tribunis militum, interempto Praefecto castrorum, Praefectisque cohortium, non incruentis Centurionibus, e quibus etiam primi ordines cecidere, invasere hostes; nec sustinuisse contenti, perrupta eorum acie, ex insperato victoriam vindicaverunt. Hoc fere tempore Agrippa, qui eodem die, quo Tiberius, adoptatus ab avo suo naturali erat, et iam ante biennium, qualis esset, apparere coeperat, mira pravitate animi atque ingenii in praecipitia conversus, patris atque eiusdem avi sui animum alienavit sibi: moxque, crescentibus in dies vitiis, dignum furore suo habuit exitum.

CXIII. Accipe nunc, M. Vinici, tantum in bello ducem, quantum in pace vides principem. Iunctis exercitibus, qui sub Caesare fuerant, quique ad eum venerant, contractisque in una castra decem legionibus, LXX amplius cohortibus, quatu-

ordecim alis, et pluribus quam decem veteranorum millibus, ad hoc magno voluntariorum numero, frequentique equite regio, tanto denique exercitu, quantus nullo umquam loco post bella fuerat civilia; omnes eo ipso laeti erant, maximamque fiduciam victoriæ in numero reponebant. At Imperator, optimus eorum, quæ agebat, iudex, et utilia speciosis præferens, quodque semper eum facientem vidi in omnibus bellis, quæ probanda essent, non quæ cuique probarentur, sequens, paucis diebus exercitum, qui venerat, ad refovendas ex itinere eius vires, moratus, quum eum maiorem, quam ut temperari posset, neque habilem gubernaculo cerneret, dimittere statuit: prosecutusque longo et perquam laborioso itinere, cuius difficultas enarrari vix potest, ut neque universos quisquam auderet adgredi, et partem digredientium, suorum quisque metu finium universi tentare non possent, remisit eo, unde venerant: et ipse asperimæ hiemis initio ingressus Sisciam, Legatos, inter quos ipsi fuimus, partitis præfecit hibernis.

CXIV. O rem dictu non eminentem, sed solida veraque virtute atque utilitate maximam, experientia suavissimam, humanitate singularem! Per omne belli Germanici Pannonicique tempus nemo e nobis, gradumve nostrum aut præcedentibus aut sequentibus, imbecillus fuit, cuius salus ac valetudo non ita sustentaretur Cæsaris cura, tamquam distractissimus ille tantorum operum mole huic uni negotio vocaretur animus. Erat desiderantibus paratum iunctum vehiculum, lectica eius publicata, cuius usum quum alii, tum ego sensi: iam medici, iam apparatus cibi, iam in hoc solum importatum instrumentum balinei, nullius non succurrit valetudini. Domus tantum ac domestici deerant; ceterum nihil, quod ab illis aut præstari aut desiderari posset. Adiciam illud, quod, quisquis illius temporis rebus interfuit, ut alia quæ retuli, agnoscat protinus. Solus semper equo vectus est; solus cum iis, quos invitaverat, maiore parte aestivarum expeditionum, coenavit sedens; non sequentibus disciplinam, quatenus exemplo non nocebatur, ignovit; admonitio frequens inerat et castigatio, vindicta rarissima: agebatque medium plurima dissimulantis, aliqua inhibentis. Hiems emolumentum patrati belli contulit. Sed insequenti aestate omnis Pannonia, reliquiis totius belli in Dalmatia manentibus, pacem petiit. Feroceam illam tot millium iuventutem, paulo ante servitutem minatam Italiae, conferentem arma, quibus nsa erat apud flumen nomine Bathinum, prosternentemque se universam genibus Imperatoris, Batonemque et Pinnem, excelsissimos duces, captum alterum, alterum a se deditum, iustis voluminibus ordine enarrabimus, ut spero. Autumno victor in hiberna reducit exercitus, cuius omnibus copiis a Cæsare M. Lepidus præfectus est, vir nominis ac fortunæ Cæsaris proximus: quem in quantum quis aut cognoscere aut intelligere potuit, in tantum miratur ac diligit, tantorumque nominum, quibus ortus est, ornamentum iudicat.

CXV. Cæsar ad alteram belli Dalmatici molem animum atque arma contulit. In qua regione [expeditione] quali adiutore

Legatoque fratre meo, Magio Celere Velleiano, usus sit, ipse patrisque eius praedicatione testatum est, et amplissimorum honorum, quibus triumphans cum Caesar donavit, signat memoria. Initio aestatis Lepidus, educto hibernis exercitu, per gentes integras immunesque adhuc clade belli, et eo feroces ac truces, tendens ad Tiberium Imperatorem, cum difficultate locorum et cum vi hostium luctatus, magna cum clade obsistentium, excisis agris, exustis aedificiis, eversis vicis, laetus victoria, praedaeque onustus, pervenit ad Caesarem: et ob [ea,] quae si propriis gessisset auspiciis, triumphare debuerat, ornamentis triumphalibus, consentiente cum iudicio Principum voluntate Senatus, donatus est. Illa aestas maximi belli consummavit effectus. Quippe Perustae et Desitiales Dalmatae, situ locorum ac montium, Ingeniorum ferocla, mira etiam pugnandi scientia, sed praecipue angustis saltuum paene inexpugnabiles, non iam ductu, sed manibus atque armis ipsius Caesaris tum demum pacati sunt, quum paene funditus eversi forent. Nihil in hoc tanto bello, nihil in Germania aut videre maius, aut mirari magis potui, quam quod Imperatori numquam adeo ulla opportuna visa est victoriae occasio, quam damno amissi pensaret militis. Semperque visum est gloriosum, quod esset tutissimum; et ante conscientiae, quam famae, consultum: nec umquam consilia ducis iudicio exercitus, sed exercitus providentia ducis rectus est.

CXVI. Magna in bello Dalmatico experimenta virtutis in incultos ac difficiles locos praemissus Germanicus dedit. Celebrari etiam opera diligentiaque Vibius Postumus, vir Consularis, praepositus Dalmatiae, ornamenta meruit triumphalia: quem honorem ante paucos annos Passienus et Cossus, viri quibusdam diversis virtutibus celebres, in Africa meruerant. Sed Cossus victoriae testimonium etiam in cognomen filii contulit, adulescentis in omnium virtutum exempla geniti. At Postum operam L. Apronius particeps, illa quoque militia eos, quos mox consecutus est, honores excellenti virtute meruit. Utinam non maioribus experimentis testatum esset, quantum in omni re fortuna posset! Sed in hoc quoque genere abunde agnoscere vis eius potest. Nam et C. Sentius, vir antiquissimi moris, et praeclara gravitatem semper humanitate temperans, in Germania, Illyricoque, et mox in Africa, splendidissimis functus ministeriis, non merito, sed materia adipiscendi triumphalia defectus est. Et A. Licinius Nerva Silanus, P. Silli filius, quem virum, non qui intellexit quidem, abunde miratus est, ne nihil non optimo civili, simplicissimo duci perisset, praereptus immature, et fructu amplissimae principis amicitiae et consummatione erectae in altissimum paternumque fastigium imaginis defectus est. Quorum virorum mentioni si quis quacumque me dicet locum, fatentem arguet. Neque enim iustus sine mendacio caudor apud bonos crimini est.

CXVII. Tantum quod ultimam imposuerat Pannonico ac Dalmatico bello Caesar manum, quum, intra quatuor consummati tanti operis dies, funestae ex Germania epistolae, *caesi Vari*,

*trucidatarumque legionum trium totidemque alarum, et sex cohortium***: velut in hoc salutem tantummodo nobis indulgentis Fortuna, ne occupato duce***. Sed causa et persona moram exigit.*

Varus Quinctilius, nobili magis, quam illustri ortus familia, vir ingenio mitis, moribus quietus, ut corpore, ita animo immobiliior, otio magis castrorum, quam bellicae adsuetus militiae; pecuniae vero quam non contemtor, Syria, cui praefucrat, declaravit; quam pauper divitem ingressus, dives pauperem reliquit. Is quum exercitui, qui erat in Germania, praeesset, concepit esse homines, qui nihil praeter vocem membraque haberent hominum, quique gladiis domari non poterant, posse iure mulceri. Quo proposito mediam ingressus Germaniam, velut inter viros pacis gaudentes dulcedine, iurisdictionibus agendoque pro tribunali ordine, trahebat aestiva.

CXVIII. At illi, quod nisi expertus vix credat, in summa feritate versutissimi, natumque mendacio genus, simulantes fictas litium series, et nunc provocantes alter alterum iniuria, nunc agentes gratias, quod eas Romana iustitia finiret, feritasque sua suavitate incognitae disciplinae mitesceret, et solita armis discerni iure terminarentur, in summam socordiam perduxere Quinctilium; usque eo, ut se Praetorem urbanum in foro ius dicere, non in mediis Germaniae finibus exercitui praeesse, crederet. Tum iuvenis genere nobilis, manu fortis, sensu celer, ultra barbarum promptus ingenio, nomine Arminius, Sigimeri principis gentis eius filius, ardorem animi vultu oculisque praeferebat, assiduus militiae nostrae prioris comes, [cum] iure etiam civitatis Romae ius equestre consecutus gradus, segnitia ducis in occasionem sceleris usus est: haud imprudenter speculatus, neminem celerius opprimi, quam qui nihil timeret; et frequentissimum initium esse calamitatis, securitatem. Primo igitur paucos, mox plures in societatem consilii recipit: opprimi posse Romanos et dicit et persuadet; decretis facta iungit; tempus insidiarum constituit. Id Varo per virum eius gentis fidelem clarique nominis, Segesten, indicatur. Sed praevalabant iam fata consilii; omnemque animi eia aciem praestrikerant. Quippe ita se res habet, ut plerumque fortunam mutaturus Deus consilia corrumpat, efficiatque, quod miserrimum est, ut, quod accidit, id etiam merito accidisse videatur, et casus in culpam transeat. Negat itaque se credere, spemque in se benevolentiae, ex merito aestimare profitetur. Nec diutius, post primum indicem, secundo relictus locus.

CXIX. Ordinem atrocissimae calamitatis, qua nulla, post Crassi in Parthis damnum, in exteris gentibus gravior Romanis fuit, iustis voluminibus, ut alii, ita nos conabimur exponere: nunc summa defendenda est. Exercitus omnium fortissimus, disciplina, manu, experientiaque bellorum inter Romanos milites princeps, mareore ducis, perfidia hostis, iniquitate fortunae circumventus, (quam ne pugnandi quidem aut egrediendi occasiois, in quantum voluerant, data esset immunis, castigatis etiam quibusdam gravi poena, quia Romanis et armis et animis ui-

fuissent), inclusus silvis, paludibus, insidiis, ab eo hoste ad internecionem trucidatus est, quem ita semper more pecudum trucidaverat, ut vitam aut mortem eius nunc ira, nunc venia temperaret. Duci plus ad moriendum quam ad pugnandum animi fuit. Quippe paterni avitque exempli successor se ipse transiit. At e Praefectis castrorum duobus, quam clarum exemplum L. Eggius, tam turpe C. Ceionius prodidit: qui, quum longe maximam partem absumsisset acies, auctor deditionis, supplicio quam proelio mori maluit. At Vala Numonius, Legatus Vari, cetera quietus ac probus, diri auctor exempli, spoliatum equite peditem relinquens, fuga cum alis Rhenum petere ingressus est. Quod factum eius fortuna ulta est. Non enim desertis superfuit, sed desertor occidit. Vari corpus semiustum hostilis laceraverat feritas; caput eius abscisum, latumque ad Maroboduum, et ab eo missum ad Caesarem, gentilitii tamen tumuli sepultura honoratum est.

CXX. His auditis revolat ad patrem Caesar, perpetuus patronus Romani imperii, adsuetam sibi causam suscipit. Mittitur ad Germaniam, Gallias confirmat, disponit exercitus, praesidia munit; se magnitudine sua, non fiducia ducis metiens, qui Cimbricam Teutonicamque militiam Italiae minabatur, ultro Rhenum cum exercitu transgreditur. Arma infert hosti, quem arcuisse pater et patria contenti erant, penetrat interius, aperit limites, vastat agros, urit domos, fundit obvios: maximaque cum gloria, incolumi omnium, quos transduxerat, numero, in hiberna revertitur. Reddatur verum L. Asprenati testimonium. Qui Legatus sub avunculo suo Varo militans, nava virilique opera duarum legionum, quibus praeerat, exercitum immunem tanta calamitate servavit; matreque ad inferiora hiberna descendendo vacillantes iam cis Rhenum sitarum gentium animos confirmavit. Sunt tamen, qui, ut vivos ab eo vindictas, ita iugulatorum sub Varo occupata crediderint patrimonia, hereditatemque excisi exercitus, in quantum voluerit, ab eo aditam. Lucii etiam Caedicii, Praefecti castrorum, eorumque, qui una circumdati Alisone immensis Germanorum copiis obsidebantur, laudanda virtus est. Qui omnibus difficultatibus superatis, quas inopia rerum intolerabiles, vis hostium faciebat inexsuperabiles, nec temerario consilio, nec segni providentia nisi, speculatione opportunitatem, ferro sibi ad suos peperere reditum. Ex quo apparet, Varum sane gravem et bonae voluntatis virum, magis imperatoris defectum consilio, quam virtute destitutum militum, se magnificentissimumque perdidisse exercitum. Quum in captivos saeviretur a Germanis, praeclari facinoris auctor fuit Calvus Coelius, adolescens vetustate familiae suae dignissimus: qui complexus catenarum, quibus vinctus erat, seriem, ita illas illisit capiti suo, ut protinus pariter sanguinis cerebrique effluvio exspiraret.

CXXI. Eadem et virtus et fortuna subsequenti tempore [ingressa animum] Imperatoris Tiberii fuit, quae initio fuerat. Qui concussis hostium viribus, classicis peditumque expeditionibus, quum res Galliarum maximae molis, accensasque plebis Vien-

nensium dissonances; coercitione magis quam poena molliisset, et Senatus populusque Romanus, postulante patre eius, ut aequum ei ius in omnibus provinciis exercitiis esset; quam erat ipsi, decreto complexus esset: (etenim absurdum erat, non esse sub illo, quae ab illo vindicabantur; et qui ad opem ferendam primus erat, ad vindicandum honorem non iudicari parum:) in Urbem reversus, iampridem debitum, sed continuatione bellorum dilatum, ex Pannoniis Dalmatisque egit triumphum. Cuius magnificentiam quis miretur in Caesare? Fortunae vero quis non miretur indulgentiam? quippe omnes eminentissimos hostium duces non occisos fama narravit, sed victos triumphus ostendit. Quem mihi, fratrique meo, inter praecipuos praecipnisque donis adornatos viros, comitari contigit.

CXXII. Quis non inter reliqua, quibus singularis moderatio Tib. Caesaris elucet atque eminet, hoc quoque miretur, quod, quum sine ulla dubitatione septem triumphos meruerit, tribus contentus fuerit? Quis enim dubitare potest, quin ex Armenia recepta, et ex rege ei praeposito, cuius capiti insigne regium sua manu imposuerat, ordinatisque rebus Orientis, ovans triumphare debuerit? et, Vindelicorum Rhaetorumque victor, curru Urbem ingredi? fractis deinde post adoptionem continua tricennii militia Germaniae viribus, idem illi honor et deferendus et recipiendus fuerit? et post cladem sub Varo acceptam, ocus prosperrimo rerum eventu eadem excisa Germania triumphum summi ducis adornare debuerit? Sed in hoc viro nescias, ntrum magis mireris, quod laborum periculorumque semper excessit modum, an, quod honorum temperavit.

CXXIII. Venitur ad tempus, in quo fuit plurimum metus. Quippe Caesar Augustus, quum Germanicum nepotem suum, reliqua belli patraturum, misisset in Germaniam, Tiberium autem filium missurus esset in Illyricum, ad firmanda pace, quae bello subegerat; prosequens eum, simulque interfuturus athletarum certamini ludicro, quod eius honori sacratum a Neapolitanis est, processit in Campaniam. Quamquam iam motus imbecillitatis inclinataeque in deterius principia valetudinis senserat; tamen obnitere vi animi, prosecutus filium, digressusque ab eo Beneventi, ipse Nolam petiit: at ingravescente in dies valetudine, quum sciret, quis volenti, omnia post se salva remanere, arcessendus foret, festinanter revocavit filium. Ille ad patrem patriae expectato revolavit matris. Tum secum se Augustus praedicans, circumfususque amplexibus Tiberii sui, commendans illi sua atque ipsius opera, nec quidquam iam de fine, si fata poscerent, recusans, subrefectus primo conspectu alloquioque carissimi sibi spiritus, mox quum omnem curam fata vincerent, in sua resolutus initia, Pompeio Appuleioque Coss. septuagesimo sexto anno, animam coelestem coelo reddidit.

CXXIV. Quid tunc homines timerint, quae Senatus trepidatio, quae populi confusio, quis orbis metus, in quam arto salutis exitiique sperimus confusio, neque mihi tam festinanti exprimere vacat, neque, cui vacat, potest. Id solum voce publica dixisse habeo. Cuius orbis ruinam timeveramus, eum ne

commotum quidem sensimus; tantaque unius viri maiestas fuit, ut nec bonis, neque contra malos opus armis foret. Una tamen veluti luctatio civitatis fuit, pugnantis cum Caesare Senatus populique Romani, *ut stationi paternae succederet, illius, ut potius aequalem civem, quam eminentem liceret agere Principem.* Tandem magis ratione, quam honore victus est; quum quidquid tuendum non suscepisset, periturum videret: solique huic contigit, paene diutius recusare principatum, quam, ut occuparent eum, alii armis pugnaverant. Post redditum coelo patrem, et corpus eius humanis honoribus, nomen divinis honoratum, primum principium eius operum fuit ordinatio comitorum, quam manu sua scriptam D. Augustus reliquerat. Quo tempore mihi fratrique meo, candidatis Caesaris, proxime a nobilissimis ac Sacerdotibus viris, destinari Praetoribus contigit, consecutis, ut neque post nos quemquam D. Augustus, neque ante nos Caesar commendaret Tiberius.

CXXXV. Tulit protinus ut voti, ita consilii sui pretium Republica; neque diu latuit, aut quid non impetrando passuri fuissimus, aut quid impetrando profecissemus. Quippe exercitus, qui in Germania militabat, praesentisque Germanici imperio regebatur, simulque legiones, quae in Illyrico erant, rabie quadam et profunda confundendi omnia cupiditate, *novum ducem, novum statum, novam* querebant *Rempublicam.* Quin etiam ausi sunt minari, *datorios Senatui, datorios Principi leges;* modum stipendii, finem militiae sibi ipsi constituere conati sunt. Processum etiam in arma, ferrumque strictum est; et paene in ultima gladiatorum erupit impunitas: defuitque qui contra Rempublicam duceret, non qui sequerentur. Sed haec omnia veteris Imperatoris maturitas, multa inhibentis, aliqua cum gravitate pollicentis, inter severam, praecipue noxiorum, ultionem, initi aliorum castigatione, brevi sopiit ac sustulit. Quo quidem tempore, ut pleraque egit nave Germanicus, ita Drusus, qui a patre in id ipsum plurimo pridem igne emicans incendium militaris tumultus missus erat, prisca antiquaque severitate usus, ancipitia sibi, tam re, quam exemplo perniciosa, et his ipsis militum gladiis, quibus obsessus erat, obsidentes coercuit, singulari adiutore in eo negotio usus Iunio Blaeso, viro nescias utiliore in castris, an meliore in toga: qui, post paucos annos Proconsul in Africa, ornamenta triumphalia, cum appellatione Imperatoria, meruit. Ac [quum] Hispanias exercitusque virtutibus celeberrimae in Illyrico militia, ut praediximus, cum imperio obtineret, ut in summa pace quiete continuit, quum ei pietas rectissima sentiendi, et auctoritas, quae sentiebat, obtinendi superesset. Cuius curam ac fidem Dolabella quoque, vir simplicitatis generosissimae, in maxima parte Illyrici per omnia imitatus est.

CXXXVI. Horum XVI annorum opera quis, quum inserta [sint] oculis animisque omnium, partibus eloquatur? Sacravit parentem suum Caesar non imperio, sed religione: non appellavit [eum], sed fecit Deum. Revocata in forum fides; summo-tae foro seditio; ambitio campo; discordia curia; sepultaeque

ne sita obsitae iustitia, aequitas, industriam civitati reddite; accessit magistratibus auctoritas, Senatui maiestas, iudiciis gravitas; compressa theatralis seditio; recte facienda omnibus ant incussa voluntas, aut imposita necessitas. Honorentur recta, prava puniuntur. Suscipit potentem humilis, non timet: antecedit, non contemnit humiliorem potens. Quando annona moderatior? quando pax laetior? Diffusa in Orientis Occidentisque tractus, et quidquid meridiauo aut Septemtrione finitur, Pax Augusta per omnia omnes terrarum orbis angulos a latrociniorum metu servat immunes. Fortuita non civium tantummodo, sed urbium damna Principis munificentia vindicat. Restitutae urbes Asiae: vindicatae ab iniuriis magistratuum provinciae: honor dignis paratissimus: poena in malos sera, sed aliqua. Superatur aequitate gratia, ambitio virtute. Nam facere recte cives suos Princeps optimus faciendo docet; quumque sit imperio maximus, exemplo maior est.

CXXVII. Raro eminentes viri non magis adiutoribus ad gubernandam fortunam suam usi sunt; ut duo Scipiones duobus Laeliis, quos per omnia aequaverunt sibi; ut Divus Augustus M. Agrippa, et proxime ab eo, Statilio Tauro. Quibus novitas familiae hand obstitit, quo minus ad multiplices Consulatus triumphosque, et complura enterentur Sacerdotia. Etenim magna negotia magnis adiutoribus egent; neque in parvo paucitas ministeria deficit: interestque Reipublicae, quod usu necessarium, et dignitate eminere, utilitatemque auctoritate muniri. Sub his exemplis Tiberius Caesar Seianum Aelium, principe equestri ordinis patre natum, materno vero genere clarissimas veteresque et insignes honoribus complexum familias, habentem Consulares fratres, consobrinos, avunculum, ipsum vero laboris ac fidei capacissimum, sufficiente etiam vigori animi compage corporis, singularem principalium onerum adiutorem in omnia habuit atque habet: virum severitatis laetissimae, hilaritatis priscoe, actu otiosis simillimum, nihil sibi vindicantem, eoque adsequentem omnia, semperque infra aliorum aestimationes se metientem, vultu vitaeque tranquillum, animo exsomuem.

CXXVIII. In huius virtutum aestimatione iam pridem iudicia civitatis cum iudiciis Principis certant. Neque novus hic mos Senatus Populique Romani est, patandi, quod optimum sit, esse nobilissimum. Nam et illi antiqui, ante primum bellum Punicum, abhiac annos CCC, Ti. Coruncanium, hominem novum, quum aliis omnibus honoribus, tum Pontificatu etiam Maximo, ad principale extulere fastigium; et equestri loco natum Sp. Carvilius, et mox M. Catonem, novum etiam Tusculo Urbis inquilium, Mummiumque Achaicum in Consulatus, Censuras, et triumphos provexere. Et, qui C. Marius, ignotae originis, usque ad sextum Consulatum sine dubitatione Romani nominis habuere principem; et qui M. Tullio tantum tribuere, ut paene assentatione sua, quibus vellet, principatus conciliaret; quique nihil Asinio Pollioni negaverunt, quod nobilissimis summo cum sudore consequendum foret: profecto hoc senserunt, in cuiuscumque animo virtus inesset, ei plurimum esse tribuendum.

Haec naturalis exempli imitatio ad experiendum Seianam, Caesarem; ad iuvanda vero onera Principis, Seianum protulit; Senatumque et Populum Romanum eo perduxit, ut, quod usu optimum intelligit, id in tutelam securitatis suae libenter advocet.

CXXIX. Sed, proposita quasi universa principatus Ti. Caesaris forma, singula recenseamus. Qua ille prudentia Rhaseupolim, interentorem fratris sui filii Cotyis, consortisque eiusdem imperii, evocavit! quam celeriter ingratum et nova molientem oppressit! singulari in eo negotio usus opera Flacci Pomponii, Consularis viri, anti ad omnia, quae recte facienda sunt, simplicique virtute merentis semper, quam captantis gloriam. Cum quanta gravitate, ut senator et iudex, non ut Princeps et Caesar causas pressius audit! Quibus praeceptis instructum Germanicum suum, imbutumque rudimentis militiae secum actae, dominorem recepit Germaniae? Quibus iuventutem eius exaggeravit honoribus, respondente cultu triumphi rerum, quas gesserat, magnitudini? Quoties populum congiariis honoravit, Senatorumque censum, quin id Senatu auctore facere potuit, quam libenter explevit, ut neque luxuriam invitaret, neque honestam paupertatem pateretur dignitate destitui? Quanto cum honore Germanicum suum in transmarinas misit provincias? Qua vi, consiliorum suorum ministro et adiutore usus Druso filio suo, Maroboduum inhaerentem occupati regni finibus, pace maiestatis eius dixerim, velut serpentem abstrusam terrae, salubribus consiliorum suorum medicamentis coegit egredi! quam illum et honorate, nec secure continet! Quanta molis bellum, principe Galliarum ciente Sacroviro, Floroque Iulio, mira celeritate ac virtute compressit, ut ante populus Romanus vicisse se, quam bellare, cognosceret; nuntiosque periculi victoriae praecederet nuntius. Magni etiam terroris bellum Africum, et quotidiano aucta maius, auspiciis consiliisque eius brevi sepultum est.

CXXX. Quanta suo suorumque nomine extruxit opera? Quam pia munificentia superque humanam evecta fidem templum patri molitur? Quam magnifico animi temperamento Cn. quoque Pompeii munera absumpta igui restituit? Qui quidquid umquam claritudine eminoit, id veluti cognatum censet tuendum. Qua liberalitate quam alias, tum proxime incenso monte Coelio, omnis ordinis hominum iacturae patrimonio succurrit suo! Quanta cum quiete hominum, rem perpetui praecipuique timoris, supplementum, sine trepidatione delectus, providet? Si aut natura patitur, aut mediocritas recipit hominum, aut Deorum cura, de his queri; quid hic meruit, primum, ut scelerata Drusus Libo iniret consilia; deinde, ut Silium Pisonemque tam [infestos haberet]: quorum alterius dignitatem constituit, auxit alterius? Ut ad maiora transcendam, quamquam et haec ille duxit maxima, quid, ut iuvenes amitteret filios? quid, ut nepotem ex Druso suo? Dolenda adhuc retulimus: veniendum ad crubescenda est. Quantis hoc triennium, M. Vinici, doloribus laceravit animum eius? quamdiu abstruso, quod miserissimum est, pectus eius flagravat incendio, quod ex nuru, quod ex ne-

pote dolere, indignari, erubescere coactus est? Cuius temporis aegritudinem auxit amissa mater eminentissima, et per omnia Deis quoniam hominibus similior femina; cuius potentiam nemo sensit, nisi aut levatione periculi, aut accessione dignitatis.

CXXXI. Voto finiendum volumen sit. Iupiter Capitoline ac Stator, et auctor Romani nominis, Grudive Mars, perpetuorumque custos Vesta ignium, et quidquid Numinum hanc Romani imperii molem in amplissimum terrarum orbis fastigium extulit, vos publica voce obtestor atque precor, custodite, servate, protegite hunc statum, hanc pacem, [hunc Principem,] eique functo longissimastatione mortali destinate successores quam serissimos; sed eos, quorum cervices tam fortiter sustinendo terrarum orbis imperio sufficiant, quam huius suffecisse sensimus; consiliaque omnium divum aut pia * * [foveate aut impia opprimate.]

FRAGMENTUM VELLEII EXCERPTUM EX GALlica HISTORIA *).

Dum haec circa Rhenum geruntur, in Noricorum finibus grave vulnus populus Romanus accepit. Quippe Germanorum gentes, quod Rhaetias occupaverant, non longe ab Alpibus, tractu parvi patentibus campis, ubi duo rapidissimi amnes inter se confluent, in ipsis Noricis finibus civitatem, non quidem muro, sed vallo fossaque cinxerunt; quam appellabant Cisata (Cisara), ex nomine Deae Cissae, quam religiosissime colebant. Cuius templum quoque, ex lignis barbarico ritu constructum, postquam eo colonia Romanorum deducta est, inviolatum permansit, ac vetustate clapsam, nomen colli servavit. Hanc urbem T. Annii Praetor, ad arcendas barbarorum excursiones Kal. Sextil. exercitu circumvenit. Ad meridianam oppidi partem, qua sola a continenti erat, Praetor ipse cum legione Martia operosissime communivit, ad occidentem vero, quo barbarorum adventus

*) Hoc fragmentum invenisse se ait Wolfgangus Lazius Lib. I. Commentariorum Rcip. Rom. cap. VIII. Inscriptio illius erat: VELLEII EXCERPTA EX GALlica HISTORIA. Etiam lib. V. eiusdem operis cap. V. et aliis aliquot locis, Velleiani huius fragmenti meminit Lazius. Sed qui nasum habet, satis odoratur, stylum eius sapere scriptorem, qui seculis aliquot Velleio iunior sit. Nec in se pauca sunt, quae peccentur. Ea adferrem, nisi id cum cura fecisset vir summus, Marcus Velserus, in rerum Augustanarum Vindellicarum libris. Sed monere operae pretium videtur, fragmentum hoc totum, paucis tamen insertis, legi apud Conradum a Lichtenan. Abbatem Ursbergensem; quem in Chronico vide post ea, quae de anno MCLXVII. exposuit. Lemma eius capit est: de Augusta Vindellicorum, vel Rhaetiae. Is Conradus anno MCCXV. refert se abbatem factum Ursbergensem; historiam vero suam perduxit ad annum MCCXXIX. Quare aut ex Abbate Ursbergensi id fragmentum fuerit: aut inde, unde ea hauserat Ursbergensis. G. I. VOSSIIUS. In quo tantum a stilo hoc fragmentum abhorreat, equidem nec docere, nec sentire possum, neque suppositam putare, cum quia medio aevo nemo sane, dum Velleius prorsus incognitus erat, sibi proponere potuit, Velleio aliquid affingere, tum quia narratio, quamquam hic ibi corrupta, factae aetas nullas prodit. CLAUDIUS.

erat, Avar, Bogudis regis filius, cum equitata omni et auxiliariis Macedonum copiis, inter flumen et vallum, loco castris parum amplo, infelici temeritate extra flumen consedit; pulchra indoles, neo minus Romanis, quam Graecis litteris instructa. Igitur LIX die, quam eo ventum est, quum is dies, Deae Cissae celeberrimus, ludum et lasciviam magis, quam formidinem ostentaret: immanis barbarorum multitudo ex proximis silvis repente erumpens, ex improviso castra irrupit; equitatum omnem, et, quod miserrimum erat, auxilia sociorum delevit. Avar, quum in hostium potestatem regio habita vivus venisset, pecudis more mactatur. Oppidani vero non minori fortuna, sed maiori virtute, Praetorem in auxilium sociis properantem adoriuntur. Romani haud segniter resistunt. Duo principes oppidanorum, Habbeo [Habbino] et Caccus, in primis pugnant, cadunt. Et inclinata iam res oppidanorum erat, ni maturassent auxilium ferre socii, in altera ripa iam victoria potiti. Denique coadunatis viribus castra irrumpunt; Praetorem, qui paullo altiore tamulum frustra ceperat, Romana vi resistentem, obtruncant; legionem Divinam [decimam], ut ne nuntius superesset, funditus delent. Verres solus, Tribunus militum, amne transmisso, in proximis paludibus se occultans, honestam mortem subterfugit; nec multo post Siciliae Praeconsul immani avaritia turpem mortem praeeruit.

LUCII ANNAEI FLORI

EPITOME

RERUM ROMANARUM

LIBRI QUATUOR.

THE UNIVERSITY OF CHICAGO

LIBRARY

MURDER OF 1928

THE UNIVERSITY OF CHICAGO

LIBRARY

L. ANNAEI FLORI
RERUM ROMANARUM

EPITOME.

LIBER PRIMUS.

PROOEMIUM.

Populus Romanus a rege Romulo in Caesarem Augustum septingentos per annos tantum operum pace belloque gessit, ut, si quis magnitudinem imperii cum annis conferat, aetatem ultra putet. Ita late per orbem terrarum arma circumtulit, ut, qui res eius legunt, non unius populi, sed generis humani facta discant; tot in laboribus periculisque iactatus est, ut ad constituendum eius imperium contendisse Virtus et Fortuna videantur. Quare quum praecipue hoc quoque [sicut cetera,] operae pretium sit cognoscere, tamen, quia ipsa sibi obstat magnitudo, rerumque diversitas aciem intentionis abruptit, faciam, quod solent, qui terrarum situs pingunt: in brevi quasi tabella totam eius inaginem amplectar, nonnihil, ut spero, ad admirationem principis populi collaturus, si pariter atque insimul universam magnitudinem eius ostendero. Si quis ergo populum Romanum quasi hominem consideret, totamque eius aetatem percenseat, ut coeperit, utque adoleverit, ut quasi ad quandam iuventutem pervenerit, ut postea velut consenuerit, quatuor gradus processusque eius inveniet. Prima aetas sub Regibus fuit, prope ducentos quinquaginta per annos, quibus circum ipsam matrem cum finitimis luctatus est. Haec erit eius Infantia. Sequens a Bruto Collatinoque Consulibus, in Appium Claudium, Quintum Fulvium Consules, ducentos quinquaginta annos patet; quibus Italiam subegit. Hoc fuit tempus viris armisque incitatissimum: ideo quis Adolescentiam dixerit. Deinceps ad Caesarem Augustum ducenti anni, quibus totum orbem pacavit: hic iam ipsa iuventus imperii, et quasi quaedam robusta maturitas. A Caesare Augusto in saeculum nostrum haud multo minus anni ducenti: quibus inertia Caesarum quasi consenuit atque decoxit; nisi quod sub Traiano principe movet lacertos, et praeter spem omnium senectus imperii, quasi reddita iuventute, revirescit.

CAPUT I.

DE ROMULO, PRIMO ROMANORUM REGE.

1 Primus ille et Urbis et Imperii conditor Romulus fuit, Marte
 2 genitus, et Rhea Silvia. Hoc de se sacerdos gravida confessa
 est; nec mox fama dubitavit, quum Amulii imperio abicctus in
 3 profluentem dum Remo fratre non potuit exstingui. Siqui-
 dem et Tiberinus amnem repressit: et relictis catulis lupa secu-
 ta vagitum, ubera admovit infantibus, matremque se gessit. Sic
 4 repertos apud arborem, regii gregis paster tulit in casam, atque
 educavit Alba tunc erat Latio caput, Iuli opus: nam Lavini-
 um patris Aeneae contemperat. Ab his Amulius bis septima
 sobole regnabat, fratre pulso Numitore, cuius ex filia Romulus.
 5 Igitur statim prima iuventae facie, patrum [Amulium] ab arce
 deturbat, avum reponit. Ipse fluminis amator et montium,
 6 apud quos erat educatus, moenia novae urbis agitabat. Gemini
 erant: nter auspicaretur et regeret, adhibere placuit Deos.
 Remus montem Aventinum, hic Palatinum occupat. Prius ille
 7 sex vultures; hic postea, sed duodecim videt. Sic victor augu-
 rio, urbem excitat, plenus spei, bellatricem fore: ita adsuetae
 8 sanguine et praeda aves pollicebantur. Ad tutelam novae urbis
 sufficere vallum videbatur: cuius dum irridet angustias Remus,
 idque increpat saltu, (dubium, an iussu fratris) occisus est. Pri-
 ma certe victima fuit, munitionemque urbis novae sanguine suo
 9 consecravit. Imaginem urbis magis, quam urbem fecerat. In-
 colae deerant. Erat in proximo lucus: hunc Asylum facit: et
 statim mira vis hominum, Latini Tusque pastores: [quidam]
 etiam transmarini, Phryges, qui sub Aenea; Arcades, qui sub
 Evandro duce influxerant. Ita ex variis quasi elementis congre-
 10 gavit corpus nnum, populumque Romanum ipse fecit. Res erat
 unius aetatis; populus virorum. Itaque matrimonia a finitimis
 petita: quia non impetrabantur, manu capta sunt. Simulatis
 quippe ludis equestribus, virgines, quae ad spectaculum vene-
 11 rant, praedae fuere. Et haec statim causa bellorum. Pulsi
 fugatique Veientes. Caeninensium captum ac dirutum est op-
 12 pidum. Spolia insuper opima de rege Feretrio Iovi (manibus
 suis) rex reportavit. Sabinis proditae portae per virginem:
 nec dolo; sed puella pretium rei, quae gerebant in sinistris,
 petierat: dubium clypeos, an armillas. Illi ut et fidem solve-
 13 rent, et ulciscerentur, clypeis obruere. Ita admissis intra
 moenia hostibus, atrox in ipso foro pugna, adeo ut Romulus
 Iovem oraret, *foedam suorum fugam sisteret*. Hinc templum
 14 et Stator Iupiter. Tandem saevientibus intervenire raptae lace-
 ris comis. Sic pax facta cum Tatio, foedusque percussum: se-
 cutaque res mira dictu, ut, relictis sedibus suis, novam in
 urbem hostes demigrarent, et cum generis suis avitas opes pro-
 15 dote sociarent. Auctis brevi viribus, hunc rex sapientissimus
 statum Reipublicae imposuit: iuventus divisa per tribus, in equis
 et in armis, ad subita belli excubaret: consilium Reipublicae
 penes senes esset, qui ex auctoritate *Patres*, ob *aetatem Sena-*
 16 *tus* vocabantur. His ita ordinatis, repente, quum concionem

haberet ante Urbem apud Caprae paludem, e conspectu ablatum est. Discerptum aliqui a Senatu putant ob asperius ingenium: 17 sed oborta tempestas solisque defectio consecrationis speciem praebuere: cui mox Iulius Proculus fidem fecit; visum a se Ro- 18 mulum affirmans, augustiore forma, quam fuisset: mandare praeterea, ut se pro numine acciperent: *Quirinum* in coelo vocari; placitum Diis ita, ut gentium Roma potiretur.

CAPUT II.

DE NUMA POMPILIO.

Succedit Romulo Numa Pompilius, quem Cnribus Sabinis 1 agentem, ultro petiverunt ob inclitam viri religionem. Ille, 2 sacra et caerimonias, omnemque cultum Deorum immortalium docuit: ille Pontifices, Augures, Salios, ceteraque populi Romani sacerdotia; annum quoque in duodecim menses, fastos dies nefastosque descripsit. Ille Ancilia atque Palladium, secreta 3 quaedam imperii pignora, Ianumque geminum, Fidem pacis ac belli; inprimis focum Vestae virginibus colendum dedit, ut ad simulacrum coelestium siderum custos imperii flamma vigilaret: [Haec omnia quasi monitu Deae Egeriae, quo magis barbari acciperent.] Eo denique ferocem populum redegit, ut, quod vi 4 et iniuria occuparat imperium, religione atque iustitia gubernaret.

CAPUT III.

DE TULLO HOSTILIO.

Excipit Pompilium Numam Tullus Hostilius, cui in honorem 1 virtutis regnum ultro datum. Hic omnem militarem discipli- 2 nam, artemque bellandi condidit. Itaque mirum in modum exercitata iuventute, provocare ausus Albanos, gravem et diu principem populum. Sed quum pari robore frequentibus proe- 3 liis utrique comminuerentur, misso in compendium bello, Horatii Curatiusque, trigeminis hinc atque inde fratribus, utriusque populi fata permissa sunt. Anceps et pulchra contentio, exitu- 4 que ipso mirabilis. Tribus quippe illinc vulneratis, hinc duobus occisis, qui supererat Horatius, addito ad virtutem dolo, ut distraheret hostem, simulat fugam, singulosque, prout sequi poterant, adortus exsuperat. Sic (rarum alias decus!) unus 5 manu parta victoria est: quam ille mox parricidio fodavit. Flentem spolia circa se sponsi quidem, sed hostis, sororem viderat. Hunc tam immaturam virginis amorem ultus est ferro. Citavere leges nefas; sed abstulit virtus parricidam, et facinus 6 intra gloriam fuit. Nec diu in fide Albani. Nam Fidenate bello missi in auxilium ex foedere, medii inter duos expectavere fortunam. Sed rex callidus, ubi inclinare socios ad hostem videt, tollit animos, quasi ipse mandasset: spes inde nostris, metus hostibus. Sic fraus proditorum irrita fuit. Itaque 8 hoste victo, ruptorem foederis Mettum Fufetium, religatum inter duos currus, pernicious equis distrahit; Albanamque ipsam

quamvis parentem, aemulam tamen, diruit, quam prius omnes opes urbis ipsumque populum Romam transtulisset: prorsus ut consanguinea civitas non perisset, sed in suum corpus redisse rursus videretur.

CAPUT IV.

DE ANCO MARCIO.

- 1 Ancus deinde Marcius, nepos Pompilii ex filia, pari ingenio.
- 2 Hic igitur et muro moenia amplexus est, et interfluentem [Urbi] Tiberim ponte commisit, Ostiamque in ipso maris fluminis-
que confinio coloniam posuit: iam tum videlicet praesagiens
animo, futurum, ut totius mundi opes et commeatus illo veluti
4 maritimo Urbis hospitio reciperentur.

CAPUT V.

DE TARQUINIO PRISCO.

- 1 Tarquinius postea Priscus, quamvis transmarinae originis, regnum, ultro petens, accipit, ob industriam atque elegantiam: quippe qui oriundus Corintho, Graecum ingenium Italicis artibus miscuisset. Hic et Senatus maiestatem numero ampliavit,
2 et centuriis tribus auxit, quatenus Attius Navius numerum augeri prohibebat, vir summus augurio: quem rex in experimentum rogavit, *Fierine posset, quod ipse mente conceperat?* Ille
3 rem expertus augurio, *posse*, respondit. *Atqui hoc*, inquit, *agitaram, an cotem illam secare novacula possem?* Augur, *Potes ergo*, inquit: et secuit. Inde Romanis sacer auguratus.
- 4 Neque pace Tarquinius, quam bello, promptior. Duodecim namque Tusciae populos frequentibus armis subegit. Inde fascēs, trabecae, curules, annuli, phalerae, paludamenta, praetextae; inde, quod aureo curru quatuor equis triumphatur; togae pictae, tunicaeque palmatae; omnia denique decora et insignia, quibus imperii dignitas eminet.

CAPUT VI.

DE SERVIO TULLIO.

- 1 Servius Tollins deinceps gubernacula Urbis invadit. Nec ob-
2 securitas inhibuit, quamvis matre serva creatum. Nam eximiam indolem uxor Tarquinii Tanaquil liberabiliter educarat: et clau-
3 rum fore, visa circa caput flamma promiserat. Ergo inter Tarquinii mortem, annitente regina, substitutus in locum regis, quasi in tempus, regnum dolo partum sic egit industrie, ut
4 iure adeptus videretur. Ab hoc populus Romanus relatus in censum, digestus in classes, decuriis atque collegiis distributus: summaque regis solertia ita est ordinata Respublica, ut omnia patrimonii, dignitatis, aetatis, artium officiorumque
crimina in tabulas referrentur, ac sic maxima civitas minimae domus diligentia contineretur.

CAPUT VII.

DE TARQUINIO SUPERBO.

Postremus omnium fuit regum Tarquinius, cui cognomen *Superbo* ex moribus datum. Hic regnum avitum, quod a Servio tenebatur, rapere maluit, quam expectare; inmissisque in eum percussoribus, scelere partam potestatem non melius egit, quam acquisierat. Nec abhorrebat moribus uxor Tullia, quae, ut virum regem saluaret, supra cruentum patrem, vecta carpento, consternatos equos egit. Sed ipse in Senatum caedibus, in omnes superbia, quae crudelitate gravior est bonis, grassatus, quum saevitiam domi fatigasset, tandem in hostes conversus est. Sic valida oppida in Latio capta sunt Ardea, Oericolam, Gabii, Suessa Pometia. Tum quoque cruentus in suos: neque enim filium verberare dubitavit, ut simulanti transfugam apud hostes, hinc fides esset. Cui Gabios, ut voluerat, recepto, atque per nuncios consulenti, *quid fieri vellet*, eminentia forte papaverum capita virgula excutens, quum per hoc interficiendos esse principes intelligi vellet, (quae superbia!) sic respondit. Tamen de manubiis captarum urbium templum erexit. Quod quum inauguraretur, cedentibus ceteris Deis (mira res dictu!) restituere Iuventas et Terminus. Placuit vatibus contumacia numinum: siquidem firma omnia et aeterna pollicebantur. Sed illud horrendum, quod molientibus aedem, in fundamentis humanum, repertum est caput: nec dubitare cuncti, monstrum pulcherrimum imperii sedem caputque terrarum promittere. Tanto diu superbiam regis populus Romanus perpressus est, donec aberat libido. Hanc ex liberis eius importunitatem tolerare non potuit. Quorum quum alter ornatissimae feminae Lucretiae stuprum intulisset, matrona dedecus ferro expiavit. Imperium tum regibus abrogatum.

CAPUT VIII.

ANACEPHALAEOSIS DE SEPTEM REGIBUS.

Haec est prima aetas populi Romani, et quasi Infantia, quam habuit sub regibus septem, quadam futorum industria, tam variis ingenio, ut Reipublicae ratio et utilitas postulabat. Nam quid Romulo ardentius? Tali opus fuit, ut invaderet regnum. Quid Numa religiosius? Ita res poposcit; ut ferox populus Deorum metu mitigaretur. Quid ille militiae artifex Tullus, bellatoribus viris quam necessarius, ut acueret ratione virtutem. Quid aedificator Ancus? Ut Urbem colonia extenderet, ponte iungeret, muro tueretur. Iam vero ornamenta Tarquinius et insignia quantam principi populo addiderunt ex ipso habitu dignitatem? Actus a Servio census quid effecit, nisi ut ipsa se nosset Respublica? Postremo Superbi illius importuna dominatio nonnihil, immo vel plurimum, profuit. Sic enim effectum est, ut agitatus iniuriis populus cupiditate libertatis incenderetur.

CAPUT IX.

DE MUTATIONE REIPUBLICANÆ.

- 1 Igitur Bruto Collatinoque ducibus et auctoribus, quibus ultionem sui moriens matrona mandaverat, populus Romanus ad vindicandum libertatis ac pudicitiae decus, quodam quasi instinctu Deorum concitatus, regem repente destituit, bona diripit, agrum Marti suo consecrat, imperium in eosdem libertatis suae vindices transfert, mutato tamen et iure et nomine.
- 2 Quippe ex perpetuo annuum placuit, ex singulari duplex, ne potestas solitudine vel mora corrumpetur: *Consulesque* appellavit pro regibus, ut consulere se civibus suis debere meminissent. Tantumque libertatis novae gaudium incesserat, ut vix mutati status fidem caperet; alterumque ex Consulibus, tantum ob nomen et genus regium, fascibus abrogatis, Urbe dimitteret. Itaque substitutus Valerius Poplicola, ex summo studio annixus est ad augendam liberi populi maiestatem. Nam et fasces ei pro concione submitit, et ius provocationis adversus ipsos dedit; et, ne specie arcis offenderet, eminentes aedes
- 3 suas in plana submitit. Brutus vero favori civium, etiam domus suae clade et parricidio, velificatus est. Quippe quum studere revocandis in Urbem regibus liberos suos comperisset, protraxit in forum, et concione media virgis cecidit, et securi percussit: ut plane publicus parens in locum liberorum adoptasse
- 6 sibi populum videretur. Liber iam hinc populus Romanus, prima adversus externos arma pro libertate corripuit; mox pro finibus; deinde pro sociis; tum [pro] gloria et imperio, lacerantibus assidue usquequaque finitimis: quippe cui patrii soli gleba nulla, sed statim hostile pomœrium, mediusque inter
- 7 Latium et Tuscos, quasi in quodam bivio collocatus, omnibus portis in hostem incurreret: donec quasi contagio quodam per singulos itum est, et, proximis quibusque correptis, totam Italiam sub se redegerunt.

CAPUT X.

BELLUM ETRUSCUM CUM REGE PORSENÆ.

- 1 Pulsis [ex] Urbe regibus, prima pro libertate arma corripuit. Nam Porsena, rex Etruscorum, ingentibus copiis aderat, et
- 2 Tarquinius manu reducebat. Hinc tamen, quamvis et armis, et fame urgeret, occupatoque Ianiculo ipsis Urbis faucibus incubaret, sustinuit, repulit: novissime etiam tanta admiratione perculit, ut superior ultro cum paene victis amicitiae foedera
- 3 feriret. Tunc illa Romana prodigia atque miracula, Horatius, Mucius, Cloelia: quae nisi in annalibus forent, hodie fabulae
- 4 viderentur. Quippe Horatius Cocles, postquam hostes undique instantes solus submovere non poterat, ponte recisso transiit
- 5 Tiberim, nec arma dimittit. Mucius Scaevola regem per insidias in castris ipsius adgreditur: sed ubi frustrato circa purpuratum eius ictu tenetur, ardentibus focis iniicit manum, terro-

remque geminat dolo. *En, ut scias*, inquit, *quam virum effu-* 6
geris. Idem crecenti iuravimus: quum interim (immane dictu!)
 hic interritus, ille trepidaret [tamquam manus regis arderet].
 Sic quidem viri. Sed ne quis sexus a laude cessaret, ecce et vir- 7
 ginum virtus! Una ex obsidibus regi data, elapsa custodiam,
 Cloelia, per patrium flumen equitabat. Et rex quidem tot tan- 8
 tisque virtutum territus monstris, *valere, liberosque esse iussit*.
 Tarquinii tamdiu dimicaverunt, donec Aruntem filium regis manu
 sua Brutus occidit, superque ipsum matuo vulnere expiravit
 [plane quasi adulterum ad inferos usque sequeretur].

CAPUT XI.

BELLUM LATINUM.

Latini quoque Tarquinius asserebant aemulatione et invidia, 1
 ut populus, qui foris dominabatur, saltem domi serviret. Igi-
 tur omne Latium, Mamilio Tusculano duce, quasi in regis ul-
 tionem, tollit animos. Apud Regilli lacum dimicatur, diu Marte a
 vario, donec Postumius ipse Dictator signum in hostes iacula-
 tus est (novum et insigne commentum), uti peteretur [cursu].
 Cossus equitum Magister exuere frenos imperavit (et hoc no- 3
 vum), quo acrius incurrerent. Ea denique atrocitas fuit proelii, 4
 ut interfuisse spectaculo Deos fama tradiderit, duos in candidis
 equis. Castorem atque Pollucem, nemo dubitavit. Itaque et
 Imperator veneratus est, pactusque victoriam templa promisit;
 et reddidit, plane quasi stipendium commilitonibus Deis. Hac- 5
 tenus pro libertate: mox de finibus cum eisdem Latinis assidue
 et sine intermissione pugnatum est. Cora (quis credat?) et Al- 6
 gidum terrori fuerunt: Satricum atque Corniculum provinciae.
 De Verulis et Bovillis pudet; sed triumphavimus. Tibur nunc 7
 suburbanum et aestivae Praeneste deliciae, nuncupatis in Ca-
 pitolo votis, petebantur. Idem tunc Faesulac, quod Carrae 8
 nuper: idem nemus Aricinum, quod Hercynius saltus: Fregel-
 lae, quod Gesoriacum: Tiberis, quod Euphrates. Coriolos 9
 quoque (pro pudor!) victos adeo gloriae fuisse, ut captum op-
 pidum Cnaeus Marcius [Coriolanus] quasi Numantiam aut Africam
 nomini induerit. Exstant et parta de Antio spolia, quae Mae- 10
 rius in suggestu fori, capta hostium classe, suffixit; si tamen
 illa classis: nam sex fuere rostratae. [Sed hic numerus, illis
 initiis, navale bellum fuit.] Pervicacissimi tamen Latinorum
 Aequi et Volsci fuere, et quotidiani, ut sic dixerim, hostes.
 Sed hos praecipue Titus Quintius domuit, ille Dictator ab ara- 11
 tro qui obsessa ac paene iam capta Marci Minucii Consulis
 castra egregia virtute servavit. Medium erat tempus forte se- 12
 mentis, quum patricium virum, innixum aratro suo, lictor in
 ipso opere deprehendit. Inde in aciem profectus, ne quid a
 rustici operis imitatione cessaret, victos more pecudum sub iu- 13
 gum misit. Sic expeditione finita, reddit ab hoves rursus tri- 14
 umphalis agricola. Fidem, numinum! qua velocitate, intra
 quindecim dies coeptum peractumque bellum; prorsus, ut se-
 stinasse Dictator ad relictum opus videretur.

CAPUT XII.

BELLUM CUM ETRUSCIS, FALISCIS ET FIDENATIBUS.

1 Assidui vero et anniversarii hostes ab Etruria [fuere] Veien-
 tes: adeo ut extraordinariam manum adversus eos promiserit,
 2 privatumque gesserit bellum gens una Fabiorum. Satis superque
 idonea clades. Caesi apud Cremeram trecenti, patricius exer-
 citus: et scelerato signata nomine, quae proficiscentes in proe-
 3 lium porta dimisit. Sed ea clades ingentibus expiata victoriis,
 postquam per alios atque alios duces robustissima capta sunt,
 4 oppida: vario quidem eventu. Falisci sponte se dederunt.
 Cremati suo igne Fidenates. Rapti funditus deletique Veientes.
 5 Falisci quum obsidrentur, mira visa est fides Imperatoris, nec
 immerito: quod ludimagistrum, urbis proditorem, cum iis,
 6 quos adduxerat, pueris, vinctum sibi ultro remisisset. Eam
 namque vir sanctus et sapiens veram sciebat victoriam, quae
 7 salva fide et integra dignitate pareretur. Fidenae, quia pares
 non erant ferro, ad terrorem movendum facibus armatae, et
 discoloribus, serpentum in modum, vittis, furiali more pro-
 8 cesserant: sed habitus ille feralis eversionis omen fuit. Veien-
 tium [Veii] quanta res fuerit, indicat decennis obsidio. Tunc
 primum hiematum sub pellibus: taxata stipendio hiberna: ada-
 ctus miles sua sponte iureiurando, *ne, nisi capta urbe, remea-*
 9 *ret.* Spolia de Larto Tolumnio rege ad Feretrium reportata.
 Denique non scalis, nec irruptione, sed cuniculo et subterraneis
 10 dolis peractum urbis excidium. Ea denique visa est praedae
 magnitudo, cuius decimae Apollini Pythio mitterentur: univer-
 11 susque populus Romanus ad direptionem urbis vocaretur. Hoc
 tunc Veientes fuere: nunc [fuisse] quis meminit? quae reli-
 quiae? quodve vestigium? Laborat annalium fides, ut Veios
 fuisse credamus.

CAPUT XIII.

BELLUM GALLICUM.

1 Hic sive invidia Deum, sive fato, rapidissimus procurrentis
 imperii cursus parumper Gallorum Senonum incursione suppri-
 2 mitur. Quod tempus populo Romano nescio utrum clade fune-
 3 stius fuerit, an virtutum experimentis speciosius. Ea certe fuit
 vis calamitatis, ut in experimentum illatam putem divinitus,
 scire volentibus immortalibus Diis, an Romana virtus imperium
 4 orbis mereretur. Galli Senones, gens natura ferox, moribus
 incondita, ad hoc ipsa corporum mole, perinde armis ingenti-
 bus, adeo omni genere terribilis fuit, ut plane nata ad homi-
 5 num interitum, urbium stragem, videretur. Hi quondam ab
 ultimis terrarum oris et cingente omnia Occano, ingenti
 agmine profecti, quum iam media vastassent, positis inter Al-
 pes et Padum sedibus, ne his quidem contenti, per Italiam
 6 vagabantur. Tum Clusium [urbem] obsidebant. Pro sociis ac
 foederatis populus Romanus intervenit. Missi ex more legati.

Sed quod ius apud barbaros? ferocius agunt: exinde certamen. 7
 Conversis igitur a Clusio, Romamque venientibus, ad Alliam
 flumen cum exercitu Fabius Consul occurrit. Non temere foe-
 dior clades. Itaque hunc diem fastis Roma damnavit. Fuso 8
 exercitu, iam moenibus Urbis appropinquabant. Erant nulla
 praesidia. Tum igitur, ut numquam alias, apparuit vera illa
 Romana virtus. Iam primum maiores natu amplissimis usi ho- 9
 noribus, in forum coeunt: ibi devovente Pontifice, se Diis Ma-
 nibus consecrant: statimque in suas quisque aedes regressi, 10
 sicut in trabeis erant, et amplissimo cultu, in curulibus sellis
 sese posuerunt: ut, quam venisset hostis, in sua dignitate more-
 rentur. Pontifices et Flamines, quidquid religiosissimi in
 templis erat, partim in doliis defossa terrae recondunt, partim
 imposita plaustris secum avehunt. Virgines simul ex sacerdotio
 Vestae, nudo pede fugientia sacra comitantur. Tamen excepisse
 fugientes unus e plebe fertur Lucius Albinus, qui, depositis
 uxore et liberis, virgines in plaustrum recepit: adeo tum
 quoque in ultimis religio publica privatis affectibus antecelle-
 bat. Iuventus vero, quam satis constat vix mille hominum 13
 fuisse, duce Manlio arcem Capitolini montis insedit, obtestata
 ipsum Iovem, quasi praesentem, ut, quemadmodum ipsi ad de-
 fendendum templum eius concurrissent, ita ille virtutem eorum
 numine suo tueretur. Aderant interim Galli, apertamque Urbem 14
 primo trepidi, ne qui subesset dolus, mox ubi solitudinem vi-
 dent, pari clamore et impetu invadunt. Patentes passim domus
 adennt. Ibi sedentes in curulibus suis praetextatos senes, velut
 Deos geniosque venerati, mox eosdem, postquam esse homines
 liquebat, alioqui nihil respondere dignantes, pari vecordia ma-
 ctant, faecesque tectis iniiciunt: et totam Urbem igne, ferro,
 manibus exaequant. Sex mensibus barbari (quis crederet?) circa 15
 montem nnum pependerunt, nec diebus modo, sed noctibus
 quoque omnia experti: quum tandem Manlius nocte subeuntes,
 clangore anseris excitatus, a summa rupe deiecit: et ut spem 16
 hostibus demeret, quamquam in summa fame, tamen ad spe-
 ciem fiduciae, panes ab arce isculatus est. Et statim quodam
 die, per medias hostium custodias Fabium Pontificem ab arce
 demisit, qui solemne sacrum in Quirinali monte conficeret. At-
 que ille per media hostium tela incolumis religionis auxilio re- 17
 dit, propitiosque Deos renunciavit. Novissime, quum iam ob-
 sidio sua barbaros fatigasset, mille pondo auri recessum sumum
 venditantes, idque ipsum per insolentiam, quum ad iniqua pon-
 dera addito adhuc gladio, insuper *vae victis* increparent, subito
 adgressus a tergo Camillus adeo cecidit, ut omnia incendiorum
 vestigia Gallici sanguinis inundatione deleret. Agere gratias 18
 Diis immortalibus ipso tantae cladis nomine libet. Pastorum
 casas ignis ille, et flamma paupertatem Romuli abscondit. In-
 cendium illud quid egit aliud, nisi ut destinata hominum ac
 Deorum domicilio civitas, non deleta, nec obruta, sed expiata
 potius et lustrata videatur? Igitur post assertam a Manlio, 19
 restitutam a Camillo Urbem, acrius etiam vehementiusque in
 finitimos resurrexit. Ac primum omnium illam ipsam Gallicam

gentem non contentus moenibus expulisse, quum per Italiam naufragia sua latius traheret, sic persecutus est duce Camillo, sicut hodie nulla Senonum vestigia supersint. Semel apud Anienem trucidati, quum singulari certamine Manlius aureum torquem barbaro inter spolia detraxit: inde Torquati. Iterum Promptino agro, quum [in] simili pagna Lucius Valerius, insidiente galeae sacra alite adiutus, retulit spolia: inde Corvini. Nec non tandem post aliquot annos, omnes reliquias eorum in Etruria ad lacum Vadimonis Dolabella delevit: ne quis exstaret in ea gente, quae incensam a se Romam urbem gloriaretur.

CAPUT XIV.

BELLUM LATINUM.

1 Conversus a Gallis in Latinos, Manlio Torquato, Decimo Mure Consulibus, semper quidem aemulatione imperii infestus, tum vero contentu Urbis incensae; quum *ius civitatis, partem imperii et magistratuum* poscerent, atque iam amplius, quam
2 congregari auderent. Quo tempore quis cessisse hostem mirabimur? quum alter Consulum filium suum, quia contra imperium pugnaverant, quamvis victorem, occiderit; [quasi plus in imperio esset, quam in victoria:] alter quasi monitu Deorum, capite
3 velato, primam ante aciem Diis Manibus se devoverit, ut, in
4 confertissima se hostium tela iaculatus, novum ad victoriam iter sanguine suo aperiret.

CAPUT XV.

BELLUM SABINUM.

1 A Latinis adgressus est gentem Sabinorum, qui immemores pactae sub Tito Tatius affinitatis, quodam contagio belli se Latinis adiunxerant. Sed Curio Dentato Consule, omnem eum tractum, qua Nar, Anio, fontes Velini, Hadriatico tenus mari,
2 igne ferroque vastavit. Qua victoria, tantum hominum, tantum agrorum redactum in potestatem, ut, in utro plus esset, nec ipse posset aestimare, qui vicerat.

CAPUT XVI.

BELLUM SAMNITICUM.

1 Precibus deinde Campaniae motus, non pro se, sed [quod est speciosius] pro sociis Samnitas invadit. Erat foedus cum utrisque percussum: sed hoc Campani sanctius et prius omnium suorum deditione fecerant. Sic ergo Romanus bellum Samniticum
3 cum tamquam sibi gessit. Omnium non modo Italia, sed toto orbe terrarum, pulcherrima Campaniae plaga est. Nihil mollius caelo: denique his floribus vernalis. Nihil uberius solo: ideo Liberi Cererisque certamen dicitur. Nihil hospitalius mari.
4 Hic illi nobiles portus, Caieta, Misenum, et tepentes fontibus
5 Baias: Lucrinus et Avernus, quaedam maris otia. Hic amicti

vitibus montes, Gaurus, Falernus, Massicus, et pulcherrimus omnium Vesuvius, Aetnaei ignis imitator. Urbes ad mare, Formiae, Cumae, Puteoli, Neapolis, Herculaneum, Pompeii, et ipsa caput urbium Capua, quondam inter tres maximas, Romam Carthaginiemque numerata. Pro hac urbe, his regionibus populus Romanus Samnitas invasit; gentem, si opulentiam quaeras, aureis et argenteis armis, et discolori veste, usque ad ambitum armatam: si fallaciam, saltibus fere et montium fraude grassantem: si rabiem ac furorem, sacratis legibus humanisque hostiis in exitium Urbis agitatam: si pertinaciam, sexies rupto foedere, cladibusque ipsis animosiorcm. Hos tamen quinquaginta annis per Fabios et Papirios patres, eorumque liberos, ita subegit ac domuit, ita ruinas ipsas urbium diruit, ut hodie Samnium in ipso Samnio requiratur: nec facile appareat materia quatuor et viginti triumphorum. Maxime tamen nota et illustri apud Caudinas furculas ex hac gente clades, Veturio Pontumioque Consulibus, accepta est. Clauso per insidias intrato cum saltum exercitu, unde non posset evadere, stupens occasione tanta dux hostium Pontius, Hereunium patrem consuluit, et ille, *mitteret omnes, vel occideret*, sapienter, ut senior, suaserat. Hic armis exutos mittere sub iugum maluit; ut nec amicitiae forent beneficio, et post flagitium hostes magis. Itaque et Consulés statim magnifice voluntaria deditione turpitudinem foederis dirimunt, et ultionem flagitans miles, Papirio duce, (horribile dictu!) strictis ensibus per ipsam viam ante pugnam furit; et in congressu arsisse omnium oculos, hostis auctor fuit; nec prius finis caedibus datus, quam iugum et hostibus et duci capto reposuerunt.

CAPUT XVII.

BELLUM ETRUSCUM ET SAMNITICUM.

Haecenus populus Romanus cum singulis gentium, mox acervatim; tamen sic quoque par omnibus, Etruscorum duodecim populi, Umbri in id tempus intacti, antiquissimus Italiae populus, Samnitium reliqui, in excidium Romani nominis repente conitant. Erat terror ingens tot simul tantorumque populorum; et late per Etruriam infesta quatuor agminum signa volitabant. Ciminus interim saltus in medio, ante invius, [plane quasi Caldonius, vel Hercynius,] adeo tunc terrori erat, ut Senatus Consuli denunciaret, ne tantum periculi ingredi auderet. Sed nihil horum terruit ducem, quin fratre praemisso exploraret, accessus. Ille per noctem pastorio habitu speculatus omnia, refert tutum iter. Sic Fabius Maximus periculosissimum bellum sine periculo explicavit. Nam subito inconditos atque palantes adgressus est; captisque superioribus iugis in subiectos suo iure detouit. Ea namque species fuit illius belli, quasi in terrigenas e coelo ac nubibus tela mitterentur. Nec incruenta tamen illa victoria: nam oppressus in sinu vallis alter Consul Decius, more patrio devotum Diis Manibus obtulit caput; sollemnemque familiae suae consecrationem in victoriae pretium redegit.

CAPUT XVIII.

BELLUM TARENTINUM ET CUM PYRRHO REGE.

- 1 Sequitur bellum Tarentinum, unum quidem titula et nomine, sed victoria multiplex. Hoc enim Calabros, Apulos, atque Lucanos, et caput belli Tarentinos, [id est, totam Italiam,] et cum istis omnibus Pyrrhum, clarissimum Graeciae regem, una veluti ruina pariter involvit, ut eodem tempore et Italiam consummaret, et transmarinus triumphos auspicaretur. Tarentus, Lacedaemoniorum opus, Calabriae quondam, et Apuliae, totiusque Lucaniae caput, quum magnitudine et muris portuque
- 3 nobilis, tum mirabilis situ: quippe in ipsis Hadriani maris faucibus posita, in omnes terras, Istriam, Illyricum, Epirum, Achaiam, Africam, Siciliam, vela dimittit. Imminet portui, ad prospectum maris positum, [maius] theatrum: quod quidem
- 4 caussa miserae civitati fuit omnium calamitatum. Ludos forte celebrabant, quum adremigantem littori Romanam classem inde vident; atque hostem rati, emicant, sine discrimine insultant:
- 5 *qui enim aut unde Romani?* Nec satis. Aderat sine mora querelam ferens legatio. Hanc quoque foede per obscoenam tur-
- 6 pemque dictu contumeliam violant. Et hinc bellum. Sed apparatus horribilis, quum tot simul populi pro Tarentinis consurgerent, omnibusque vehementior Pyrrhus: qui semigracem ex Lacedaemoniis conditoribus civitatem vindicaturus, cum totis viribus Epiri, Thessaliae, Macedoniae, incognitisque in id tempus elephantis, mari, terra, viris, equis, armis, addito insu-
- 7 per ferarum terrore, veniebat. Apud Heraealeam, et fluvium Sirim, Laevino Consule, prima pugna: quae tam atrox fuit, ut Frentanae turmae praefectus Obsidius, invecus in regem, turbaverit, coegeritque, proiectis insignibus, proelio excedere.
- 8 Actum erat, nisi elephantis conversi in spectaculum belli procurrissent: quorum quum magnitudine, tum deformitate et novo adire simul ac stridore consternati equi, quum incognitas sibi belluas, amplius quam erant, suspicarentur, fugam stragemque late dederunt. In Apulia deinde apud Asculum melius dimicatum est, Curio, Fabricioque Consulibus: iam quippe belloarum terror exoleverat, et Caius Minucius quartae legionis hastatus, unius proboscide abscisa, mori posse belluas ostenderat. Itaque et in ipsas pila congesta sunt, et in turres vibratae faces tota hostium agmina ardentibus ruinis operuerunt: nec alius clani finis fuit, quam nox [dirimeret]; postremusque fugientium ipse rex a satellitibus humero saucius in armis suis
- 11 referretur. In Lucania suprema pugna sub Arusinis, quos vocant, campis, ducibus iisdem [qui superius:] et tunc tota victoria. Exitum, quem datura virtus fuit, casus dedit. Nam productis in primam aciem rarsus elephantis, unum ex his pullum adacti in caput teli gravis ictus avertit: qui quum per stragem suorum recurrens, stridore quereretur, mater agnovit, et, quasi vindicaret, exsiluit: tum omnia circa quasi hostilia gravi
- 13 timore permiscuit. Ac sic eadem ferae, quae primam victoriam abstulerant, secundam parem fecerant, tertiam sine contro-

versia tradiderunt. Nec vero tantum armis, et in campis, sed et
 consiliis quoque et domi intra Urbem cum rege Pyrrho dimi-
 catum est. Quippe post primam victoriam rex callidus, intel-
 lecta virtute Romana, statim desperavit armis, seque ad dolos
 contulit. Nam interemptos cremavit, captivosque indulgentius
 habuit, et sine pretio restituit; missusque dein legatis in Ur-
 bem; omni modo annixus est, ut in amicitiam reciperetur.
 Sed bello et pace, foris et domi, omnem in partem Romanis
 virtus tum se approbavit: nec alia magis, quam Tarentina vi-
 ctoria, ostendit populi Romani fortitudinem, Senatus sapien-
 tiam, ducum magnanimitatem. Quinam illi fuerunt viri, quos
 ab elephantis primo proelio obtritos accepimus? Omnium vul-
 nera in pectore: quidam hostibus suis immortui: omnium in
 manibus enses: et relictæ in vultibus minæ, et in ipsa morte
 ira vivebat. Quod adeo Pyrrhus miratus est, ut diceret: 18
*O quam facile erat orbis imperium occupare, aut mihi Roma-
 nis militibus, aut me rege Romanis!* Quæ autem eorum, qui
 superfuere, in reparando exercitu festinatio? Quum Pyrrhus,
*Vide me, inquit, plana Herculis sidere procreatum, cui, quasi
 ab angue Lernaeco, tot caesa hostium capita de sanguine suo
 renascuntur.* Quis autem ille Senatus fuit? quum perorante 20
 Appio Cæco, pulsus cum muneribus suis ab Urbe legatus, inter-
 roganti regi suo, quid de hostium sede sentirent? *Urbem tem-
 plum sibi visam, Senatum regum consessum [regnum Deum]
 esse, confiterentur.* Qui porro ipsi duces vel in castris? Quum
 medicum, venale regis Pyrrhi caput offerentem, Curius remi-
 sit: Fabricius oblatam sibi a rege imperii partem repudiavit.
 Vel in pace? Quum Curius scutilla sua Samnitico præferret au- 22
 ro: Fabricius decem pondo argenti eirea Rufinum Consularem
 virum quasi luxuriam Censoria gravitate damnavit. Quis ergo 23
 miretur his moribus, virtute, militia, victorem populum Roma-
 num fuisse? unoque bello Tarentino intra quadriennium maxi-
 mam partem Italiae, fortissimas gentes, opulentissimas urbes,
 uberrimasque regiones in ditionem redeigisse? Ant quid adeo 24
 fidem superet, quam si principia belli cum exitu conferantur?
 Victor primo proelio Pyrrhus, tota tremente Campania, Lirim,
 Fregellasque populatus, prope captam Urbem a Praenestina arce
 prospexit, et a vicissimo lapide oculos trepidæ civitatis fumo
 ac pulvere implevit. Eodem postea his exuto castris, his sau- 25
 cio, et in Graeciam suam trans mare, ac terras fugato, pax et
 quies: et tanta de opulentissimis tot gentibus spolia, ut victo-
 riam suam Roma non caperet. Nec enim temere ullus pulchri- 26
 or in Urbem aut speciosior triumphus intravit. Ante hunc diem
 nihil nisi pecora Volscorum, greges Sabinorum, carpenta Gal-
 lorum, fracta Samnitum arma vidisset: tum si captivos adspice-
 res, Molossi, Thessali, Macedones, Brutii, Apuli, atque
 Lucani: si pompas, aurum, purpura, signa, tabulae, Taren-
 tinæque deliciae. Sed nihil libentius populus Romanus adspe- 28
 xit, quam illas, quas ita timebat, cum turribus suis belluas, quæ
 non sine sensu captivitatis, submissis cervicibus, victores equos
 sequebantur.

CAPUT XIX.

BELLUM PICENUM.

- 1 Omnis mox Italia pacem habuit. Qui enim post Tarentum
 2 auderent? nisi quod ultro persequi socios hostium placuit. Do-
 miti ergo Picentes, et caput gentis Asculum, Sempronio duce:
 qui, tremante inter proclium campo, Tellurem Deam, pro-
 missa aede, placavit.

CAPUT XX.

BELLUM SALENTINUM.

- 1 Salentini Picentibus additi, caputque regionis Brundisium in-
 2 clyto portu, Marco Atilio duce. Et in hoc certaminae, victo-
 riae pretium templum sibi pastoria Pales ultro poposcit.

CAPUT XXI.

BELLUM VOLSINIENSE.

- 1 Postremi Italicorum in fide mansere Volsinii, opulentissimi
 Etruscorum, implorantes opem adversus servos quondam suos:
 2 qui, libertate a dominis data, in ipsos se crexerant, translata-
 3 que in se republica dominabantur. Sed hi quoque, duce Fabio
 Gurgite, poenas dederunt.

CAPUT XXII.

DE SEDITIONIBUS.

- 1 Haec est secunda aetas populi Romani, et quasi Adolescentia,
 qua maxime viruit, et quodam flore virtutis exarsit ac ferbuit.
 Ita, quae inerat quaedam adhuc ex pastoribus feritas, quid-
 2 dam spirabat indomitum. Inde est, quod exercitus Postumium
 Imperatorem, incipientem quas promiserat praedas, facta in ca-
 stris seditione, lapidavit: quod sub Appio Claudio noluit vin-
 3 cere hostem, quum posset: quod duce Volerone, detrectanti-
 bus plerisque militiam, fracti Consulis fasces: inde, quod [cla-
 rissimos] principes, quum adversarentur voluntati suae, exsula-
 tione multavit: ut Coriolanum, colere agros iubentem; nec mi-
 nus ille ferociter iuriarum armis vindicasset, nisi quod iam
 inferentem signa filium mater Veturia lacrimis suis exarmavit:
 4 ut ipsum Camillum, quod inique inter plebem et exercitum
 divisisse Veientem praedam videretur. Sed hic melior Veis,
 in capta Urbe consenuit; et mox supplices de hoste [Gallo]
 5 vindicavit. Cum Senatu quoque vehementius aequo bonoque
 certatum est; adeo ut relictis sedibus solitudinem et interitum
 patriae suae minaretur.

CAPUT XXIII.

- 1 Prima discordia ob impotentiam foeneratorum: quibus, in
 terga quoque serviliter saevientibus, in Sacrum montem plebes
 armata secessit: aegreque, nec, nisi Tribunus impetrasset, Mc-
 nentii Agrippae, facundi et sapientis viri, auctoritate revocata
 2 est. Exstat orationis antiquae satis efficax ad concordiam fabu-

la, qua discedisse inter se quondam humanos dixit artus, quod, omnibus opere fungentibus, solus venter immunis ageret; deinde moribundos a seijunctione redisse in gratiam, quando sensissent, quod eius opera. redactis in sanguinem cibis, irrigarentur.

CAPUT XXIV.

Secundam in Urbe media Decemviratus libido conflavit. Al-
latas a Graecia leges decem principes lecti, iubente populo,
couscripserant: ordinataque erat in duodecim tabulis tota iu-
stitia, quum tamen traditos fasces regio quodam furore retine-
bant. Ante ceteros Appius eo insolentiae elatus est, ut ingenuam
virginem stupro destinaret, oblitus et Lucretiae, [et regum,]
et iuris, quod ipse composuerat. Itaque quum oppressam iu-
dicio filiam trahi in servitutem videret Virginii pater, nihil
cunctatus, in medio foro manu sua interfecit: admotisque signis
commilitonum, totam eam dominationem obsessam armis, in
carcerem et catenas ab Aventiuo monte detraxit.

CAPUT XXV.

Tertiam seditionem excitavit matrimoniorum dignitas; ut ple-
bes cum patriciis iungerentur: qui tumultus in monte Ianiculo,
duce Canuleio, Tribuno plebis, exarsit.

CAPUT XXVI.

Quartam honorum cupido, ut plebes quoque magistratus cre-
arentur. Fabius Ambustus duarum pater, alteram Sulpicio pa-
tricii sanguinis dederat, alteram plebcio Stolori. Quae quodam
tempore, quod lictoriae virgae sonum ignotum penatibus suis
expaverat, a sorore satis insolenter irrita, iniuriam non tulit.
Itaque nactus Tribunatum, honorum et magistratuum consorti-
um, quamvis invito Senatui, extorsit. Verum in his ipsis sedi-
tionibus, principem populum non immerito suspexeris. Siqui-
dem nunc libertatem, nunc pudicitiam, tum natalium dignitatem,
tum honorum decora et insignia vindicavit. Interque haec omnia,
nullius acrior custos, quam libertatis fuit; nullaque in pretium
eius potuit largitione corrumpi, quum ut in magno, et in dies
maiore populo, interim perniciosi cives exsisterent. Maelium
largitione, Spurium Cassium agraria lege suspectos regiae do-
minationis, praesenti morte multavit. Ac de Spurio quidem
supplicium pater ipsius sumsit: hunc Quinctii Dictatoris im-
perio, in medio foro Magister Equitum Servilius Ahala confo-
dit. Manlium vero Capitolii vindicem, quia plerosque debito-
rum liberaverat, altius se et incivilius efferebant, ab illa, quam
defenderat, arce deiecit. Talis domi ac foris; talis pace bello-
que populus Romanus fretum illud Adolescententiae; id est, se-
cundam imperii aetatem habuit, in qua totam inter Alpes fre-
tumque Italiam armis subegit.

L. ANNAEI FLORI
RERUM ROMANARUM
EPITOME.
LIBER SECUNDUS.

CAPUT I.

PROOEMIUM.

Domita subactaque Italia, populus Romanus prope quingentesimum annum agens, quum bona fide adolevisset; si quod est robur, si qua iuventas: tum ille vere robustus, et iuvenis, et par orbi terrarum esse coepit. Ita, (mirum, et incredibile dictum!) qui prope quingentis annis domi luctatus est, (adeo difficile fuerat dare Italiae caput!) his ducentis [annis, qui sequuntur.] Africam, Europam, Asiam, totum denique orbem terrarum bellis victoriisque peragravit.

CAPUT II.

PRIMUM BELLUM PUNICUM.

Igitur victor Italiae populus, quum ad fretum usque venisset, more ignis, qui obvias populatus incendio silvas, interveniente flumine abruptitur; paulisper substitit. Mox quum videret opulentissimam in proximo praedam, quodammodo Italiae suae abscisam, et quasi revulsam; adeo cupiditate eius exarsit, ut quatenus nec mole iungi, nec pontibus posset, armis belloque iungenda, et ad continentem suam revocanda [bello] videretur. Sed ecce, ultro ipsis viam pendentibus fati, nec occasio defuit, quum de Poenorum impotentia foederata Siciliae civitas Messana quereretur. Affectabat autem ut Romanus, ita Poenus Siciliam, et eodem tempore, paribus uterque votis ac viribus; imperium orbis agitabat. Igitur specie quidem socios iuvandi, re autem sollicitante praeda; quamquam territaret novitas rei, (tanta tamen in virtute fiducia!) ille rudis, ille pastorius populus, vereque terrester; ostendit nihil interesse virtutis, equis an navibus, terra an mari dimicaretur. Appio Claudio Consule, primum fretum [tum] ingressus est, fabulosis infame monstris, aestuque violentum: sed adeo non est exterritus, ut illam ipsam ruentis aestus violentiam pro munere amplecteretur: statimque ac sine mora Hieronem, Syracusanum regem, tanta celeritate vicit, ut ille ipse prius se victum, quam hostem viderit, 7 fateretur. Duillio Cornelioque Consulibus, etiam mari congredi

ausus est. Tum quidem ipsa velocitas classis comparatae auspiciū fuit. Intra enim sexagesimum diem, quam caesa silva fuerat, centum sexaginta navium classis in ancoris stetit; ut non arte factae, sed quodam munere Deorum conversa in naves atque mutatae arbores viderentur. Proelii vero forma mirabilis: quum illas celeres volucresque hostium naves, hae graves tardaeque comprehenderent. Longe illis nauticae artes, detergere remos, et ludificari fuga rostra. Iniectae enim ferreae manus, machinaeque validae, ante certamen multum ab hoste derisae; coactique hostes quasi in solido decernere. Victor ergo apud Liparas, imersa et fugata hostium classe, primum illud maritimum egit triumphum. Cuius quod gaudium fuit? quum Duilius Imperator, non contentus unius diei triumpho, per vitam omnem, ubi a coena rediret, praelucere funalia et praecinere sibi tibias iussit, quasi quotidie triumpharet. Prae tanta victoria leve [huius proelii] damnum fuit alter Consulū interceptus, Asina Cornelius: qui, simulato colloquio evocatus atque ita oppressus, fuit perfidiae Punicae documentum. Calatino Dictatore, fere omnia praesidia Poenorum, Agrigento, Drepanis, Panormo, Eryce, Lilybaeo detraxit. Trepidatum est semel circa Camerinensium saltum: sed eximia virtute Calpurnii Flammae, Tribuni militum, evasimus, qui, lecta trecentorum manu, infestum et insessum ab hostibus tumultum occupavit, adeoque moratus hostem, dum exercitus omnis evaderet. Ac sic pulcherrimo exitu Thermopylarum et Leonidae famam adaequavit: hoc illustrior [noster], quod expeditioni tantae super- fuit [et supervixit, licet nihil scripserit sanguine.] Lucio Cornelio Scipione, quum iam Sicilia suburbana esset populi Romani provincia; serpente latius bello, in Sardiniam annexamque Corsicam transit. Olbiae ibi, hic Aleriae urbis excidio incolae terruit: adeoque omni terra, mari, Poenos expugnavit, ut iam victoriae nihil nisi Africa ipsa restaret. Marco Atilio Regulo duce iam in Africam navigabat bellum: nec deerant, qui ipso Punici maris nomine ac terrore deficerent, augente insuper Tribuno Nautio metum: in quem, nisi paruisset, securi destructa, Imperator metu mortis navigandi fecit audaciam. Mox deinde ventis remisque properatum est: tantusque terror hostici adventus Poenis fuit, ut apertis paene portis Carthago caperetur. Prima belli praemium fuit civitas Clypea: prima enim a Punicorum litore quasi arx et specula procurrit. Et haec, et trecenta amplius castella vastata sunt. Nec cum hominibus, sed cum monstris quoque dimicatum est; quum quasi in vindictam Africae nata, mirae magnitudinis serpens, posita apud Bagradam castra vexaret. Sed omnium victor Regulus quum terrorem nominis sui late circumtulisset, quumque magnam vim iuventutis, ducesque ipsos, aut cecidisset, aut haberet in vinculis; classemque ingenti praeda onustam, et triumpho gravem, in Urbem praemisisset; iam ipsam caput belli Carthaginem urgebat obsidio, ipsisque portis iuhaerebat. Hic paulum circumacta Fortuna est; tantum, ut plura essent Romanae virtutis insignia, cuius fere magnitudo calamitatibus approbatur. Nam conversis ad

externa auxilia hostibus, quum Xanthippum illis ducem Lacedaemon misisset, a viro militiae peritissimo vincimur. [Tum foeda clade, Romanisque usu incognita.] Vivus in manus hostium venit fortissimus Imperator. Sed ille quidem par tantae calamitatis fuit. Nam nec Punico carcere infractus est, nec legatione suscepta: quippe diversa, quam hostes mandaverant, censuit; ne pax fieret, ne commutatio captivorum reciperetur. Sed nec illo voluntario ad hostes suos reditu, nec ultimo [sive carcere, sive crucis] supplicio deformata maiestas, immo his omnibus admirabilior, quid aliud quam victus de victoribus, atque etiam, quia Carthago non cesserat, de fortuna triumphavit? Populus autem Romanus multo acrior intensiorque pro ultione Reguli quam pro victoria fuit. Metello igitur Consule spirantibus altius Poenis, et reverso in Siciliam bello, apud Panormum sic hostes cecidit, ut nec amplius eam insulam concitarent. Argumentum ingentis victoriae, centum circiter elephantorum captivitas; sic quoque magna praeda, si gregem agillum non bello, sed venatione cepisset. Appio Claudio Consule, non ab hostibus, sed a Diis ipsis superatus est, quorum auspicia contemserat; ibi statim classe demersa, ubi ille praecipitari pullos iusserat, quod pugnare ab his vetaretur. Marco Fabio Buteone Consule, classem hostium in Africo mari apud Aegimurum, iam in Italiam ultro navigantem, cecidit. Quantum o tunc triumphus tempestate intercidit, quum opulenta praeda classis, adversis acta ventis, naufragio suo Africam et Syrtes, et omnium interiacentium insularum littora implevit! Magna clades, sed non sine aliqua principis populi dignitate; interceptam tempestate victoriam, et triumphum perisse naufragio. Et tamen, quum Punicae praedae omnibus promontoriis insulisque frustrarentur [et fluitarent,] populus Romanus et sic triumphavit. Lutatio Catulo Consule tandem bello finis impositus apud insulas, quibus nomen Aegates. Nec maior alias in mari pugna; quippe commentibus, exercitu, propugnaculis, armis gravis hostium classis, et in ea quasi tota Carthago: quod ipsum exitio fuit. Romana classis prompta, levis, expedita, et quodam genere castrensis; ad similitudinem pugnae equestris, sic remis, quasi habenis agebatur; et in hos vel in illos mobilia rostra speciem viventium praeferbant. Itaque momento temporis laceratae hostium rates, totum inter Siciliam Sardiniamque pelagus naufragio suo operuerunt. Tanta denique fuit illa victoria, ut de excidendis hostium moenibus non quaeretur. Supervacuum visum est, in arcem murosque saevire, quum iam in mari esset deleta Carthago.

CAPUT III.

BELLUM LIGUSTICUM.

1 Peracto Punico bello, secuta est brevis sane, et quasi ad recipiendum spiritum requies; argumentumque pacis, et bona fide cessantium armorum, tum primum post Numam clausa
2 porta Iani fuit; sed statim ac sine mora patuit. Quippe iam

Ligures, iam Insubres Galli, nec non et Illyrii lacescebant [sitae sub Alpibus, id est, desub ipsis Italiae faucibus, gentes], Deo quodam assidue incitante, ne rubiginem ac situm scilicet arma sentirent: denique utrique quotidiani, et quasi domestici hostes tirocinia militum imbuebant: nec aliter utraque gente, quam quasi cote quadam, populus Romanus ferrum suae virtutis acuebant. Ligures imis Alpium iugis adhaerentes, inter Varium et Macram flumen, implicitosque dumis silvestribus, maior aliquanto labor erat invenire, quam vincere. Tuti locis et fuga: durum atque velox genus, ex occasione latrocinia magis, quam bella faciebant. Itaque quum diu multumque eluderent Salys, Deciates, Oxubii, Euburates, Ingauni, tandem Fulvius latebras eorum ignibus sepsit: Baeius in plana deduxit: Postumius ita exarmavit, ut vix reliquerit ferrum, quo terra coleretur.

CAPUT IV.

BELLUM GALLICUM.

Gallis Insubribus et his incolis Alpium, animi ferarum, corpora plusquam humana erant: [sed, (quod experimento deprehensum est) sicut primus impetus eis maior, quam virorum est, ita sequens minor, quam feminarum. Alpina corpora humani coelo educata, habent quiddam simile nivibus suis: quia mox ut caluere pugna, statim in sudorem eunt: et levi motu, quasi sole, laxantur.] Hi saepe et alias, sed Britomaro duce, non prius soluturos se baltea, quam Capitolium adscendissent, iuraverant. Factum est. Victos enim Aemilius in Capitolio decinxit. Mox, Ariovisto duce, vovere de nostrorum militum praeda Marti suo torquem. Intercepit Iupiter votum: nam de torquibus eorum aureum tropaeum Iovi Flaminius crexit. Viridomaro rege Romana arma Vulcano promiserant: aliorum vota ceciderunt. Occiso enim rege, Marcellus tertio post Romulum patrem Feretrio Iovi arma suspendit.

CAPUT V.

BELLUM ILLYRICUM.

Illyrii seu Liburni sub extremis Alpium radicibus agunt, inter Arsiam, Titiumque flumen, longissime per totum Hadriani maris littus effusi. Hi, regnante Teuta muliere, populationibus non contenti, licentiae scelus addiderunt. Legatos quippe nostros, ob ea, quae deliquerant, iure agentes, ne gladio quidem, sed ut victimas, securi percutiunt: praefectos navium igni comburunt, idque quo indignius foret, mulier imperat. Itaque, Cnaeo Fulvio Centumalo duce, late domantur. Strictae in principum colla secures, legatorum Manibus litavere.

CAPUT VI.

BELLUM PUNICUM SECUNDUM.

Post primum Punicum bellum vix quadriennii requies: ecce alterum bellum, minus quidem spatio (nec enim amplius decem

- et octo annos habet) sed adeo cladium atrocitate terribilius, ut, si quis conferat damna utriusque populi, similior victo sit populus, qui vicit. Urebat nobilem populum ablatum mare, captae insulae, dare tributa, quae iubere consueverat. Hinc in ultionem puer Hannibal ad aram patri iuraverat: nec morabatur.
- 3 Igitur in caussa belli Saguntos deleta est, vetus Hispaniae civitas et opulenta, fideique erga Romanos magnum quidem, sed triste
- 4 monumentum; quam in libertatem communi foedere exceptam, Hannibal, caussas novorum motuum quaerens, et suis et ipsorum manibus evertit, ut Italiam sibi rupto foedere aperiret.
- 5 Summa foederum Romanis religio est: itaque ad auditum sociae civitatis obsidium, memores icti cum Poenis quoque foederis, non statim ad arma procurrunt, dum prius more legitimo queri malunt. Interim iam novem mensibus fessi fame, machinis, ferro, versa denique in rabiem fide, immanem in foro excitant rogum: tum desuper se suosque cum omnibus opibus suis ferro
- 7 et igni corrumpunt. Huius tantae cladis auctor Hannibal poscitur. Tergiversantibus Poenis, dux legationis, *Quae, inquit, mora est?* [Fabius:] *In hoc ego sinu bellum pacemque porto: utrum eligitis?* Succlamantibus, *Bellum: Bellum igitur, inquit, accipite:* et excusso in media curia togae gremio, non sine horrore [quasi plane sinu bellum ferret] effudit. Similis exitus belli initii fuit: nam, quasi has inferias sibi Saguntinorum ultimae dirae in illo publico parricidio incendioque mandassent, ita Manius eorum, vastatione Italiae, captivitate Africae, ducum et regum, qui id gessere bellum, exitio parentatum est.
- 9 Igitur ubi semel se in Hispania movit illa gravis et luctuosa Punici belli vis atque tempestas; destinatumque Romanis iam diu fulmen Saguntino igne conflavit: statim quodam impetu rapta, medias perfregit Alpes; et in Italian ab illis fabulosae
- 10 altitudinis nivibus, velut caelo missa, descendit. Ac primi quidem impetus turbo inter Padum atque Ticinum valido statim fragore detonuit. Tunc Scipione duce fusus exercitus; saucius etiam ipse venisset in manus hostium Imperator, nisi protectum patrem praetextatus admodum filius ab ipsa morte rapuisset.
- 11 Hic erit Scipio, qui in exitium Africae crescit, nomen ex matris eius habiturus. Ticino Trebia succedit. Hic secunda belli Punici procella desaevit, Sempronio Consule. Tunc callidissimi hostes frigidum et nivalem nacti diem, quum se ignibus prius oleoque fovissent (horribile dictum!) homines a meridie et sole
- 13 venientes nostra nos hieme vicerant. Trasimenus lacus tertium fulmen Hannibalis, Imperatore Flaminio. Ibi quoque ars nova Punicae fraudis: quippe nebula lacus, palustribusque virgultis
- 14 tectus eques, terga subito pignantium invasit. Nec de Diis possumus queri: imminentem quippe temerario duci cladem praedixerant insidentia signis examina, et aquilae prodire nolentes, et commissam aciem secutus ingens terrae tremor: [nisi illum horrorem soli, equitum virorumque discursus, et mota vehementius arma fecerunt.] Quartum, id est, paene ultimum vulnus imperii Cannae, ignobilis Apuliae vicus; sed magnitudinem cladis emersit, et sexaginta millium caede parta nobilitas. Ibi,

in exitium infelicis exercitus, dux, terra, coelum, dies, tota denique rerum natura consensit. Siquidem non contentus sinu-16
 latis transfugis Hannibal, qui mox terga pugnantium ceciderunt, insuper callidissimus Imperator, patentibus in campis observato loci ingenio, quod et sol ibi acerrimus, et plurimus pulvis, et Eurus ab Oriente semper quasi ad constitutum, ita instruxit aciem, ut, Romanis adversus haec omnia obversis, quasi secundum coelum tenens, vento, pulvere, sole pugnaret. Itaque duo-17
 maximi exercitus caesi ad hostium satietatem, donec Hannibal diceret militi suo: *Parce ferro*. Ducum effugit alter, alter occisus est: dubium uter maiore animo. Paullum puduit: Varro non desperavit. Documenta cladis cruentus aliquamdiu Aufidus,18
 pons de cadaveribus, iussu ducis, factus in torrente Vergelli; modii duo annulorum Carthaginem missi, dignitasque equestris taxata mensura. Dubium deinde non erit, quin ultimum illum-19
 diem habitura fuerit Roma, quantumque intra diem epulari Hannibal in Capitolio potuerit, si (quod Poenum illum dixisse Maharbalem Himilconis ferunt) *Hannibal quemadmodum sciret vincere, sic uti victoria scisset*. Sed tum quidem illum, ut dici-20
 vulgo solet, aut fatum Urbis imperaturae, aut ipsius mens mala, et aversi a Carthagine Dii, in diversum abstulerunt. Quum-21
 victoria posset uti, frui maluit: relictaque Roma, Campaniam Tarentumque peragraré: ubi mox et ipse, et exercitus ardor elanguit; adeo ut verum dictum sit: *Capuam Hannibali Cannas fuisse*. Siquidem invictum Alpibus, indomitum armis, Campa-22
 niac (quis crederet?) soles, et tepentes fontibus Baiæ subegerunt. Interim respirare Romanus, et quasi ab inferis emergere.23
 Arma non erant: detracta sunt templis. Deerat iuventus: in sacramentum [militiae] liberata servitia. Egebat aerarium: opes24
 suas libens Senatus in medium protulit: nec, praeter quod in bullis singulisque annulis erat, quidquam sibi auri reliquerunt. Eques secutus exemplum, imitataeque equitem tribus. Denique25
 vix sufficere tabulae, vix scribarum manus [Laevino Marcelloque Consulis], quum privatae opes in publicum deferrentur. Quid26
 autem in deligendis magistratibus, quae centuriarum sapientia, quum iuniores a senioribus consilium de creandis Consulibus petierant? Quippe adversus hostem totiens victorem, tam callidum, non virtute tantum, sed suis etiam pugnare consiliis oportebat. Prima redeuntis, et, ut sic dixerim, reviscentis imperii-27
 spes Fabius fuit: qui novam de Hannibale victoriam commentus est, non pugnare. Hinc illi cognomen novum, et Reipublicae salutare, *Cunctator*. Hinc illud ex populo, ut *Imperii scutum* vocaretur. Itaque per Samnium totum, per Falernos Gauranos-28
 que saltus sic maceravit Hannibalem, ut, qui frangi virtute non poterat, mora comminueretur. Inde Claudio Marcello duce et-29
 am congregari ausus est. Cominus venit, et percussit in Campania sua, et ab obsidione Nolaë urbis excussit. Ausus et Sempronio30
 Graccho duce per Lucaniam sequi, et premere terga cedentis: quamvis tunc (o pudor!) servili manu pugnaret. Nam hucusque tot mala compulerant. [Sed libertate donati. Fecerat de servis virtus Romanos.] O horribilem in tot adversis fiduciam! O5:

singularem animum ac spiritum populi Romani! tam arctis afflictisque rebus, quum de Italia sua dubitaret, ausus tamen est
 32 in diversa respicere: quumque hostis in iugulo per Campaniam Apuliamque volitaret, mediamque de Italia Africam faceret, eodem tempore et hunc sustinebat, et in Siciliam, Sardiniam, Hispaniam, divisa per orbem terrarum arma mittebat. Sicilia mandata Marcello, nec diu restitit. Tota enim insula in una
 33 urbe superata est. Grande illud et ante id tempus invictum caput Syracusae, quamvis Archimedis ingenio defenderentur, ali-
 34 quando cesserunt. Longe illi triplex murus, totidemque arces, portus ille marmoreus, et fons celebratus Arethusae: nisi quod hactenus profuere, ut pulchritudini victae urbis parceretur.
 35 Sardiniam Gracchus arripuit. Nihil illi gentium feritas, Insano-
 36 rumque (nam sic vocantur) immanitas montium profuere. Saevitum in urbes, urbemque urbium Caralim, ut gens contumax,
 37 vilisque mortis, saltem desiderio patrii soli domaretur. In Hispaniam missi Cnaeus et Publius Scipiones, paene totam Poenis
 38 eripuerant; [sed insidiis Punicae fraudis oppressi rursus amiscrant, magnis quidem illi proeliis quum Punicas opes cecidissent] sed Punicae insidiae alterum ferro castra metantem, alterum, quum evasisset in turrin, cinctum facibus oppresserunt.
 39 Igitur in ultionem patris ac patrui missus enim exercitu Scipio, cui tam grande de Africa nomen fata decreverant, bellatricem illam, viris armisque nobilem Hispaniam, illam seminarium hostilis exercitus, illam Hannibalis eruditricem, (incredibile dictu!) totam a Pyrenaeis montibus in Herculis columnas et Oceanum recuperavit: nescias citius, an felicius. Quam velociter, quatuor anni fatentur: quam facile, vel una civitas probat: eodem quippe, quo obsessa est die, capta est: omenque Africanæ victoriæ fuit, quod tam facile victa est Hispana Carthago.
 40 Certum est tamen, ad profligandam provinciam maxime profecisse singularem ducis sanctitatem: quippe qui captivos pueros, puellasque præcipuae pulchritudinis, barbaris restituerit, ne in conspectum quidem suum passus adduci, ne quid de virginum-
 41 atis integritate delibasse saltem vel oculis videretur. Haec inter diversa terrarum populus Romanus: nec ideo tamen Italiae visceribus inhaerentem submovere poterat Hannibalem. Pleraque ad hostem defecerant: et dux acerrimus contra Romanos Italicis
 42 quoque viribus utebatur. Iam tamen eum plerisque oppidis et regionibus excusseramus. Iam Tarentus ad nos redierat: iam et Capua, sedes [et domus] et patria altera Hannibalis, tenebatur: cuius amissio tantum Poeno duci dolorem dedit, ut inde
 43 totis viribus Romam converteretur. O populum dignum orbis imperio! dignum omnium favore, et admiratione hominum ac Deorum! Compulsus ad ultimos metus, ab incepto non destitit: et de sua Urbe sollicitus, Capuam tamen non omisit; sed parte exercitus sub Appio Consule relicta, parte Flaccum in urbem
 44 secuta, absens simul praesensque pugnabat. Quid ergo miramur, moventi castra a tertio lapide Hannibali, iterum ipsos
 45 Deos, Deos inquam, (nec fateri pudebit) restitisse? Tanta enim ad singulos illius motus vis imbrium effusa est, tanta ventorum

violentia coorta, ut divinitus hostem submoveri, neque coelo, sed ab Urbis ipsius moenibus et Capitolio, ferri videretur. Ita-46 que fugit, et cessit, et in ultimum se Italiae recepit sinum, quum Urbem tantum non adoratam reliquisset. Parva res dictu,47 sed ad magnanimitatem populi Romani probandam satis efficax: quod illis ipsis, quibus obsidebantur, diebus ager, quem Hannibal castris insederat, venalis Romae fuit, hastaeque subiectus invenit emptorem. Voluit Hannibal contra fiduciam imitari;48 subiecitque argentarias Urbis tabernas: nec sector inventus est. [ut scias, etiam praesagia fati fuisse.] Nihil actum erat tanta49 virtute, tanto favore etiam Deorum: siquidem ab Hispania Hasdrubal, Hannibalis frater, cum exercitu novo, novis viribus, nova belli mole veniebat. Actum erat procul dubio, si vir ille50 se cum fratre iunxisset: sed hunc quoque castra metantem Claudius Nero cum Livio Salinatore debellat. Nero in ultimo angulo51 Italiae submovebat Hannibalem. Livius in diversissimam partem, id est, in ipsas nascentis Italiae fauces, signa converterat. Tanto [id est, omni, qua longissima Italia,] solo interiacente;52 quo consilio, qua celeritate Consules castra coniunxerint, inopinanterque hostem collatis signis oppresserint, [ucque id fieri Hannibal senserit,] difficile dictu est. Certe Hannibal, re co-53 gnita, quum proiectum fratris caput ad sua castra vidisset, *Agnosco*, inquit, *infelicitatem Carthaginis*. Haec fuit illius viri, non sine praesagio quodam fati immincentis, prima confessio. Iam certum erat, Hannibalem, etiam ipsius confessione, posse54 vinci: sed tot rerum prosperarum fiducia plenus populus Romanus, magni aestimabat, asperrimum hostem in sua Africa debellare. Duce igitur Scipione in ipsam Africam tota mole con-55 versus, imitari coepit Hannibalem, et Italiae suae clades in Africam vindicare. Quas ille (Dii boni!) Hasdrubalis copias,56 quos Syphacis exercitus fudit? Quae quantaque utriusque castra facibus illatis una nocte delevit? Denique iam non a tertio lapide, sed ipsas Carthaginis portas obsidione quatibat. Sic factum57 est, ut inhaerentem atque incubantem Italiae extorqueret Hannibalem. Non fuit maior sub imperio Romano dies, quam ille,58 quum duo omnium et ante et postea maximi duces, ille Italiae, hic Hispaniae victor, collatis cominus signis direxere aciem. Sed et colloquium fuit inter ipsos de legibus pacis. Steterunt59 diu mutua admiratione defixi: ubi de pace non convenit, signa cecinere. Constat utriusque confessione, *nec melius instrui aci-*60 *em, nec acrius potuisse pugnari*. Hoc Scipio de Hannibalis, Hannibal de Scipionis exercitu praedicaverunt. Sed tamen61 Hannibal cessit: praemiumque victoriae Africa fuit, et secutus Africam statim terrarum orbis.

CAPUT VII.

BELLUM MACEDONICUM PRIMUM.

Post Carthaginem vinci neminem pnduit. Secutae [sunt] statim Africam gentes, Macedonia, Graecia, Syria, ceteraque omnia, quodam quasi aestu et torrente fortunae: sic primi om- a

nium Macedones, affectator quondam imperii populus. Itaque
 3 quamvis tunc Philippus regno praesideret, Romani tamen dimi-
 4 care sibi cum rege Alexandro videbantur. Macedonicum bellum
 5 nomine amplius, quam spectatione gentis fuit. Caussa coepit a
 6 foedere Philippi, quo rex iampridem dominantem in Italia
 7 Hannibalem sibi sociaverat: postea crevit, implorantibus Athe-
 8 nis auxilium contra regis iniurias, quum ille ultra ius victoriae
 9 in templa, aras, et sepulcra ipsa saeviret. Placuit Senatui opem
 10 tantis ferre supplicibus. Quippe iam gentium reges, duces,
 11 populi, nationes, praesidia sibi ab hac urbe petebant. Primo
 12 igitur, Laevino Consule, populus Romanus Ionium mare in-
 13 gressus, tota Graeciae littora veluti triumphanti classe peragra-
 14 vit. Spolia quippe Siciliae, Sardiniae, Hispaniae, Africae prae-
 15 ferebat; et manifestam victoriam nata in praetoria puppi laurus
 16 pollicebatur. Aderat sponte in auxilium Attalus, rex Pergame-
 17 norum: aderant Rhodii, nauticus populus; qui navibus [obvius]
 18 a mari, Consul a terris, omnia equis virisque quaticbat. Bis
 19 victus rex, his fugatus, his exutus castris: quum tamen nihil
 20 terribilius Macedonibus fuit ipso vuluerum adspectu: quae non
 21 spiculis, non sagittis, nec ullo Graeculo ferro, sed ingentibus
 22 pilis, nec minoribus adacta gladiis, ultra mortem patebant.
 23 Enimvero Flaminio duce invios antea Chaonum montes, Aoum-
 24 que amnem per abrupta cadentem, et ipsa Macedoniae claustra
 25 penetravimus. Introisse victoria fuit. Nam nunquam postea
 26 ausus congregi rex. Ad tumulos, quos Cynoscephalas vocant,
 27 uno, ac ne hoc quidem iusto proelio opprimitur. Et illi qui-
 28 dem Consul pacem dedit, regnumque concessit: mox, ne quid
 29 esset hostile, Thebas, et Euboeam, et grassantem sub Nabide
 30 suo Laedaemona compescuit. Graeciae vero veterem statum
 31 reddidit, ut legibus viveret suis, et avita libertate frueretur.
 32 Quae gaudia, quae vociferationes fuerunt, quum hoc forte Ne-
 33 meae in theatro quinquennialibus ludis a praecohe caneretur?
 34 Quo certavere plausu? Quid florum in Consulem profuderunt?
 35 Et iterum iterumque praconem repetere illam vocem iuebant,
 36 qua libertas Aethiopiae pronunciabatur: nec aliter illa consulari
 37 sententia, quam modulatissimo aliquo tibiarum aut fidium can-
 38 tu fruebantur.

CAPUT VIII.

BELLUM SYRIACUM REGIS ANTIOCHI.

1 Macedoniam Asia statim, et regem Philippum Antiochus ex-
 2 cepit, [quodam casu,] quasi de industria sic adgubernante For-
 3 tuna, ut quemadmodum ab Africa in Europam, sic ab Europa
 4 in Asiam, ultro se suggerentibus caussis, imperium procceleret,
 5 et cum terrarum orbis situ ipse ordo victoriarum navigaret.
 6 Nam aliud formidolosius fama bellum fuit; quippe quum Persas,
 7 et Orientem, Xerxes atque Darius cogitarent; quando perforesi
 8 invii montes, quando velis opertum mare nunciaretur. Ad hoc
 9 coelestes minae terribant, quum humore continuo Cumanus
 10 Apollo sudaret. Sed hic faventis Asiae suae numinis timor erat.

Nec sane viris, opibus, armis, quidquam copiosius Syria: sed 4
in manus tam ignavi regis inciderat, ut nihil fuerit iu. Antiocho
speciosius, quam quod a Romanis victus est. Impulere regem 5
in id bellum, illinc Thoas, Aetoliae princeps, inhonoratam apud
Romanos querens adversus Macedones militiae suae societatem:
hinc Hannibal, qui, in Africa victus, profugus et pacis impa-
tiens, hostem populo Romano toto orbe quaerebat. Et quod 6
illud fuisset periculum, si se consiliis eius rex tradidisset, id
est, si Asiae viribus usus fuisset miser Hannibal? Sed rex, suis
opibus et nomine regio fretus, satis habuit bellum movere.
Europa iam dubio procul iure ad Romanos pertinebat. Hic 7
Lysiuaechiam urbem, in littore Thracio positam a maioribus
suis, Antiochus ut hereditario iure replebat. Hoc velut sidere,
Asiatici belli mota tempestas. Et maximus regum contentus 8
fortiter indixisse bellum, quum ingenti strepitu ac tumultu mo-
visset ex Asia, occupatis statim insulis, Graeciaeque littoribus,
otia et luxus [tamquam victor] agitabat. Euborae insulam, con- 9
tinenti adhaerentem, tenui freto reciprocantibus aquis Euripus
abscidit. Hic ille positis aureis serieisque tentoriis, sub ipso
freti murmure, quum inter fluentia tibiis fidibusque concineret,
collatis undique, quamvis per hiemem, rosis, ne non aliquo
ducem genere agere videretur, virginum puerorumque delectus
habebat. Talem ergo regem, iam luxuria sua debellatum, popu- 10
lus Romanus, Acilio Glabrione Consule, [in insula adgressus,]
ipso statim adventus sui nuncio coëgit ab insula fugere. Tum 11
praecipitem apud Thermopylas adsecutus [loeu[m] trecentorum
Laeonum speciosa caede memorandum], ne ibi quidem fiducia
loei resistentem, mari ac terra cedere coëgit. Statim et ex ve- 12
stigio itur in Syriam. Classis regia Polyxenidae Hannibalique
commissa: nam rex proclium nec spectare poterat. Igitur duce
Aemilio Regillo, adremigantibus Rhodiis, tota laeratur. Ne 13
sili placeant Athenae! in Antiocho vicinus Xerxes; in Aemilio
Themistoclem [Alcibiaden] aequavimus; Epheso Salamina pen-
savimus. Tum Consule Scipione, cui frater ille, modo victori 14
Carthaginis, Africanus, voluntaria legatione aderat, debellari
regem placet: et iam toto cesserat mari; sed nos imus ulterius.
Macandrum ad amnem montemque Sipylum castra ponuntur. 15
Hic rex, incredibile dictu[m] quibus auxiliis, quibus copiis conse-
derat: trecenta millia peditum; equitum, falcatorumque curru-
um non minor numerus. Elephantis ad hoc immensae magnitu- 16
dinis, auro, purpura, argento, et suo ebore fulgentibus, aciem
utrimque vallaverat. Sed haec omnia praepedita magnitudiner 17
sua: ad hoc imber, qui subito superfusus, mira felicitate Per-
sicos arcus corruerat: primum trepidatio, mox fuga, dehino
triumphus fuerunt. Victo et supplici pacem atque partem regni
dari placuit, eo libentius, quod tam facile cecisset.

CAPUT IX.

BELLUM AETOLICUM.

Syriaco bello successit, et debebat, Aetolicum. Victo r
quippe Antiocho, Romanus faces Asiatici belli persequabatur.

- 2 Ergo Fulvio Nobiliori mandata ultio est. Hic protinus caput
 3 gentis Ambraciam, regiam Pyrrhi, machinis quatit. Secuta de-
 ditio est. Aderant Aetolorum precibus Attici, Rhodii: et me-
 4 mineramus auxilii. Sic placuit ignoscere. Serpsit tamen latius
 in proximos bellum, omnemque late Cephalleniam, Zacynthon,
 et quidquid insularum in eo mari inter Ceraunios montes iu-
 gumque Malcum, Aetolici belli accessio fuerunt.

CAPUT X.

BELLUM HISTRICUM.

- 1 Histri sequuntur Actolos: quippe hellantes eos nuper adiuve-
 rant: et initia pugnae prospera hosti fuerant, eademque exitii
 2 caussa. Nam quum Cnaci Mallii [Manlii] castra cepissent, opi-
 maeque praedae incubarent, epulantes ac ludibundos plerosque,
 aut, ubi essent, prae poculis nescientes, Appius Pulcher inva-
 3 dit. Sic cum sanguine et spiritu male partam revomuere victo-
 riam. Ipse rex Aepulo, equo impositus, quum subinde crapula
 et capitis errore lapsaret, captum sese vix et aegre, postquam
 experrectus est, didicit.

CAPUT XI.

BELLUM GALLOGRAECUM.

- 1 Gallograeciam quoque Syriaci belli ruina involvit. Fuerint
 inter auxilia regis Antiochi, an cupidus triumphi Mallius eos
 2 visos simulaverit, dubium [est]. Certe negatus est victori tri-
 3 umphus; quia causam belli non approbavit. Ceterum gens
 Gallograecorum, [sicut ipsum nomen indicio est,] mixta et
 adulterata est: [inde] reliquiae Gallorum, qui sub Brenno duce
 vastaverant Graeciam: mox Orientem secuti, in media Asiae
 4 parte sederunt. Itaque ut frugum semina mutato solo degene-
 rant, sic illa genuina feritas eorum Asiatica amoenitate mollita
 5 est. Duobus itaque proeliis fusi fugatique sunt: quamvis sub
 adventu hostis relictis sedibus, in altissimos se montes recepis-
 sent, Tolistobogi Olympum, Tectosagi Magabam insederant.
 Utrumque fundis sagittisque acti, in perpetuam se pacem dedi-
 6 derunt. Sed alligati miraculo quodam sucre, quum catenas
 morsibus et ore tentassent, quum offocandas invicem fauces
 7 praebuissent. Nam Ortiagontis regis uxor, a Centurione stu-
 prum passa, memorabili exemplo custodiam evasit, revulsum-
 que militis caput ad maritum retulit.

CAPUT XII.

BELLUM MACEDONICUM SECUNDUM.

- 1 Dum aliae aliaeque gentes Syriaci belli sequuntur ruinam,
 2 Macedonia se rursus erexit. Fortissimum populum memoria et
 recordatio suae nobilitatis agitabat: et successerat Philippo filius

Perses, qui semel in perpetuum victam esse Macedoniam non putabat ex gentis dignitate. Multo vehementius sub hoc Macedones, quam sub patre, consurgunt. Quippe Thracas in vires suas traxerant: atque ita industriam [Macedonum] viribus Thracum, ferociam Thracum disciplinam Macedonica temperavere. Accessit his consilium ducis, qui situm regionum suarum summo speculatus Haemo, positus per abrupta castris, ita Macedoniam suam armis ferroque vallaverat, ut non reliquisset aditum, nisi a coelo venturis hostibus videretur. Nam, Marcio Philippo Consule, eam provinciam ingressus populus Romanus, exploratis diligenter accessibus, praeter Ascuridem paludem, per acerbos dubiosque tumulos, illa, qua volucris quoque videbatur iuvia, accessit: regemque securum, et nihil tale metuentem, subita belli irruptione terruit. Cuius tanta trepidatio fuit, ut pecuniam omnem in mare iusserit mergi, ne periret: classem cremari, ne incenderetur. Paulo Consule, quum maiora et crebriora essent imposita praesidia, per alias vias Macedonia deprensa est; summa quidem arte et industria ducis, quum alia esset minatus, alia irrupisset. Cuius adventus ipse adeo terribilis regi fuit, ut interesse non auderet, sed gerenda ducibus bella mandaverit. Absens ergo victus, fugit in maria, insulamque Samothracen, fretus celebri religione, quasi templa et arae posset defendere, quem nec montes sui, nec arma potuissent. Nemo regum diutius amissae fortunae conscientiam retinuit. Supplex quum scriberet ad imperatorem ab illo, quo confugerat, templo, nomenque [epistolae] notaret suum, Regem addidit. Sed nec reverentior captae maiestatis alius Paulo fuit. Quum in conspectum venisset hostis, in templum recepit, et convivii adhibuit, liberosque admonuit suos, ut Fortunam, cui tantum liceret, revererent. Inter pulcherrimos hunc quoque populus Romanus de Macedonia duxit atque vidit triumphum: quippe cuius spectaculo triduum impleverit. Primus dies signa, tabulasque: secundus arma, pecuniasque transvexit: tertius captivos, ipsumque regem, attonitum adhuc, tamquam subito malo stupentem. Sed multo prius gaudium victoriae populus Romanus, quam epistolis victoris praeceperat: quippe eodem die, quo victus est Perses in Macedonia, Romae cognitum est. Duo iuvenes candidis equis apud Iturnae lacum pulverem et cruorem abluebant: hi unciavere. Castorem et Pollucem fuisse creditum vulgo, quod gemini fuissent: interfuisse bello, quod sanguine maderent: a Macedonia venire, quod adhuc anhelarent.

CAPUT XIII.

BELLUM ILLYRICUM.

Macedonici belli contagio traxit Illyrios. Ipsi quidem ut Romanum a tergo distringerent, a Perse rege conducti pecunia, militaverunt. Sine mora ab Avicio Praetore subiguntur. Scordam caput gentis delesse suffecit: statim secuta deditio est. Denique hoc bellum ante finitum est, quam geri Romaeunciaretur.

1 Quodam fato, quasi ita convenisset inter Poenos et Macedo-
 2 nas, ut tertio quoque vincerentur, eodem tempore utrique
 3 arma moverunt; sed prior iugum excutit Macedo, aliquanto,
 quam ante, gravior, dum contemnitur. Causa belli prope
 erubescenda: quippe regnum pariter et bellum vir ultimae sor-
 tis Andriscus invaserat, dubium liber an servus, mercenarius
 certe: sed quia vulgo Philippus ex similitudine Philippi [*Pseu-
 dophilippus*] vocabatur, regiam formam, regium nomen, animo
 4 quoque regio implevit. Igitur dum haec ipsa contemnit populus
 Romanus, Iuventio Praetore contentus, virum non Macedonicis
 modo, sed Thraciae quoque auxiliis ingentibus validum, teme-
 re tentavit: invictusque a veris regibus, ab illo imaginario et
 scenico rege superatur. Sed Consule Metello amissum cum
 5 legione Praetorem plenissime ultus est. Nam et Macedoniam
 servitute multavit, et dncem belli deditum ab eo, ad quem
 confugerat, Thraciae regulo, in Urbem in catenis reduxit:
 hoc quoque illi in malis indulgente Fortuna, ut de eo populus
 6 Romanus, quasi de vero rege, triumpharet.

CAPUT XV.

BELLUM PUNICUM TERTIUM.

1 Tertium cum Africa bellum, et tempore exiguum, (nam qua-
 driennio patratum est,) et, in comparatione priorum, minimum
 labore, (non enim tam cum viris, quam cum ipsa urbe, pugnatum
 est,) sed plane maximum eventu: quippe eo tandem Car-
 2 thago finita est. Atque si quis trium temporum momenta con-
 sideret, primo commissum est bellum, profligatum secundo,
 3 tertio vero confectum. Sed huius causa belli, quod contra
 foederis legem adversus Numidas quidem reparasset classem et
 4 exercitum, frequens autem Masinissae fines territabat. Sed huic,
 ut bono socioque regi, favebatur. Quum bellum sederet, de
 belli fine tractatum est. Cato inexpiabili odio *delendam esse
 Carthaginem*, et quum de alio consuleretur, pronuntiabat:
 5 Scipio Nasica servandam, ne, metu ablato aemulae [urbis], lu-
 xuriari felicitas Urbis inciperet. Medium Senatus elegit, ut
 6 urbs tantum loco moveretur. Nihil enim speciosius videbatur,
 7 quam esse Carthaginem, quae non timeretur. Igitur Manilio
 Censorinoque Consulibus, populus Romanus adgressus Carthagi-
 nem, spe pacis iniecta, traditam a volentibus classem sub ipso
 8 ore urbis incendit. Tum evocatis principibus, *si salvi esse vel-
 lent, ut migrarent finibus*, imperatum. Quod pro rei atrocitate
 9 adeo movit iras, ut extrema mallerent. Comploratum igitur pu-
 blice, et statim pari voce clamatum, ad arma; seditque sen-
 tentia, quoquo modo rebellandum: non quia spes ulla iam
 superasset, sed quia patriam suam mallerent hostium, quam suis
 romanibus everti. Qui rebellantium fuerit furor, vel hinc intel-

ligi potest, quod in usum novae classis tecta domosque resciderunt: in armorum officinis anrum et argentum pro aere ferroque conflatum est: in tormentorum vincula matronae crines suos contulerunt. Manilio deinde Consule, terra marique fervebat obsidio. Operis portus nudatus; et primus, et sequens, iam et tertius murus; quum tamen Byrsa, quod nomen arci fuit, quasi altera civitas resistebat. Quamvis profligato urbis excidio, tamen fatale Africae nomen Scipionum videbatur. Igitur in alium Scipionem conversa Respublica, finem belli reposcebat. Hunc Paulo Macedonico procreatum Africani illius magni filius, in decus gentis adsumpserat, hoc scilicet fato, ut, quam urbem concusserat avus, nepos eius everteret. Sed ut quam maxime mortiferi esse morsus solent morientium bestiarum: sic plus negotii fuit cum semirutae Carthagine, quam integra. Compulsis in unam arcem hostibus, portum quoque maris Romanus obsederat. Illi autem sibi portum ab alia urbis parte foderunt: nec ut fugerent, sed qua nemo illos nec evadere posse credebatur. Inde quasi enata subito classis erupit: quum interim iam diebus, iam noctibus, nova aliqua moles, nova machina, nova perditorum hominum manus, quasi ex obruto incendio subita de cineribus flamma, prodibat. Deploratis novissime rebus, quaginta se millia virorum dederunt: quod minus credas, ducem Hasdrubalem. Quanto fortius femina, et uxor ducis! quae, comprehensis duobus liberis, a culmine se domus in medium misit incendium, imitata reginam, quae Carthaginem condidit. Quanta urbs deleta sit, ut de ceteris taceam, vel ignium mora probari potest: quippe per continuos decem et septem dies vix potuit incendium exstingui, quod domibus ac templis suis sponte hostes immiserant: ut, quatenus urbs eripi Romanis non poterat, triumphus arderet.

CAPUT XVI.

BELLUM ACHAEICUM.

Quasi saeculum illud eversionibus urbium curreret, ita Carthaginis ruinam statim Corinthos excepit, Aegaeae caput, Graeciae decus, inter duo maria, Ionium et Aegaeum, quasi spectaculo exposita. Haec (o facinus indignum!) ante oppressa est, quam in numero certorum hostium referretur. Critolaus causa belli, qui, libertate a Romanis data, adversus ipsos usus est, legatosque Romanos, dubium an et manu, certe oratione violavit. Igitur Metello, ordinanti tum maxime Macedoniam, mandata est ultio: et hinc Achaicum bellum. Ac primam Critolaei manum Metellus Consul per patentem Elidos campos toto cecidit Alpheo. Et uno proelio peractum erat bellum: iam et urbem ipsam terrebat obsidio: sed (o fata rerum!) quum Metellus dimicasset, ad victoriam Mummius venit. Hic alterius ducis Diaei late exercitum sub ipsis Isthmi faucibus fudit, geminosque portus sanguine infecit. Tum ab incolis deserta civitas, direpta primum, deinde, tuba praecinente, deleta est. Quid

signorum, quid vestium, quidve tabularum raptum, incensum atque proiectum est! Quantas opes et abstulerit et cremaverit, hinc scias, quod, quidquid Corinthii aeris toto orbe laudatur, incendio superfuisse comperimus. Nam et aeris notam pretiosiorē ipsa opulentissimae urbis fecit iniuria: quia incendio permixtis plurimis statuīs atque simulacris, aeris, auri, argēti-que venae in commune fluxere.

CAPUT XVII.

RES IN HISPANIA GESTAE.

1 Ut Carthaginem Corinthos, ita Corinthon Numantia secuta
2 est. Nec deinde toto orbe quidquam intactum armis fuit. Post
illa duo clarissimarum urbium incendia, late atque passim, nec
per vices, sed simul pariter quasi unum undique bellum fuit;
prorsus ut illae urbes, quasi agitantibus ventis, diffudisse quae-
3 dam belli incendia toto orbe viderentur. Hispaniae numquam
animus fuit, adversum nos universae consurgere: numquam
conferre vires suas libuit, neque aut imperium experiri, aut li-
bertatem tueri suam publice: alioquin ita undique mari Pyre-
naeque vallata est, ut ingenio situs nec adiri quidem potuerit.
4 Sed antea a Romanis obsessa est, quam se ipsa cognosceret; et
sola omnium provinciarum vires suas, postquam victa est, in-
5 tellexit. In hac prope ducentos per annos dimicatum est, a
primis Scipionibus in Caesarem Augustum, non continuo, nec
cohaerenter, sed prout causae lacerassent: nec cum Hispanis
6 caussaque bellorum. Prima per Pyrenaeum ingum signa Roma-
na Publius et Cnaeus Scipiones intulerunt: proeliisque ingenti-
bus Hannonem et Hasdrubalem [fratrem Hannibalis] ceciderunt:
raptaque erat impetu Hispania, nisi fortissimi viri, in ipsa vi-
ctoria sua oppressi, Punica fraude cecidissent, terra marique
7 victores. Igitur quasi novam integramque provinciam altor pa-
tris et patrum Scipio ille, mox Africanus, invasit: isque statim,
8 capta Carthagine et aliis urbibus, non contentus Poenos expul-
sisse, stipendiariam nobis provinciam fecit: omne citra ultraque
Iberum subiecit imperio, primusque Romanorum ducum victor
9 ad Gades et Oceani ora pervenit. Plus est provinciam retinere,
quam facere. Itaque per partes iam huc, iam illuc missi du-
ces, qui ferocissimas, et ad id temporis liberas gentes, ideo
impatientes iugi, multo labore, nec incruentis certaminibus ser-
vire docuerunt. Cato ille Censorius Celtiberos, id est, robur
10 Hispaniae, aliquot proeliis fregit. Gracchus, pater ille Grac-
chorum, eosdem centum et quinquaginta urbium eversione mul-
11 totavit. Metellus ille, qui ex Macedonia cognomen meruit, me-
ruerat et Celtibericus fieri, quum et Contrebiā memorabili
12 cepisset exemplo, et Nertobrigae maiore gloria pepercisset. Lu-
cullus Turdulos atque Vaccaeos; de quibus Scipio ille posterior,
singulari certamine, quum rex fuisset provocator, opima retri-
13 nulerat. Decimus Brutus aliquanto latius Celticis Lusitanosque,

et omnes Gallaeciae populos, formidatumque militibus flumen Oblivionis: peragratoque victor Oceani littore, non prius signa convertit, quam cadentem in maria solem, obrutumque aqua ignem, non sine quodam sacrilegii metu et horrore, deprehendit. Sed tota certaminum moles cum Lusitanis fuit et Numan-¹³ tinis, nec immerito: quippe solis gentium Hispaniae duces contigerunt. Fuisset et cum omnibus Celtiberis, nisi dux illius motus initio belli oppressus esset, summus vir, astutus et audax, si res cessisset, Oloudicus, qui hastam argenteam quatiens, ve-¹⁴ lut coelo missum, vaticinanti similis, omnium in se mentes converterat. Sed quum pari temeritate sub nocte castra Consulis adisset, iuxta tentorium ipsum pilo vigilis exceptus est. Cae-¹⁵ ternum Lusitanos Viriathus erexit, vir calliditatis acerrimae: qui ex venatore latro, ex latrone subito dux atque imperator, et, si fortuna cessisset, Hispaniae Romulus: non contentus libertatem suorum defendere, per quatuordecim annos omnia citra ultraque Iberum et Tagum, igni ferroque populatus; castra eti-¹⁶ am Praetorum et Praesidium adgressus, Claudium Unimanum paene ad internecionem exercitus cecidit, et iusignia trabeis et fascibus nostris, quae ceperat, in montibus suis trophaea fixit. Tandem eum etiam Fabius Maximus Consul oppresserat; sed a suc-¹⁷ cessore Caepione Servilio violata victoria est: quippe qui conficiendae rei cupidus, fractum ducem, et extrema deditionis agitantem, per fraudem, et insidias, et domesticos percussores adgressus, hanc hosti gloriam dedit, ut videretur aliter vinci non potuisse.

CAPUT XVIII.

BELLUM NUMANTINUM.

Numantia, quantum Carthaginis, Capuae, Corinthi opibus inferior, tantum virtutis nomine et honore par omnibus, summumque, si viros aestimes, Hispaniae decus: quippe quae sine muro, sine turribus, modice edito in tumulo apud flumen Durin sita, quatuor millibus Celtiberorum quadraginta millium exercitum per annos undecim sola sustinuit: nec sustinuit modo, sed saevius aliquanto perculit, pudendisque foederibus affecit. Novissime quum invictam esse constaret, opus fuit eo, qui Carthaginem everterat. Non temere, si fateri licet, ullius causa belli ini-³ stior. Segidenses, socios et consanguineos, Romanorum manibus elapsos exceperant. Habita pro eis deprecatio nihil valuit. Quum se ab omni bellorum contagione removerent, in legitimi foederis pretium, iussi arma deponere. Hoc sic a barbaris acceptum, quasi manus absciderentur. Itaque statim, Megaravito fortissimo duce, ad arma conversi. Pompeium proelio adgressi, foedas tamen maluerunt, quum debellare potuissent. Hostilium deinde Mancinum: hunc quoque assiduus caedibus ita⁵ subegerunt, ut ne oculos quidem aut vocem Numantini viri quisquam sustineret. Tamen quum hoc quoque foedus maluerit, contenti armorum manubiis, quum ad internecionem saevire potuissent. Sed non minus Numantini, quam Caudini illius foe-⁷

deris, flagrans ignominia ac pudore populus Romanus, dedecus
 8 quidem praesenti flagitii deditione Mancini expiavit: ceterum
 duce Scipione, Carthaginis inceudiis ad excidia urbium imbutus,
 9 tandem etiam in ultionem excanduit. Sed tunc acrius in castris,
 quam in campo, nostro cum milite, quam cum Numantino,
 10 proeliandum fuit. Quippe assiduus et iniustus et servilibus ma-
 xime operibus attriti, ferre plenius vallum, qui arma nescirent;
 luto inquinari, qui sanguine nollent, iuebantur. Ad hoc scor-
 ta, calones, sarcinae, nisi ad usum necessarinae, amputantur.
 11 *Tanti esse exercitum, quanti imperatorem, vere proditum est.*
 Sic redacto in disciplinam milite, commissa acies: quodque ne-
 mo visurum se umquam speraverat, factum est, ut fugientes
 12 Numantinos quisquam videret. Dedere etiam sese volebant, si
 toleranda viris imperarentur. Sed quum Scipio veram vellet et
 sine exceptione victoriam, eo necessitatum compulsi, primum,
 ut destinata morte in proelium ruerent, quum se prius epulis,
 quasi inferiis, implevissent, carnis semicrudae, et celiae (sic
 13 vocant indigenam ex frumento potionem). Intellectum ab im-
 peratore consilium: itaque non est permissa pugna morituris.
 Quum fossa atque lorica, quatuorque castris circumdatos fames
 premeret; ab duce orantes proelium, ut tamquam viros occide-
 14 ret, ubi non impetrabant, placuit eruptio. Sic conserta manu
 plurimi occisi; et quum urgeret fames, aliquantisper inde vixe-
 runt. Novissime consilium fugae sedit: sed hoc quoque, ruptis
 equorum cingulis, uxores ademere, summo scelere, per amo-
 15 rem. Itaque deplorato exitu, in ultimam rabiem furoremque
 conversi, postremo mori hoc genere destinarunt: duces suos,
 seque, patriamque, ferro et veneno, subiectoque undique igne
 16 peremerunt. Macte o fortissimam, et, meo iudicio, beatissi-
 mam in ipsis malis civitatem! Asseruit cum fide socios, popu-
 lum orbis terrarum viribus fultum tam parva manu, aetate tam
 17 longa sustinuit. Novissime maximo duce oppressa civitas nullum
 18 de se gaudium hosti reliquit. Unus enim vir Numantinus non
 fuit, qui in catenis duceretur. Praeda, ut de pauperimis, nul-
 la: arma ipsi cremaverant. Triumphus fuit tantum de nomine.

CAPUT XIX.

1 Hactenus populus Romanus pulcher, egregius, pius, sanctus,
 atque magnificus: reliqua saeculi, ut grandia aequae, ita vel ma-
 gis turbida et foeda; crescentibus cum ipsa magnitudine impe-
 2 rii vitiis: adeo ut si quis hanc tertiam eius aetatem transma-
 rinam, quam ducentorum annorum fecimus, dividat, centum
 hos priores, quibus Africam, Macedoniam, [Siciliam,] Hispa-
 niam domuit, *aureos*, (sicut poetae canunt) iure meritoque fa-
 3 teatur: centum sequentes *ferreos* plane et cruentos, et si quid
 immanius: quippe qui Iugurthinis, Cimbricis, Mithridaticis,
 Parthicis Piraticis bellis, Gallicis atque Germanicis, quibus
 coelum ipsum gloria adscendit, Gracchanas, Drusianasque caedes,

ad hoc servilia bella miscuerit: et, ne quid turpitudini desit, gladiatoria. Denique, in se ipse conversus, Marianis atque Sul- 4
lanis, novissime Pompeii et Caesaris manibus, quasi per rabiem, et furorem (nefas!) semet ipse laceravit. Quae si iuncta inter 5
se sunt omnia atque confusa, tamen quo melius appareant, si- 6
mul et ne scelera virtutibus obstreperant, separatim proferentur:
priusque, ut coepimus, iusta illa et pia cum exteris gentibus
bella memorabimus, ut magnitudo crescentis in dies imperii ap-
pareat: tum ad illa civium scelera, turpesque et impias pugnas
revertemur.

CAPUT XX.

BELLUM ASIATICUM.

Victa ad Occasum Hispania, populus Romanus ad Orientem 1
pacem agebat; nec pacem modo, sed inusitata et incognita qua-
dam felicitate, relictæ regiis hereditatibus opes, et tota insimul
regna veniebant. Attalus, rex Pergamenorum, regis Eumenis 2
filius, socii quondam commilitonisque nostri, testamentum re-
liquit: *Populus Romanus honorum meorum heres esto.* [In ho-
nis regiis hæc fuerunt.] Adita igitur hereditate, provinciam 3
populus Romanus non quidem bello, nec armis, sed, quod est
aequius, testamenti iure retinebat. Sed hanc, difficile dictu est, 4
utrum facilius amiserit, an recuperaverit. Aristonicus, regii
sanguinis ferox iuvenis, urbes, regibus parere consuetas, par-
tim facile sollicitat: paucas resistentes, Myndon, Samon, Co-
lophona, vi recepit. Crassi quoque Praetoris cecidit exercitum, 5
ipsumque cepit: sed ille, memor et familiae et Romani nominis,
custodem sui barbarum virgula excoecat, et in exitium sui,
quod volebat, ita concitat. Mox a Perpenna domitus et ca- 6
ptus, et per deditionem in vinculis habitus. Aquilius Asiatici 7
belli reliquias confecit, mixtis (nefas!) veneno fontibus ad de-
ditionem quarundam urbium. Quae res, ut maturam, ita infamem
fecit victoriam: quippe quum contra fas Deum, morsque
maiorum, medicaminibus impuris, in id tempus sacrosancta
Romana arma violasset.

L. ANNAEI FLORI
RERUM ROMANARUM
EPITOME.
LIBER TERTIUS.

CAPUT I.

BELLUM IUGURTHINUM.

- H**aec ad Orientem: sed non ad Meridianam plagam eadem quies. Qui speraret post Carthaginem aliquod in Africa bellum?
- Atqui non leviter se Numidia concessit: et fuit in Iugurtha, quod post Hannibalem timeretur. Quippe rex callidissimus populum Romanum armis inclytum, [et invictum,] opibus adgressus est: et citra spem omnium fortuna cessit, ut rex, fraude praecipuus, fraude caperetur. Hic, avo Masinissa et Micipsa patre per adoptionem, quum interficere fratres statuisset, agitatatus regni cupiditate, nec illos magis, quam Senatum populumque Romanum, quorum in fide et clientela regnum erat, metueret, primum scelus mandat insidiis: potitusque Hiempsalis capite, quum se in Adherbalem convertisset, isque Romam profugisset, missa per legatos pecunia traxit in sententiam suam Senatum. Et haec fuit de nobis eius prima victoria. Missos deinde, qui regnum inter illum Adherbalemque dividerent, similiter adgressus, quum in Scauro ipsos Romaui imperii mores expugnasset, inchoatum nefas perfecit audacius. Sed non diu latent scelera. Corruptae nefas legationis erupit: placuitque bello persequi parricidam. Primus in Numidiam Calpurnius Bestia Consul immittitur: sed rex, peritus, fortius adversus Romanos aurum esse, quam ferrum, pacem emit. Cuius flagitii reus, quum interveniente publica fide a Senatu accerseretur, pari audacia et venit, et competitorem imperii [Masiuissae] Massivam, immisso percussore, confecit. Haec altera contra regem fuit caussa bellandi. Igitur sequens ultio mandatur Albino. Sed huius quoque (pro dedecus!) ita corrumpit exercitum, ut voluntaria nostrorum fuga vinceret Numida, castrisque potiretur: addito etiam turpi foedere in pretium salutis, quem proprius emerat, dimisit exercitum. Eo tandem tempore in ultionem non tam imperii Romani, quam pudoris, Metellus adsurgit: qui callidissime hostem nunc precibus, nunc minis, iam simulata, iam vera fuga eludentem, artibus suis adgressus est.
- Agrorum atque vicorum populatione non contentus, in ipsa Numidiae capita impetum fecit. Et Zamam quidem frustra diu

voluit; ceterum Thalam, gravem armis thesaurisque regis, diripuit. Tunc urbibus exutum regem, et iam finium suorum re-¹²gnique fugitivum, per Mauros atque Getuliam sequebatur. Po-¹³streino Marius, auctis admodum copiis, quum pro obscuritate / generis sui capite census sacramento adegisset, iam fusum et saucium regem adortus, non facilius tamen vicit, quam si integrum et recentem. Hic et urbem Herculi conditam Capsam, in¹⁴media Africa sitam, anguibus arenisque vallatam, mira quadam felicitate superavit: et saxeo inditam monti Mulucham urbem,¹⁵per Ligurem, aditu arduo inaccessoque, penetravit. Mox non ipsum modo, sed Boechum quoque Mauretaniae regem, iure sanguinis Numidiam vindicantem, apud oppidum Cirtam graviter cecidit. Qui ubi dissilus rebus suis alienae cladis accessio:¹⁶fieri timet, pretium foederis atque amicitiae regem facit. Sic¹⁷fraudentissimus regum fraude soceri sui in insidias deductus est, et Sullae in manum traditur; tandemque opertum catenis Iugurtham in triumpho populus Romanus adspexit: sed ille quo-¹⁸que, quumvis victus atque vinctus, vidit Urbem, quam venalem, et quandoque perituram, si habuisset captorem, frustra cecinerat. Iam, ut venalis fuisset, habuit emptorem: et, quum illum evaserit, certum erat, [eam] non esse perituram.

CAPUT II.

BELLUM ALLOBROGICUM.

Sic ad Meridiem populus Romanus. Multo atrocius, et mul-¹tipliciter magis a Septentrione sacvitum. Nihil hac plaga infestius. Atrox coelum, perinde ingenia. Omni igitur tractu²violens hostis, a dextris atque laevis, et medio Septentrionis, erupit. Prima trans Alpes arma nostra sensere Salluvii; quum³de incursionibus eorum fidelissima atque amicissima civitas Massilia quereretur. Allobroges deinde et Arverni; quum adversus⁴eos similes Aeduorum querelae open et auxilium nostrum flagitarent. Varusque victoriae testis, Isara et Vindelicus amnes, et impiger fluminum Rhodanus. Maximus barbaris terror ele-⁵phanti fure, immanitati gentium pares. Nihil tam conspicuum in triumpho, quam rex ipse Bituitus, discoloribus in armis, argenteoque carpento, qualis pugnaverat. Utriusque victoriae⁶quod quantumque gaudium fuerit, vel hinc aestimari potest, quod et Domitius Aenobarbus et Fabius Maximus ipsis, quibus dimicaverant, in locis saxcas erexere turres, et desuper exornata armis hostilibus tropaea fixerunt: quum hic mos inusitatus fuerit nostris. Numquam enim populus Romanus hostibus domi-⁷tis victoriam [suam] exprobravit.

CAPUT III.

BELLUM CIMBRICUM, TEUTONICUM, ET TIGURINUM.

Cimbri, Teutoni, atque Tigurini, ab extremis Galliae pro-¹fugi, quum terras eorum inundasset Oceanus, novas sedes toto orbe quaerebant: exclusique et Gallia et Hispania, quum in²

Italiam demigarent, misere legatos in castra Silani; inde ad
 Senatum, petentes, ut *Martius populus aliquid sibi terrae daret*
 quasi stipendium: ceterum, ut vellet, manibus atque armis suis
 3 uteretur. Sed quas daret terras populus Romanus, agrariis legi-
 bus inter se dimicaturus? Repulsi igitur, quod nequiverant pro-
 4 cibus, armis petere constituent. Sed nec primum [quidem] im-
 pectum barbarorum Silanus, nec secundum Mallius, nec tertium
 5 Caepio sustinere potuerunt: omnes fugati, exuti castris. Actum
 erat, nisi Marius illi saeculo contigisset. Ille quoque non au-
 sus congredi statim, militem tenuit in castris, donec invieta
 illa rabies, et impetus, quem pro virtute barbari habent, con-
 6 senesceret. Recessere igitur increpantes, et (tanta erat capiendae
 Urbis fiducia) consulentes, si quid ad uxores suas mandarent.
 Nec segnius, quam minati fuerant, tripertito agmine per Alpes,
 7 id est, claustra Italiae, ferebantur. Marius, mira statim velo-
 citate, occupatis compendiis, praevenit hostem: prioresque
 Teutonos, sub ipsis Alpium radicibus, adsecutus, in loco,
 quem Aquas Sextias vocant, quo (fidem numinum!) proelio op-
 8 pressit! Vallum fluviumque medium hostes tenebant: nostris
 aquarum nulla copia. Consultone id egerit imperator, an erro-
 rem in consilium verterit, dubium: certe necessitate aucta vir-
 tus caussa victoriae fuit. Nam flagitante aquam exercitu, Si
 9 viri, inquit, estis, en illic habetis! Itaque tanto ardore pugna-
 tum est, caque caedes hostium fuit, ut victor Romanus de cru-
 ento flumine non plus aquae biberit, quam sanguinis barbaro-
 10 rum. Certe rex ipse Teutobochus, quaternos senosque equos
 transilire solitus, vix unum, quum fugeret, ascendit; proximo-
 quo in saltu comprehensus, insigne spectaculum triumphi fuit:
 11 quippe vir proceritatis eximiae super tropaea ipsa eminebat. Sub-
 latis funditus Teutonibus, in Cimbros convertitur. Hi iam (quis
 crederet?) per hiemem, quae altius Alpes levat, Tridentinis iu-
 12 ragis in Italiam provoluti ruina descenderant. Athesin flumen
 non ponte, nec navibus, sed quadam stoliditate barbarica pri-
 mum corporibus adgressi, postquam retinere amnem manibus et
 clypeis frustra tentaverant, ingesta obrutum silva transiluerunt:
 13 et, si statim iufesto agmine Urbem petissent, grande discrimen
 esset: sed in Vnetia, quo fere tractu Italia mollissima est, ipsa
 soli coelique clementia robur elanguit. Ad hoc panis usu, car-
 nisque coctae, et dulcedine vini mitigatos, Marius in tempore
 14 adgressus est. Iam diem pugnae a nostro imperatore petierunt,
 et sic proximum dedit. In patentissimo, quem Radium vo-
 cant, campo concurrere. Inde ad sexaginta millia ceciderunt:
 hinc trecentis minus: per omnem diem conciditur barbarus.
 15 Istic quoque imperator addiderat virtuti dolum, secutus Hanni-
 balem artemque Cannarum: primum, nebulosum nactus diem,
 ut hosti inopinatus occurreret; tum ventosum quoque, ut pul-
 vis in oculos et ora ferretur; tum acie conversa in Orientem,
 ut, quod ex captivis mox cognitum est, ex splendore galearum
 ac repercussu quasi ardere coelum videretur. Nec minor eum
 uxoribus eorum pugna, quam cum ipsis fuit: quum obiectis
 undique plaustis, atque carpentis, altae desuper, quasi e tur-

ribus, lanceis contisque pugnarent. Perinde speciosa mors earum fuit, quam pugna. Nam quum missa ad Marium legatione,¹⁶ libertatem ac sacerdotium non impetrassent (nec fas erat), suffocatis elisisque passim infantibus suis, aut mutuis concidere vulneribus, aut vinculo e crinibus suis facto, ab arboribus iugisque plaustrorum pependerunt. Boiorix rex in prima acie dimicans¹⁷ impigre, nec inultus occubuit. Tertia Tigurinorum manus, quae, quasi in subsidium, Noricos insederat Alpium tumulos, in diversa lapsi, fuga ignobili et latrociniiis evanuit. Haec¹⁸ tam laetum, tamque felicem liberatae Italiae, assertique imperii nuncium, non per homines, [ut solebat] populus Romanus accepit, sed per ipsos, si credere fas est, Deos. Quippe eodem¹⁹ die, quo gesta res est, visi pro aede Castoris et Pollucis iuvenes laurenti Praetori litteras tradere: frequensquo in spectaculo rumor, *Victorias Cimbricae feliciter!* dixit. Quo quid admirabilius, quid insignius fieri potest? Quippe velut elata montibus suis Roma spectaculo belli interesset, quod in gladiatorio munere fieri solet, uno eodemque momento, quum in acie Cimbri succumberent, populus in Urbe plaudebat.

CAPUT IV.

BELLUM THRACIUM.

Post Macedonas, si Diis placet, Thracos rebellabant. Ipsi quondam tributarii Macedogum, nec in proximas modo provincias contenti incurrere, Thessaliam atque Dalmatiam; in Hadriaticum mare usque venerunt: eoque fine non contenti, quasi interveniente natura, contorta in ipsas aquas tela miserunt. Nihil² interim per id omne tempus residuum crudelitatis fuit in captivos saevientibus: litare Diis sanguinem humanum, bibere in ossibus capitum, cuiusquemodi ludibrio foedare mortem tam igni quam fumo; partus quoque gravidarum mulierum extorquere tormentis. Saevissimi omnium Thracum Scordisci fuere; sed³ calliditas quoque ad robur accesserat. Silvarum et montium⁴ situs cum ingenio consentiebant. Itaque non fusus modo ab his, aut fugatus, sed (simile prodigio) omnino totus interceptus exercitus, quem duxerat Cato. Didius vagos et libera popula-⁵ tione diffusos intra suam repulit Thraciam. Drusus ulterius egit, et vetuit transire Danubium. Minutius toto vastavit Hebro, multis quidem amissis, dum per perfidum glacie flumen equitatur. Piso Rhodopen Caucasumque penetravit. Curio Dacia⁶ tenuis venit: sed tenebras saltuum expavit. Appius in Sarmatas usque pervenit; Lucullus ad terminum gentium Tanain, lacumque Maeotin. Nec aliter cruentissimi hostium, quam suis⁷ moribus, domiti: quippe in captivos igni ferroque saevitum est. Sed nihil barbaris atrocius visum est, quam quod abscissis manibus relictis, vivere superstites poenae suae iuebantur.

- 1 Ponticae gentes a Septemtrione in [mare] sinistrum iacent,
 a Pontico cognominatae mari. Harum gentium atque regionum
 2 rex antiquissimus Aletas: post Artabazes, a septem Persis ori-
 undus: inde Mithridates omnium longe maximus; quippe quum
 quatuor Pyrrho, decem et septem anni Hannibali suffecerint;
 ille per quadraginta annos restitit, donec tribus ingentibus bel-
 3 lis subactus, felicitate Sullae, virtute Luculli, magnitudine
 Pompeii consumeretur. Caussam quidem illius belli praetende-
 rat apud Cassium Legatum, *attrectari terminos suos a Nicomede*
Bithynico: ceterum elatus animis ingentibus, Asiae totius, et,
 4 si posset, Europae cupiditate flagrabat. Spem ac fiduciam da-
 bant nostra vitia: quippe quum civilibus bellis distringeremur,
 invitabat occasio: nudumque imperii latus ostentabant procul
 5 Marius, Sulla, Sertorius. Inter haec Reipublicae vulnura et
 hos tumultus, repente, quasi captato tempore, in lassos simul
 atque districtos subitus turbo Pontici belli, ab ultima veluti
 6 specula Septemtrionis erupit. Primus statim impetus belli Bi-
 thyniam rapuit. Asia inde pari terrore correpta est. Nec eun-
 ctanter ad regem ab urbibus nostris populisque descitum est.
 7 Aderat, instabat, saevitia quasi virtute utebatur. Nam quid
 atrocius uno eius edicto, quum omnes, qui in Asia forent,
 Romanae civitatis homines interfici iussit? Tum quidem domus,
 templa et arae, humana omnia atque divina iura violata sunt.
 8 Sed hic terror Asiae Europam quoque regi aperiebat. Itaque
 missis Archelao Neoptolemoque Praefectis, excepta Rhodo, quae
 pro nobis stetit, ceterum Cyclades, Delos, Euboea, et ipsum
 9 Graeciae decus, Athenae, tenebantur. Italiam iam, ipsamquo
 urbem Romam regius terror afflabat. Itaque Lucius Sulla festi-
 nat, vir armis optimus: parique violentia ruentem ulterius ho-
 10 rostem [quidam] quasi manu repulit: primumque Athenas urbem
 (quis crederet?) frugum parentem, obsidione ac fame ad huma-
 nos cibos compulit. Mox subruto Pyraeci portu, sex [quoque]
 et amplius muris, postquam domuerat ingrattissimos, ut ipse
 dixit, hominum, in honorem tamen mortuorum, sacris suis fa-
 11 macque donavit. Mox quum Euboea atque Boeotia praesidia
 regis dispulisset, omnes copias uno apud Chacroneam, apud
 Orchomenon altero bello dissipavit: statimque in Asiam trans-
 12 gressus ipsum opprimit: et dehellatum foret, nisi de Mithri-
 date triumphare cito, quam vere, maluisset. Ac tum quidem
 hunc Asiae statum Sulla dederat. Ictum cum Ponticis foedus:
 recepit Bithyniam a rege Nicomedes, Ariobarzanes Cappadoci-
 am: [ut sic erat] Asia rursus nostra, ut coeperat: Mithridates
 13 statim repulsus. Itaque non fregit ea res Ponticos, sed incen-
 dit. Quippe rex Asia et Europa quodammodo insecutus, non
 iam quasi alienam, sed, quia amiserat, quasi raptam belli iure
 14 repetebat. Igitur ut extincta parum fideliter incendia maiore
 flamma reviviscunt; ita ille de integro, auctis maiorem in mo-
 dum copiis, tota denique regni sui mole, in Asiam rursus ma-

ri, terra, fluminibusque veniebat. Cyzicum nobilis civitas, arce,¹⁵
 uoenibus, portu turribusque marmoreis, Asiaticae plagae litto-
 ra illustrat. Hanc ille, quasi alteram Romam, toto invaserat
 bello. Sed fiduciam oppidanis resistendi nuncius fecit, docens¹⁶
 adventare Lucullum, qui (horribilo dictu!) per medias hostium
 naves utre suspensus, et pedibus iter adgubernans, videntibus
 procul quasi marina pistrix evaserat. Mox elade conversa, quum¹⁷
 ex mora obsidentem regem fames, et ex fame pestilentia urge-
 ret, recedentem Lucullus adsequitur, adeoque cecidit, ut Gra-
 nicus et Aesopus amnes cruenti redderentur. Rex callidus, Ro-¹⁸
 manaeque avaritiae peritus, spargi a fugientibus sarcinas et pe-
 cuniam iussit, qua sequentes moraretur. Nec felicius in mari,¹⁹
 quam terra fuga: quippe centum amplius navium classem, ap-
 paratamque belli gravem, in Pontico mari adgressa tempestas,
 tam foeda strage laceravit, ut navalis belli instar efficeret: pla-
 ne quasi Lucullus, quodam cum fluctibus procellisque commer-
 cio, debellandum tradidisse regem ventis videretur. Attrita²⁰
 iam omnes validissimi regni vires erant; sed animus malis au-
 gehatur. Itaque conversus ad proximas gentes, totum paene²¹
 Orientem ac Septemtrionem ruina sua involvit. Iberi, Caspii,
 Albani, et utraque sollicitantur Armeniae: perque omnia decus
 et nomen et titulos Pompeio suo Fortuna quacrebat. Qui, ubi²²
 novis motibus ardere Asiam videt, aliosque ex aliis prodire re-
 ges, nihil cunctandum ratus, priusquam inter se gentium robo-
 ra coirent, statim ponte navibus facto, omnium ante se primus
 transit Euphraten: regemque fugientem media nactus Armenia²³
 (quanta felicitas viri!) uno praelio confecit. Nocturna ea dimi-
 catio fuit, et Luna in partibus; quippe [quasi commilitans,]
 quum a tergo se hostibus, a facie Romanis praebuisset, Pontici
 per errorem longius cadescentes umbras suas, quasi hostium cor-
 pora, petebant. Et Mithridates quidem nocte illa debellatus²⁴
 est: nihil enim postea valuit, quamquam omnia expertus, more
 anguium, qui, obtrito capite, postremum cauda minantur. Quip-²⁵
 pe quum effugisset hostem Colchos, Siciliae quoque littora et
 Caupaniam nostram subito adventu terrere voluit: Colchis tenus
 iungere Bosporon, inde per Thraciam, Macedoniam et Grae-
 ciam transilire: sic Italiam nec opinatus invadere. Tantum co-²⁶
 gitavit. Sed defectione civium Pharnacisque filii scelere prae-
 ventus, male tentatum veneno spiritum ferro expulit. Cnaeus²⁷
 interim Magnus rebellis Asiae reliquias sequens, per diversa
 gentium terrarumque volitabat. Nam sub Orientem secutus Ar-
 menios, captis in ipso capite gentis satrapis [Artaxatis,] suppli-
 cem iussit regnare Tigranem. At in Septemtrionem Seythicum²⁸
 iter, tamquam in mari, stellis secutus, Colchos cecidit: ignovit
 Iberiae: pepercit Albanis, regemque horum Oroezen, [Colehorum
 Orodem,] positus sub ipso Caucaeso castris, iussit in plana de-
 scendere: Artioeen, qui Iberis imperabat, et obsides liberos
 dare. Oroezen etiam remuneratus est, ultro ab Albania sua
 lectulum aureum et alia dona mittentem. Nec non et in Meri-²⁹
 diem verso agminis, Libanum Syriae Damascumque transgressus,
 per nemora illa odorata, per thuris et balsami silvas, Romana

circumtulit signa. Arabes, si quid imperaret, praesto fuere.
 30 Hierosolyma defendere tentavere Iudaei: verum haec quoque
 intravit, et vidit illud grande impiae gentis arcanum patens,
 sub aureo vites coelo: dissidentibusque de regno fratribus ar-
 31 biter factus, regnare iussit Hircanum. Aristobulo, quia reno-
 32 vabat imperium, catenas dedit. Sic Pompeio duce populus Ro-
 manus totam, qua latissima est, Asiam pervagatus, quam ex-
 tremam habebat imperii provinciam, mediam fecit. Exceptis
 quippe Parthis, qui foedus maluerunt, et Indis, qui adhuc nos
 nec noverant; omnis Asia inter Rubrum mare, et Caspium, et
 Oceanum, Pompeianis domita vel oppressa signis tenebatur.

CAPUT VI.

BELLUM PIRATICUM.

1 Interim dum populus Romanus per diversa terrarum distra-
 ctus est, Cilices invaserant maria; sublatisque commerciis, rupto
 fodere generis humani, sic maria bello, quasi tempestate, praec-
 2 cluserant. Audaciam perditis furiosisque latronibus dabat in-
 quicta Mithridatis proeliis Asia, dum sub alieni belli tumultu,
 3 exterique regis invidia, impune grassantur. Ac primum duce
 Isidoro contenti proximo mari, Cretam inter atque Cyrenas,
 [Epirum] et Achaiam sinumque Maelum, quod a spoliis *Aureum*
 4 ipsi vocare, latrocinabantur: missusque in eos Publius Servi-
 lius, quamvis leves et fugaces myoparonas gravi et Martia classe
 5 turbaret, non incruenta victoria superat. Sed nec mari submo-
 visse contentus, validissimas urbes eorum, et diutina praeda
 abundantes, Phaselin et Olympion cvertit, Isauronque ipsam
 arcem Ciliciae: unde, conscius sibi magni laboris, *Isaurici* co-
 6 gnomen adamavit. Non ideo tamen tot cladibus domiti, terra
 se continere potuerunt: sed ut quaedam animalia, quibus aquam
 terramque incolendi gemina natura est, sub ipso hostis recessu
 impatientes soli, in aquas suas resilerunt; et aliquanto latius,
 7 quam prius. Sic Cilix quoque dignus victoria Pompeii visus
 est, et Mithridaticae provinciae factus accessio. Ille dispersam
 toto mari pestem semel et in perpetuum volens extinguere,
 8 divino quodam apparatu adgressus est. Quippe quum classibus
 suis et socialibus Rhodiorum abundaret, pluribus Legatis atque
 Praefectis utraque Ponti et Oceani ora complexus est. Gellius
 9 Tusco mari impositus; Plotius Siculo. Gratilius Ligusticum si-
 num, Pompeius Gallicum obsedit, Torquatus Balearicum, Tibe-
 rius Nero Gaditanum fretum, qua primum maris nostri limen
 10 aperitur. Lentulus Libycum; Marcellinus Aegyptium; Pompeii
 iuvenes Hadriaticum; Varro Terentius Aegaeum et Ponticum;
 Pamphylum Metellus; Asiaticum Caepio; ipsas Propontidos
 fauces Porcius Cato sic obditis navibus, quasi portam, obsce-
 11 ravit. Sic per omnis aequoris portus, sinus, latebras, recessus,
 promontoria, freta, peninsulas, quidquid piratarum fuit, qua-
 12 dam indagine inclusum [et oppressum] est. Ipse Pompeius in
 originem fontemque belli Ciliciam versus est: nec hostes detre-

ctavere certamen, non ex fiducia, sed quia oppressi erant, ausi videbantur. Sed nihil tamen amplius, quam ut ad primum ictum concurrerent. Mox ubi circumfusa undique rostra videntur, abiectis statim telis remisque, plausu undique pari, quod supplicantium signum fuit, vitam petiverunt. Non alias tam incruenta victoria usi umquam sumus; sed nec fidelior in posterum reperta gens ulla est. Atque prospectum singulari consilio du- cis, qui maritimum genus a conspectu longe removet maris, et mediterraneis agris quasi obligavit. Eodemque tempore et usum maris navibus recuperavit, et terrae homines suos reddidit. Quid prius in hac mirare victoria? Velocitatem, quod quadragesimo die par- ta est? an felicitatem, quod ne una quidem navis amissa est? an vero perpetuitatem, quod amplius piratae non fuerunt?

CAPUT VII.

BELLUM CRETICUM.

Creticum bellum, si vera volumus [noscere], nos fecimus, sola vincendi nobilem insulam cupiditate. Favisse Mithridati videbatur; hoc placuit armis vindicare. Primus invasit insulam Marcus Antonius, cum ingenti quidem victoriae spe atque fiducia, adeo, ut plures catenas in navibus, quam arma, portaret. Dedit itaque poenas vecordiae. Nam plerasque naves intercepte hostes; captivaeque corpora religata velis ac funibus pendere: ac sic velificantes triumphantium in modum Cretes portibus suis adremigaverunt. Metellus deinde totam insulam igni ferroque populatus, intra castella et urbes redegit, et Gnosson, et Erythraeam, et, ut Graeci dicere solent, *urbium matrem* Cydoneam: adeoque saeve in captivos consulebatur, ut veneno se plerique conficerent; alii deditionem suam ad Pompeium absentem mitterent. Et quum ille res in Asia gerens, eo quoque Praefectum misisset Antonium, in aliena provincia irritus fuit: eoque infestior Metellus in hostes ius victoris exercuit; victisque Lathene et Panare, Cydoneae ducibus, victor redit. Nec quidquam amplius tamen de tam famosa victoria, quam cognomen *Creticum* reportavit.

CAPUT VIII.

BELLUM BALEARICUM.

[Quatenus Metelli Macedonici domus bellicis nominibus adsueverat, altero ex liberis eius Cretico facto, mora non fuit, quin alter quoque *Balearicus* vocaretur.] Baeaes per id tempus insulae piratica rabie maria corruperant. Homines feros atque silvestres mireris ausos a scopulis suis saltem maria prospicere. Ascendere etiam inconditas rates, et praeter navigantes subinde inopinato impetu terruere. Sed quum venientem ab alto Romanam classem prospexissent, praedam putantes, ausi etiam occurrere: et primo impetu, ingenti lapidum saxorumque nimbo

- 5 classem operuerunt. Tribus quisque fundis proeliatnr. Certos esse quis miretur ictus, quum haec sola genti arma sint: id unum ab infantia studium. Cibum puer a matre non accipit, 6 nisi quem, ipsa monstrante, percussit. Sed non diu lapidatione Romanos terruere. Nam, postquam cominus ventum est, expertique rostra et pila venientia, pecudum in morem clamore sub-lato, petierunt fuga littora, dilapsique in proximos tumulos, quaerendi fuerant, ut vincerentur.

CAPUT IX.

EXPEDITIO IN CYPRON.

- 1 Aderat fatum insularum. Igitur et Cypros recepta sine bello. 2 Insulam veteribus deliciis abundantem, et ob hoc Veneri sacram, 3 Ptolemacus regebat. Sed divitiarum tanta erat fama, nec falso, ut victor gentium populus, et donare regna consuetus, Publio Clodio Tribuno duce, socii vivique regis confiscationem man- 4 daverit. Et ille quidem ad rei famam veneno sata praecepit. Ceterum Porcius Cato Cyprias opes liburnis per Tiberinum ostium invexit: quae res latius aerarium populi Romani, quam ul- lus triumphus, implevit.

CAPUT X.

BELLUM GALLICUM.

- 1 Asia Pompeii manibus subacta, reliqua, quae restabant in Eu- 2 ropa, Fortuna in Caesarem transtulit. Restabant autem imma- nissimi gentium Galli atque Germani: et quamvis toto orbe di- 3 visa, tamen qui vinceret, habuit Britannia. Primus Galliae motus ab Helvetiis coepit, qui Rhodanum inter et Rhenum siti, non sufficientibus terris, venere sedes petitura, incensis moeni- 3 bus suis. Hoc sacramentum fuit, ne redirent. Sed petito tempore ad deliberandum, quum inter moras Caesar, Rhodani ponte re- 4 acisso, abstulisset fugam; statim bellicosissimam gentem sic in 4 sedes suas, quasi greges in stabula pastor, reduxit. Sequens longe longeque cruentior pugna Belgarum, quippe pro libertate pugnantium. Hic quum multa Romanorum militum insignia, tum illud egregium ipsius ducis, quod nutante in fugam exer- 5 citu, rapto fugientis e manu scuto, in primam volitans aciem, manu proclium restituit. Inde cum Venetis etiam navale bel- 6 lum; sed maior cum Oceano, quam cum ipsis navibus, rixa: quippe illae rudes et informes, et statim naufragae, quum ro- 7 stra sensissent. Sed haerebat in vadis pugna, quum aestibus solitis cum ipso certamine subductus Oceanus intercedere bello 6 videretur. Illae quoque accessere diversitates pro gentium lo- 7 corumque natura. Aquitani, callidum genus, in speluncas se recipiebant; iussit includi. Morini dilabebantur in silvas; iussit 7 incendi. Nemo tantum feroces dixerit Gallos; fraudibus agunt. Indutiomarus Treviros, Ambiorix concitavit Eburones. Utrique, 8 absente Caesare, coniuratione facta, invasere Legatos. Sed ille

fortiter a Tito Labieno submotus est, relatumque regis caput: hic, insidiis in valle dispositis, dolo perculit. Itaque et castra direpta sunt, et Aurunculeium Cottam cum Titurio Sabino Legatos amisimus: Nec ulla de rege mox ultio: quippe perpetua trans Rhenum fuga latuit. Nec Rhenus ergo immunis: nec 9 enim fas erat, ut liber esset receptator hostium atque defensor. Et prima contra Germanos illius pugna, iustissimis quidem exrocaussis. Hæcui enim de incursionibus eorum querebantur. Quæ Ariovisti regis superbis? Quum legati dicerent, *Veni ad 11* *Caesarem: Quis est autem Caesar?* et, *Si vult, veniat*, inquit: et, *Quid ad illum, quid agat nostra Germania? num ego met 12* *interpono Romanis?* Itaque tantus gentis novæ terror in castris, ut testamenta passim, et in principis, scriberentur. Sed illa immania corpora, quo msiora erant, eo magis gladiis ferroque patuerunt. Qui calor in proeliando militum fuerit, nullo 13 magis exprimi potest, quam quod, elatis super caput scutis, quum se testitudine barbarus tegeret, super ipsa Romani scuta salierunt, et inde in iugulos gladiis descendebant. Iterum dex 14 *Germisno Tencteri* querebantur. Hic vero ism Caesar ultro *Mosellam* navali ponte transgreditur, ipsumque Rhenum, et *Hercyniis* hostem quaerit in silvis: sed in saltus ac paludes genus omne diffugerat. Tantum pavoris incussit intra ripam subito Romana vis. Nec semel Rhenus, sed iterum quoque, et quidem 15 ponte facto, penetratus est. Maior aliquanto trepidatio: quippe quum Rhenum suum sic ponte, quasi iugo, captum viderent, fuga rursus in silvas ac paludes: et, quod acerbissimum *Caesaris* 16 fuit, non fuere, qui vincerentur. Omnibus terra marique captis, respexit Oceanum: et quasi hic Romanis orbis non sufficeret, alterum cogitavit. Classe igitur comparata, Britanniam transit mira celeritate: quippe quum tertia vigilia *Morino* solvisset a portu, minus quam medio die insulam ingressus est. Plena erant tumultu hostico littora, et trepidantia ad conspe- 17 ctum rei novæ carpenta volitabant. Itaque trepidatio pro victoria fuit. Arma et obsides accepit a trepidis: et ulterius isset, nisi improbam classem naufragio castigasset Oceanus. Reversus 18 igitur in Galliam, classe maiore auctisque [admodum] copiis, in eundem rursus Oceanum eosdemque rursus Britannos *Caledonias* secutus in silvas, unum quoque e regibus *Cassivelaunianis* [Cantianis] in vincula dedit. Contentus his (non enim pro- 19 vinciae, sed nomini studebatur), cum maiore, quam prius, præda revectus est; ipso quoque Oceano tranquillo magis et propitio, quasi imparem ei se fateretur. Sed maxima omnium 20 eademque novissima coniuratio fuit Galliarum, quum omnes pariter *Arvernos* atque *Biturigas*, *Carnutes* simul *Sequanosque* contraxit, ille corpore, armis, spirituque terribilis, nomine etiam quasi ad terrorem composito, *Vercingetorix*: ille festis 21 diebus, et conciliabulis, quum frequentissimos in lucis haberet, ferocibus dictis ad ius pristinum libertatis erexit. Aberat tunc 22 *Caesar*, *Ravennæ* delectum agens: et hieme creverant Alpes: sic interclusum putabant iter. Sed ille qualis erat ad nuncium rei felicissimæ temeritatis? Per invios ad id tempus montium

tumulos, per intactas vias et nives, expedita manu emensus, occupat Galliam, et ex distantibus hibernis castra contraxit; et
 23aute in media Gallia fuit, quam ab ultima timeretur. Tum ipsa capita belli adgressus, urbes; Avaricum cum quadraginta millibus propugnantium sustulit; Alesiam ducentorum quinqua-
 24ginta millium iuventute subnixam flammis adaequavit. Circa Gergoviam Arvernorum tota belli moles fuit; quippe quum
 25octoginta millia muro et arce et abruptis defenderent, maximam civitatem vallo, sudibus, et fossa, induetoque fossae flumiae, ad hoc decem et octo castellis, iugentique lorica circumdatam, primum fame domuit; mox audentem eruptiones, in vallo, gla-
 26diis, sudibusque concidit: novissime in deditionem redegit. Ipse ille rex, maximum victoriae decus, supplex quum in castra venisset, equum et phaleras et sua arma ante Caesaris genua proiecit: *Habe, inquit. Fortem virum, vir fortissime, vicisti.*

CAPUT XI.

BELLUM PARTHICUM.

1 Dum Gallos per Caesarem in Septemtrione debellat, [ipse] interim ad Orientem grave vulnus a Parthis populus Romanus
 2 accepit. Nec de Fortuna queri possumus: caret solatio clades. Adversis et Diis et hominibus, cupiditas Consulis Crassi, dum Parthico inhiat auro, undecim strage legionum, et ipsius capite
 3 multata est. Tribunus plebis Atheius [Metellus] exeuntem duceem hostilibus Diris deoverat: et quum Zeugma transisset exer-
 4 citus, rapta subitis signa turbinibus hausit Euphrates: et quum apud Nicephorium castra posuisset, missi ab Orode rege legati denunciare, *Percussorum cum Pompeio foederum Sullaque*
 5 *meminisset.* Regiis inhians ille thesauris, nihil, ne imaginario
 6 quidem iure, sed *Seleucia se responsurum esse*, respondit. Itaque Dii, foederum ultores, nec insidiis nec virtuti hostium de-
 7 fuerunt. Iam primum, qui solus et subvchere commentus, et munire poterat a tergo, relictus Euphrates: tum simulato transfugae cuidam Mazarae Syro creditur, dum in uediam camporum vastitatem eodem duce ductus exercitus, ut undique
 8 hosti exponeretur. Itaque vixdum venerat Carras, quum undique Praefecti regis, Silaeus et Surenas, ostendere signa auro serieisque vexillis vibrantia. Tunc sine mora circumfusi undique equitatus, in modum grandinis atque nimborum densa par-
 9 riter tela fuderunt. Sic miserabili strage deletus exercitus. Ipse in colloquium sollicitatus, signo dato, vivus in hostium manus incidisset, nisi Tribunis reluctantibus, fugam ducis barbari ferro occupassent. Sic quoque relatum caput ludibrio hosti
 10 rofuit. Filium ducis, paene in conspectu patris, eisdem telis operuerunt. Reliquiae infelicis exercitus, quo quemque rapuit fuga, in Armeniam, Ciliciam, Syriamque distraetae, vix nuncium
 11 cladis retulerunt. [Caput eius recisum cum dextera manu, ad regem reportatum, ludibrio fuit, neque indigno. Aurum enim liquidum in rictum oris infusum est, ut, cuius animus arserat auri cupiditate, eius etiam mortuum et exsangue corpus auro uteretur.]

CAPUT XII.

ANACEPHALAKOSTIS.

Haec est illa tertia aetas populi Romani transmarina, qua
 Italia progredi ausus, orbe toto arma circumtulit. Cuius aeta-
 tis superiores centum anni sancti, pii, et, ut diximus, *aurei*,
 sine flagitio, sine scelere, dum sincera adhuc et innoxia pasto-
 riae illius sectae integritas, dumque Poenorum hostium immi-
 nens metus disciplinam veterem continebat. Posterius centum,
 quos a Carthaginis, Corinthi, Numantiaeque excidiis, et Attali
 regis Asiatica hereditate deduximus in Caesarem et Pompeium,
 secutumque hos, de quo dicemus, Augustum, ut claritate rerum
 bellicarum magnifici, ita domesticis cladibus miseri et erube-
 scendi. Quippe sicut Galliam, Thraciam, Ciliciam, Cappado-
 ciam, uberriamas validissimasque provincias, Armenios etiam,
 et Britannos, ut non in usum, ita ad imperii speciem magna
 nomina acquisisse, pulchrum atque decorum: ita eodem tempore
 dimicasse domi cum civibus, sociis, mancipiis, gladiatoribus,
 totoque inter se Senatu, turpe atque miserandum. Ac nescio,
 an satius fuerit populo Romano, Sicilia et Africa contento fuisse,
 aut his etiam ipsis carere, dominanti in Italia sua, quam eo
 magnitudinis crescere, ut viribus suis conficeretur. Quae enim
 res alia civiles fueros peperit, quam nimia felicitas? Syria
 prima nos victa corripuit: mox Asintica Pergameni regis hero-
 ditas. Illae opes atque divitiae afflixere saeculi mores: mersam-
 que vitiis suis, quasi sentina, Republicam pessumdedere. Unde
 enim populus Romanus a Tribunis agros et cibaria flagitaret,
 nisi per famem, quam luxu fecerat? Hinc ergo Gracchana et
 prima et secunda, et illa tertia Appuleiana seditio. Unde [re-
 gnaret] iudiciariis legibus divulsus a Senatu eques, nisi ex ava-
 ritia, ut vectigalia Reipublicae, atque ipsa iudicia in quaestu
 haberentur? Hinc rursus et promissa civitas Latio, et per hoc
 arma sociorum. Quid autem? Bella servilia unde nobis, nisi
 ex abundantia familiarum? Unde gladiatorii adversum dominos
 suos exercitus, nisi ad conciliandum plebis favorem effusa lar-
 gitio, dum spectaculis indulget, supplicia quondam hostium ar-
 tem facit? Iam ut speciosiora vitia tangamus, nonne ambitus
 honorum ab iisdem divitiis incitatus? Atquin inde Mariana,
 inde Sullana tempestas. Aut magnificus apparatus convivi-
 orum, et sumptuosa largitio, nonne ab opulentia, paritura mox ege-
 statem? Haec Catilinam patriae suae impegit. Denique illa
 ipsa principatus et dominandi cupido, unde, nisi ex nimis opi-
 bus [venit]? Atquin haec Caesarem atque Pompeium furialibus
 in exitium Reipublicae facibus armavit. Hos igitur [populi Ro-
 mani] omnes domesticos motus, separatos ab externis iustisque
 bellis, ex ordine prosequemur.

CAPUT XIII.

CAUSSA SEDITIONUM TRIBUNICIA POTESTAS.

Seditionum omnium causas Tribunicia potestas excitavit: quae
 specie quidem plebis tuendae, cuius in auxilium comparata est,

re autem dominationem sibi acquirere, studium populi ac favorem, agrariis, frumentariis, iudicialibus legibus aucupabatur. Inerat omnibus species aequitatis. Quid enim tam iustum, quam recipere plebem ius suum a patribus, ne populus gentium victor, orbisque possessor, extorris aris ac focis ageret? Quid tam aequum, quam inopem populum vivere ex aerario suo? Quid ad ius libertatis aequandae magis efficax, quam ut, Senatu regente provincias, ordinis equestris auctoritas saltem iudiciorum regno niteretur? Sed haec ipsa in perniciem redibant, et misera Respublica in exitium suum merces erat. Nam et a Senatu in equitem translata iudiciorum potestas vectigalia, id est, imperii patrimonium, suppresserat; et emptio frumenti, ipsos Reipublicae nervos, exhaurebat aerarium. Reduci plebs in agros unde poterat sine possidentium eversione? qui tamen ipsi pars populi erant; et relictas sibi a maioribus sedes aetate, quasi iure hereditario, possidebant.

CAPUT XIV.

SEDITIONE TIBERII GRACCHI.

1 Primam certaminum faciem Tiberius Gracchus accendit, genere, forma, eloquentia facile princeps. Sed hic, sive Manciniana deditio, quia sponsor foederis fuerat, contagium timens, et inde popularis: sive aequo et bono ductus, quia depulsam agris suis plebem miseratus est, ne populus [gentium victor, orbisque possessor,] laribus ac focis suis exsularet, quacumque mente, rem ausus ingentem. Postquam rogationis dies aderat, ingenti stipatus agmine Rostra descendit; nec deerat obvia manu tota inde nobilitas, et Tribuni in partibus. Sed ubi intercedentem legibus suis Caium Octavium videt Gracchus, contra fas collegii, [ius potestatis,] iniecta manu, depulit Rostris: adeoque praesentis metu mortis exterruit, ut abdicare se magistratu cogeretur. Sic Triumvir creatus dividendis agris. Quum ad perpetrandam coepta die comitiorum prorogari sibi vellet imperium, obvia nobilium manu, eorumque, quos agris moverat, caedes a foro coepit. Inde quum in Capitolium profugisset, plebemque ad defensionem salutis suae, manu caput tangens, hortaretur, praebuit speciem regnum sibi et diadema poscentis: atque ita, duce Scipione Nasica, concitato in arma populo, quasi iure oppressus est.

CAPUT XV.

SEDITIONE CAII GRACCHI.

1 Statim et mortis et legum fratris sui vindex non minore impetu incaluit Caius Gracchus. Qui quum pari tumultu atque terrore plebem in avitos agros arcesseret, et recentem Attali hereditatem in alimenta populo polliceretur: iamque nimius et impotens altero Tribuatu, secunda plebe volitaret: obrogare auso legibus suis Minucio Tribuno, fretus comitum manu fatale facinus suae Capitolium invasit. Inde proximorum caede pulsus,

quum se in Aventinum recepisset; inde quoque obvia Senatus manu, ab Opimio Consule oppressus est. Insultatum quoque 6 mortis reliquit: et illud sacrosanctum caput Tribuni plebis percussoribus auro repensatum est.

CAPUT XVI.

SEDITIO APPULEIANA.

Nihilominus Appuleius Saturninus Gracchanus asserere leges 1 nou destitit. Qui (tantum animorum viro Marius dabat,) nobilitati semper inimicus, Consulatu suo praeterea confusus, occiso palam comitiis Anzio [A. Nonio] competitori Tribunatus, subrogare conatus est in eius locum Caium Gracchum, hominem sine tribu, sine nomine: sed, subdito titulo, in familiam ipse se adoptabat. Quum tot tantisque ludibriis exsultaret impune, a rogandis Gracchorum legibus ita vehementer incubuit, ut Senatum cogeret in verba iurare, quum abnuentibus aqua et igni interdictum se minaretur. Unus tamen exstitit, qui mallet exsilium. Igitur post Metelli fugam omni uobilitate percussa, 3 quum iam tertium annum dominaretur, eo vesaniae progressus est, ut consularia quoque comitia nova caede turbaret. Quippe 4 ut satellitem furoris sui Glauciam Consulem faceret, Caium Memmium competitori interfici iussit: et in eo tumultu regem ex satellitibus suis se appellatum, laetus accepit. Tum vero 5 iam conspiratione Senatus, ipso quoque iam Mario Consule, quia tueri non poterat, aduerso, directae in foro acies: pulsus inde, Capitolium inuasit. Sed quum, abruptis fistulis, obsideretur, Senatuique per legatos pecunientiae fidem faceret, ab arce 6 degressus, cum ducibus factionis receptus in curiam est. Ibi 7 eum, facta irruptione, populus fustibus saxisque coopertum in ipsa quoque morte laceravit.

CAPUT XVII.

DRUSIANA SEDITIO.

Postremo Livius Drusus non Tribunatus modo viribus, sed 1 ipsius etiam Senatus auctoritate, totiusque Italiae consensu, easdem leges asserere conatus, dum aliud captat ex alio, tantum a conflavit iuceudium, ut ne prima illius flamma posset sustineri; et subita morte correptus, hereditarium in posteros suos bellum propagaret. Iudiciaria lege Gracchi diviserant populum Roma- 3 num, et bicipitem ex una fecerant civitatem. Equites Romani, tanta potestate subnixi, ut qui fata fortunasque principum haberent in manu, interceptis vectigalibus, peculabantur suo iure Rempublicam. Senatus exsilio Metelli, damnatione Rutilii debilitatus, omne decus maiestatis amiserat. In hoc statu rerum 4 pares opibus, animis, dignitate, (unde et natalium Druso aemulatio accesserat,) equitem Servilius Caepio, Senatum Livius Drusus asserere. Signa, et aquilae et vexilla aderant: caeterum 5 sic urbe in una, quasi in binis castris dissidebatur. Prior Cao-

pio, in Senatum impetu facto, reos ambitus Scaturum et Philippum, principes nobilitatis, elegit. His motibus ut resisteret Drusus, plebem ad se Gracchanis legibus, eisdem socios ad plebem spe civitatis erexit. Exstat vox ipsius: *Nihil se ad largitionem ulli reliquisse, nisi si quis aut coenum dividere vellet, aut coelum.* Aderat promulgandi dies; quum subito tanta vis hominum undique apparuit, ut hostium adventu obsessa civitas videretur. Ausus tamen obrogare legibus Consul Philippus: sed apprehensum faucibus viator non ante dimisit, quam sanguis in os et oculos redundaret. Sic per vim latae, iussaeque leges: sed pretium rogationis statim socii flagitavere, quum [interim] imparem Drusum aegrumque rerum temere motarum matura, ut in tali discrimine, mors abstulit. Nec ideo minus socii promissa Drusi a populo Romano reposcere armis desierunt.

CAPUT XVIII.

BELLUM SOCIALE.

1 Sociale bellum vocetur licet, ut extenuemus invidiam: si verum tamen volumus, illud civile bellum fuit. Quippe quum populus Romanus Etruscos, Latinos Sabinosque sibi miscuerit, et unum ex omnibus sanguinem ducat; corpus fecit ex membris, 2 et ex omnibus unus est. Nec minore flagitio socii intra Italiam, 3 quam intra Urbem cives rebellabant. Itaque quum ius civitatis, quam viribus auxerant, [socii] iustissime postularent, ad quam 4 spem eos cupidine dominationis Drusus erexerat; postquam ille domestico scelere oppressus est, eadem fax, quae illum cremavit, socios in arma et in expugnationem Urbis accendit. Quid hac elade tristius? quid calamitosius? quum omne Latium atque Picenum, Etruria omnis atque Campania, postremo Italia 6 contra matrem ac parentem suam Urbem consurgrent: quum omne robur fortissimorum fidelissimorumque sociorum sub suis 7 quisque signis haberent municipalia illa prodigia: Poppedius Marsos et Latinos: Afranius Umbros: totos Egnatius Etruscos: Sannium Lucaniamque Telesinus: quum regum et gentium arbiter populus ipsum se regere non posset, ut victrix Asiae Europaeque a Corfinio Roma peteretur. Primum fuit belli in Albano monte consilium, ut festo die Latinarum Iulius Caesar et Marcus Philippus Consules inter sacra et aras immolarentur. 9 Postquam id nefas proditione discussum est, Asculo furor omnis erupit, in ipsa quidem ludorum frequentia trucidatis, qui tum aderant ab Urbe, legatis. Hoc fuit impii belli sacramentum. 10 Inde iam passim ab omni parte Italiae, duce et auctore belli discursante Poppedio, diversa per populos et urbes signa 11 cecinerunt. Nec Hannibalis, nec Pyrrhi fuit tantum vastatio. Ecce Oricolum, ecce Grumentum, ecce Faesulae, ecce Carscoli, ecce Reate, Nuceria et Picentia caedibus, ferro et igne vastantur. 12 Fusae Rutilii copiae, fusae Caepionis. Nam ipse Rutilius Consul, exercitu amisso, quum in Urbem cruentus referretur, miserabili funere mediam Urbem [perviam fecit] permadefecit.

Sed magna populi Romani fortuna, et semper in malis maior,¹³ totis denovo viribus consurrexit; adgressique singuli populos: Cato discutit Etruscos; Gabinius Marsos; Carbo Lucanos; Sulla Samnites. Strabo vero Pompeius omnia flammis ferroque populatus, non prius finem caedium fecit, quam Asculi eversione, Manibus tot exercituum, Consulum, direptarumque urbium Diis litaretur.

CAPUT XIX.

BELLUM SERVILE.

Id qualitercumque. Etsi cum sociis nefas, cum liberis¹ tamen et ingenuis dimicatum est. Quis aequo animo ferat in principe gentium populo bella servorum? Primum servile bellum inter initia Urhis Herdonio [Sabino] duce in ipsa Urbe tentatum est: quum, occupata Tribuniciis seditionibus civitate, Capitolium obsessum est et a Consule captum: sed hic tumultus magis fuit, quam bellum. Mox imperio per diversa terrarum occupato, quis crederet Siciliam multo cruentius servili, quam Punico bello esse vastatam? Terra frugum ferax, et quodammodo suburbana provincia, latifundiis civium Romanorum tenebatur. Hic ad cultum agri frequentia ergastula, catenatique cultores materiam bello praebuere. Syrus quidam nomine Eunu⁴ (magnitudo cladum facit, ut meminerimus,) fanatico furore simulato, dum Syriae Deae comas [cerimonias] iactat, ad libertatem et arma servos, quasi numinum inperio, concitavit: idque⁵ ut divinitus fieri probaret, in ore abdita nuce, quam sulphure et igni stipaverat, leuiter inspirans, flammam inter verba fundebat. Hoc miraculum primo duo millia ex ohviis; mox, iure⁶ belli refractis ergastulis, sexaginta amplius millium fecit exercitum; regiisque, ne quid malis deesset, decoratus insignibus, castella, vicos, oppida, miserabili direptione vastavit. Quin⁷ illud quoque in ultimum belli dedecus; capta sunt castra Praetoriam; nec nominare ipsos pudebit, castra Manilii, Lentuli, Pisonis, Hypsaei. Itaque qui per fugitivos retrahi debuissent, Praetorios duces, profugos proelio, ipsi sequebantur. Tandem Perpenna iimperatore supplicium de eis sumptum est.⁸ Hic enim victos, et apud Ennam novissime obsessos quum fame quasi pestilentia consumpsisset, reliquias latronum [compedibus et] catenis religavit, crucibusque punivit: fuitque de servis ovatione contentus, ne dignitatem triumphi servili inscriptione violaret. Vixdum respiraverat insula, quum statim servi; et⁹ a Syro reditur ad Cilicem. Athenio pastor, interfecto domino, familiam ergastulo liberatam sub signis ordinat. Ipse vestero purpurca argenteoque baculo, et regium in morem fronte redimita, non minorem, quam ille fanaticus prior, conflatur exercitum: acriusque multo, quasi et illum vindicaret; vicos, castella, oppida diripiens, in dominos, in servos infestus, quasi in transfugos, saeviebat. Ab hoc quoque Praetorii exercitus caesi; et¹¹ capta Servilii castra, capta Lucullae. Sed Aquilius, Perpennae

usus exemplo, interclusum hostem com meatibus ad extrema compulit, communitasque copias armis, fame facile delevit: dedidissentque se, nisi suppliciorum metu voluntariam mortem 12practulissent. Ac ne de duce quidem supplicium exigi potuit, quamvis in manus venerit: quippe dum circa apprehendendum eum multitudo contendit, inter rixantium manus praeda lacerata est.

CAPUT XX.

BELLUM SPARTACIUM.

1 Enimvero et servilium armorum dedecus feras: nam etsi ipsi per fortunam in omnia obnoxii, tamen quasi secundum homi-
2 num genus sunt, et in bona libertatis nostrae adoptantur. Bellum Spartaco duce concitatum, quo nomine appellem, nescio: quippe quum servi militaverint, gladiatores imperaverint. Illi infimae sortis homines, hi pessimae auxere ludibriis calamita-
3 tem. Spartacus, Crixus, Oenomaus, effracto Lentuli ludo, cum triginta haud amplius eiusdem fortunae viris eruperunt Capua; servisque ad auxilium vocatis, quum statim decem amplius milia coissent hominum, non modo effugisse contenti, iam vindi-
4 cari volebant. Prima velut arena viris mons Vesuvius placuit. Ibi quum obsiderentur a Clodio Glabroque, per fauces cavi montis vimineis delapsi vinculis, ad imas eius descendere radices: et exitu in viso, nihil tale opinantis ducis subito impetu ca-
5 stra rapuerunt. Inde Variana castra. Deinceps oram totamque pervagantur Campaniam: nec villarum atque vicorum vastatione contenti, Nolam atque Nuceriam, Thurios atque Metapontum
6 terribili strage populantur. Affluentibus in diem copiis, quum iam esset iustus exercitus, e viminibus pecudumque tegumentis inconditos sibi clypeos; e ferro ergastulorum recocto, gladios
7 ac tela fecerunt. Ac ne quod decus iusto deesset exercitui, domitis obviis gregibus, parantur equitatus: captaque de Prae-
8 toribus insignia et fascces ad ducem detulere. Nec abnuvit ille de stipendiario Thrace miles, de milite desertor, inde latro, deinde in honorem virium gladiator; quin defunctorum quoque
9 proelio ducum funera imperatorii celebravit exsequiis, captivosque circa rogam iussit armis depugnare, quasi plane expiaturus omne praeteritum dedecus, si de gladiatore munerarius
10 totum fuisset. Inde iam Consulares quoque adgressus, in Apennino Lentuli exercitum percecudit: apud Mutinam Gaii Cassii
11 castra delevit. Quibus elatus victoriis, de invadenda urbe Romana (quod satis est turpitudini nostrae,) deliberavit. Tandem etiam totis imperii viribus contra mirmillonem consurgitur, pudoremque Romanum Licinius Crassus adseruit: a quo pulsifugatique (pudet dicere!) hostes in extrema Italiae refugerunt.
12 Ibi circa Bruttium angulum oclusi, quum fugam in Siciliam pararent, neque navigia suppeterent, ratesque ex trabibus, et dolia connexa virgultis in rapidissimo freto frustra experirentur,
13 tandem eruptione facta, dignam viris obiere mortem: et,

quod sub gladiatore duce oportuit, sine missione pugnatum est. Spartacus ipse in primo agmine fortissime dimicans, quasi imperator, occisus est.

CAPUT XXI.

BELLUM CIVILE MARIANUM.

Hoc deerat unum populi Romani malis, iam ut ipse intra se
parricidiale telum domi stringeret; et in Urbē media ac foro,
quasi arena, cives cum civibus, gladiatorio more concurrerent.
Aequiore animo utcumque ferrem, si plebei duces, aut si no-
biles, mali saltem ducatum sceleri praebuissent. Tum vero,
(pro facinus!) qui viri! qui imperatores! decora et ornamenta
saeculi sui, Marius et Sulla, pessimo facinori suam etiam digni-
tatem praebuerant. Tribus, ut sic dixerim, sideribus agitatum
est: primo levi [et modico] tumultu magis, quam bello, intra
ipsos duntaxat armorum duces subsistente saevitia: mox atro-
cius et cruentius, per totius viscera Senatus grassante victoria:
ultimum non civicam modo, sed hostilem quoque rabiem super-
gressum est; quum armiorum furor totius Italiae viribus niteretur,
cousque odiis saevientibus, donec deessent, qui occiderentur.
Initium et causa belli, inexplēbilis honorum Marii fames,
dum decretam Sullae provinciam Sulpicia lege sollicitat. Sed
impatiens iniuriae statim Sulla legiones circumegit: dilatoque
Mithridate, Esquilina Collinaque porta geminum agmen Urbi
infudit. Inde quam consulto Sulpicius et Albinovanus obiecia-
sent catervas, sudesque et saxa undique a moenibus ac tela iac-
cerentur: ipse quoque iaculatus incendio viam fecit, arcemque
Capitolii, quae Poenos, quaeque Gallos etiam Senonas evaserat,
quasi captivam victor insedit. Tum ex consulto Senatus adver-
sariis hostibus indicatis, in praesentem Tribunum aliosque di-
versae factionis, iure saevitum est. Marium servilis fuga exemit;
immo fortuna alteri bello reservavit. Cornelio Cinna, Cnaeo
Octavio Consulibus, male obrutum resurrexit incendium, et
quidem ab ipsorum discordia, quum de revocandis, quos Se-
natus hostes indicaverat, ad populum referretur. Cincta quidem
gladiis concione, sed vincentibus, quibus pax et quies potior,
profugus patria sua Cinna confugit ad partes. Redit ab Africa
Marius, clade maior: siquidem carcer, catevae, fuga, exsilium,
horrificaverant dignitatem. Itaque ad nomen tanti viri late con-
curritur: servitia (pro nefas!) et ergastula armantur: et facile
invenit exercitum miser imperator. Itaque vi patriam reposcens,
unde vi fuerat expulsus, poterat videri iure agere, nisi causam
suam saevitia corrumpere. Sed quum Diis hominibusque infe-
stus rediret, statim primo impetu cliens et alumna Urbis Ostia
nefanda strage diripitur. Mox in Urbem quadruplici agmine
intratur. Divisere copias Cinna, Marius, Carbo, Sertorius.
His postquam manus omnis Octavii depulsa Ianiculo est, statim
ad principum caedem signo dato, aliquanto saevius, quam ut
in Punica [aut in Cimbrica] urbe saevitur. Octavii Consulis

capnt pro Rostris exponitur; Antonil Consularis in Maril ipsius mensis. Caesares a Fimbria in penetralibus domorum suarum trucidantur; Crassi, pater et filius, in mutuo alter alterius 15adspectu. Baebium atque Numitorium per medium forum unci 16traxere carnificum. Catulus se ignis haustu ludibrio hostium exemit. Merula flamen Dialis in Capitolio Iovis ipsius oculos venarum cruore respersit. Ancharius, ipso vidente Mario, confossus est, quia fatalem illam scilicet manum non porrexerat 17salutanti. Haec tot Senatus funera intra Kalendas et Idus Ianuarii mensis septima illa Marii purpura dedit. Quid futurum 18fuit, si annum consularem impleisset? Scipione et Norbano Consulibus, tertius ille turbo civilis insaniae toto furore detonuit: quippe quum hinc octo legiones, inde quingentae cohortes starent in armis, et inde ab Asia cum victore exercitu Sulla properaret. Et sane quum tam ferox in Sullanos Marius fuisset; quanta saevitia opus erat, ut Sulla de Mario vindicaretur? Primum apud Capuam sub amne Vulturno signa concurrant: et statim Norbani fusus exercitus: atam omnes Scipionis copiae, 20ostentata ape pacis, oppressae. Tum Marius iuvenis et Carbo Consules, quasi desperata victoria, ne inulti perirent, in antecessum sanguine Senatus sibi parentabant: obsessaque curia, sic 21de Senatu, quasi de carcere, qui iugularentur, educti. Quid funerum in foro, in circo, in patentibus templis? Nam Quintus Mucius Scaevola Pontifex, Vestales amplexus aras, tantum 22non eodem igne sepelitur. Lamponius atque Telesinus, Samnitum duces, atrocis Pyrrho et Hannibale Campaniam Etruriamque 23populantur: et sub specie partium se vindicant. Apud Sacriportum, Collinamque portam debellatae omnes hostium copiae. Ibi Marius, hic Telesinus oppressi. Nec idem tamen caedium, qui belli, finis fuit. Stricti enim et in pace gladii, animadver- 24sumque in eos, qui se sponte dediderant. Minus est, quod apud Sacriportum, et apud Collinam portam septuaginta amplius millia Sulla concidit: bellum erat. Quatuor millia deditorum in 25ermium civium in villa publica interfici iussit. Isti tot in pace, non plures sunt: quis autem illos potest computare, quos in Urbe passim, quisque voluit, occidit? donec admonente Furfidio, *Vivere aliquos debere, ut essent, quibus imperarent*: proposita est ingens illa tabula; et ex ipso Equestris ordinis flore ac Senatus duo millia electi, qui mori iuberentur: novi generis edictum. Piget post haec referre, ludibrio habita fata Carionis, fata Sorani, Praetoris, atque Venuleii: Baebium sine ferro, ritu ferarum, inter manus laniatum: Marium ducis ipsius fratrem apud Catuli sepulchrum; oculis, manibus, cruribusque defossis, seryatum aliquamdiu, ut per singula membra 27moreretur. Positis singulorum hominum fere poenis, municipia Italiae splendidissima sub hasta venierunt, Spoletium, 28Interamnium, Praeneste, Florentina. Nam Sulmonem, vetus oppidum, socium atque amicum (facinus indignum!) nondum expugnatum, ut obsides iure belli, et modo morte damnati duci iubentur: sic damnatam civitatem iussit Sulla deleri.

CAPUT XXII.

BELLUM SERTORIANUM.

Bellum Sertorianum quid aliud, quam Sullanæ proscriptionis 1
hereditas fuit? hostile potius an civile dixerim, nescio: quippe
quod Lusitani Celtiberique Romano gesserint duce. Exsul et a
profugus feralis illius tabulae, vir summae quidem, sed calami-
tosæ virtutis, malis suis maria terrasque permiscuit: et iam
Africae, iam Balearibus insulis fortunam expertus, nisusque in
Oceanum Fortunatasque insulas penetrare, tandem Hispaniam
armavit. Viro cum viris facile convenit. Nec alias magis ap- 3
paruit Hispani militis vigor, quam Romano duce. Quamquam 4
ille non contentus Hispania, ad Mithridatem quoque Ponticos-
que perrexit. Rex eum classe iuvit. Et quid futurum fuit satis 5
tanto hosti, cui uno imperatore resistere res Romana non po-
tuit? additus Metello Cnaeus Pompeius. Hi copias viri [diu
et ancipiti semper acie] attrivere: nec tamen prius bello, quam
suorum scelere et insidiis, extinctus est. Copias eius prope 6
tota Hispania persecuti, diu et ancipiti semper acie domaverunt.
Prima per Legatos certamina habita, quum hinc Domitius et 7
Thorius, inde Hirtuleii proluderent: mox his apud Segoviam,
illis apud Anam flumen oppressis, ipsi duces cominus invicem
experti, apud Lauronem atque Sucronem aequavere clades.
Tum illis ad populationem agrorum, his ad urbium excidia 8
conversis, misera inter Romanos duces Hispania discordiae poe-
nas dabat: donec oppresso domestica fraude Sertorio, victo 9
deditoque Perpenna, ipsae quoque in Romanam fidem venire
urbes, Osca, Termes, Tuttia, Valentia, Uxama, et in fame ni-
hil non experta Calagurris. Sic recepta in pacem Hispania.
Victores duces externum id magis, quam civile bellum viderito
voluerunt, ut triumpharent.

CAPUT XXIII.

BELLUM CIVILE SUB LEPIDO.

Marco Lepido, Quinto Catulo Consulibus, civile bellum paene 1
citius oppressum est, quam inciperet: sed quantulumcumque fax
illius motus ab ipso Sullae rogo exarsit! Cupidus rerum nova- 2
rum per insolentiam Lepidus acti tanti virt rescindere para-
bat. Nec immerito, si tamen posset sine magna clade Reipub-
licae. Nam quum iure belli Sulla Dictator proscripsisset ini- 3
micos: qui supererant, revocante Lepido, quid aliud quam ad
bellum vocabantur? Quumque damnatorum civium bona, addi-
cente Sulla, quamvis male capta, iure tamen repeterentur: re-
petitio eorum procul dubio labefactabat compositam civitatem.
Expediebat ergo quasi aegrae sancinaeque Reipublicae requiescere 4
quomodocumque, ne vulnera curatione ipsa rescinderentur.
Ergo quum turbidis concionibus, velut classico civitatem ter- 5
ruisset, profectus in Etruriam, arma inde et exercitum Urbi
admovebat. Sed iam Mulvium pontem collemque Ianiculum 6

7 Lutatius Catulus Cnaeusque Pompeius, Sullanae dominationis
 dnces atque signiferi, alio exercitu insederant. A quibus primo
 statim impetu retro pulsus, hostisque a Senatu iudicatus, in-
 cruenta fuga Etruriam, inde Sardiniam recessit: ibique morbo
 et poenitentia interiit. Victores, quod non temere alias in ci-
 vilibus bellis, pace contenti fuerunt.

L. ANNAEI FLORI
 RERUM ROMANARUM
 EPITOME.
 LIBER QUARTUS.

CAPUT I.

BELLUM CATILINARIUM.

1 Catilinam luxuria primum, tum hiuc conflata egestas rei fa-
 miliaris, simul occasio, quod in extremis finibus mundi arma
 Romana peregrinabantur, in nefaria consilia opprimendae patriae
 2 suae compulere. Senatum confodere, Consules trucidare, di-
 stringere incendiis Urbem, diripere aerarium, totam denique
 Rempublicam funditus tollere, et quidquid nec Hannibal vide-
 3 retur optasse. [Quae omnia] quibus (ô nefas!) sociis adgressus
 est! Ipse patricius; sed hoc minus est: Curii, Porcii, Sullae,
 Cethegi, Autronii, Vargunteii, Longini, quae familiae? quae
 Senatus insignia? Lentulus quoque tum cummaxime Praetor:
 4 hos omnes immanissimi facinoris stellites habuit. Additum est
 pignus coniurationis sanguis humanus, quem circumlatum pateris
 bibere: summum nefas, ni amplius esset, propter quod bibe-
 5 runt. Actum erat de pulcherrimo imperio, nisi illa coniuratio
 in Ciceronem et Antonium Consules incidisset, quorum alter
 6 iudustria rem patefecit, alter manu oppressit. Tanti sceleris
 iudicium per Fulviam emersit, vilissimum scortum, sed patri-
 7 cidii innocens. Tum Consul, habito Senatu, in praesentem
 reum Cicero peroravit: sed non amplius profectum, quam ut
 hostis evaderet, seque palam ac professo *incendium suum re-*
 8 *stricturum ruina* minaretur. Et ille quidem ad preparatum a
 Mallio in Etruria exercitum proficiscitur, signa illaturus Urbi.
 Lentulus, destinatum familiae suae Sibyllinis versibus regnum
 sibi vaticinans, ad praestitutum a Catilina diem Urbe tota vi-
 9 ros, faces, tela disponit. Nec civili conspiratione contentus.
 Legatis Allobrogum, qui tum forte aderant, in arma sollicitatis,
 issct ultra Alpes furor, nisi altera proditione Volturcii Practo-

ris litterae tenerentur. Statim Ciceronis imperio iniecta estio barbaris manus. Palam Praetor in Senatu convincitur. De supplicio agentibus, Caesar parcendum dignitati; Cato animadvertendum pro scelere, censebant. Quam sententiam secutis omnibus, in carcere parricidae strangulantur. Quamvis parte coniurationis oppressa, ab incepto Catilina non destitit: sed infestis ab Etruria siguis patriam petens, obvio Antonii exercitu opprimitur. Quam atrociter dimicatum sit, exitus docuit. [Nemora hostium bello superfluit: quem quis in pugnando ceperat locum, eum smissa anima corpore tegebat. Catilina longe a suis inter hostium cadavera repertus est; pulcherrima morte, si sic pro patria concidisset.]

CAPUT II.

BELLUM CAESARIS ET POMPEII.

Iam toto paene orbe pacato, maius erat imperium Romanum, quam ut ullis exteris viribus extinguere posset. Itaque invidens 1
Fortuna principi gentium populo, ipsum illum in exitum suum armavit: ne Mariana quidem Cinnaeque rabies iam intra Urbem praeluserat, quasi si experiretur. Sullana tempestas latius, intra Italiam tamen, detonuerat. Caesaris furor atque Pompeii 3
Urbem, Italiam, gentes, nationes, totum denique, qua patebat, imperium, quodam quasi diluvio aut inflammatione corripuit: adeo ut non recte tantum civile dicatur, ac ne sociale quidem, 4
sed nec externum: sed potius commune quoddam ex omnibus, et plus quam bellum. Quippe si duces eius inspicias, totus Senatus in partibus: si exercitus, hinc undecim legiones, inde decem et octo, flos omnis et robur Italici sanguinis: si auxilia sociorum, hinc Gallici Germanique delectus, inde Deiotarus, Ariobarzanes, Tarchondimotus, Cotus, omne Thraciae Cappadociaeque, Ciliciae, Macedonae, Graeciae, Aetoliae, totiusque robur Orientis: si moram belli, quatuor anni, sed pro clade 6
rerum breve tempus: si locum et spatium, ubi commissum est, intra Italiam: inde se in Galliam Hispaniamque deflexit: reversumque ab Occasu, totis viribus in Epiro Thessaliaque conserpsit: hinc in Aegyptum subito transiit: inde respexit Asiam, inde Africae incubuit: postremo in Hispaniam regyravit, et ibi aliquando defecit. Sed non et odia partium finita cum bello. 7
Non enim prius quiescere, quam in Urbe ipsa, medio Senatu, eorum, qui victi erant, odia victoris sese caedere satiant. Causa 8
tantae calamitatis eadem, quae omnium, nimia felicitas. Siquidem Quinto Metello, Lucio Afranio Consulibus, quum Romana maiestas toto orbe polleret, recentesque victorias, Ponticos et Armenios triumphos in Pompeianis theatris Roma cantaret: nimia Pompeii potentia apud otiosos, ut solet, cives movet invidiam. Metellus ob imminutum Cretae triumphum, Cato adversus potentes semper obliquus, detrectare Pompeium, actisque eius obstrepere. Hinc dolor transversum egit, et ad praesidia dignitati paranda impulit. Forte tunc Crassus genere, divitiis, 10

dignitate florebat: vellet tamen auctiores opes. Cuius Caesar eloquentia et spiritu, ecce iam et Consulatu allevabatur. Pompeius tamen inter utrumque eminebat. Sic igitur Caesare dignitatem comparare, Crasso augere, Pompeio retinere cupientibus, omnibusque pariter potentiae cupidis, de invadenda Republica facile convenit. Ergo quum mutuis viribus in suum quisque decus niterentur, Galliam Caesar invadit, Crassus Asiam, Pompeius Hispaniam: tres maximi exercitus; et in his orbis imperium societate trium principum occupatur. Decem annos traxit ista dominatio. Exinde, quia mutuo metu tenebantur, Crassi morte, apud Parthos, et [morte] Iuliae, Caesaris filiae, quae nupta Pompeio generi socerique concordiam matrimonii foedere continebat, statim aemulatio erupit. Iam Pompeio suspectae Caesaris opes, et Caesari Pompeiana dignitas gravis. Nec ille ferebat parem, nec hic superiorem. Nefas sic de principatu laborabant, tamquam duos tanti imperii fortuna non caperet. Ergo Lentulo Marcelloque Consulibus, rupta prima coniurationis fide, de successionis Caesaris Senatus, id est; Pompeius, agitabat: nec ille abuebat, si ratio sui proximis comitiis haberetur. Consulatus absenti, quem decem Tribuni plebis, favente Pompeio, nuper decreverant, tum, dissimulante eodem, negabatur: *Veniret et peteret mors maiorum*. Ille contra flagitare decreta: ac, *nisi in fide permanerent, non se remittere exercitum*. Ergo ut in hostem decernitur. His Caesar agitatus, statuit praemia armorum armis defendere. Prima civilis belli arena Italia fuit, cuius arces levibus praesidiis Pompeius insederat; sed omnia subito Caesaris impetu oppressa sunt. Prima Ariminio signa ceciderunt: tum pulsus Etruria Libo, Umbria Thermus, Domitius Corfinio. Et peractum erat [bellum] sine sanguine, si Pompeium Brundisii opprimere potuisset: et cepisset; sed ille per obsessi claustra portus nocturna fuga evasit. Turpe dictum modo princeps patrum, pacis bellicae moderator, per triumphatum a se mare, lacera et paene inermi nave fugiebat. Nec Pompeii ab Italia, quam Senatus ab Urbe, fuga turpior: quam paene vacuum metu Caesar ingressus, Consulem se ipse fecit. Aerarium quoque sanctum, quia tardius aperiebant Tribuni, iussit effringi, censumque et patrimonium populi Romanum ante rapuit, quam imperium. Pulso fugatoque Pompeio, maluit prius ordiari provincias, quam ipsum sequi. Siciliam et Sardiniam, annonae pignora, per Legatos habet. Nihil hostile erat in Gallia: pacem ipse fecerat. Sed ad Hispanienses Pompeii exercitus transeunti per eam duci portas claudere ausa Massilia est. Misera dum cupit pacem, belli metu in bellum incidit: sed quia tuta muris erat, vinci eam sibi iussit absenti. Graecula civitas, non pro mollitie nominis, et vallum rumpere, et incendere machinas ausa, et congregi navibus; sed Brutus, cui mandatum erat bellum, victos terra marique perdomuit. Mox dedentibus sese omnia oblata, praeter, quam potiores omnibus habebant, libertatem. Anceps, variumque sed incertum in Hispania bellum cum Legatis Cnaei Pompeii, Petreio et Afranio: quos Herdae castra habentes, apud Sicorin amnem

obsidere, et ab oppido intercludere adgreditur. Interim abun-
 datio verni fluminis commeatibus prohibebat: sic fame castra
 tentata sunt, obsessorque ipse quasi obsidebatur. Sed ubi pax
 fluminis redit, et populationibus et pugnae campos aperuit: iterum
 ferox instat: et cedentes ad Celtiberiam consecutus, aggere et
 vallo, et per haec siti ad deditionem compulit. Sic citerior
 Hispania recepta est; nec ulterior moram fecit. Quid enim una
 post quique legiones? Itaque ultro cedente Varrone, Gades,
 fretum, Oceanus, omnia felicitatem Caesaris sequebantur. Ali-
 quid tamen adversus absentem ducem ausa Fortuna est circa
 Illyricum et Africam, quasi de industria prospera eius adversis
 radiarentur. Quippe quum fauces Hadriatici maris iussi occu-
 pare Dolabella et Antonius, ille Illyrico, hic Curictico littore
 castra posuissent; iam maria late tenente Pompeio, repente Le-
 gatus eius Octavius [et Libo] ingentibus copiis classicorum
 utrumque circumvenit. Deditionem fames extorsit Antonio.
 Missae quoque a Basilo in auxilium eius rates, quales inopia
 navium fecerant, nova Pompeianorum arte Cilicum, actis sub
 mari funibus, captae quasi per indaginem. Duas tamen aestus
 explicuit. Una, quae Opiterginos ferebat, in vadis haesit, me-
 morandumque posteris exitum dedit. Quippe vix mille iuvenum
 manus, circumfusi undique exercitus per totum diem tela susti-
 nuit, et quum exitum virtus non haberet, tamen ne in deditionem
 veniret, hortante Tribuno Vulteio, mutuis ictibus in se
 concurrebat. In Africa quoque par et virtus et calamitas Cu-
 rionis fuit, qui ad recipiendam provinciam missus, pulso fuga-
 toque Varo iam superbus, subitum Iubae regis adventum equi-
 tatumque Manrorum sustinere non potuit. Patebat victo fuga;
 sed pudor suavit, ut amissum sua temeritate exercitum morte
 sequeretur. Sed iam debitum par Fortuna flagitante, sedem
 bello Pompeius Epiron elegerat. Nec Caesar morabatur: quippe
 ordinatis a tergo omnibus, quamvis hiems media prohiberet
 tempestate, ad bellum navigavit: positisque ad Oricum castris,
 quum pars exercitus, ob inopiam navium cum Antonio relicta,
 Brundisii moram faceret, adeo impatiens erat, ut ad arces-
 sendos eos, ardente ventis mari, nocte concubia, speculatorio na-
 vigio, solus ire tentaverit. Exstat ad trepidum tanto discrimine
 gubernatorem vox ipsius: [*Quid times?*] *Caesarem vehis!* Con-
 tractis in unum undique copiis, positisque cominus castris, di-
 versa erant ducum consilia. Caesar pro natura ferox, et confi-
 ciendae rei cupidus, ostentare aciem, provocare, lacessere;
 nunc obsidione castrorum, quae sedeoim millium vallo obduxe-
 rat; (sed quid his obsessus obsidio, qui patente mari omnibus
 copiis abundarent?) nunc expugnatione Dyrrbachii irrita, (quippe
 quam vel situs inexpugnabilem faceret;) ad hoc assiduus in eru-
 ptione hostium proeliis; (quo tempore egregia virtus Scævae
 Centurionis emienit, cuius in sento centum atque viginti tela
 sederunt;) iam vero direptione urbium sociarum, quum Oricum
 et Gomphos, et alia castella Thessaliae vastaret. Pompeius ad-
 versus haec nectere moras; tergiversari, sic simul ut hostem
 interclusum undique inopia commeatum tereret, utque arden-

43tissimi ducis consenesceret impetns. Nec diutius profuit duci
 salutare consilium: milites otium, socii moram, principes am-
 bitum ducis increbabant. Sic praecipitantibus fatiis, proelio
 sumpta Thessalia est: et Philippicis campis Urbis, imperii,
 44generis humani fata commissa sunt. Numquam ullo loco tantum
 virium populus Romanus, tantum dignitatis Fortuna vidit. Tre-
 centa amplius millia bellatorum hinc vel illinc, praeter auxilia
 45regum et Senatus. Numquam imminetis ruinae manifestiora
 prodigia: fuga victinarum, examina in signis, interdia tenebrae.
 Dux ipse, in nocturna imagine theatri sui audiens plausum in
 modum planctus circumsonare, nane cum pullo (nefas!) apud
 46principia conspectus est. Numquam acrior neque alacrior exer-
 citus Caesaris fuit: inde classica prius, inde tela. Adnotatum
 quoque committentis aciem Crastini pilum: qui mox adacto in
 os gladio, sic inter cadavera repertus, libidinem ac rabiem, qua
 47pugnaverat, ipsa novitate vulneris praeferebat. Sed nec minus
 admirabilior illius exitus belli. Quippe quum Pompeius adeo
 equitum copia abundaret, ut facile circumventurus sibi Caesa-
 48rem videretur, circumventus ipse est. Nam quum din aequo
 Marte contenderent, iussuque Pompeii et fusus a cornu erupis-
 set equitatus, repente hinc signo dato, Germanorum cohortes
 tantum in effusos equites fecere impetum, ut hic esse pedites, illi
 49venire in equis viderentur. Hanc stragem [sugiente equitatus]
 levis armaturae ruina comitata est. Tunc terrore latins dato,
 turbantibus invicem copiis, reliqua strages quasi una manu facta
 est: nec ulla res magis exitio fuit, quam ipsa exercitus magni-
 50tudo. Multis in eo proelio Caesar fuit, mediusque inter impe-
 ratorem et militem. Voces quoque obequantis exceptae, alte-
 ra cruenta, sed docta, et ad victoriam efficax, [*Miles faciem
 feri*: altera ad iactationem composita, *Parce civibus*: quum ipse
 51sequeretur. Felicem nuncumque in malis Pompeium, si eadem
 ipsum, [quae exercitum eius, Fortuna traxisset? Superstes di-
 gnitatis suae vixit, ut cum maiore dedecore per Thessalica
 Tempe equo fugeret, et una navicula Lesbos applicaretur: ut
 pulsus Syedris in deserto. Ciliciae scopulo, fugam in Parthos,
 52Africam, vel Aegypton agitaret: ut denique in Pelusio littore,
 imperio vilissimi regis, consiliis spadonum, et, ne quid malis
 desit, Septimii desertoris sui gladio trucidatus, sub oculis ux-
 53oris suae liberorumque moreretur. Quis non peractum esse cum
 Pompeio crederet bellum? Atquin acrius multo atque vehe-
 54mentius Thessalici incendii cineres recaluerunt. Et in Aegypto
 55quidem adversus Caesarem sine partibus bellum. Quippe quum
 Ptolomaeus, rex Alexandriae, summum civilis belli scelus pere-
 gisset, foedusque amicitiae cum Caesare, medio Pompeii capite
 sanxisset; ultionem clarissimi viri Manibus quaerente fortuna,
 56causa non defuit. Cleopatra, regis soror, affusa Caesaris geni-
 bus, partem regni reposcebat. Aderat puellae forma, et quae
 duplicaretur ex illo, quod talis passa videbatur iniuriam, et
 57odium ipsius regis, qui Pompeii caedem partium fato, non
 Caesari, dederat: haud dubie idem in ipsum ausurus, si occasio
 58tulisset. Quum ubi Caesar restitui iussit in regnum, statim ab

eisdem percussoribus Pompeii obsessus in regia, quamvis exigua manu, ingentis exercitus molem mira virtute sustinuit. Ac prius-
mum proximorum aedificiorum atque navalium incendio, infestorum hostium tela submovit; mox in paeninsulam Pharon subitus evasit: inde depulsus in maria, mira felicitate ad proximam classem enatavit, relicto quidem in fluctibus paludamento, seu fato, seu consilio, ut illud ingruentibus hostium telis saxisque peteretur. Tandem receptus a classecis suis, undique simul hostes adortus, debellata perfida gente, iusta generi Manibus dedit: quippe et Theodotus magister, auctorque totius belli, et ne virilia quidem portenta, Pothinus atque Ganymedes diversa per mare et terras fuga et morte consumpti. Regis ipsius corpus obrutum limo repertum est in aureae loricae honore. In Asia quoque novus rerum motus a Ponto, [plane] quasi de industria captante Fortuna hunc Mithridatico regno exitum, ut a Pompeio pater, a Caesare filius vinceretur. Rex Pharnaces magis discordiae nostrae fiducia, quam suae virtutis, infesto in Cappadociam agmine ruebat: sed hunc Caesar adgressus, uno et, ut sic dixerim, non toto proelio obtrevit; more fulminis, quod uno eodemque momento venit, percussit, abcessit. Nec vana de se praedicatio est Caesaris, *ante victum hostem esse, quam visum*. Sic cum exteris. At in Africa cum civibus multo atrocius, [quam in Pharsalia.] Huc reliquias partium naufragarum quidam furoris aestus expulerat: nec reliquias diceres, sed integrum bellum. Sparsae magis, quam oppressae vires erant. Auxerat sacramentum ipsa clades Imperatoris: nec degenerabat ducum successio: quippe satis ample sonabant in Pompeiani nominis locum Cato et Scipio. Accessit copiis, Mauretaniae rex Iuba, videlicet ut latius vinceret Caesar. Nihil ergo inter Pharsaliam et Thapson, nisi quod amplior, eoque acrior Caesarianorum impetus fuit, indignantium post Pompeium crevisse bellum. Denique, quod alias numquam ante imperium ducis, sua sponte signa cecinerunt. Strages a Iuba coepit, cuius elephantum bellorum rudes, et nuper a silva, consternati subito clangore lituorum in suos sese circumegere. Statim et exercitus in fugam; nec duces fortius, quam ut effugerent. Non inconspicua tamen mors omnium. Iam Scipio nave fugiebat: sed, adsecutus eum hostibus, gladium per viscera exegit: et, *ubi esset*, quodam requirente, respondit hoc ipsum: *Bene se habet Imperator*. Iuba quum sese recepisset in regiam, magnifice epulatus, postero die cum Petreio, fugae comite, superque mensas et pocula interficiendum se ei praeiit. Ille et regi suffecit, et sibi: quum interim semesi in medio cibi, et parentalia fercula regio simul Romanoque sanguine madebant. Cato non interfuit bello: postea apud Bagradam castris, Uticam, velut altera Africae claustra, servabat. Sed accepta partium clade, nihil cunctatus, ut sapiente dignum erat, mortem sibi etiam laetus accivit. Nam postquam filium comitesque ab amplexu dimisit, in noctem lecto ad lucernam Platonis libro, qui immortalitatem animae docet, paulum quieti dedit: tunc circa primam vigiliam stricto gladio revelatum [manu] pectus semel iterumque percussit. Ausi post

hoo virum medici violare fomentis. Ille passus, dum abscederent, resedit plagas: secutaque vi sanguinis, moribundas manus in
73 ipso vulnere reliquit. Quasi non esset usquam dimicatum, sic
arma rursus et partes; quantoque Africa supra Thessaliam fuit,
74 tanto Africam superabat Hispania. Plurimum quantum favoris
partibus dabat fraternitas ducum, et pro uno duo stare Pom-
peios. Itaque nusquam atrocius nec tam ancepiti Marte concur-
75 sum est. Primum in ipso ostio Oceani Varus Didiusque Legati
confluxere: sed acrius fuit cum ipso mari, quam inter se navi-
bus bellum: siquidem [velut furorem civicum castigaret] Ocea-
76 nus utramque classem naufragio cecidit. Quinam ille horror,
quum eodem tempore fluetus, procellae, viri, naves, arma-
menta confligerent! Adde situs ipsius formidinem, vergentia
in unum, hinc Hispaniae, inde Mauretaniae littora, mare et
intestinum et externum, imminentesque Herculis speculas:
quum omnia undique simul proelio et tempestate saevirent.
77 Mox circa obsidiones urbium utrumque discursum est: quae mi-
serae inter hos atque illos duces societatis Romanae poenas da-
78 bant. Omnium postrema certaminum Munda. Hic non pro
cetera felicitate, sed anceps diu et triste proelium: ut plane
79 videretur nescio quid deliberare Fortuna. Sane et ipse ante
aciem moestior non ex more Caesar, sive respectu fragilitatis
humanae, sive nimiam prosperorum suspectam habens continua-
tionem: vel eadem timens, postquam idem esse coeperat, quod
80 Pompeius. Sed in ipso proelio, quod nemo umquam memine-
rat, quum diu pari Marte acies nihil aliud quam occiderent,
in medio ardore pugnantium subito ingens inter utrosque silen-
81 tium, quasi convenisset. [Hic omnium sensus erat.] Novissime
illud inusitatum Caesaris oculis nefas: post quatuordecim annos
probata veteranorum manus gradum retro dedit: quos etsi non-
dum fugerant, apparebat tamen pudore magis, quam virtute
82 resistere. Itaque ille, ablegato equo, similis furcenti, primam
in aciem procurrit. Ibi prensare fugientes, confirmare per to-
83 tum denique agmen oculis, manibus, clamore volitare. Dicitur
in illa perturbatione et de extremis agitasse secum, et ita ma-
nifesto vultu fuisse, quasi occupare mortem manu vellet; nisi
cohortes hostium quinque per transversam aciem aetae, quas
Labienus periclitantibus castris subsidio miserat, speciem fugae
84 praebuissent. Hoc aut et ipse credidit, aut dux callidus arri-
puit in occasionem: et quasi in fugientes invectus, simul et
suorum erexit animos, et hostes pereulit. Nam hi, dum se pu-
tant vincere, fortius sequi; Pompeiani, dum fugere credunt suos,
85 fugere coeperunt. Quanta fuerit hostium caedes, ira rabiesque
victoribus, hinc aestimari potest, quod a proelio profugi quum
se Mundam recepissent, et Caesar obsideri statim victos impe-
rasset, congestis cadaveribus agger effectus est, quae pilis ia-
eulisque confixa inter se tenebantur. Foedum etiam in harba-
86 ris! Sed videlicet victoriam desperantibus Pompeii liberis,
Cnacum proelio profugum, crure saucium, deserta et avia pe-
tentem, Caesonius apud Lauronem oppidum consecutus, pu-
87 gnantem [adco nondum desperabat] interfecit. Sextum Fortuna

in Celtiberiam interia abscondit: aliisque post Caesarem bellis
 reservavit. Caesar in patriam victor invehitur, primum de 88
 Gallia triumphum trahens. Hic erat Rhenus, et Rhodanus, et
 ex auro captivus Oceanus. Altera laurus Aegyptia: tunc in fer-
 culis Nilus, Arsinoë, et ad simulacrum ignium ardens Pharos.
 Tertius de Pharnace currus et Ponto. Quartus Iubam et Mau- 89
 ros, et his subactam ostendebat Hispaniam. Pharsalia, et Tha-
 psos, et Munda nusquam. Et quanto maiora erant, de quibus
 non triumphabat! Hic aliquando fuis arvis fuit. Reliqua 90
 pax incruenta: pensatumque clementia bellum. Nemo caesus
 imperio praeter Afranium (satis ignoverat semel,) et Faustum
 Sullam (didicerat generos timere,) filiamque Pompeii cum par-
 vulis liberis et Sulla. Hic posteris cavebatur. Itaque non ingra- 91
 tis civibus, omnes unum in principem congesti honores: circa
 templa imagines; in theatro distincta radiis corona; suggestus
 in curia; fastigium in domo; mensis in coelo: ad hoc Pater ipse
 patriae, perpetuusque Dictator: novissimae, dubium an ipso vo-
 lente, oblata pro Rostri ab Antonio Consule regni insignia.
 Quae omnia, velut infulae, in destinatam morti victimam con- 92
 gerebantur. Quippe clementiam principis vicit invidia: gravisque
 erat liberis ipsa beneficiorum potentia. Nec diutius dilatio do- 93
 nata est: sed Brutus et Cassius, alique patres consensere in
 eadem principis. Quanta vis fati! Manaverat late coniuratio: 94
 libellus etiam Caesari datus eodem die: nec perlitare centum
 victimis potuerat. Venit in curiam tamen, expeditionem Par-
 thicam meditans. Ibi in curuli sedentem eum Senatus invasit: 95
 tribusque et viginti vulneribus ad terram datus est. Sic ille, qui
 terrarum orbem civili sanguine impleverat, tandem ipse sanguine
 suo curiam implevit.

CAPUT III.

CAESAR AUGUSTUS.

Populus Romanus, Caesare et Pompeio trucidatis, redisse in 1
 statum pristinae libertatis videbatur: et redierat, nisi aut Pom-
 peius liberis, aut Caesar heredem reliquisset: vel, quod utro- 2
 que perniciosius fuit, si non collega quondam, mox aemulus
 Caesarianae potentiae, fax et turbo sequentis saeculi, superfuisset
 Antonius. Quippe dum Sextus paterna repetit, trepidatum 3
 toto mari; dum Octavius mortem patris ulciscitur, iterum fuit
 movenda Thessalia: dum Antonius variis ingenio, aut succes- 4
 sorem Caesaris indignatur Octavium, aut amore Cleopatrae de-
 sciscit in regem, iam aliter salvus esse non potuit, nisi confu-
 gisset ad servitutem. Gratulandum tamen in tanta perturbatione 5
 est, quod potissimum ad Octavium Caesarem Augustum summa
 rerum rediit, qui sapientia sua atque solertia perculsum uidi- 6
 que et perturbatum ordinavit imperii corpus. Quod ita haud 7
 dubie numquam coire et consentire potuisset, nisi unius prae-
 aidis nutu, quasi anima et mente regeretur. Marco Antonio, 8
 Publio Dolabella Consulibus, imperium Romanum iam ad Ca-

sares transferente Fortuna, varius et multiplex civitatis motus fuit: quodque in annua coeli conversione fieri solet, ut mota sidera tonent, ac suos flexus tempestate significant: sic tum Romanae dominationis, id est, humani generis, conversione penitus intremuit, omnique genere discriminum, civilibus, exteris, terrestribus ac navalibus bellis, omne imperii corpus agitatum est.

CAPUT IV.

BELLUM MUTINENSE.

- 1 Prima civilium motuum causa testamentum Caesaris fuit, cuius secundus heres Antonius, praelatum sibi Octavium furens, inexpressibile contra adoptionem acerrimi iuvenis susceperat bel-
- 2 lum. Quippe quum intra decem et octo annos tenerum et obnoxium, et opportunum iniuriae iuvenem videret, ipse plenae ex commilitio Caesaris dignitatis lacerare furtis hereditatem, ipsum insectari probris, cunctis artibus cooptationem
- 3 Iuliae gentis inhibere [non desineret]; denique ad deprimentum iuvenem palam arma moliri. Et iam parato exercitu in Cisalpina Gallia resistentem motibus suis Decimum Brutum ob-
- 4 sidebat. Octavius Caesar, et aetate et iniuria favorabilis et nominis maiestate, quod sibi induerat, revocatis ad arma veteranis, privatus (quis crederet?) Consulem adgreditur. Obsidio Mutinae liberat Brutum: Antonium exiit castris. Tum quidem etiam manu pulcher apparuit: nam cruentus et saucius aquilam, a moriente signifero traditam, suis humeris in castra referebat.

CAPUT V.

BELLUM PERUSINUM.

- 1 Alterum bellum concitavit agrorum divisio, quos Caesar veteranis patris [in castris] pretium militiae persolvebat. Semper alias Antonii pessimum ingenium Fulvia [gladio cincta virilis militiae] uxor agitabat. Ergo depulsos agris colonos incitando
- 2 iterum in arma vocaverat. Hic vero iam non privatis, sed totius Senatus suffragiis iudicatum hostem Caesar adgressus, intra Perusiae muros redegit, compulsiisque ad extrema deditionis, turpi et nihil non experta fame.

CAPUT VI.

TRIUMVIRATUS.

- 1 Quum solus etiam gravis paci, gravis Reipublicae esset Antonius, quasi ignis incendio Lepidus accessit, cui contra duos exercitus necesse fuit venire in cruentissimi foederis societatem.
- 2 Diversa omnium vota, ut ingenia. Lepidum divitiarum cupido, quarum spes ex turbatione Reipublicae; Antonium ultiones de his, qui se hostem iudicassent; Caesarem inultus pater et Ma-

nibus eius graves Cassius et Brutus agitabant. In hoc velut 5
foedus pax inter tres duces componitur. Apud Confluentes in-
ter Rheni insulam et Bononiam iungunt manus; exercitus con-
salutant. Nullo bono more Triumviratus invaditur; oppressaque
armis Republica, redit Sullana proscriptio, cuius atrocitas nihil
in se minus habet, quam numerum centum quadraginta Sena-
torum. Exitus foedi, truces, miserabiles, toto terrarum orbe 4
fugientium. Quis pro dignitate rei non ingemiscat, quum An-
tonius Lucium Caesarem avunculum suum, Lepidus Lucium Paul-
lum suum fratrem proscripserint? Romae capita caesorum pro- 5
ponere in Rostris iam usitatum erat; verum sic quoque civitas
lacrimas tenere non potuit, quum recisum Ciceronis caput in
illis suis Rostris videret, nec aliter ad videndum eum, quam
solebat ad audiendum, concurreretur. Haec scelera in Antonii 6
Lepidique tabulis. Caesar percussoribus patris contentus fuit.
Haec quoque, nisi multa fuisset, etiam iusta caedes haberetur.

CAPUT VII.

BELLUM CASSII ET BRUTI.

Brutus et Cassius sic C. Caesarem, quasi Tarquinium regem, 1
depulisse regno videbantur; sed libertatem, quam maxime resti-
tutam voluerunt, illo ipso parricidio perdidierunt. Igitur caede 2
perfecta, quum veteranos Caesaris, nec immerito, timerent, sta-
tim e curia in Capitolium confugerunt. Nec illis ad ultionem
deerat animus: sed dncem nondum habebant. Igitur quum 3
appareret, quae strages Reipublicae immineret, displicuit ultio,
Ciceronis consiliis abolitione decreta. Ne tamen publici doloris 4
oculos ferirent, in provincias ab illo ipso, quem occiderant,
Caesare datas, Syriam et Macedoniam, concesserunt. Sic vin-
dicta Caesaris dilata potius, quam oppressa est. Igitur ordinata 5
magis ut poterat, quam ut debebat, in Triumviros Republica,
relicta ad Urbis praesidium Lepido, Caesar cum Antonio in
Cassium Brutumque succingitur. Illi comparatis ingentibus co- 6
piis, eandem illam, quae fatalis Cnaeo Pompeio fuit, arenam
insederant. Sed nec tum [imminentia] cladis destinatae signa
latuerunt. Nam et adusetae cadaverum pabulo volucres castra, 7
quasi iam sua, circumvolabant: et in aciem prodeuntibus obvis
Aethiops nimis aperte fersale signum fuit. Ipsique Bruto per 8
noctem, quum illato lumine ex more aliqua secum agitare, atra
quaedam imago se obtulit: et, quae esset, interrogata; Tuus,
inquit, *malus Genus*. Hoc dixit, et sub oculis mirantis eva-
nuit. Pari in meliora praesagio in Caesaris castris omnia aves 9
victimaeque promiserant; sed nihil illo praesentius, quod Cae-
saris medicus somnio admonitus est, ut *Caesar castris excederet,*
quibus capi imminebat: ut factum est. Acie namque commissa, 10
quum pari ardore aliquamdiu dimicatum foret, (quamvis duces
non praesentes essent, quum hunc corporis aegritudo, illum
metus et ignavia subduxissent), staret tamen pro partibus invicta
Fortuna et ultoris, et qui vindicabantur. Primum adeo anceps

fuit, et par utrimque discrimen, ut exitus proeli docuit. Ca-
 11pta sunt hinc Caesaris castra, inde Cassii. Sed quanto effica-
 cior est Fortuna, quam virtus! Et quam verum est, quod
 moriens efflavit, *non in re, sed in verbo tantum esse virtutem!*
 12Victoriam illi proelio error dedit. Cassius inclinato cornu suo-
 rum, quum, captis Caesaris castris, rapido impetu recipientes
 13se equites vidcret, fugere arbitratus, evadit in tumultum: inde
 pulvere et strepitu, et iam nocte vicina, eximentibus gestae rei
 sensum, quum speculator quoque in id missus, tardius renun-
 ciaret; transactum de partibus ratus, uni de proximis auferen-
 14dum praebeuit caput. Brutus quum in Cassio etiam suum animum
 perdidisset, ne quid ex constituti fide resignaret, (ita enim ne
 superessent bello, convenerat) ipse quoque nui comitum suorum
 15confodiendum praebeuit latus. Qui sapientissimos viros non mi-
 retur ad ultimum non suis manibus usos? Nisi si hoc quoque
 ex persuasionem fuit, ne violarent manus, sed in abolitione san-
 ctissimarum piissimarumque animarum iudicio suo, scelere ali-
 ceno uterentur.

CAPUT VIII.

BELLUM CUM SEXTO POMPEIO.

1 Sublatis percussoribus Caesaris, supererat Pompeii domus.
 Alter iuvenum in Hispania occiderat, alter fuga evaserat: con-
 tractisque infelicis belli reliquiis, quum insuper ergastula ar-
 2masset, Siciliam Sardiniamque habebat. Iam et classe medium
 mare insederat. O quam diversus a patre! Ille Cilicas extin-
 3xerat: hicce pirat... — — belli navalis agitare. Tanta mole
 belli penitus in Siculo freto iuvenis oppressus est: magnique
 famam ducis ad inferos secum tulisset, si tentasset ulterius ni-
 4hil: nisi quod magnae indolis signum est, sperare semper. Per-
 ditis enim rebus profugit Asiamque velis petit, venturus ibi in
 manus hostium et catenas, et, quod miserrimum [est] fortibus
 5viris, ad hostium arbitrium sub percussore moriturus. Non alia
 post Xerxen miserabilior fuga: quippe modo trecentarum quin-
 quaginta navium dominus, cum sex septemve fugiebat; extincto
 praetoriae navis lumine, annulis in mare abiectis, pavens atque
 respectans, et tamen non timens, ne periret.

CAPUT IX.

BELLUM PARTHICUM DUCE VENTIDIO.

1 Quamvis in Cassio et Bruto partes sustulisset; in Pompeio
 totum partium nomen abolevisset: nondum tamen ad pacis sta-
 bilitatem profecerat Caesar, quum scopulus et nodus et mora
 2publicae securitatis superesset Antonius. Nec ille defuit vitiis,
 quin periret; immo omnia expertus ambitu et luxuria, primum
 hostes, deinde cives, tandem etiam terrore sui saeculum libe-
 3ravit. Parthi clade Crassiana altius animos erexerant, civilesque
 [populi Romani] discordias laeti acceperant. Itaque ut prima

adfulsit occasio, non dubitaverunt et erumpere, ultro quidem 4
 invitante Labieno, qui missus a Cassio Brutoque (qui faror sce-
 lerum!) sollicitaverat hostes in auxilium. Et illi, Pacoro duce,
 regio iuvene, dispulerant Antoniana praesidia. Saxa Legatus, 5
 ne veniret in potestatem, a gladio suo impetravit. Denique
 ablata Syria, emanabat latius malum, hostibus sub auxilii spe-
 cie sibi vincentibus, nisi Ventidius, et hic Legatus Antonii, in-
 credibili felicitate et Labieni copias, ipsumque Pacorum, et
 omnem Parthicum equitatum, toto inter Orontem et Euphraten
 sinu, late cecidisset. Viginti amplius millium fuit: nec sine 6
 consilio ducis, qui simulato metu adeo passus est hostem ca-
 stris succedere, donec, absumto iactus spatio, adimeret usum
 sagittarum. Rex fortissime dimicans cecidit. Mox circumlato 7
 eius per urbes, quae desciverant, capite, Syria sine bello re-
 cepta. Sic Crassianam cladem Pacori caede pensavimus.

CAPUT X.

BELLUM PARTHICUM CUM ANTONIO.

Expertis invicem Parthis atque Romanis, quum Crassus atque 1
 Pacorus utrimque virium mutuarum documenta fecissent, pari
 rursus reverentia integrata amicitia; et quidem ab ipso foedus
 Antonio cum rege percussum. Sed (immensa vanitas hominis) 2
 dum titulorum cupidine Araxen et Euphraten sub imaginibus
 suis legi concupiscit; neque caussa, neque consilio, ac ne ima-
 ginaria quidem belli indictione, quasi hoc quoque ex arte du-
 cis esset, obrepere; relictis repente Syria in Parthos impetum
 facit. Gens praeter armorum fiduciam callida, simulat trepi- 3
 dationem et in campos fugam. Hic statim quasi victor seque-
 batur: quum subito nec magna hostium manus, ex improvise,
 et iam in fessos via, sub vespere, velut nimbus erupit. Missis
 undique sagittis duas legiones operuerunt. Nihil acciderat in 4
 comparisonem cladis, quae in posterum diem imminebat, nisi
 intervenisset Deum miseratio. Unus ex clade Crassiana Parthico
 habitu castris adequitat, et salute Latine data, quum fidem ipso
 fecisset, quid immineret, edocuit: iam adfuturum cum omnibus 5
 copiis regem: irent retro peterentque montes: sic quoque hostem
 fortasse non defore. Atque ita secuta est minor vis hostium,
 quam imminebat. Adfuit tamen; deletaeque reliquae copiae fo- 6
 rent, nisi urgentibus telis in modum grandinis, quadam sorte,
 quasi docti, procubuissent in genna milites, et, elatis super ca-
 pita scutis, caesorum speciem praebuissent. Tum Parthus arcus 7
 inhibuit. Dein rursus quum se Romani extulissent, adeo res
 miraculo fuit, ut unus ex barbaris miserit vocem; *Ite et bene*
valet, Romani: merito vos victores fama gentium loquitur,
qui Parthorum tela fugistis. Non minor ex via [aqua] postea, 8
 quam ex hostibus, [excepta] clades: infesta primum siti regio:
 tum quibusdam salinacidis fluviis infestior: novissime quae iam
 ab invalidis et avide hauriebantur noxae etiam dulces fuere.
 Mox et ardores per Armeniam, et nives per Cappadociam et 9

1 rontriusque coeli subita mutatio pro pestilentia fult. Sic vix ter-
tia parte de sedecim legionibus reliqua, quum argenteum eius
passim dolabris concideretur: et subinde inter moras mortem a
gladiatore suo flagitasset egregius Imperator: tandem perfugit
in Syriam. Ibi incredibili quadam mentis recordia ferocior
aliquanto factus est: quasi vicisset, quia evaserat.

CAPUT XI.

BELLUM CUM ANTONIO ET CLEOPATRA.

- 1 Furor Antonii, quatenus per ambitum non interierat, luxu
et libidine extinctus est. Quippe post Parthos, quum exosus
arma in otio ageret, captus amore Cleopatrae, quasi bene ge-
- 2 stis rebus, in regio se sinu reficiebat. Haec mulier Aegyptia
ab ebrio Imperatore pretium libidinum Romanum imperium
petit. Et promisit Antonius: quasi facillior esset Partho Roma-
- 3 nus. Igitur dominationem parare, nec tacite; sed patriae, no-
minis, togae, fascium oblitus, totus in monstrum illud ut mente,
ita animo cultuque desciverat. Aureum in manu baculum; ad
latus acinaces; purpurea vestis iugentibus obstricta gemmis;
- 4 diadema deerat [aderat], ut regina rex et ipse frueretur. Ad pri-
mam novorum motuum famam Caesar a Brundisio traiecerat,
ut venienti bello occurreret: positisque castris in Epiro, Leu-
- 5 cadem insulam montemque Leucaten et Ambracii sinus cornua,
infesta classe succinxerat. Nobis quadringentae amplius naves,
ducentae non minus hostium; sed numerum magnitudo pensa-
- 6 bat. Quippe a senis in novenos remorum ordinibus, ad hoc
turribus, atque tabulatis allevatae, castellorum vel urbium spe-
cie, non sine gemitu maris, et labore ventorum ferebantur:
- 7 quae quidem ipsa moles exitio fuit. Caesaris naves a triremibus
in senos, nec amplius ordines creverant. Itaque habiles in
omnia, quae usus posceret, ad impetus et recursus flexusque ca-
piendos, illas graves et ad omnia praepeditas, singulas plures
adortae, missilibus simul rostris, ad hoc ignibus iactis [ad ar-
- 8 bitrium] dissipavere. Nec ulla re magis hostilium copiarum
apparuit magnitudo, quam post victoriam. Quippe immensa
classis, naufragio belli facto, toto mari ferebatur; Arabumque
et Sabaeorum, et mille aliarum gentium Asiae spolia, purpu-
ram aurumque in ripam assidue mota ventis maria revomebant.
- 9 Prima dux fugae regina, cum aurea puppe, veloque purpureo
in altum se dedit. Mox secutus Antonius: sed iustare vestigiis
Caesar. Itaque nec praeparata in Oceanum fuga, nec munita
praesidiis utraque Aegypti cornua, Paraetonium atque Pelusium,
profuere prope manu teuebantur. Prior ferrum occupavit An-
tonius. Regina ad pedes Caesaris provoluta tentavit oculos du-
cis. Frustra; nam pulchritudo infra pudicitiam principis fuit.
- 10 Nec illa de vita, quae offerebatur, sed de parte regni laborabat.
Quod ubi desperavit a principe, servarique se triumpho vidit,
inecautiorem nacta custodiam, in Mausoleum se (sepulchra regum
11 sic vocant) recipit. Ibi maximos, ut solebat, induta cultus, in
differto odoribus solio, iuxta suum se collocavit Antonium; ad-
motisque ad venas serpentibus, sic morte, quasi somno, soluta est.

CAPUT XII.

DELLA ADVERSUS GENTES EXTERAS.

Hic fuis armorum civilium; reliqua adversus exterar gentes, 1
 quae, districto circa mala sua imperio, diversis orbis oris emi-
 cabant. Nova quippe pax: necdum adsuetae freuis servitutis tu- 2
 midae gentium inflataeque cervices ab imposito nuper iugo re-
 siliebant. Ad Septemtrionem conversa ferme plaga ferocius 3
 agebat: Norici, Illyrii, Pannoui, Dalmatae, Moesi, Thraces
 et Daci, Sarmatae atque Germaui. Noricis auimos Alpes dabant, 4
 quasi in nives bellum non posset adscendere: sed omnes illius
 cardiis populos, Breunos, Cennos atque Vindelicos, per pri-
 vignum suum Claudium Drusum perpacavit. Quae fuerit Alpi- 5
 narum gentium feritas, facile vel mulieres ostendere, quae, de-
 ficientibus telis, iufantes ipsos affictos humo in ora militum
 adversa miserunt. Illyrii quoque sub Alpibus agunt, imasque 6
 valles carum, ut quaedam quasi claustra, custodiunt, abruptis
 torrentibus implicati. In hos expeditionem ipse sumsit, fierique
 pontes imperavit. Hic et aquis et hoste turbantibus, cunctanti 7
 ad adscensum militi scutum de manu rapuit: et in via primus,
 tunc agmine secuto, quum subrutus multitudine pons succidis-
 set, saucius manibus ac cruribus, speciosior sanguine, et ipso
 periculo augustior, terga hostium percedit. Pannonii duobus 8
 satis acribus fluviis, Dravo Savoque, vallabantur. Populati
 proximos, iutra ripas se recipiebant. In hos domandos Tiberi-
 um misit: caesi sunt iu utrisque fluminibus. Arma victorum 9
 non ex more belli cremata, sed capta sunt, et iu profluentes data,
 ut ceteris, qui resistebant, victoria nunciaretur. Dalmatae ple- 10
 rumque sub silvis agunt: inde in latrocinia promptissimi. Hos
 iam quidem Marcius incensa urbe Delmiuio quasi detruncaverat:
 postea Asinius Pollio gregibus, agris, armis multaverat [hic
 secundus orator]; sed Augustus perdomandos Vibio mandat: 11
 qui efferum genus fodere terras coëgit, aurumque venis repur-
 gare: quod alioquin gens omnium cupidissima eo studio, ea di-
 ligentia acquirit, ut illud in usus suos servare videatur. Moesia 12
 quam feri, quam truces fuerint, quam ipsorum etiam barbari
 barbarorum, horrible dictu est. Unus ducum, ante aciem po- 13
 stulato silentio, *Qui vos, inquit, estis?* Responsum invicem:
Romani, gentium domini. Et ille, *Ita, inquit, fiet, si nos*
viceritis. Accepit omen Marcus Crassus. Illi statim ante aciem 14
 immolato equo concepere votum, ut *caesorum extis ducum et*
littarent et vincerentur. Deos audisse crediderim. Nec tubas
 sustinere potuerunt. Non minimum terroris incussit barbaris 15
 Cn. Ovidius Centurio, satis barbarae, efficacis tamen apud pares
 homines stoliditatis, qui foculum gerens super cassidem, susci-
 tatam motu corporis flammam, velut ardeuti capite, fundebat.
 Antea saepe Thraces, tum maxime Cōto rege desciverant. Ille 16
 barbaros et signis militaribus, et disciplina, armis etiam Ro-
 manis adsueverat: sed a Pisone perdomiti, in ipsa captivitate
 rabiem ostendere: quippe quum catenas moribus tentarent,
 feritatem suam ipsi puniebant. Daci montibus inhacrent. Inde 17

Cotisonis regis imperio, quotiens concretus gelu Danubius iun-
 xerat ripas, decurrere solebant et vicina populari. Visum est
 18Caesari Augusto gentem aditu difficillimam submovere. Misso
 igitur Lentulo, ultra ulteriorem repulit ripam: citra praesidia
 constituit. Sic tunc Dacia non victa, sed submota atque dilata
 19gest. Sarmatae patentibus campis inequitant: et hos per eundem
 Lentulum prohibere Danubio satis fuit. Nihil praeter nives
 pruinasque et silvas habent: tanta barbaria, ut pacem nec in-
 20telligant. Germaniam quoque utinam vincere tanti non putas-
 21set! Magis turpiter amissa est, quam gloriose acquisita. Sed
 quatenus sciebat, patrem suum Caesarem, his transvectum ponte
 Rheno, quaesisse bellum, in illius honorem concupiit facere
 provinciam: et factum erat, si barbari tam vitia nostra, quam
 22imperia ferre potuissent. Missus in eam provinciam Drusus,
 primos domuit Usipetes; inde Tencteros percucurrit et Cattsos.
 Nam Marcomanorum spoliis insignibus quendam editum tumulum
 23in tropaei modum excoluit. Inde validissimas nationes, Cheru-
 scos Suevosque et Sygambros, pariter adgressus est, qui viginti
 Centurionibus in crucem actis [incrematis], hoc velut sacramento
 sumserant bellum, adeo certa victoriae spe, ut praedam in
 antecessum pactione dividerint. Cherusci equos, Suevi aurum
 et argentum, Sygambri captivos elegerant: sed omnia retrorsum.
 24Victor namque Drusus equos, pecora, torques eorum, ipsosque
 25praedam divisit et vendidit. Praeterea in tutelam provinciae
 praesidia atque custodias ubique disposuit, per Mosam flumen,
 per Albim, per Visurgim; per Rheni quidem ripam quinqua-
 ginta amplius castella direxit. Bonnam et Gesoniam [Novesium]
 26[cum] pontibus iunxit classibusque firmavit. Invisum atque inac-
 cessum in id tempus Hercynium saltum patefecit. Ea denique
 in Germania pax erat, ut mutati homines, alia terra, coelum
 27ipsam mitius molliusque solito videretur. Denique non per
 adulationem, sed ex meritis, defuncto ibi fortissimo iuvene,
 ipse, quod numquam alias, Senatus cognomen ex provincia de-
 28dit. Sed difficilior est provincias obtinere, quam facere. Viri-
 29bus parantur, iure retinentur. Igitur breve id gaudium. Quippe
 Germani victi magis, quam domiti erant: moresque nostros ma-
 30gis, quam arma, sub imperatore Druso suscipiebant: postquam
 vero ille defunctus est, Vari Quintilii libidinem ac superbiam
 haud secus, quam saevitiam odisse coeperunt. Ausus ille agere
 conventum: et ineaute ius exercuerat, quasi violentiam barba-
 31rorum lictoris virgis et praeconis voce posset inhibere. At illi,
 qui iam pridem rubigine obsitos enses, inertesque quaerent
 equos, ut primum togas et saeviora armis iura viderunt, duce
 32Arminio arma corripunt, quum interim tanta erat Varo pacis
 fiducia, ut ne praedicta quidem, et prodita per Segesten, unum
 33principum, coniuratione commoveretur. Itaque improvidum,
 et nihil tale metuentem, improvise adorti, quum ille (o securi-
 tas!) ad tribunal citaret, undique invadunt. Castra rapiuntur,
 34tres legiones opprimuntur. Varus perditas res eodem, quo
 35Cannensem diem Paullus, et fato est et animo secutus. Nihil
 36illa caede per paludes perque silvas cruentius, nihil insultatione

barbarorum intolerantius, praecipue tamen in caussarum patro-
 nos. Aliis oculos, aliis manus amputabant: unius os sutum,
 recisa prius lingua, quam in manu tenens barbarus, *tandem*,
 inquit, *viperu, sibilare desisti*. Ipsius quoque Consulis corpus,³⁷
 quod militum pietas humi abdiderat, effossum. Signa et aquilas
 duas adhuc barbari possident; tertiam signifer prius, quam in
 manus hostium veniret, evulsit; mersamque intra baltei sui la-
 tebras gerens, in cruenta palude sic latuit. Hac clade factum,³⁸
 ut imperium, quod in littore Oceani non steterat, in ripa Rheni
 fluminis staret. Haec ad Septemtrionem. Sub Meridiano tu-³⁹
 multuatum magis, quam bellatum est. Musulanos atque Gaetu-
 los, accolas Syrtium, Cossu duce, compescuit: unde illi *Gaetu-*
lici nomen. Latius victoria patet. Marmaridas atque Garamantas⁴⁰
 Quirino subigendos dedit. Potuit et ille redire *Marmaricus*;
 sed modestior in una aestimanda victoria fuit. Ad Orientem⁴¹
 plus negotii cum Armeniis. Huc alterum ex Caesaribus, nepo-
 tibus suis, misit. Ambo fato breves: sed alter inglorius. Mas-
 siliæ quippe Lucius morbo solvitur: in Syria Caius ex vulnere,
 quum Armeniam ad Parthos se subtrahentem recipit. Armenios,⁴²
 victo rege Tigrane, in hoc nnum servitutis genus Pompeius ad-
 sueverat, ut rectores a nobis acciperent. Intermissum ergo ius
 per hunc recuperatum, non incruento, nec inulto tamen certa-
 mine. Quippe Domnes, quem rex Artaxates praefecerat, simu-⁴³
 lata proditione, adortus est virum intentum libello, quem, ut
 thesaurorum rationes continentem, ipse porrexerat, stricto re-
 pente ferro. At recreatus ex vulnere in tempus. Ceterum⁴⁴
 barbarus ndique infesto exercitu oppressus, gladio et pyra, in
 quam se percussus immisit, superstiti etiamnum Caesari satis-
 fecit. Sub Occasu pacata fere omnis Hispania, nisi quam Py-⁴⁵
 renæi desinentis scopulis inhaerentem citior alluebat Oceanus.
 Hic duae validissimae gentes, Cantabri et Astures, immunes
 imperii agitabant. Cantabrorum et prior et altior et magis⁴⁶
 pertinax in rebellando animus fuit; qui non contenti libertatem
 suam defendere, proximis etiam imperitare tentabant, Vaccae-
 osque, et Turmodigos et Autrigonas crebris incursionibus fati-
 gabant. In hos igitur, quia vehementius agere nunciabantur,⁴⁷
 non mandata expeditio, sed sumpta est. Ipse venit Segisamam:
 castra posuit: et tripartito exercitū totam [in diem] amplexus
 Cantabriam, efferam gentem, ritu ferarum, quasi indagine, de-
 bellabat. Nec ab Oceano quies, quum infesta classe ipsa quoque⁴⁸
 terga hostium caederentur. Primum adversus Cantabros sub
 moenibus Vellicae proeliatum est. Hinc fuga in eminentissimum
 Vinnium montem, quo maria prius Oceani, quam arma Romana
 adscensura esse crediderant. Tertio Aracillum oppidum magna
 vi repugnat. Captum tamen postremo fuit. Medulli montis ob-⁴⁹
 sidio, quem perpetua quindecim millium fossa comprehensum
 cinxit, ndique simul adeunte Romano, postquam extrema bar-
 bari vident certatim igne, ferro [inter epulas] venenoque, quod
 ibi vulgo ex arboribus taxeis exprimitur, praecipere mortem:
 seque pars maior a captivitate, quae videbatur, vindicaverunt.
 Haec per Antistium, Furnium, Agrippam [Legatos], hibernans⁵⁰

51 in Tarraconis maritimis Caesar accepit. Ipse praesens hos deduxit montibus, hos obsidibus adstrinxit, hos sub corona iure
 52 belli venumdedit. Digna res lauro, digna curru Senatui visa est: sed iam tantus Caesar erat, ut posset triumphos contemnere.
 53 Astures per id tempus ingenti agmine a montibus suis descenderant. Nec temere sumptus, ut barbaris, impetus: sed positis castris apud Asturam flumen, trifariam diviso agmine, tria simul Romanorum castra adgredi parabant. Fuisset et anceps et cruentum et ultimum mutua clade certamen cum tam fortibus, tam subito, tam cum consilio venientibus, nisi Brigaecini prodidissent, a quibus praemonitus Carisius, cum exercitu advenit
 55 oppressitque consilia. Sic tamen quoque non incruento certa-
 56 mine. Reliquias fusi exercitus validissima civitas Lancia excepit: ubi tamen loci adeo certatum est, ut, quum in captam urbem faces poscerentur, aegre dux impetraverit veniam, ut
 57 victoriae Romanae stans potius esset, quam incensa, monumen-
 58 bellandi finis Hispaniae. Certa mox fides et aeterna pax; quum ipsorum ingenio, in pacis partes promptiore; tum consilio Caesaris, qui fiduciam montium timens, in quos se recipiebant, castra sua, sed quae in plano erant, habitare et incolere iussit.
 59 Vigentis esse consilii illud observari coepit. Favebat consilio natura regionis circa omnis aurifera, minique et chrysocollae et aliorum colorum ferax. Itaque exerceri solum iussit. Sic Astures latentes in profundo opes suas atque divitias, dum alii
 60 quaerunt, nosse coeperunt. Omnibus ad Occasum et Meridiem pacatis gentibus, ad Septemtrionem quoque, dumtaxat intra Rhenum atque Danubium; item ad Orientem intra Cyrum et Euphraten; illi quoque reliqui, qui immunes imperii erant, sentiebant tamen magnitudinem, et victorem gentium populum
 61 Romanum reverebantur. Nam et Scythae misere legatos et Sarmatae, amicitiam petentes. Seres etiam, habitantesque sub ipso sole Indi, cum gemmis et margaritis, elephantos quoque inter munera trahentes, nihil magis, quam longinquitatem viae imputabant, quam quadriennio impleverant: et tamen ipse hominum color ab alio venire coelo fatebatur. Parthi quoque, quasi victoriae poeniteret, rapta clade Crassiana signa ultro re-
 63 tulere. Sic ubique cuncta atque continua totius generis humani aut pax fuit aut pactio. Aususque tandem Caesar Augustus septingentesimo ab Urbe condita anno, Ianum Geminum claudere, bis ante se clausum: sub Numa rege, et victa primum
 64 Carthagine. Hinc conversus ad pacem, primum in omnia mala, et in luxuriam fluens saeculum gravibus severisque legibus multatis coercuit. Ob haec tot facta iugentia Dictator perpetuus et Pater patriae dictus: tractatum etiam in Senatu, an, quum condidisset imperium, Romulus vocaretur; sed sanctius et reverentius visum est nomen Augusti, ut scilicet iam tum, dum colit terras, ipso nomine et titulo consecraretur.

EUTROPII

BREVIARIUM

HISTORIAE ROMANAE

AD

VALENTEM AUGUSTUM.

THE UNIVERSITY OF CHICAGO

1911

THE UNIVERSITY OF CHICAGO

THE UNIVERSITY OF CHICAGO

THE UNIVERSITY OF CHICAGO

DOMINO VALENTI MAXIMO PERPETUO AUGUSTO.] 1

Res Romanas ex voluntate mansuetudinis tuae, ab Urbe condita ad nostram memoriam, quae in negotiis vel bellicis vel civilibus eminebant, per ordinem temporum brevi narratione collegi strictim, additis etiam his, quae in Principum vita egregia exstiterunt; ut tranquillitatis tuae possit mens divina lactari, prius se illustrium virorum facta in administrando imperio secutam, quam cognosceret lectione.

EUTROPII

BREVIARIUM

HISTORIAE ROMANAE.

LIBER PRIMUS.

I. **R**omanum imperium, quo neque ab exordio ullam fere minus, neque incrementis toto orbe amplius humana potest memoria recordari, a ROMULO exordium habet: qui Reae Silviae, Vestalis virginis, filius, et quantum putatus est, Martis, cum aëmo fratre uno partu editus est. Is, quum inter pastores latrocinaretur, decem et octo annos natus, urbem exiguam in Palatino monte constituit, XI. Kal. Maii, Olympiadis sextae anno tertio, post Troiae excidium, ut, qui plurimum minimumque, tradunt, trecentesimo nonagesimo quarto.

(II.) Conditā civitate, quam ex nomine suo ROMAM vocavit, haec fere egit. Multitudinem finitimorum in civitatem recepit: centum ex senioribus legit, quorum consilio omnia ageret, quos Senatores nominavit propter senectutem. Tum, quum uxores ipse et populus [suus] non haberent, invitavit ad spectaculum ludorum vicinas urbis Romae nationes, atque earum virgines rapuit. Commotis bellis propter raptarum iniuriam, Caeninenses vicit, Antemnates, Crustuminos, Sabinos, Fidenates, Veientes: haec omnia oppida urbem cingunt. Et quum orta subito tempestate non comparasset, anno regni trigesimo septimo ad Deos transisse creditus est et consecratus. Deinde Romae per quinqs dies Senatores imperaverant: et his regnantibus annus unus completus est.

II. Postea NUMA POMPILIUS rex creatus est: qui bellum quidem nullum gessit, sed non minus civitati, quam Romulus, profuit. Nam et leges Romanis moresque constituit; qui consuetudine proeliorum iam latrones ac semibarbari pntabantur; et annum descripsit in decem menses, prius sine aliqua computatione confusum; et infinita Romae sacra ac templa constituit. Morbo decessit, quadragesimo tertio imperii anno.

III. Huic successit TULLUS HOSTILIUS. Hic bella reparavit, Albanos vicit, qui ab urbe Roma XII. milliario absunt: Veientes et Fidenates, quorum alii sexto milliario absunt ab urbe Roma, alii octavo decimo, bello superavit: Urbem ampliavit, adiecto Coelio monte. Quum triginta duobus annis regnasset, fulmine ictus, cum domo sua arsit.

IV. Post hunc ANCUS MARCIUS, Numae, ex filia nepos, suscepit imperium. Contra Latinos dimicavit: Aventinum montem civitati adiecit et Ianiculum: apud ostium Tiberis civitatem supra mare sexto decimo milliario ab urbe Roma condidit. Vigesimo quarto anno imperii morbo perijt.

V. Deinde regnum PRISCUS TARQUINIUS accepit. Hic numerum Senatorum duplicavit; Circum Romae aedificavit; ludos Romanos instituit, qui ad nostram memoriam permanent. Vicit idem etiam Sabinos, et non parum agrorum, sublatum huiusmodi, urbis Romae territorio adiunxit, primusque triumphans Urbem intravit. Muros fecit et cloacas; Capitolium inchoavit. Trigesimo octavo imperii anno per Anci filios occisus est, regis eius, cui ipse successerat.

VI. Post hunc SERVILIUS TULLIUS suscepit imperium, genitus ex nobili femina, captiva tamen et famula. Hic quoque Sabinos subegit; montes tres, Quirinalem, Viminalem, Esquilinum, Urbi adiunxit; fossas circa murum duxit. Primus omnium censum ordinavit, qui adhuc per orbem terrarum incognitus erat. Sub eo Roma, omnibus in censum delatis, habuit capitum LXXXIII millia civium Romanorum cum his, qui in agris erant. Occisus est XLV. imperii anno, scelere generi sui Tarquinii, filii eius regis, cui ipse successerat, et filiae [suae], quam Tarquinii habebat uxorem.

VII. LUCIUS TARQUINIUS SUPERBUS, septimus atque ultimus regum. Volscos, quae gens ad Campaniam euntibus non longe ab Urbe est, vicit: Gabios civitatem et Suessam Pometiam subegit; cum Tuscis pacem fecit, et templum Iovi in Capitolio aedificavit. Postea Ardeam oppugnans, in octavo decimo milliario ab Urbe positam civitatem, imperium perdidit. Nam quum filius eius, et ipse Tarquinius iunior, nobilissimam feminam Lucretiam, eundemque pudicissimam, Collatini uxorem, stuprasset, eaque de iniuria marito, et patri, et amicis quæstam fuisset, in omnium conspectu se occidit. Propter quam causam Brutus, parens et ipse Tarquinii, populum concitavit, et Tarquinio ademit imperium. Mox exercitus quoque eum, qui civitatem Ardeam cum ipso rege oppugnabat, reliquit: veniensque ad Urbem rex, portis clausis, exclusus est. Quumque imperasset annos viginti quinque, cum uxore et liberis suis fugit.

Ita Romae regnatum est per septem reges annis ducentis quadraginta tribus, quum adhuc Roma, ubi plurimum, vix usque ad quintum decimum milliarium possideret.

VIII. Hinc CONSULES coepere pro uno rege duo hac de caussa creari, ut, si unus malus esse voluisset, alter eum, habens potestatem similem, coerceret. Et placuit, ne imperium longius, quam annum unum [annum] haberent, ne per diuturnitatem potestatis insolentiores redderentur, sed civiles semper essent, qui se post annum scirent futuros esse privatos. Fuerunt igitur anno primo, expulsis regibus, cons. L. Iunius Brutus, qui maxime egerat, ut Tarquinius pelleretur, et Tarquinius Collatinus, maritus Lucretiae. Sed Tarquinio Collatino statim sublata dignitas est. Placuerat enim, ne quisquam in Urbe maneret, qui Tarquinius vocaretur. Ergo accepto omni patrimonio suo, ex Urbe migravit, et loco ipsius factus est Valerius Publicola Consul.

IX. Commovit tamen bellum urbi Romae rex Tarquinius, qui fuerat expulsus: et collectis multis gentibus, ut in regnum posset restitui, dimicavit. In prima pugna Brutus Consul, et Aruns, Tarquinii filius, in vicem se occiderunt. Romani tamen ex ea pugna victores recesserunt. Brutum Romanae matronae, defensorem pudicitiae suae, quasi communem patrem, per annum luxerunt. Valerius Publicola Sp. Lucretium Tricipitinum collegam sibi fecit, Lucretiae patrem; quo morbo mortuo, iterum Horatium Pulvillum collegam sibi sumpsit. Ita primus annus quinque Consules habuit: quum Tarquinius Collatinus Urbe cessisset propter nomen, Brutus proelio perisset, Sp. Lucretius morbo mortuus esset.

X. Secundo quoque anno iterum Tarquinius, ut reciperetur in regnum, bellum Romanis intulit, auxilium ei ferente Porsena Tusciae rege: et Romam paene cepit. Verum tunc quoque victus est. Tertio anno post reges exactos Tarquinius, quum suscipi non posset in regnum, neque ei Porsena, qui pacem cum Romanis fecerat, auxilium praestaret, Tusculum se contulit, quae civitas non longe ab Urbe est, atque ibi per quatuordecim annos privatus cum uxore consennit. Quarto anno post reges exactos, quum Sabini Romanis bellum intulissent, victi sunt, et de his triumphati. Quinto anno Valerius ille, Bruti collega, et quater cos., fataliter mortuus est; adeo pauper, ut, collatis a populo nummis, sumtum habuerit sepulturae; quem matronae, sicut Brutum, annum luxerunt.

XI. Nono anno post reges exactos, quum gener Tarquinii, ad iniuriam soceri vindicandam, ingentem collegisset exercitum, nova Romae dignitas est creata, quae DICTATURA appellatur, maior quam consularis. Eodem anno etiam MAGISTER EQUITUM factus est, qui dictatori obsequeretur. Neque quidquam similis potest dici, quam Dictatura antiqua, huic imperii potestati, quam nunc Tranquillitas vestra habet: maxime quum Augustus quoque Octavianus, de quo postea dicemus, et ante eum Cuius Caesar, sub Dictaturae nomine atque honore regna-

verint. Dictator autem Romae primus fuit Lartius; Magister equitum primus Sp. Cassius.

XII. Sexto decimo anno post reges exactos, seditionem populus Romae fecit, tamquam a Senatu atque Consulibus premeretur. Tum et ipse sibi *τραπεζους πλεεις*, quasi proprios iudices et defensores, creavit, per quos contra Senatum et Consules tutus esse posset. Sequenti anno Volsci bellum reparaverunt, et victi acie, etiam Coriolos, civitatem, quam habebant optimam, perdidērunt.

XIII. Octavo decimo anno post eiectos reges expulsus ex Urbe Q. Marcius, dux Romanorum, qui Coriolos ceperat, Volscorum civitatem, ad ipsos Volscos contendit iratus, et auxilia contra Romanos accepit, Romanosque saepe vicit. Usque ad quintum milliarium Urbis accessit, oppugnaturus etiam patriam, legatis, qui pacem petebant, repudiatis; nisi ad eum mater Veturia et uxor Volumnia ex Urbe venissent: quarum fletu et deprecatione superatus, removit exercitum. Atque hic secundus post Tarquinium fuit, qui dux contra patriam suam esset.

XIV. Caesone Fabio et Tito Virginio *cons.* trecenti nobiles homines, qui ex Fabia familia erant, contra Veientes bellum soli susceperunt, promittentes Senatus et populo, per se omne certamen implendum. Itaque profecti omnes nobiles, et qui singuli magnorum exercituum duces esse deberent, in proelio considerunt. Unus omnino superfuit ex tanta familia, qui propter aetatem puerilem duci non potuerat ad pugnam. Post haec census in Urbe habitus est, et inventa sunt civium capita CXIX millia CCCXIX.

XV. Sequenti anno, quum in Algido monte, ab Urbe duodecimo ferme milliario, Romanus obsideretur exercitus, L. Quinctius Cincinnatus Dictator est factus: qui agrum quatuor ingerum possidens, manibus suis colebat. Is, quum in opere et arans esset inventus, sudore deterso, togam praetextam accepit, et caesis hostibus liberavit exercitum.

XVI. Anno CCC et altero ab Urbe condita, imperium consulare cessavit, et pro duobus *cons.* decem facti sunt, qui summam potestatem haberent, *decemviri* nominati. Sed quum primo anno bene egissent, secundo unus ex iis, Appius Claudius, Virginii cuiusdam, qui honestis iam stipendiis contra Latinos in monte Algido militabat, filiam virginem corrumpere voluit: quam pater occidit, ne stuprum a decemviro sustineret: et regressus ad milites, movit tumultum. Sublata est decemviris potestas, ipsique damnati sunt.

XVII. Anno trecentesimo decimo quinto ab Urbe condita, Fidenates contra Romanos rebellaverunt. Auxilium praestabant his Veientes et rex Veientium Tolumnius. Quae ambae civitates tam vicinae Urbi sunt, ut Fidenae sexto, Veientes XVIII milliario absint. Coniunxerunt se his et Volsci. Sed Mamercus Aemilius Dictatore, et L. Quinctio Cincinnato, Magistro equitum, victi, etiam regem perdidērunt. Fidenae captae et excisae.

XVIII. Post XX deinde annos Veientani rebellaverunt. Dictator contra ipsos missus est Furius Camillus, qui primum eos

vicit acie, mox etiam civitatem diu obsidens cepit, antiquissimam Italiae atque ditissimam. Post eam cepit et Faliscos, non minus nobilem civitatem; sed commota est ei invidia, quasi praedam male divisisset, damnatusque ob eam causam, et expulsus civitate est. Statim Galli Senones ad Urbem venerunt, et victos Romanos undecimo milliaro a Roma apud flumen Alliam secuti, etiam Urbem occuparunt: neque defendi quidquam, nisi Capitolium, potuit. Quod quum diu obsedissent, et iam Romani fame laborarent, a Camillo, qui in vicina civitate exsulabat, Gallis superventum est, gravissimeque victi sunt. Postea tamen, accepto etiam auro, ne Capitolium obsiderent, recesserunt; sed secutus eos Camillus ita cecidit, ut et anrum, quod his datum fuerat, et omnia, quae ceperant, militaria signa revocaret. Ita tertio triumphans Urbem ingressus est, et appellatus secundus Romulus; quasi et ipse patriae conditor.

LIBER SECUNDUS.

I. **A**nno trecentesimo sexagesimo quinto ab Urbe condita, post captam autem primo, dignitates mutatae sunt, et pro duobus *COSS.* facti *TRISUNI MILITARES* consulari potestate. Hinc iam coepit Romana res crescere. Nam Camillus eo anno Volscorum civitatem, quae per septuaginta annos bellum gesserat, vicit; et Aequorum urbem et Sutrinorum; atque omnes, deletis eorum exercitibus, occupavit, et tres simul triumphos egit.

II. Titus etiam Quinctius Cincinnatus Praenestinos, qui usque ad urbis Romae portas bello venerant, persecutus, ad flumen Alliam vicit: octo civitates, quae sub ipsis agebant, Romanis adiunxit. Ipsum Praeneste adgressus, in deditionem accepit: quae omnia ab eo, gesta sunt viginti diebus, triumphusque ipsi decretus.

III. Verum dignitas Tribunorum militarium non diu perseveravit. Nam post aliquantum nullos placuit fieri: et quadriennium ita in Urbe fluxit, ut potestates ibi maiores non essent. Resumserunt tamen Tribuni militares consulari potestate iterum dignitatem, et triennio perseveraverunt. Rursus Consules facti.

IV. Genucio et Q. Servilio *COSS.* mortuus est Camillus: honor ei secundus post Romulum delatus est.

V. T. Quinctius Dictator adversus Gallos, qui in Italiam venerant, missus est. Hi ab Urbe quarto milliaro trans Anienem fluvium con siderant. Nobilissimus ibi iuvenis de Senatoribus T. Manlius provocantem Gallum, ad singulare certamen progressus, occidit, et sublato torque aureo, colloque suo imposito, in perpetuum Torquati sibi et posteris cognomen accepit. Galli fugati sunt; mox per C. Sulpitium Dictatorem etiam victi. Non multo post a C. Martio Tusci victi sunt: VIII millia captivorum ex his in triumphum ducti.

VI. Censns iterum habitus est. Et quum Latini, qui a Romanis subacti erant, milites praestare nollent, ex Romanis tan-

tum tirones lecti sunt, factaeque legiones decem; qui modus sexaginta, vel amplius, armatorum millia efficiebat. Parvis adhuc Romanis rebus, tanta tamen in re militari virtus erat. Quae quum profectae essent adversus Gallos, duce L. Furio, quidam ex Gallis unum ex Romanis, qui esset optimus, provocavit. Tum se M. Valerius Tribunus militum obtulit, et quum processisset armatus, corvus ei supra dextrum brachium sedit. Mox commissa adversus Gallum pugna, idem corvus alis et unguibus Galli oculos verberavit, ne rectum posset adspicere. Ita a Tribuno Valerio interfectus, non solum victoriam ei, sed etiam nomen dedit. Nam postea idem Corvinus est dictus. Ac propter hoc meritum annorum trium et viginti c. s. est factus.

VII. Latini, qui noluerant milites dare, hoc quoque a Romanis exigere coeperunt, ut unus Consul ex eorum, alter ex Romanorum populo crearetur. Quod quum esset negatum, bellum contra eos susceptum est, et ingenti pugna superati sunt: ac de his perdomitis triumphatum est. Statuae Consulibus ob meritum victoriae in Rostris positae sunt. Eo anno etiam Alexandria ab Alexandro Macedone condita est.

VIII. Iam Romani potentes esse coeperunt. Bellum enim in centesimo et tricesimo fere milliario ab Urbe apud Samnites gerebatur, qui medii sunt inter Picenum, Campaniam et Apuliam. L. Papirius Cursor cum honore Dictatoris ad id bellum profectus est. Qui quum Romam redisset, Q. Fabio Maximo, Magistro equitum, quem apud exercitum reliquit, praecepit, ne se absente pugnaret. Ille, occasione reperta, felicissimo dimicavit, et Samnites delevit. Ob quam rem a Dictatore capitis damnatus, quod se vetante pugnasset, ingenti favore militum et populi liberatus est; tanta Papirio seditione commota, ut paene ipse interficeretur.

IX. Postea Samnites Romanos, T. Veturio ac Sp. Postumio Coss., apud Furculas Caudinas angustiis locorum conclusos ingenti dedecore vicerunt, et sub iugum miserunt. Pax tamen a Senatu et populo soluta est, quae cum ipsis propter necessitatem facta fuerat. Postea Samnites victi sunt a L. Papirio Consule: septem millia eorum sub iugum missa. Papirius de Samnitibus triumphavit. Eo tempore Appius Claudius Censor Aquam Claudiam induxit, et viam Appiam stravit. Samnites, reparato bello, Q. Fabium Maximum vicerunt, tribus millibus hominum occisis. Postea quum pater ei Fabius Maximus Legatus datus fuisset, et Samnites vicit, et plurima eorum oppida cepit. Deinde P. Cornelius Rufinus, Manius Curius Dentatus, ambo Coss., contra Samnites missi, ingentibus proeliis eos confecere. Tum bellum cum Samnitibus per annos novem et XL actum sustulerunt: neque ullus hostis fuit intra Italiam, qui Romanam virtutem magis fatigaverit.

X. Interiectis aliquot annis, iterum se Gallorum copiae, contra Romanos, Tuscis Samnitibusque iunxerunt: sed quum Romam tenderent, a Cn. Cornelio Dolabella c. s. deletae sunt.

XI. Eodem tempore Tarentinis, qui iam in ultima Italia sunt, bellum indictum est, quia legatis Romanorum iniuriam fecissent.

Hic Pyrrhum, Epiri regem, contra Romanos auxilio poposcerunt, qui ex genere Achillis originem trahebat. Is mox ad Italiam venit, tumque primum Romani cum transmarino hoste dimicaverunt. Missus est contra eum Consul P. Valerius Laevinus, qui quum exploratores Pyrrhi cepisset, iussit eos per castra duci, ostendi omnem exercitum, tumque dimitti, ut renunciarent Pyrrho, quaecumque a Romanis agerentur. Commissa mox pugna, quum iam Pyrrhus fugeret, elephantorum auxilio vicit, quos incognitos Romani expaverunt: sed nox proelio finem dedit. Laevinus tamen per noctem fugit. Pyrrhus Romanos mille octingentos cepit, eosque summo honore tractavit; occisos sepelivit. Quos quum adverso vulnere et truci vultu, etiam mortuos iacere vidisset, talisse ad coelum manus dicitur, cum hac voce: *se totius orbis dominum esse potuisse, si tales sibi milites contigissent.*

XII. Postea Pyrrhus, iunctis sibi Samnitibus, Lucanis, Brutiisque, Romam perrexit, omnia ferro igneque vastavit: Campaniam depopulatus est, atque ad Praeneste venit milliario ab Urbe octavo decimo. Mox terrore exercitus, qui cum Consule loquebatur, in Campaniam se recepit. Legati ad Pyrrhum de redimendis captivis missi, ab eo honorifice suscepti sunt: captivos sine pretio Romam misit. Unum ex legatis Romanorum, Fabricium, sic admiratus est, ut, quum eum pauperem esse cognovisset, quarta parte regni promissa, sollicitare voluerit, ut ad se transiret; contemptusque a Fabricio est. Quare quum Pyrrhus ingenti Romanorum admiratione teneretur, legatum misit, qui pacem aequis conditionibus peteret, praecipuum virum, Cineam nomine, ita ut Pyrrhus partem Italiae, quam iam armis occupaverat, obtineret.

XIII. Pax displicuit: remandatunusque Pyrrho a Senatu est, eum cum Romanis, nisi ex Italia recessisset, pacem habere non posse. Tum Romani iusserunt captivos omnes, quos Pyrrhus reddiderat, infames haberi, quod armati capi potuissent: nec ante eos ad veterem statum reverti, quam si binorum hostium occisorum spolia retulissent. Ita legatus Pyrrhi reversus est. A quo quum quaereret Pyrrhus, *qualem Romam comperisset*, Cineas dixit, *regum se patriam vidisse, scilicet tales illic fere omnes, qualis unus Pyrrhus apud Epirum et reliquam Graeciam putaretur.* Missi sunt contra Pyrrhum duces P. Sulpicius et Decius Mus, Consules. Certamine commisso Pyrrhus vulneratus est, elephanti interfecti, XX millia caesa hostium, et ex Romanis tantum quinque millia. Pyrrhus Tarentum fugatus.

XIV. Interiecto anno, contra Pyrrhum Fabricius est missus: qui prius inter legatos sollicitari non potuerat, quarta parte regni promissa. Tum, quum vicina castra ipse et rex haberent, medicus Pyrrhi ad eum nocte venit, promittens, se veneno Pyrrhum occisurum, si sibi aliquid polliceretur. Quem Fabricius vinctum reduci iussit ad dominum, Pyrrhoque dici, quae contra caput eius medicus spondisset. Tunc rex admiratus eum, dixisse fertur: *Ille est Fabricius, qui difficilius ab honestate, quam sol a cursu suo averti potest.* Tum rex in Siciliam

profectus est; Fabricius, victis Samnitibus et Lucanis, triumphavit. Coss. deinde, Curius Dentatus, et Cornelius Lentulus, adversus Pyrrhum missi sunt; Curius contra eum pugnavit, exercitum eius cecidit, ipsum Tarentum fugavit, castra cepit. Ea die caesa hostium XXIII millia. Curius in Consulatu triumphavit; primus Romam elephantos quatuor duxit. Pyrrhus etiam a Tarento mox recessit, et apud Argos, Graeciae civitatem, occisus est.

XV. C. Fabio Licino, et C. Clandio Canina Coss. anno Urbis conditae CCCCLXI. legati Alexandrini, a Ptolemaeo missi, Romam venire, et a Romanis amicitiam, quam petierant, obtinuerunt.

XVI. Quinto Ogulnio, C. Fabio Pictore Coss. Picentes bellum commovere, et ab insequentibus Coss. P. Sempronio, Appio Claudio, victi sunt; et de his triumphatum est. Conditae a Romanis civitates, Ariminum in Gallia, et Beneventum in Samnio.

XVII. M. Atilio Regulo, L. Iulio Libone Coss. Sallentinis bellum indictum est, captique sunt cum civitate simul Brundisii, et de his triumphatum est.

XVIII. Anno CCCCLXXVII., quum iam clarum urbis Romae nomen esset, arma tamen extra Italiam mota non fuerant. Ut igitur cognosceretur, quae copiae Romanorum essent, census est habitus: inventa sunt civium capita CCXCII millia CCCXXXIV; quamquam a condita Urbe numquam bella cessassent. Et contra Afros bellum susceptum est primum, Appio Claudio, Q. Fulvio Coss. In Sicilia contra eos pugnatum est, et Appius Claudius de Afris et rege Siciliae Hierone triumphavit.

XIX. Insequenti anno, Valerio Marco et Otacilio Coss. in Sicilia a Romanis res magnae gestae sunt. Tauromenitani, Catinenses, et praeterea quinquaginta civitates in fidem acceptae sunt. Tertio anno in Sicilia contra Hieronem bellum paratum est. Is cum omni nobilitate Syracusanorum pacem a Romanis impetravit, deditque argenti talenta ducenta. Afri in Sicilia victi sunt, et de his secundo Romae triumphatum est.

XX. Quinto anno belli Punici, quod contra Afros gerebatur, primum Romani C. Duilio et Cn. Cornelio Asina Coss. in mari dimicaverunt, paratis navibus rostratis, quas Liburnas vocant. Consul Cornelius fraude deceptus est. Duilius, commisso proelio, Carthaginensium ducem vicit, XXXI naves cepit, XIV merisit, VII millia hostium cepit, III occidit. Neque ulla victoria Romanis gratior fuit, quod invicti terra, iam etiam mari plurimum possent. C. Aquillio Floro, L. Scipione Coss. Scipio Corsicam et Sardiniam vastavit, multa millia inde captivorum abduxit, triumphum egit.

XXI. L. Manlio Vulso, M. Atilio Regulo Coss. bellum in Africam translatum est: contra Hamilcarem, Carthaginensium ducem, in mari pugnatum, victusque est. Nam perditis LXIV navibus, retro se recepit. Romani XXII amiserunt. Sed quum in Africam transissent, primam Clypeam, Africae civitatem, in deditionem acceperunt. Consules usque ad Carthaginem processerunt, multisque vastatis oppidis Manlius victor Romam rediit,

et XXVII millia captivorum reduxit: Atilius Regulus in Africa remansit. Is contra Afros aciem instruxit, contra tres Carthaginiensium duces dimicans, victor fuit, XVIII millia hostium cecidit, quinque millia cum XVIII elephantis cepit, LXXIII civitates in fidem accepit. Tum victi Carthaginenses pacem a Romanis petierunt: quam quum Regulus nollet nisi durissimis conditionibus dare, Afri auxilium a Lacedaemoniis petierunt: et duce Xanthippo, qui a Lacedaemoniis missus fuerat, Romanorum dux Regulus victus est ultima pernicie. Nam duo millia tantum ex omni Romano exercitu refugerunt; quingenti cum imperatore Regulo capti sunt: XXX millia occisa: Regulus ipse in catenas coniectus.

XXII. M. Aemilio Panlo, Servio Fulvio Nobiliore Coss., ambo Romani Consules ad Africam profecti sunt cum trecentarum navium classe; primum Afros navali certamine superant. Aemilius Consul centum et quatuor naves hostium demersit: triginta cum pugnatoribus cepit: XV millia hostium aut occidit, aut cepit: militem suum ingenti praeda ditavit. Et subacta Africa tum fuisset, nisi tanta fames fuisset, ut diutius expectare exercitus non posset. Consules cum victrici classe redeuntes, circa Siciliam naufragium passi sunt: et tanta tempestas fuit, ut ex quadringentis sexaginta quatuor navibus octoginta servari vix potuerint. Neque ullo tempore tanta maritima tempestas audita est. Romani tamen statim ducentas naves reparaverunt; neque in aliquo animus his infractus fuit.

XXIII. Cn. Servilius Caepio, et C. Sempronius Blaesus Coss. cum ducentis sexaginta navibus ad Africam profecti sunt, aliquot civitates ceperunt: praedam ingentem reducentes, naufragium passi sunt. Itaque quum continuae calamitates Romanis displicerent, decrevit Senatus, ut a maritimis proeliis recederetur, et tantum sexaginta naves ad praesidium Italiae salvae essent.

XXIV. L. Caecilio Metello, C. Furio Pacilo Coss. Metellus in Sicilia Afrorum ducem, cum CXXX elephantis et magnis copiis venientem, superavit, XX millia hostium cecidit, XXVI elephantos cepit, reliquos errantes per Numidas, quos in auxilium habebat, collegit, et Romam reduxit ingenti pompa, quum CXXX elephantorum numerus omnia itinera compleret.

XXV. Post haec mala Carthaginenses Regulum ducem, quem ceperant, petierunt, ut Romam proficisceretur et pacem a Romanis obtineret, ac permutationem captivorum faceret. Ille Romam quum venisset, inductus in Senatum, nihil quasi Romanus egit: dixitque, *se ex illa die, qua in potestatem Afrorum venisset, Romanum esse desiisse*. Itaque et uxorem a complexu removit, et Romanis suavit, ne pax cum Poenis fieret. *Illos enim, fractos tot casibus, spem nullam habere: se tanti non esse, ut tot millia captivorum propter unum se, et senem, et paucos, qui ex Romanis capti fuerant, redderentur*. Itaque obtinuit. Nam Afros pacem petentes nullus admisit: ipse Carthaginem rediit, offerentibusque Romanis, ut eum Romae tenerent, negavit se in ea urbe mansurum, in qua, postquam Afri

servierat, dignitatem honesti civis habere non posset. Regressus igitur ad Africam, omnibus suppliciis exstinctus est.

XXVI. P. Claudio Pulcro et C. Iunio Coss. Claudius contra auspicia pugnavit, et a Carthaginiensibus victus est. Nam ex CCXX navibus cum XXX fugit, nonaginta cum pugnatoribus captae sunt: demersae ceterae. Alius quoque Consul classem naufragio amisit: exercitum tamen salvum habuit, quia vicina litora erant.

XXVII. C. Lutatio Catulo, A. Postumio Albino Coss. anno belli Punici XXIII, Catulo bellum contra Afros commissum est. Profectus est cum CCC navibus in Siciliam. Afri contra ipsum CCCC paraverunt. Numquam in mari tantis copiis pugnatum est. Lutatius Catulus navem aeger adscendit: vulneratus enim in pugna superiore fuerat. Contra Lilybaeum, civitatem Siciliae, pugnatum est ingenti virtute Romanorum. Nam LXXXIII Carthaginiensium naves captae sunt, CXXV demersae, XXXII millia hostium capta, XIII occisa: infinitum auri argentique pondus in potestatem Romanorum redactum. Ex classe Romanorum XII naves demersae. Pugnatum est VI. Idus Martias. Statim Carthaginienses pacem petierunt, tributaque est eis pax; captivi Romanorum, qui tenebantur a Carthaginiensibus, redditi sunt. Etiam Carthaginienses petierunt, ut redimi eos captivos liceret, quos ex Afris Romani tenebant. Senatus iussit sine pretio dari eos, qui in publica custodia essent; qui autem a privatis tenerentur, ut, pretio dominis reddito, Carthaginem redirent, atque id pretium ex fisco magis, quam a Carthaginiensibus solveretur.

XXVIII. Q. Lutatius, A. Manlius Coss. creati, bellum Faliscis intulerunt, quae civitas Italiae opulenta quondam fuit: quod ambo Coss. intra sex dies, quam venerant, transegerunt, XV millibus hostium caesis: ceteris pace concessa, agro tamen ex medietate sublato.

LIBER TERTIUS.

I. **F**inito igitur Punico bello, quod per XXIII annos tractum est. Romani iam clarissima gloria noti legatos ad Ptolemaeum Aegypti regem miserunt, auxilia promittentes, quia rex Syriac Antiochus ei bellum intulerat. Ille gratias Romanis egit: auxilia non accepit: iam enim fuerat pugna transacta. Eodem tempore potentissimus rex Siciliae Hiero Romam venit ad ludos spectandos, et ducenta millia modiorum tritici populo dono dedit.

II. L. Cornelio Lentulo, Fulvio Flacco Coss., quibus Hiero Romam venerat, etiam contra Ligures intra Italiani bellum gestum est, et de his triumphatum. Carthaginienses tum bellum reparare tentabant, Sardinienses, qui ex conditione pacis Romanis parere debebant, ad rebellandum impellentes. Venit tamen legatio Carthaginiensium Romam, et pacem impetravit.

III. T. Manlio Torquato, C. Attilio Balbo Coss. de Sardis

triumphatum est: et pace omnibus locis facta, Romani nullum bellum habuerunt; quod his post Romam conditam semel tantum, Numa Pompilio regnante, contigerat.

IV. L. Postumius Albinus, Cn. Fulvius Centumalus Coss. bellum contra Illyrios gesserunt: et multis civitatibus captis, etiam reges in deditionem acceperunt. Ac tum primum de Illyriis triumphatum est.

V. L. Aemilio Cos. ingentes Gallorum copiae Alpes transierunt. Sed pro Romanis tota Italia consensit: traditumque est a Fabio historico, qui ei bello interfuit, DCCC millia hominum parata ad id bellum fuisse. Sed res per Cos. tum prospere gesta est: XL millia hostium interfecta sunt, et triumphus Aemilio decretus.

VI. Aliquot deinde annis post contra Gallos intra Italiam pugnatum est, finitumque est bellum M. Claudio Marcello, Cn. Cornelio Scipione Coss. Tunc Marcellus cum parva manu equitum dimicavit, et regem Gallorum, Viridomarus nomine, manu sua occidit. Postea cum collega ingentes copias Gallorum peremit, Mediolanum expugnavit, graudem praedam Romam per tulit, ac triumphans Marcellus spolia Galli, stipiti imposita, humeris suis vexit.

VII. M. Minucio Rufo, P. Cornelio Coss. Istris bellum illatum est, quia latrocinati naves Romanorum fuerant, quae frumenta exhibebant, perdomitique sunt omnes. Eodem anno bellum Punicum secundum Romanis illatum est per Hannibalem, Carthaginensium ducem, qui Saguntum, Hispaniae civitatem, Romanis amicam, oppugnare adgressus est, annum agens vicesimum aetatis, copiis congregatis CL millium [peditum et XX millium equitum]. Huic Romani per legatos denunciaverunt, ut bello abstineret. Is legatos admittere noluit. Romani etiam Carthaginem miserunt, ut mandaretur Hannibali, ne bellum contra socios populi Romani gereret. Dura responsa a Carthaginensibus reddita. Saguntini interea fame victi sunt; captique ab Hannibale ultimis poenis addiuntur.

VIII. Tum P. Cornelius Scipio cum exercitu in Hispaniam profectus est, Tiberius Sempronius in Siciliam; bellum Carthaginensibus iudictum est. Hannibal, relicto in Hispania fratre Hasdrubale, Pyrenaeum transiit; Alpes, adhuc ea parte invias, sibi patefecit. Traditur ad Italiam LXXX millia peditum, et XX millia equitum, septem et XXX elephas adduxisse. Interea multi Ligures et Galli Hannibali se iunxerunt. Sempronius Gracchus, cognito ad Italiam Hannibalis adventu, ex Sicilia exercitum Ariminum traiecit.

IX. P. Cornelius Scipio Hannibali primus occurrit; commisso proelio, fugatis suis, ipse vulneratus in castra rediit. Sempronius Gracchus et ipse configit apud Trebiam amnem. Is quoque vincitur. Hannibali multi se in Italia dediderunt. Inde ad Tusciam veniens Hannibal Flaminio Consuli occurrit; ipsum Flaminium interemit. Romanorum XXV millia caesa sunt; ceteri difugerunt. Missus adversus Hannibalem postea a Romanis Q.

Fabius Maximus. Is enim, differendo pugnam, ab impetu fregit; mox inventa occasione vicit.

X. Quingentesimo et quadagesimo anno a condita Urbe, L. Aemilius Paullus, P. Terentius Varro, contra Hannibalem mittuntur, Fabioque succedunt. Qui Fabius ambos Coss. monuit, ut Hannibalem, callidum et impatientem ducem, non aliter vincerent, quam proelium differendo. Verum quum impatientia Varronis Consulis, contradicente Consule altero, apud vicum, qui Cannae appellatur, in Apulia pugnatum esset, ambo Coss. ab Hannibale vincuntur. In ea pugna III millia Afrorum pereunt, magna pars de exercitu Hannibalis sauciatur. Nullo tamen Punico bello Romani gravius accepti sunt. Perit enim in eo Aemilius Paullus Consul: Consulares aut Praetorii XX, Senatores capti aut occisi XXX, nobiles viri CCC, militum XL millia, equitum III millia et quingenti. In quibus malis nemo tamen Romanorum pacis mentionem habere dignatus est. Servi, quod numquam ante, manumissi et milites facti sunt.

XI. Post eam pugnam multae Italiae civitates, quae Romanis paruerant, se ad Hannibalem transtulerunt. Hannibal Romanis obtulit, ut captivos redimerent, responsumque est a Senatu, eos cives non esse necessarios; qui, quum armati essent, capi potuissent. Ille omnes postea variis suppliciis interfecit, et tres modios aureorum annulorum Carthaginem misit, quos o manibus equitum Romanorum, Senatorum et militum detraxerat. Interea in Hispania, ubi frater Hannibalis Hasdrubal remanserat cum magno exercitu, ut eam totam Afris subigeret, a duobus Scipionibus, Romanis ducibus, vincitur, perditque in pugna XXXV millia hominum. Ex his capiuntur X millia; occiduntur XXV. Mittuntur ei a Carthaginensibus ad reparandas vires XII millia peditum, IV millia equitum, XX elephanti.

XII. Anno quarto, postquam in Italiam Hannibal venit, M. Claudius Marcellus Cos. apud Nolam, civitatem Campaniae, contra Hannibalem bene pugnavit. Hannibal multas civitates Romanorum per Apuliam, Calabriam, et Bruttios occupavit. Quo tempore etiam rex Macedoniae Philippus ad eum legatos misit, promittens auxilia contra Romanos sub hac conditione, ut, deletis Romanis, ipse quoque contra Graecos ab Hannibale auxilia acciperet. Captis igitur legatis Philippi et re cognita, Romani in Macedoniae M. Valerium Laevinum ire iusserunt: in Sardiniam T. Manlium Torquatum Proconsulem. Nam etiam ea, sollicitata ab Hannibale, Romanos deseruerat.

XIII. Ita uno tempore quatuor locis pugnabatur: in Italia contra Hannibalem; in Hispaniis contra fratrem eius Hasdrubalem; in Macedonia contra Philippum; in Sardinia contra Sardos, et alterum Hasdrubalem Carthaginensem. Is a T. Manlio Proconsule; qui ad Sardiniam missus fuerat, vivus est captus, occisa cum eo XII millia, capti mille quingenti, et a Romanis Sardinia subacta. Manlius victor captivos et Hasdrubalem Romanam reportavit. Interea etiam Philippus a Laevino in Macedonia vincitur; et in Hispania a Scipionibus Hasdrubal, et Mago, tertius frater Hannibalis.

XIV. Decimo anno, postquam Hannibal in Italiam venerat, P. Sulpicio, Cn. Fulvio Coss. Hannibal usque ad quartum miliarium Urbis accessit; equites eius usque ad portas. Mox Consululum metu, cum exercitu venientium, Hannibal ad Campaniam se recepit. In Hispania a fratre eius Hasdrubale ambo Scipiones, qui per multos annos victores fuerant, interficiuntur: exercitus tamen integer mansit; casu enim magis erant, quam virtute, decepti. Quo tempore etiam a Consule Marcello Siciliae magna pars capta est, quam tenere Afri coeperant, et nobilissimae urbis Syracusanae praeda ingens Romam perlata est. Laevinus in Macedonia cum Philippo et multis Graeciae populis, et rege Asiae Attalo amicitiam fecit: et ad Siciliam profectus, Hannonem quendam, Afrorum ducem, apud Agrigentum civitatem, cum ipso oppido cepit, eumque Romam cum captivis nobilibus misit; XL civitates in deditionem accepit, XXVI expugnavit. Ita omni Sicilia recepta, Macedonia fracta, cum ingenti gloria Romam regressus est. Hannibal in Italia Cn. Fulvium Consulem subito adgressus, cum octo millibus hominum interfecit.

XV. Interca ad Hispanias, ubi, occisis duobus Scipionibus, nullus Romanus dux erat, P. Cornelius Scipio mittitur, filius P. Scipionis, qui ibidem bellum gesserat, annos natus quatuor et viginti: vir Romanorum omnium et sua aetate, et posteriori tempore fere primus. Is Carthaginem Hispaniae capit, in qua omne aurum, et argentum, et belli apparatus Afri habebant; nobilissimos quoque obsides, quos ab Hispanis acceperant. Magonem etiam, fratrem Hannibalis, ibidem capit, quem Romam cum aliis mittit. Romae ingens laetitia post hunc nuncium fuit. Scipio Hispanorum obsides parentibus reddidit. Quare omnes fere Hispaniae ad eum uno animo transierunt. Post quae Hasdrubalem, Hannibalis fratrem, victum fugat, et praedam maximam capit.

XVI. Interca in Italia Cos. Q. Fabius Maximus Tarentum cepit, in qua ingentes copiae Hannibalis erant. Ibi etiam ducem Hannibalis Carthalonem occidit, XXV millia captivorum vendidit, praedam militibus dispertivit, pecuniam hominum venditorum ad fiscum retulit. Tum multae civitates Romanorum, quae ad Hannibalem transierant, rursus se Fabio Maximo dediderunt. Insequenti anno Scipio in Hispania egregias res egit, et per se, et per fratrem suum L. Scipionem, LXX civitates recepit. In Italia tamen male pugnatum est. Nam Claudius Marcellus Cos. ab Hannibale occisus est.

XVII. Tertio anno, postquam Scipio ad Hispaniam profectus est, rursus res inclutas gerit: regem Hispaniarum, magno proelio victum, in amicitiam accepit, et primus omnium a victo obsides non poposcit.

XVIII. Desperans Hannibal, Hispanias contra Scipionem ducem diutius posse retineri, fratrem suum Hasdrubalem in Italiam cum omnibus copiis evocavit. Is veniens eodem itinere, quo etiam Hannibal venerat, a Consulibus Appio Claudio Nerone et M. Livio Salinatore apud [Metaurum fluvium et] Senam, Piceni civitatem, in insidias compositas incidit: strenue tamen

pugnans, occisus est; ingentes eius copiae captae aut interfectae sunt; magnum pondus auri atque argenti Romam relatum. Post haec Hannibal diffidere de belli coepit eventu. Romanis ingens animus accessit. Itaque et ipsi evocaverunt ex Hispania P. Cornelium Scipionem. Is Romam cum ingenti gloria venit.

XIX. Q. Caecilio, L. Valerio Coss. omnes civitates, quae in Brutiis ab Hannibale tenebantur, Romanis se tradiderunt.

XX. Anno XIV. postquam in Italiam Hannibal venerat, Scipio, qui multa in Hispania bene egerat, Consul est factus, et in Africam missus. Cui viro divinum quiddam inesse existimabatur, adeo ut putaretur etiam cum numinibus habere sermonem. Is in Africa contra Hannonem, ducem Afrorum, pugnavit, exercitum eius interfecit; secundo proelio castra cepit cum quatuor millibus et quingentis militibus; XI millibus occisis. Syphacem, Numidiae regem, qui se Afris coniunxerat, capit, et castra eius invadit. Syphax cum nobilissimis Numidis, et infinitis spoliis, Romam a Scipione mittitur. Qua re audita, omnis fere Italia Hannibalem deserit. Ipse a Carthaginiensibus redire in Africam iubetur, quam Scipio vastabat.

XXI. Ita anno XVII. ab Hannibale Italia liberata est, quam flets dicitur reliquisse. Legati Carthaginiensium pacem a Scipione petierunt, ab eo ad Senatum Romam missi sunt: quadraginta et quinque diebus induciae datae sunt, quousque Romam ire et regredi possent; et XXX millia pondo argenti ab his accepta sunt. Senatus ex arbitrio Scipionis pacem iussit cum Carthaginiensibus fieri. Scipio his conditionibus dedit, *ne amplius quam XXX naves haberent, ut D millia pondo argenti darent, captivos et perfugas redderent.*

XXII. Interim, Hannibale veniente ad Africam, pax turbata est, multa hostilia ab Afris facta sunt; legati tamen eorum ex Urbe venientes, a Romanis capti sunt, et iubente Scipione dimissi. Hannibal quoque frequentibus proeliis victus a Scipione, petit etiam ipse pacem. Quum ventum esset ad colloquium, iisdem conditionibus data est, quibus prius: addita quingentis millibus pondo argenti C millia librarum, propter novam perfidiam. Carthaginiensibus conditiones displicuerunt, iusseruntque Hannibalem pugnare. Infertur a Scipione et Masinissa, alio rege Numidarum, qui amicitiam cum Scipione fecerat, Carthagini bellum. Hannibal tres exploratores ad Scipionis castra misit: quos captos Scipio circumduci per castra iussit, ostendique eis totum exercitum; mox etiam prandium dari, dimittique, ut renunciarent Hannibali, quae apud Romanos vidissent.

XXIII. Interea proelium ab utroque duce instructum est, quale vix ulla memoria fuit, quum peritissimi viri copias suas ad bellum educerent. Scipio victor recedit, paene ipso Hannibale capto, qui primum cum multis equitibus, deinde cum XX, postremo cum quatuor evasit. Inventa in castris Hannibalis argenti pondo XX millia, auri LXXX, cetera suppellectilis copiosa. Post id certamen pax cum Carthaginiensibus facta est. Scipio

Romam rediit, ingenti gloria triumphavit, atque Africanus ex eo appellari coeptus est. Finem accepit secundum Punicum bellum post annum nonum decimum, quam coeperat.

LIBER QUARTUS.

I. **T**ransacto Punico bello, secutum est MACEDONICUM contra Philippum regem.

II. Quingentesimo et quinquagesimo primo anno ab Urbe condita, T. Quinctius Flaminius adversus Philippum [regem mittitur:] rem prospere gessit. Pax ei data est his legibus, *ne Graeciae civitatibus, quas Romani contra eum defenderant, bellum inferret: ut captivos et transfugas redderet: quinquaginta solum naves haberet, reliquas Romanis daret: per annos decem quaterna millia pondo argenti praestaret, et obsidem daret filium suum Demetrium.* T. Quinctius etiam Lacedaemoniis intulit bellum: ducem eorum Nabidem vicit, et, quibus voluit conditionibus, in fidem accepit. Ingenti gloria duxit ante currum nobilissimos obsides, Demetrium, Philippi filium, et Armenem Nabidis.

III. Transacto bello Macedonico secutum est SYRIACUM contra Antiochum regem, P. Cornelio Scipione, M. Acilio Glabrione Coss. Huic Antiocho Hannibal se iunxerat; Carthaginem, patriam suam, metu, ne Romanis traderetur, relinquens. M. Acilius Glabrio in Achaia bene pugnavit: castra regis Antiochi nocturna pugna capta sunt, ipse fugatus. Philippo, quia contra Antiochum Romanis auxilio fuisset, filius Demetrius reditus est.

IV. L. Cornelio Scipione, C. Laelio Coss. Scipio Africanus fratri suo L. Cornelio Scipioni Consuli Legatus contra Antiochum profectus est. Hannibal, qui cum Antiocho erat, navali proelio victus est. Ipse postea Antiochus circa Sipylum ad Magesiam, Asiae civitatem, a Cos. Cornelio Scipione ingenti proelio fusus. Auxilio fuit Romanis in ea pugna Eumenes, Attali regis frater, qui Eumeniam in Phrygia condidit. L milia peditum, III equitum eo certamine ex parte regis occisa sunt. Tum rex Antiochus pacem petiit; iisdem conditionibus datur a Senatu, quamquam victo, quibus ante offerebatur: ut ex Europa et Asia recederet, atque intra Taurum se contineret, X millia talentorum et XX obsides praeberet, Hannibalem, concitatore belli, dederet. Eumeni regi donatae sunt omnes Asiae civitates, quas Antiochus bello perdiderat: et Rhodiis, qui auxilium Romanis contra regem Antiochum tulerant, multae urbes concessae sunt. Scipio Romam rediit, ingenti gloria triumphavit: nomen et ipse, ad imitationem fratris, Asiagenis [Asiatici] accepit, [quia Asiam vicerat: sicut frater ipsius propter Africam domitam Africanus appellabatur.]

V. Spurio Postumio Albino, Q. Marcio Philippo Coss. M. Fulvius de AETOLIS triumphavit. Hannibal, qui victo Antiocho, ne Romanis traderetur, ad Prusiam, Bithyniae regem,

fugerat, repetitus etiam ab eo est per T. Quinctium Flamini-
num; et quum tradendus Romanis esset, venenum bibit, et apud
Libysam, in finibus Nicomediensium, sepultus est.

VI. Philippo rege Macedoniae mortuo, qui et adversum Ro-
manos bellum gesserat, et postea Romanis contra Antiochum
auxilium tulerat, filius eius PERSEUS in Macedonia rebellavit,
ingentibus copiis ad bellum paratis. Nam adiutores habebat
Cotyn, Thraciae regem, et Illyrici, Gentium nomine. Romanis
autem in auxilium erant Eumenes, Asiae rex, Ariarathes Cappa-
doeciae, Antiochus Syriae, Ptolemaeus Aegypti, Masinissa Nu-
midiae. Prusias autem Bithyniae, quamquam sororem Persei
uxorem haberet, utrisque se aequum praebeuit. Dux Romano-
rum P. Licinius Cos. contra eum missus est, et a rege gravi
proelio victus. Neque tamen Romani, quamquam superati, regi
petenti pacem praestare voluerunt, nisi his conditionibus, *ut
se et suos Senatui et populo Romano dederet*. Mox missus con-
tra eum L. Aemilius Paullus Cos. et in Illyricum C. Anicius
Praetor contra Gentium. Sed Gentius facile uno proelio victus,
mox se dedidit. Mater eius, et uxor, et duo filii, frater quo-
que, simul in potestatem Romanorum venerunt. Ita bello intra
XXX dies perfecto, ante cognitum est Gentium victum, quam
coeptum bellum nuntiaretur.

VII. Cum Perseo autem Aemilius Paullus Cos. III. Non.
Septembris dimicavit, vicitque eum, XX millibus peditum eius
occisis. Equitatus cum rege fuit integer. Romanorum C mili-
tes amissi sunt: urbes Macedoniae omnes, quas rex tenuerat,
Romanis se dediderunt. Ipse rex, quum desereretur ab amicis,
venit in Paulli potestatem. Sed honorem ei Aemilius, non quasi
victo, habuit. Nam et volentem ad pedes sibi cadere, non per-
misit, sed iuxta se in sella collocavit. Macedonibus et Illyriis
hae leges a Romanis datae: *ut liberi essent, et dimidium eorum
tributorum praestarent, quae regibus praestitissent*: ut appare-
ret, populum Rom. pro aequitate magis, quam avaritia dimi-
care. Atque in conventu finitimorum populorum Paullus haec
pronuntiavit: et legationes multarum gentium, quae ad eum
venerant, magnificentissimo convivio pavit, dicens: *eiusdem ho-
minis esse debere, et bello vincere, et convivii apparatu ele-
gantem esse*.

VIII. Mox LXX civitates Epiri, quae rebellarent, cepit;
praedam militibus distribuit; Romam cum ingenti pompa rediit
in nave Persei, quae inusitatae magnitudinis fuisse traditur,
adeo ut XVI ordines dicatur habuisse remorum. Triumphavit
magnificentissime in curru aureo, cum duobus filiis, utroque
latere adstantibus. Ducti sunt ante currum duo regis filii, et
ipse Perseus, XLV annos natus. Post eum etiam C. Anicius
de Illyriis triumphavit. Gentius cum fratre et filiis ante cur-
rum ductus est. Ad hoc spectaculum multarum gentium reges
Romam venerunt; inter alios etiam venit Attalus, atque Eu-
menes, Asiae reges; atque Prusias Bithyniae. Magno honore
accepti sunt, et, permittente Senatu, dona, quae attulerant,

in Capitolio posuerunt: Prusias etiam filium suum Nicomedem Senatui commendavit.

IX. Insequenti anno L. Memmius in Hispania bene pugnavit: Marcellus postea Consul res ibidem prospere gessit.

X. TERTIUM deinde BELLUM CONTRA CARTHAGINEM suscipitur, sexcentesimo et altero anno ab Urbe condita; L. Manlio Censorino et M. Manilio Coss. anno LI. postquam secundum Punicum bellum transactum erat. Hi profecti Carthaginem oppugnaverunt. Contra eos Hasdrubal, dux Carthaginensium, dimicabat. Phamea, dux alius, equitatus praererat Carthaginensium. Scipio tunc, Scipionis Africani nepos, Tribuuus ibi militabat. Huius apud omnes ingens metus et reverentia erat. Nam et paratissimus ad dimicandum, et consultissimus habebatur. Itaque per eum multa prospere a Coss. gesta sunt. Nec quidquam magis vel Hasdrubal, vel Phamea vitabant, quam contra eam Romanorum partem committere, ubi Scipio dimicabat.

XI. Per idem tempus Masinissa, rex Numidarum, per annos sexaginta fere amicus populi Romani, anno vitae XCVII. mortuus est, XLIV filiis relictis. Scipionem divisorem regni inter filios esse iussit.

XII. Quum igitur claram Scipionis nomen esset, iuvenis adhuc Coss. est factus et contra Carthaginem missus. Is eam cepit ac diruit. Spolia ibi inventa, quae variarum civitatum excidiis Carthago collegerat: et ornamenta urbium civitatibus Siciliae, Italiae, Africae reddidit, quae sua recognoscebant. Ita Carthago septingentesimo anno, quam condita erat, deleta est. Scipio nomen, quod avus eius acceperat, meruit, scilicet, ut propter virtutem etiam ipse Africanus iunior vocaretur.

XIII. Interim in Macedonia quidam PSEUDOPHILIPPUS arma movit, et Romanum Praetorem, P. Iuventium, contra se missum, ad interecionem vicit. Post eum Q. Caecilius Metellus dux a Romanis contra Pseudophilippum missus est, et XXV millibus ex militibus eius occisis, Macedoniam recepit: ipsum etiam Pseudophilippum in potestatem suam redegit.

XIV. CORINTHIIS quoque bellum indictum est, nobilissimae Graeciae civitati, propter iniuriam legatorum Romanorum. Hanc Mummius cepit ac diruit. Tres igitur Romae simul celeberrimi triumphus fuerunt: Africani ex Africa, ante cuius currum ductus est Hasdrubal; Metelli, ex Macedonia, cuius currum praecessit Andriscus, qui et Pseudophilippus dicitur; Mummii, ex Corintho, ante quem signa aenea, et pictae tabulae, et alia urbis clarissimae ornamenta praelata sunt.

XV. Iterum in Macedonia PSEUDOPERSEUS, qui se Persei filium esse dicebat, collectis servis, rebellavit: et quum sexdecim armatorum millia haberet, a Tremellio Quaestore superatus est. [His diebus androgynus Romae visus, iussu aruspicum in mare mersus est.]

XVI. Eodem tempore Metellus in Celtiberia apud Hispanos regerebas gessit. Successit ei Q. Pompeius, nec multo post Q. quoque Caepio ad idem bellum missus est, quod quidam NITABATUS contra Romanos in Lusitania gerebat. Quo metu

Viriathus a suis interfectus est, quum quatuordecim annis Hispanias adversum Romanos movisset. Pastor primo fuit, mox latronum dux: postremo tantos ad bellum populos concitavit, ut assertor, contra Romanos, Hispaniae putaretur. Quum interfectores eius praemium a Caepione Consule peterent, responsum est, *numquam Romanis placuisse, imperatorem a suis militibus interfici.*

XVII. Q. Pompeius deinde Consul a NUMANTINIS, quae Hispaniae civitas fuit opulentissima, superatus, pacem ignobilem fecit. Post eum C. Hostilius Mancinus Cos. iterum cum Numantinis pacem fecit infamem; quam populus et Senatus iussit infringi, atque ipsum Mancinum hostibus tradi, ut in illo, quem auctorem foederis habebant, iniuriam soluti foederis vindicarent. Post tantam igitur ignominiam, qua a Numantinis his Romani exercitus fuerant subiugati, P. Scipio Africanus, secundo Consul factus, ad Numantiam missus est. Is primum militem vitiosum et ignavum, exercendo magis, quam puniendo, sine aliqua acerbitate correxit. Tum multas Hispaniae civitates partim bello cepit, partim in deditionem accepit. Postremo ipsam Numantiam, diu obsessam, fame confecit et a solo evertit; reliquam provinciam in fidem accepit.

XVIII. Eo tempore Attalus rex Asiae, frater Eumenis, mortuus est, heredemque populum Romanum reliquit. Ita imperio Romano per testamentum Asia accessit.

XIX. Mox Decimus Innus Brutus de Gallaeis et Lusitanis triumphavit magna gloria, et P. Scipio Africanus de Numantinis secundum triumphum egit XIV. anno, postquam priorem de Africa egerat.

XX. Motum interim in Asia bellum est ab ARISTONICO, Eumenis filio, qui ex concubina susceptus fuerat. Is Eumenes frater Attali fuerat. Adversus eum missus Pont. P. Licinius Crassus, insuata regum habuit auxilia. Nam et Bithyniae rex Nicomedes Romanos iuvit, et Mithridates Ponticus, cum quo bellum postea gravissimum fuit, et Ariarathes Cappadox, et Pylaemenes Paphlagon. Victus est tamen Crassus, et in proelio interfectus. Caput eius Aristonico oblatum est, corpus Smyrnae sepultum. Postea Perperna Consul Romanus, qui successor Crasso veniebat, audita belli fortuna, ad Asiam celeravit, et acie victum Aristonicum, apud Stratonice civitatem, quo fugerat, fame ad deditionem compulit. Aristonicus iussu Senatus [Romae] in carcere strangulatus: triumphari de eo non poterat, quia Perperna apud Pergamum, Romam rediens, diem obierat.

XXI. L. Caecilio Metello et T. Quinctio Flaminio Cos. Carthago in Africa iussu Senatus reparata est, quae nunc manet; annis duobus et viginti, postquam a Scipione fuerat eversa. Deducti eo sunt cives Romani.

XXII. Anno DCXXVII ab Urbe condita, C. Cassius Longinus et Sex. Domitius Calvinus, Consules, GALLIS TRANSALPINIS bellum intulerunt, et Arvernorum tunc nobilissimae civitati, atque eorum duci Bituito, infinitamque multitudinem iuxta Rhodanum fluvium interfecerunt. Praeda ex torquibus Gallo-

rum ingens Romam perlata est. Bituitus se Domitio deditit, atque ab eo Romam ductus est, magnaque gloria Consules ambo triumphaverunt.

XXIII. M. Porcio Catone et Q. Marcio Rege Coss. DCXXXIII anno ab Urbe condita, Narbona in Gallia colonia deducta est. Postea L. Metello et Q. Mucio Scaevola Coss. de Dalmatia triumphatum est.

XXIV. Ab Urbe condita anno DCXXXV. C. Cato Consul Seordiscis intulit bellum, ignominioseque pugnavit.

XXV. C. Caecilio Metello et Cn. Carbone Coss. duo Metelli fratres eodem die, alterum ex Sardinia, alterum ex Thracia triumphum cgerunt; nunciatumque Romae est, Cimbros e Gallia in Italiam transisse.

XXVI. P. Scipione Nasica et L. Calpurnio Bestia Coss. IUGURTHAE, Numidarum regi, bellum illatum est, quod Adherbalem et Hiempsalem, Micipsae filios, fratres suos, reges, et P. R. amicos, interemisset. Missus adversus eum Cos. Calpurnius Bestia, corruptus regis pecunia, pacem cum eo flagitiosissimam fecit, quae a Senatu improbata est. Postea contra eundem, insequenti anno, Spurius Postumius Albinus profectus est. Is quoque per fratrem ignominiose contra Numidas pugnavit.

XXVII. Tertio missus Q. Caecilius Metellus Consul, exercitum ingenti severitate et moderatione correctum, quum nihil in quemquam cruentum faceret, ad disciplinam Romanam reduxit. Iugurtham variis proeliis vicit, elephantos eius occidit, vel cepit: [multas civitates ipsius in deditionem accepit.] Et quum iam bello finem positurus esset, successum est ei a G. Mario. Is Iugurtham et Bocchum, Mauretsaniae regem, qui auxilium Iugurthae ferre coeperat, pariter superavit. Aliquantum et ipse oppida Numidine cepit, belloque terminum posuit, capto Iugurtha per Quaestorem suum Cornelium Sullam, ingentem virum: tradente Boccho Iugurtham, qui pro eo ante pugnaverat. A M. Iunio Silano, collega Q. Metelli, Cimbri in Gallia, et a Minucio Rufo in Macedonia Seordisci et Triballi; et a Servilio Caepione in Hispania Lusitani victi sunt, et duo triumphi de Iugurtha, primus per Metellum, secundus per Marium acti sunt. Ante cursum tamen Marii Iugurtha cum duobus filiis ductus est catenatus, et mox iussu Consulis in carcere stragulatus.

LIBER QUINTUS.

I. **D**um bellum in Numidia contra Iugurtham geritur, Romani Consules M. Manlius et Q. Caepio a Cimbris et Teutonibus, et Tigurinibus, et Ambronibus, quae erant Germanorum et Gallorum gentes, victi sunt iuxta flumen Rhodanum; et ingenti internecione attriti, etiam castra sua et magnam partem exercitus perdiderunt. Timor Romae grandis fuit, quantus vix Hannibalis, tempore Punici belli, ne iterum Galli Romam redirent. Ergo Marius post victoriam Iugurthinam secundo Cos. est factus, bellumque ei contra Cimbros et Teutonas decretum est. Tertio

quoque ei et quarto delatus est Consulatus, quia bellum Cimbricum protahebatur. Sed in quarto Consulatu collegam habuit Q. Lutatium Catalum. Cum Cimbris itaque conflixit, et duobus proeliis CC millia hostium cecidit, LXXX millia cepit, et ducem eorum Teutobodum: propter quod meritum absens quinto Cos. est factus.

II. Interea Cimabri et Teutones, quorum copia adhuc infinita erat, ad Italiam transierunt. Iterum a C. Mario et Q. Catulo contra eos dimicatum est: sed a Catuli parte feliciter. Nam proelio, quod simul ambo gesserunt, CXL millia, aut in pugna, aut in fuga, caesa sunt; LX millia capta. Romani milites ex utroque exercitu trecenti [III millia] perierunt. Tria et triginta Cimbris signa sublata sunt. Ex his exercitus Marii duo reportavit; Catuli exercitus XXX et unum. Is belli finis fuit: triumphus utrique decretus est.

III. Sex. Iulio Caesare et L. Marcio Philippo Coss. sexcentesimo quinquagesimo nono anno ab Urbe condita, quum prope alia omnia bella cessarent, in Italia gravissimum bellum Picentes, Marsi, Pelignique moverunt: qui, quum annis numerosis iam populo Romano obedirent, tum libertatem sibi aequam adserere coeperunt. Perniciosum admodum hoc bellum fuit. P. Rutilius Consul in eo occisus est: Caepio, nobilis iuvenis, et Porcius Cato, alius Cos. Duces autem adversus Romanos Picentibus et Marsis fuerunt T. Vettius, Hierius Asinius, T. Herennius, A. Cluentius. A Romanis bene contra eos pugnatum est a C. Mario, qui sexies Consul fuerat, et a Cn. Pompeio: maxime tamen a L. Cornelio Sulla, qui inter alia egregia, ita Cluentium, hostium ducem, cum magnis copiis fudit, ut ex suis unum amitteret. Quadriennio, cum gravi tamen calamitate, hoc bellum tractum est. Quinto demum anno finem accepit per L. Cornelium Sullam Consulem, quum antea in eodem bello ipse multa strenue, sed Praetor, egisset.

IV. Anno Urbis conditae DCLXII. primum Romae bellum civile commotum est: eodem anno etiam Mithridaticum. Caussam bello civili C. Marius sexies Cos. dedit. Nam quum Sulla Consul contra Mithridaten gesturus bellum, qui Asiam et Achaiam occupaverat, mitteretur; isque exercitum in Campania paullisper teneret, ut belli socialis, (de quo diximus,) quod intra Italiam gestum fuerat, reliquiae tollerentur; Marius adfectavit, ut ipse ad bellum Mithridaticum mitteretur. Quare Sulla commotus, cum exercitu ad Urbem venit. Illic contra Marium et Sulpicium dimicavit. Primus urbem Romam armatus ingressus est; Sulpicium interfecit; Marium fugavit. Atque ita Coss. ordinatis in futurum annum, Cn. Octavio et L. Cornelio Cinna, ad Asiam profectus est.

V. Mithridates enim, qui Ponti rex erat, atque Armeniam minorem, et totum Ponticum mare in circuitu cum Bosporo tenebat; primo Nicomedem, amicum populi Romani, Bithynia voluit expellere, Senatusque mandavit, bellum se ei propter iniurias, quas passus fuerat, illaturum. A Senatu responsum est Mithridati, si id faceret, quod bellum a Romanis et ipse pate-

retur. Quare iratus Cappadociam statim occupavit, et ex ea Ariobarzanem, regem et unicum populi Romani, fugavit. Mox etiam Bithyniam invasit et Paphlagoniam, pulsus ex ea regibus, amicis populi Romani, Pylaemene et Nicomede. Inde Ephesum contendit, et per omnem Asiam litteras misit, ut, ubicunque inventi essent cives Romani, uno die occiderentur.

VI. Interea etiam Athenae, civitas Achaiae, ab Aristone Atheniensis Mithridati tradita est. Miserat enim iam ad Achaiam Mithridates Archelaum, ducem suum, cum centum et viginti millibus equitum ac peditum: per quem etiam reliqua Graecia occupata est. Sulla Archelaum apud Piraeum, non longe ab Athenis, obsedit, ipsamque urbem cepit: postea commisso proelio contra Archelaum, ita enim vicit, ut ex CXX millibus vix decem Archelao superessent, ex Sullae exercitu XVI tantum homines interficerentur. Hac pugna Mithridates cognita, LXX millia lectissima ex Asia Archelao misit, contra quem Sulla iterum commisit. Primo proelio viginti millia hostium interfecta sunt, filiusque Archelai, Diogenes: secundo omnes Mithridatis copiae extinctae sunt. Archelaus ipse triduo nudus in paludibus lateit. Haec re audita, Mithridates cum Sulla de pace agere coepit.

VII. Interim eo tempore Sulla etiam Dardanos, Scordiscos, Dalmatas, ac Maedos partim vicit; alios in fidem accepit. Sed quum legati a rege Mithridate, qui pacem petebant, venissent, non aliter se daturum Sulla esse respondit, nisi rex, relictis his, quae occupaverat, ad regnum suum rediisset. Postea tamen ad colloquium ambo venerunt; pax inter eos ordinata est, ut Sulla, ad bellum civile festinans, a tergo periculum non haberet. Nam dum Sulla in Achaia atque Asia Mithridatem vincit, Marius, qui fugatus erat, et Cornelius Cinna, unus ex Consulibus, bellum in Italia repararunt, et ingressi urbem Romanam, nobilissimos ex Senatu et Consulares viros interfecerunt; multos proscripserunt; ipsius Sullae domo eversa, filios et uxorem in fugam compulerunt. Universus reliquus Senatus ex Urbe fugiens, ad Sullam in Graeciam venit, orans, ut patriae subveniret. Ille in Italiam traiecit, bellum civile gesturus adversus Norbanum ac Scipionem Coss. Primo proelio contra Norbanum dimicavit non longe a Capua. Tum VII millia eius cecidit, VI millia cepit; CXXIV suorum amisit. Inde etiam ad Scipionem se convertit, et ante proelium totum eius exercitum sine sanguine in ditionem accepit.

VIII. Sed quum Romae mutati Consules essent, et Marius, Marii filius, ac Papirius Carbo Consulatum acceperint; Sulla contra Marium iuniorem dimicavit, et XX millibus eius occisis, CCCC de suis perdidit. Mox etiam Urbem ingressus est. Marium, Marii filium, Praenestem persecutus, obsedit, et ad mortem compulit. Rursus pugnam gravissimam habuit contra Lamponium et Carinatem, duces partis Marianae, ad portam Collinam. LXX millia hostium in eo proelio contra Sullam fuisse dicuntur, XII millia se Sullae dediderunt: ceteri in acie, in castris, in fuga, insatiabili ira, victoris consumti sunt. Ca.

quoque Carbo, Cos. alter, ab Arimino ad Siciliam fugit, et ibi per Cn. Pompeium interfectus est, quem adolescentem Sulla annos nnum et viginti natum, cognita eius industria, exercitibus praefecerat, ut secundus a Sulla haberetur.

IX. Occiso ergo Carbone, Siciliam Pompeius recepit. Transgressus inde ad Africam, Domitium, Marianae partis ducem, et Hiabam, regem Mauretaniae, qui Domitio auxilium ferebat, occidit. Post haec Sulla de Mithridate ingenti gloria triumphavit. Cn. etiam Pompeius, [quod nulli Romanorum tributum erat,] quartum et XX annum aegens, de Africa triumphavit. Hunc finem habuerunt duo bella funestissima: Italicum, quod et sociale dictum est, et civile: quae ambo tracta sunt per annos decem. Consumserunt ultra CL millia hominum: viros Consulares XXIV, Praetorios VII, Aedilitios LX, Senatores fere CC.

LIBER SEXTUS.

I. **M**arco Aemilio Lepido, Q. Catulo Consulibus, quum Sulla Rempublicam composuisset, bella nova exarserunt: unum in Hispania; aliud in Macedonia; tertium in Pamphylia et Cilicia; quartum in Dalmatia. Nam SERTORIUS, qui partium Marianarum fuerat, timens fortunam ceterorum, qui interemti erant, ad bellum commovit Hispanias. Missi sunt contra eum duces Q. Caecilius Metellus, filius eius, qui lugurtham regem vicit, et L. Domitius, Praetor. A Sertorii duce Hirtuleio Domitius occisus: Metellus vario successu contra Sertorium dimicavit. Postea Metellus, quum impar pugnae solus putaretur, Cn. Pompeius ad Hispanias missus est. Ita duobus ducibus adversis Sertorius fortuna varia saepe pugnavit. Octavo demum anno a suis occisus est, et finis ei bello datus per Cn. Pompeium adolescentem, et Q. Metellum Pium: atque omnes prope Hispaniae in ditionem populi Romani redactae sunt.

II. Ad Macedoniam missus est Appius Claudius post Consulatum: levia proelia habuit contra varias gentes, quae Rhodopam provinciam incolebant; atque ibi morbo mortuus est. Missus ei successor C. Scribonius Curio post Consulatum. Is Dardanos vicit, et usque ad Danubium penetravit; triumphumque meruit, et intra triennium finem bello dedit.

III. Ad Ciliciam et Pamphyliam missus est P. Servilius ex Consule, vir strenuus. Is Ciliciam subegit, Lyciae urbes clarissimas oppugnavit, et cepit in his Phaselidem, Olympum, Corycum Ciliciae. Isauros quoque adgressus in ditionem redegit, atque intra triennium bello finem dedit. Primus omnium Romanorum in Tauro iter fecit. Revertens triumphum accepit, et nomen *Isaurici* meruit.

IV. Ad Illyricum missus est Cn. Cosconius pro Consule: multam partem Dalmatiae subegit, Salonas cepit, et composito bello Romam post biennium rediit.

V. Eisdem temporibus Consul M. Aemilius Lepidus, Catullus

collega, bellum civile voluit commovere: intra tamen unam aetatem motus eius oppressus est. Ita uno tempore multi simul triumphii fuerunt: Metelli ex Hispania, Pompeii secundus ex Hispania, Curionis ex Macedonia, Servilli ex Isauria.

VI. Anno Urbis conditae DCLXXVI. L. Licinio Lucullo et M. Aurelio Cotta Coss. mortuus est Nicomedes, rex Bithyniae, et testamento populum Romanum fecit heredem. Mithridates, pace rupta, Bithyniam et Asiam rursus voluit invadere. Adversus eum ambo Consules missi, variam habuere fortunam. Cotta apud Chalcedonem victus ab eo acie, etiam intra oppidum coactus est et obsessus. Sed quum se inde Mithridates Cyzicum transtulisset, ut Cyzico capta totam etiam invaderet, Lucullus ei alter Consul occurrit: ac dum Mithridates in obsidione Cyzici commoratur, ipse eum a tergo obsedit, fameque consumsit, et multis proeliis vicit. Postremo Byzantium [quae nunc Constantinopolis est] fugavit; navali quoque proelio duces eius Lucullus oppressit. Ita una hieme et aestate a Lucullo centum fere millia regis extincta sunt.

VII. Anno urbis Romae DCLXXVIII Macedoniam provinciam M. Licinius Lucullus accepit, consobrinus eius, qui contra Mithridatem bellum gerebat. Et in Italia novum bellum subito commotum est. Septuaginta enim quatuor gladiatores, ducibus Spartaco, Crixo et Oenomao, effracto Capuae ludo, effugerunt; et per Italiam vagantes, pacem non levius bellum in ea, quam Hannibal, moverunt. Nam multis ducibus, et duobus simul Romanorum Consulibus victis, sexaginta fere millium armorum exercitum congregaverunt: victique sunt in Apulia a M. Licinio Crasso Proconsole, et post multas calamitates Italiae, tertio anno, bello huic finis impositus.

VIII. Sexcentesimo octogesimo primo Urbis conditae anno, P. Cornelio Lentulo et Cn. Aufidio Oreste Coss. duo tantum gravia bella in imperio Romano erant, Mithridaticum et Macedonicum. Haec duo Luculli agebant, L. Lucullus, et M. Lucullus. L. ergo Lucullus post pugnam Cyzicenam, qua vicerat Mithridaten, ac navalem, qua duces eius oppresserat, persecutus est eum: et, recepta Paphlagonia atque Bithynia, etiam regnum eius invasit; Sinopen et Amison, civitates Ponti nobilissimas, cepit. Secundo proelio apud Cabira civitatem; quo ingentes copias ex omni regno adduxerat Mithridates, quum XXX millia lectissima regis a quinque Romanorum millibus vastata essent, Mithridates fugatus, et castra eius direpta. Armenia quoque minor, quam tenebat, eidem sublata est. Susceptus tamen est Mithridates post fugam a Tigraue, Armeniae rege, qui tum ingenti gloria imperabat, Persas saepe vicerat, Mesopotamiam occupaverat, et Syriam, et Phoenices partem.

IX. Ergo Lucullus, repetens hostem fugatum, etiam regnum Tigranis, qui Armeniis imperabat, ingressus est: Tigranocerta, civitatem Armeniae nobilissimam, cepit: ipsum regem cum sexcentis millibus clibanariorum et centum millibus sagittariorum et armatorum venientem, decem et octo millia militum habens, ita vicit, ut magnam partem Armeniorum deleverit.

Inde Nisibin profectus, eam quoque civitatem cum regi fratre cepit. Sed hi, quos in Ponto Lucullus reliquerat, cum exercitus parte, ut regiones victas iam Romanorum tuerentur, negligenter se et avari agentes, occasionem iterum Mithridati in Pontum irrumpendi dederunt, atque ita bellum renovatum est. Lucullo paranti, capta Nisibi, contra Persas expeditionem, successor est missus.

X. Alter Lucullus, qui Macedoniam administrabat, Bessii primus Romanorum intulit bellum, atque eos ingenti proelio in Hacmo monte superavit. Oppidum Uscudamam, quod Bessii habitabant, eodem die, quo adgressus est, vicit; Cabylen cepit; usque Danubium penetravit. Inde multas supra Pontum positas civitates adgressus est. Illic Apolloniam evertit; Calatin, Parthenopolin, Tomos, Istrum, Burziaonem cepit: belloque confecto, Romam rediit. Ambo tamen triumphaverunt: Lucullus, qui contra Mithridatem pugnaverat, maiori gloria, quam tantorum regnorum victor redisset.

XI. Confecto bello Macedonico, manente Mithridatico, quod, recedente Lucullo, rex collectis auxiliis reparaverat, bellum CRETICUM ortum est. Ad id missus Caecilius Metellus, ingentibus proeliis intra triennium omnem provinciam cepit, appellatusque est *Creticus*: atque ex insula triumphavit. Quo tempore Libya quoque Romano imperio per testamentum Apionis, qui rex eius fuerat, accessit: in qua inclutae civitates erant, Berenice, Ptolemais et Cyrene.

XII. Dum haec geruntur, PIRATAE omnia maria infestabant ita, ut navigatio Romanis, toto orbe victoribus, sola tuta non esset. Quare id bellum Cn. Pompeio decretum est; quod intra paucos menses, ingenti felicitate et celeritate confecit. Mox ei delatum bellum etiam contra regem, Mithridaten et Tigranen: quo suscepto, Mithridaten in Armenia minore nocturno proelio vicit, castra diripuit; quadraginta millibus eius occisis, viginti tantum de exercitu suo perdidit, et duos centuriones. Mithridates cum uxore fugit, et duobus comitibus. Neque multo post, quum in suos saeviret, Pharnacis, filii sui, apud milites seditione ad mortem coactus, venenum hausit. Hunc finem habuit Mithridates. Periit autem apud Bosporum, vir ingentis industriae consiliique: regnavit annis sexaginta, vixit septuaginta duobus: contra Romanos bellum habuit annis quadraginta.

XIII. Tigrani deinde Pompeius bellum intulit. Ille se dedit, et in castra Pompeii sexto decimo milliaro ab Artaxata venit: ac diadema suum, quum procubuisset ad genua Pompeii, in manibus eius collocavit: quod ei Pompeius reposuit, honorificeque cum habitum, regni tamen parte multavit, et grandi pecunia. Adempta est ei Syria, Phoenice, Sophene: sex millia praeterea talentorum argenti, quae populo Romano daret, quia bellum sine causa Romanis commovisset.

XIV. Pompeius mox etiam Albanis bellum intulit, et eorum regem Orodem ter vicit. Postremo per epistolas et munera rogatus, veniam ei ac pacem dedit. Iberiae quoque regem Ar-

taceo vicit acie, et in deditionem accepit. Armeniam minorem Deiotaro, Galatiae regi, donavit, quia socius belli Mithridatici fuerat: Attalo et Pylaemeni Paphlagoniam reddidit; Aristarchum Colchis regem imposuit. Mox Ituraeos et Arabas vicit: et quum venisset in Syriam, Seleuciam, vicinam Antiochiae civitatem, libertate donavit, quod regem Tigranen non recepisset. Antiochensibus obsides reddidit: aliquantum agrorum Daphnensibus dedit, quo locus ibi spatiosior fieret, delectatus amoenitate loci, et aquarum abundantia. Inde ad Iudaeam transgressus, Hierosolyma, caput gentis, tertio mense cepit, duodecim millibus Iudaeorum occisis, ceteris in fidem acceptis. His gestis, in Asiam se recepit, et finem antiquissimo bello dedit.

XV. M. Tullio Cicerone oratore et C. Antonio Coss. anno ab Urbe condita DCLXXXIX. L. Sergius Catilina, nobilissimi generis vir, sed ingenii pravissimi, ad delendam patriam conjuravit cum quibusdam, claris quidem, sed audacibus viris. A Cicerone Urbe expulsus est: socii eius deprehensi, in carcere strangulati sunt. Ab Antonio, altero Consule, Catilina ipse proelio victus est et interfectus.

XVI. Sexcentesimo nonagesimo anno ab Urbe condita D. Iunio Silano et L. Murena Coss. Metellus de Creta triumphavit; Pompeius de bello piratico et Mithridatico. Nulla umquam pompa triumphi similis fuit. Ducti sunt ante eius curram filii Mithridatis, filius Tigranis, et Aristobulus, rex Iudaeorum; praelata ingens pecunia, auri atque argenti infinitum. Hoc tempore nullum per orbem terrarum grave bellum erat.

XVII. Anno Urbis conditae DCXCIII. C. Iulius Caesar, qui postea imperavit, cum L. Bibulo Consul est factus. Decreta est ei Gallia et Illyricum, cum legionibus decem. Is primo vicit Helvetios, qui nunc Sequani appellantur. Deinde vincendo per bella gravissima, usque ad Oceanum Britannicum processit. Domuit autem annis novem fere omnem Galliam, quae inter Alpes, flumen Rhodanum, Rhenum et Oceanum est, et circuitu patet ad bis et tricies centena millia passuum. Britannis mox bellum intulit, quibus ante eum ne nomen quidem Romanorum cognitum erat; et eos quoque victos, obsidibus acceptis, stipendiariorum fecit. Galliae autem tributum nomine annum imperavit sestertium quadringenties: Germanosque trans Rhenum adgressus, immanissimis proeliis vicit. Inter tot successus ter male pugnavit: apud Arvernorum semel praesens, et absens in Germania bis. Nam Legati eius duo, Titurius et Anrunculeius, per insidias caesi sunt.

XVIII. Circa eadem tempora, anno Urbis conditae DCXCVII. M. Licinius Crassus, collega Cn. Pompeii Magni in Consulatu secundo, contra Parthos missus est. Et quum circa Carras contra omnia et auspicia dimicasset, a Surena, Orodidis regis duce, victus, ad postremum interfectus est cum filio, clarissimo et praestantissimo iuvene. Reliquiae exercitus per C. Cassium Quaestorem servatae sunt, qui singulari animo perditas res, tanta virtute restituit, ut Persas, rediens trans Euphratem, crebris proeliis vinceret.

XIX. Hinc iam bellum civile successit execrandum et lacrymabile; quo praeter calamitates, quae in proeliis acciderunt, etiam Romani nominis fortuna mutata est. Caesar enim, rediens e Gallia victor, coepit poscere alterum Consulatum: atque ita, ut sine dubietate ei aliqua deferretur. Contradictum est a Marcello Cos., a Bibulo, a Pompeio, a Catone, iussusque dimissis exercitibus ad Urbem redire. Propter quam iniuriam, ab Arimino, ubi milites congregatos habebat, adversus patriam cum exercitu venit. Consules cum Pompeio, Senatusque omnis atque universa nobilitas ex Urbe fugit, et in Graeciam transiit: apud Epirum, Macedoniam, Achaïam, Pompeio duce, Senatus contra Caesarem bellum paravit.

XX. Caesar vacuam Urbem ingressus, Dictatorem se fecit. Inde Hispanias petiit. Ibi Pompeii exercitus validissimos et fortissimos cum tribus ducibus, L. Afranio, M. Petreio, M. Varrone, superavit. Inde regressus, in Graeciam transiit, adversus Pompeium dimicavit. Primo proelio victus et fugatus, evasit tamen, quia nocte interveniente Pompeius sequi noluit: dixitque Caesar, *nec Pompeium scire vincere, et illo tantum die se potuisse superari*. Deinde in Thessalia apud Palaeopharsalum, productis utrimque ingentibus copiis, dimicaverunt. Pompeii acies habuit XL millia peditum, equites in sinistro cornu sexcentos, in dextro quingentos; praeterea totius Orientis auxilia, totamque nobilitatem, innumeros Senatores, Praetorios, Consulares, et qui magnorum iam populorum victores fuissent. Caesar in acie sua habuit peditum non integra XXX millia, equites mille.

XXI. Numquam adhuc Romanae copiae in unum, neque maiores, neque melioribus ducibus, convenerant, totum terrarum orbem facile subacturae, si contra barbaros ducerentur. Pugnatum tamen est ingenti contentione, victusque ad postremum Pompeius; et castra eius direpta sunt. Ipse fugatus, Alexandriam petiit, ut a rege Aegypti, cui tutor a Senatu datus fuerat propter juvenilem eius aetatem, acciperet auxilia: qui fortunam magis, quam amicitiam secutus, occidit Pompeium, caput eius et annulum Caesari misit. Quo conspecto, Caesar etiam lacrymas fudisse dicitur, tanti viri intuens caput, et generi quondam sui.

XXII. Mox Caesar Alexandriam venit. Ipsi quoque Ptolemaeus parare voluit insidias, qua caussa regi bellum illatum est. Victus, in Nilo periit, inventumque est corpus eius cum lorica aurea. Caesar Alexandria potitus, regnum Cleopatrae dedit, Ptolemaei sorori, cum qua consuetudinem stupri habuerat. Rediens inde Caesar Pharnacem, Mithridatis magni filium, qui Pompeio in auxilium apud Thessaliam fuerat, rebellantem in Ponto, et multas populi Romani provincias occupantem, vicit acie: postea ad mortem coëgit.

XXIII. Inde Romam regressus, tertio se Consulem fecit cum M. Aemilio Lepido, qui ei Dictatori Magister equitum ante annum fuerat. Inde in Africam profectus est, ubi insueta nobilitas cum Iuba, Mauretaniae rege, bellum reparaverat. Duces

autem Romani erant P. Cornelius Scipio, ex genere antiquissimo Scipionis Africani: [hic etiam socer Pompeii Magni fuerat] M. Petreius, Q. Varus, M. Porcius Cato, L. Cornelius Faustus, Sullae Dictatoris filius. Contra hos, commisso proelio, post multas dimicationes victor fuit Caesar. Cato, Scipio, Petreius, Iuba, ipsi se occiderunt. Faustus, [Sullae quondam Dictatoris filius,] Pompeii gener, a Caesare interfectus est.

XXIV. Post annum Caesar Romam regressus, quarto se Consulem fecit, et statim ad Hispanias est profectus, ubi Pompeii filii, Cneus et Sextus, ingens bellum reparaverant. Multa proelia fuerunt; ultimum apud Mundam civitatem, in quo adeo Caesar paene victus est, ut, fugientibus suis, se voluerit occidere, ne post tantam rei militaris gloriam in potestatem adolescentium, natus annos sex et quinquaginta, veniret. Denique reparatis suis vicit: et Pompeii filius maior occisus est, minor fugit.

XXV. Inde Caesar, bellis civilibus toto orbe compositis, Romam rediit; agere insolentius coepit, et contra consuetudinem Romanae libertatis. Quum ergo et honores ex sua voluntate praestaret, qui a populo antea deferebantur, nec Senatui ad se venienti adsurgeret, aliaque regia ac paene tyrannica faceret; coniuratum est in eum a LX vel amplius Senatoribus equitibusque Romanis. Praecipui fuerunt inter coniuratos duo Bruti, ex eo genere Bruti, qui primus Romae Consul fuerat, et reges expulerat; C. Cassius et Servilius Casca. Ergo Caesar, quum Senatus die quadam inter ceteros venisset ad curiam, XXIII vulneribus confossus est.

LIBER SEPTIMUS.

I. Anno Urbis septingentesimo fere ac nono, interfecto Caesare, bella civilia reparata sunt. Percussoribus enim Caesaris Senatus favebat. Antonius Consul, partium Caesaris, civilibus bellis opprimere eos conabatur. Ergo turbata Republica multa Antonius scelera committens, a Senatu hostis iudicatus est. Missi ad eum persequendum duo Coss. Pansa et Hirtius, et Octavianus adolescens, annos X et VIII natus, Caesaris nepos, quem ille testamento heredem reliquerat, et nomen suum ferre insecerat. Hic est, qui postea Augustus est dictus, et rerum potius. Quare profecti contra Antonium tres duces, vicerunt eum. Evenit tamen, ut victores Coss. ambo morerentur. Quare tres exercitus nni Caesari Augusto paruerunt.

II. Fugatus Antonius, amisso exercitu, confugit ad Lepidum, qui Caesari Magister equitum fuerat, et tum copias militum grandes habebat, a quo susceptus est. Mox Lepido operam dante, Caesar cum Antonio pacem fecit, et quasi vindicatoris patris sui mortem, a quo per testamentum fuerat adoptatus, Romam cum exercitu profectus est, extorsitque, ut sibi XX. anno Consulatus daretur. Senatum proscriptis, cum Antonio et Lepido, et Rempublicam armis tenere coepit. Per hos etiam Cicero orator occisus est, multique alii nobiles.

III. Interea Brutus et Cassius, interfectores Caesaris, ingens bellum moverunt: erant enim per Macedoniam et Orientem multi exercitus, quos occupaverant. Profecti igitur contra eos Caesar Octavianus Augustus et M. Antonius, (remauserat enim ad defendendam Italiam Lepidus) apud Philippos, Macedoniae urbem, contra eos pugnaverunt. Primo proelio victi sunt Antonius et Caesar, periit tamen dux nobilitatis Cassius: secundo Brutus, et infinita nobilitas, quae cum illis bellum gesserat. Ac sic inter eos divisa est res publica, ut Augustus Hispanias, Gallias, Italiam teneret: Antonius Asiam, Pontum, Orientem. Sed intra Italiam L. Antonius Cos. bellum civile commovit, frater eius, qui cum Caesare contra Brutum et Cassium dimicaverat. Is apud Perusiam, Tusciae civitatem, victus et captus est, neque occisus.

IV. Interim a Sex. Pompeio, Cu. Pompeii Magni filio, ingens bellum in Sicilia commotum est, his, qui superfuerant ex partibus Bruti Cassique, ad eum confluentibus. Bellatum per Caesarem Augustum Octavianum et M. Antonium adversus Sex. Pompeium: pax postremo convenit.

V. Eo tempore M. Agrippa in Aquitania rem prospere gessit: et L. Ventidius Bassus irrumpentes in Syriam Persas tribus proeliis vicit. Pacorum, regis Orodis filium, interfecit eo ipso die, quo olim Orodes, Persarum rex, per ducem Surenam, Crassum occiderat. Hic primus de Parthis iustissimum triumphum Romae egit.

VI. Interim Pompeius pacem rupit, et navali proelio victus, fugiens ad Asiam interfectus est. Antonius, qui Asiam et Orientem tenebat, repudiata sorore Caesaris Augusti Octaviani, Cleopatram, reginam Aegypti, duxit uxorem. Contra Persas ipse etiam pugnavit: primis eos proeliis vicit: regrediens tamen fame et pestilentia laboravit. Et quum instarent Parthi fugienti, ipse pro victo recessit.

VII. Hic quoque ingens bellum civile commovit, cogente uxore Cleopatra, regina Aegypti, dum cupiditate muliebri optat etiam in Urbe regnare. Victus est ab Augusto navali pugna clara et illustri apud Actium, qui locus in Epiro est; ex qua fugit in Aegyptum: et, desperatis rebus, quum omnes ad Augustum transirent, ipse se interemit: Cleopatra sibi aspidem admisit, et veneno eius extincta est. Aegyptus per Octavianum Augustum imperio Romano adiecta est, praepositusque ei Cn. Cornelius Gallus. Hunc primum Aegyptus Romanum iudicem habuit.

VIII. Ita bellis toto orbe confectis, OCTAVIANUS AUGUSTUS Romam rediit, XII. anno, quam Cos. fuerat. Ex eo Rempublicam per quadraginta et quatuor annos solus obtinuit. Ante eum XII. annis cum Antonio et Lepido tenuerat. Ita ab initio principatus eius usque ad finem LVI. anni fuere. Obiit autem LXXVI. anno, morte communi, in oppido Campaniae Atella. Romae in Campo Martio sepultus est: vir, qui non immerito ex maxima parte Deo similis est putatus. Neque enim facile ullus eo aut in bellis felicius fuit, aut in pace modera-

tior. XLIV annis, quibus solus gessit imperium, civilissime vixit, in cunctos liberalissimus, in amicos fidissimus, quos tantis exivit honoribus, ut paene aequaret fastigio suo.

IX. Nullo tempore res Romana magis floruit. Nam exceptis civilibus bellis, in quibus invictus fuit, Romano adiecit imperio Aegyptum, Cantabriam, Dalmatiam, saepe ante victam, sed penitus tunc subactam; Pannoniam, Aquitaniam, Illyricum, Rhaetiam, Vindelicos, et Salassos in Alpibus, omnes Ponti maritimas civitates: in his nobilissimas Bosphorum et Panticapaeon. Vicit autem proeliis Dacos; Germanorum ingentes copias cecidit; ipsos quoque trans Albim fluvium submovit, qui in barbarico longo ultra Rhenum est. Hoc tamen bellum per Drusum privignum suum administravit; sicut per Tiberium, privignum alterum, Pannonicum. Quo bello XXXX millia captivorum ex Germania transtulit, et supra ripam Rheni in Gallia collocavit. Armeniam a Parthis recepit: obsides, quod nulli antea, Persae ei dederunt; reddiderunt etiam signa Romana, quae Crasso victo ademerant.

X. Scythae et Indi, quibus antea Romanorum nomen incognitum fuerat, munera et legatos ad eum miserunt. Galatia quoque sub hoc provincia facta est, quum antea regnum fuisset: primusque eam M. Lollius pro Praetore administravit. Tanto autem amore etiam apud barbaros fuit, ut reges, populi Romani amici, in honorem eius conderent civitates, quas Caesareas nominarent: sicut in Mauretania a rege Iuba: et in Palaestina, quae nunc urbs est clarissima. Multi autem reges ex regnis suis venerunt, ut ei obsequerentur; et habitu Romano, togati scilicet, ad vehiculum vel equum ipsius cucurrerunt. Moriens Divus appellatus est. Rempublicam beatissimam Tiberio successoris reliquit, qui privignus ei, mox gener, postremo adoptione filius fuerat.

XI. TIBERIUS ingenti socordia imperium gessit, gravi crudelitate, scelestas avaritia, turpi libidine. Nam nusquam ipse pugnavit: bella per Legatos suos gessit: quosdam reges, per blanditias ad se evocatos, numquam remisit: in quibus Archelaum Cappadocem, cuius etiam regnum in provinciae formam redegit, et maximam civitatem appellari nomine suo iussit, quae nunc Caesarea dicitur, quum Mazaca antea vocaretur. Hic tertio et vigesimo imperii anno, aetatis septuagesimo octavo, ingenti omnium gaudio mortuus est in Campania.

XII. Successit ei CAIUS CAESAR, cognomento CALIGULA, Drusi, privigni Augusti, et ipsius Tiberii nepos: sceleratissimus, ac funestissimus, et qui etiam Tiberii dedecora purgaverit. Bellum contra Germanos suscepit; et ingressus Sueviam, nihil strenue fecit. Stupra sororibus intulit; ex una etiam natam filiam agnovit. Quum adversum cunctos ingenti avaritia, libidine, crudelitate saeviret, interfectus in palatio est anno aetatis suae XXIX. imperii III. mense X. dieque VIII.

XIII. Post hunc CLAUDIUS fuit, patruus Caligulae, Drusi, qui apud Mogontiacum monumentum habet, filius: cuius et Caligula nepos erat. Hic medie imperavit, multa gerens tranquille

atque moderate, quaedam crudeliter atque insulse. Britanniae bellum intulit, quam nullus Romanorum post Iulium Caesarem attigerat: eaque devicta per Cn. Sentium et A. Plautium, illustres et nobiles viros, triumphum celebrem egit. Quasdam insulas etiam, ultra Britanniam in Oceano positas, Romano imperio addidit, quae appellantur Orcades, filioque suo Britannici nomen imposuit. Tam civilis autem circa quosdam amicos existit, ut etiam Plautium, nobilem virum, qui in expeditione Britannica multa egregie fecerat, triumphantem ipse prosequeretur, et conscendenti Capitolium laevus incederet. Is vixit annos IV et LX, imperavit XIV. Post mortem consecratus est, Divusque appellatus.

XIV. Successit huic κκαο, Caligulae, avunculo suo, simillimus, qui imperium Romanum et deformavit, et diminuit: inusitatae luxuriae sumtumque, ut qui exemplo Caii Caligulae calidis et frigidis lavaret unguentis, retibus aureis piscaretur, quae blattinis funibus extraheret. Infinitam partem Senatus interfecit; bonis omnibus hostis fuit. Ad postremum se tanto dedecore prostituit, ut saltaret et cantaret in scena, citharodico habitu vel tragico. Parricidia multa commisit, fratre, uxore, matre interfectis. Urbem Romam incendit, ut spectaculi eius imaginem cerneret, quali olim Troia capta arserat. In re militari nihil omnino ausus, Britanniam paene amisit. Nam duo sub hoc nobilissima oppida capta illic atque eversa sunt. Armeniam Parthi sustulerunt, legionesque Romanas sub iugum miserunt. Duae tamen provinciae sub eo factae sunt: Pontus Polemoniacus, concedente rege Polemone, et Alpes Cottiae, Cottio rege defuncto.

XV. Per haec Romano orbi execrabilis, ab omnibus simul destitutus, et a Senatu hostis iudicatus, quum quaereretur ad poenam, (quae poena erat talis, ut nudus per publicum ductus, furca capiti eius inserta, virgis usque ad mortem caederetur, atque ita praecipitaretur de saxo,) e palatio fugit, et in suburbano se liberti sui, quod inter Salariam et Nomentanum viam ad quartum Urbis miliarium, interfecit. Aedificavit Romae thermas, quae ante Neronianae dictae, nunc Alexandrinae appellantur. Obiit trigesimo et altero aetatis anno, imperii quarto decimo, atque in eo omnis familia Augusti consumpta est.

XVI. Huic Servius γαλβα successit, antiquissimae nobilitatis Senator, quum septuagesimum et tertium annum ageret aetatis. Ab Hispanis et Gallis Imperator electus, mox ab universo exercitu libenter acceptus. Nam privata eius vita insignis fuerat militaribus et civilibus rebus; saepe Consul, saepe pro Consule, frequenter dux in gravissimis bellis. Huius breve imperium fuit, et quod bona haberet exordia, nisi ad severitatem propensior videretur. Insidiis tamen Othonis occisus est, imperii mense septimo; iugulatus in foro Romae, sepultusque in hortis suis, qui sunt Aurelia via non longe ab urbe Roma.

XVII. οττω, occiso Galba, invasit imperium, materno genere nobilior, quam paterno, neutro tamen obscuro. In privata vita mollis, et Neronis familiaris: in imperio documentum

sui non potuit ostendere. Nam quum iisdem temporibus, quibus Otho Galbam occiderat, etiam Vitellius factus esset a Germanicianis exercitibus Imperator, bello contra eum suscepto, quum apud Betriacum in Italia levi proelio victus esset, ingentes tamen copias ad bellum haberet, sponte semetipsum occidit, petentibus militibus, ne tam cito de belli desperaret eventu, quum tanti se non esse dixisset, ut propter eum civile bellum commoveretur. Voluntaria morte obiit, trigesimo et octavo aetatis anno, nonagesimo et quinto imperii die.

XVIII. Dein VITELLIUS imperio potitus est, familia honorata magis, quam nobili. Nam pater eius non admodum clare natus, tres tamen ordinarios gesserat Consulatus. Hic cum multo dedecore imperavit, et gravi saevitia notabilis, praecipue ingluvie et voracitate: quippe quum de die saepe quarto vel quinto feratur epulatus. Notissima certe coena memoriae mandata est, quam ei Vitellius frater exhibuit; in qua, super ceteros sumtus, duo millia piscium, septem avium millia apposita traduntur. Hic quum Neroni similis esse vellet, atque id adeo prae se ferret, ut etiam exsequias Neronis, quae humiliter sepultae fuerant, honoraret; a Vespasiani ducibus occisus est, interfecto prius Sabino, Vespasiani Imperatoris fratre, quem cum Capitolio incendit. Interceptus autem est, et cum magno dedecore tractus per urbem Romam publice, nudus, erecta coma et capite, subiecto ad mentum gladio, stercore in vultum et pectus ab omnibus obviis appetitus. Postremo iugulatus, et in Tiberim deiectus, etiam communi caruit sepultura. Perit autem aetatis anno septimo et quinquagesimo, imperii mense VIII. die uno.

XIX. VESPASIANUS huic successit, factus apud Palaestinae Imperator; princeps obscure quidem natus, sed optimis comparandus, privata vita illustris, ut qui a Claudio in Germaniam, deinde in Britanniam missus, tricies et bis cum hoste conflixerit; duas validissimas gentes, XX oppida, insulam Vectam, Britanniae proximam, imperio Romano adiecerit. Romae se in imperio moderatissime gessit: pecuniae tantum avidior fuit, ita ut eam nulli iniuste auferret: quam quum omni diligentiae provisione colligeret, tamen studiosissime largiebatur, praecipue indigentibus. Nec facile ante eum cuiusquam principis vel maior est liberalitas comperta, vel iustior. Placidissimae lenitatis, ut qui maiestatis quoque contra se reos non facile puniret ultra exsilii poenam. Sub hoc Iudaea Romano accessit imperio; et Hierosolyma, quae fuit urbs clarissima Palaestinae. Aethiopia, Lyciam, Rhodum, Byzantium, Samum, quae liberae ante hoc tempus fuerant; item Thraciam, Ciliciam, Commagenen, quae sub regibus amicis egerant, in provinciarum formam redegit.

XX. Offensarum et inimicitiarum immemor fuit. Convicia a caussidicis et philosophis in se dicta leniter tulit: diligens tamen coercitor disciplinae militaris. Hic cum Tito filio de Hierosolymis triumphavit. Per haec quum Senatui et populo, postremo cunctis amabilis ac iucundus esset, profluvio ventris extinctus est in villa propria, circa Sabinos, annum aetatis agens

sexagesimum nonum, imperii nonum, et diem septimum: atque inter Divos relatus est. Genituram filiorum ita cognitam habuit, ut, quum multae contra eum coniurationes fierent, quas patefactas ingenti dissimulatione contempsit, in Senatu dixerit, *aut filios sibi successuros, aut neminem.*

XXI. Huic TITUS filius successit, qui et ipse Vespasianus est dictus, vir omnium virtutum genere mirabilis adeo, ut amor et deliciae humani generis diceretur. Facundissimus, bellicosissimus, moderatissimus. Caussas latine egit; poemata et tragoedias graece composuit. In oppugnatione Hierosolymorum sub patre militans, XII propugnatores XII sagittarum ictibus confixit. Romae tantae civilitatis in imperio fuit, ut nullum omnino puniret; convictos adversum sese coniurationis ita dimiserit, ut in eadem familiaritate, qua antea, habuerit. Facilitatis tantae fuit et liberalitatis, ut nulli quidquam negaret; et quum ab amicis reprehenderetur, respondit, *nullum tristem debere ab Imperatore discedere.* Praeterea quum quodam die in coena recordatus fuisset, nihil se illo die cuiquam praestitisse, dixit: *amici, hodie diem perdidit.* Hic Romae amphitheatrum aedificavit, et quinque millia ferarum in dedicatione eius occidit.

XXII. Per haec inusitato favore dilectus, morbo periit in ea, qua pater, villa, post biennium, menses octo, dies XX, quam Imperator erat factus, aetatis anno altero et quadragesimo. Tantus luctus eo mortuo publicus fuit, ut omnes tamquam in propria doluerint orbitate. Senatus obitu ipsius circa vesperam nuntiato, nocte irrupit in curiam, et tantas ei mortuo laudes gratiasque concessit, quantas nec vivo umquam egerat, nec praesenti. Inter Divos relatus est.

XXIII. DOMITIANUS mox accepit imperium, frater ipsius iunior; Neroni, aut Caligulae, aut Tiberio similior, quam patri vel fratri suo. Primis tamen annis moderatus in imperio fuit; mox ad ingentia vitia progressus, libidinis, iracundiae, crudelitatis, avaritiae tantum in se odii concitavit, ut merita et patris et fratris aboleret. Interfecit nobilissimos ex Senatu: dominum se et Deum primus appellari iussit; nullam sibi nisi auream et argenteam statuam in Capitolio poni passus est: consobrinos suos interfecit: superbia quoque in eo execrabilis fuit. Expeditiones quatuor habuit: unam adversum Sarmatas; alteram adversum Catts; duas adversum Dacos. De Dacis Cattisque duplicem triumphum egit: de Sarmatis solam lauream usurpavit. Multas tamen calamitates iisdem bellis passus est. Nam in Sarmatia legio eius cum duce interfecta, et a Dacis Oppius Sabinus, Consularis, et Cornelius Fuscus, Praefectus praetorio, cum magnis exercitibus occisi sunt. Romae quoque multa opera fecit: in his Capitolium, et Forum transitorium, Odeum, Divorum porticus, Iseum, Serapeum, ac Stadium. Verum quum ob scelera universis exosus esse coepisset, interfectus est suorum coniuratione in palatio, anno aetatis XLV. imperii quinto decimo. Funus eius cum ingenti dedecore per vespillones exportatum et ignobiliter est sepultum.

LIBER OCTAVUS.

I. **A**nno octingentesimo et quinquagesimo ab Urbe condita, Vetere et Valente Consulibus, Respublica ad prosperrimum statum rediit, bonis principibus ingenti felicitate commissa. Domitiano enim, exitiabili tyranno, *NERVA* successit; vir in privata vita moderatus et strenuus; nobilitatis mediae. Qui senex admodum, operam dante Petronio Secundo, Praefecto praetorio, item Parthenio, interfectore Domitiani, Imperator factus, aequissimum se et civilissimum praebuit. Reipublicae divina provisione consuluit, Traianum adoptando. Mortuus est Romae post annum et quatuor menses imperii sui, ac dies octo, aetatis septuagesimo et altero anno; atque inter Divos relatus est.

II. Successit ei *ULPIUS TRAIANUS CRINITUS*, natus Italiae in Hispania, familia antiqua magis, quam clara. Nam pater eius primum Consul fuit. Imperator autem apud Agrippinam in Galliis factus est. Rempublicam ita administravit, ut omnibus principibus merito praeferatur. Inusitatae civilitatis et fortitudinis fuit. Romani imperii, quod post Augustum defensum magis fuerat, quam nobiliter ampliatum, fines longe lateque diffudit: urbes trans Rhenum in Germania reparavit. Daciam, Decebalò victo, subegit, provincia trans Danubium facta in his agris, quos nunc Thaiphali habent, Victoali et Thervingi. Ea provincia decies centena millia passuum in circumcircuitu tennit.

III. Armeniam, quam occupaverant Parthi, recepit, Parthamasire occiso, qui eam tenebat. Albanis regem dedit. Iberorum regem, et Sanromatorum, et Bosporanorum, et Arabum, et Osdroënoram, et Colchorum, in fidem accepit. Carduenos, Mardos, Medos occupavit, et Anthemusium, magnam Persidis regionem, Seleuciam et Ctesiphontem, Babylonem et Messenios [Edessios] vicit ac tenuit: usque ad Indiae fines et mare rubrum accessit, atque ibi tres provincias fecit, Armeniam, Assyriam, Mesopotamiam, cum his gentibus, quae Madenam attingunt. Arabiam postea in provinciae formam redegit. In mari rubro classem instituit, ut per eam Indiae fines vastaret.

IV. Gloriam tamen militarem civilitate et moderatione superavit, Romae et per provincias aequalem se omnibus exhibens; amicos salutandi causa frequentans, vel aegrotantes, vel, quum festos dies habuissent, convivia cum iisdem indiscreta vicissim habens, saepe in vehiculis eorum sedens; nullam Senatorum laedens, nihil iniustum ad augendum fiscum agens; liberalis in cunctos, publice privatimque ditans omnes, et honoribus angens, quos vel mediocri familiaritate cognovisset; orbem terrarum aedificans; multas immunitates civitatibus tribuens; nihil non tranquillum et placidum agens, adeo, ut omni eius aetate unus Senator damnatus sit, atque is tamen per Senatum, ignorante Traiano. Ob hoc per orbem terrarum Deo proximus, nihil non venerationis meruit et vivus et mortuus.

V. Inter alia dicta hoc ipsius fertur egregium. Amicis enim

culpantibus, quod nimis circa omnes communis esset, respondit: *Talem se Imperatorem esse privatis, quales esse sibi Imperatores privatus optasset.* Post ingentem igitur gloriam, belli domique quaesitam, e Perside rediens, apud Seleuciam Isauriae profluvio ventris exstinctus est. Obiit autem aetatis anno LXIII. mense nono, et die quarto: imperii anno XIX. mense VI. die XV. Inter Divos relatus est, solusque omnium intra Urbem sepultus. Ossa eius collocata in urna aurea in foro, quod aedificavit, sub columna sita sunt, cuius altitudo CXLIV pedes habet. Huius tantum memoriae delatum est, ut usque ad nostram aetatem non aliter in Senatu principibus acclametur, nisi FELICIOR AUGUSTO, MELIOR TRAIANO. Adeo in eo gloria bonitatis obtinuit, ut vel adsentantibus, vel vere laudantibus occasionem magnificentissimi praestet exempli.

VI. Defuncto Traiano, AELIUS HADRIANUS creatus est princeps; sine aliqua quidem voluntate Traiani, sed operam dante Plotina, Traiani uxore. Nam eum Traianus, quamquam consobrinae filium, vivens noluerat adoptare. Natus et ipse Italicae in Hispania; qui Traiani gloriae invidens statim provincias tres reliquit, quas Traianus addiderat; et de Assyria, Mesopotamia et Armenia revocavit exercitus, ac finem imperii esse voluit Euphratem. Idem de Dacia facere conatum, amici deterruerunt, ne multi cives Romani barbaris traderentur; propterea quod Traianus, victa Dacia, ex toto orbe Romano infinitas eo copias hominum transtulerat, ad agros et urbes colendas. Dacia enim diuturno bello Decehali viris fuerat exhausta.

VII. Pacem tamen omni tempore imperii sui habuit, semel tantum per praesidem dimicavit; orbem Romanum circumivit, et multa aedificavit. Facundissimus Latino sermone, Graeco eruditissimus fuit: non magnam clementiae gloriam habuit: diligentissimus tamen circa aerarium et militum disciplinam. Obiit in Campania, maior sexagenario, imperii anno XXI. mense X. die XXIX. Senatus ei tribuere noluit divinos honores: tamen, quum successor ipsius Titus Aurelius Fulvius Antoninus hoc vehementer exigeret, et universi Senatores palam resisterent, tandem obtinuit.

VIII. Ergo Hadriano successit T. ANTONINUS FULVIUS SEVERUS, idem etiam PIUS nominatus; genere claro, sed non admodum vetere: vir insignis, et qui merito Numae Pompilii conferatur, ita ut Romulo Traianus aequatur. Vixit ingenti honestate privatus: maiori, in imperio; nulli acerbus, cunctis benignus: in re militari moderata gloria, defendere magis provincias, quam amplificare studens: viros acquirissimos ad administrandam Rempublicam quaereus, bonis honorem habens, imbrohos sine aliqua acerbitate detestans: regibus amicis venerabilis non minus, quam terribilis: adeo ut barbarorum plurimae nationes, depositis armis, ad eum controversias suas litesque deferrent, sententiaeque eius parerent. Hic ante imperium ditissimus, opes quidem omnes suas stipendiis militum, et circa amicos liberalitatibus minuit; verum aerarium opulentum reliquit. PIUS propter clementiam dictus est. Obiit apud Lorium,

villam suam, milliario ab Urbe XII. vitae anno LXXIII. imperii XXIII. atque inter Divos relatus est, et merito consecratus.

IX. Post hunc imperavit MARCUS ANTONINUS VERUS, haud dubie nobilissimus; quippe quum eius origo paterna a Numa Pompilio, materna a Sallentino rege penderet; et cum eo L. [ANNIUS] ANTONINUS VERUS.. Tumque primum Romana respublica duobus, aequo iure imperium administrantibus, paruit, quum usque ad eos singulos semper habuisset Augustos.

X. Hi et genere inter se coniuncti fuerunt et adfinitate. Nam Verus [Annius] Antoninus M. Antonini filiam in matrimonio habuit: M. autem Antoninus geuer Antonini Pii fuit per uxorem Galeriam Faustinam iuniozem, consobrinam suam. Hi bellum contra Parthos gesserunt, qui post victoriam Traiani tum primum rebellaverant. Verus Antoninus ad id profectus est: qui Antiochia et circa Armeniam agens, multa per duces, et ingentia patravit: Seleuciam, Assyriae urbem nobilissimam, cum quadraginta millibus hominum cepit: Parthicum triumphum revertis; cum fratre eodemque socero triumphavit. Obiit tamen in Venetia, quum a Concordia civitate Altinum proficisceretur, et cum fratre in vehiculo sederet, subito sanguine ictus, casu morbi, quem Graeci ἀπόπληξιν vocant. Vir ingenii parum civilis; reverentia tamen fratris nihil umquam atrox ausus. Quum obisset undecimo imperii anno, inter Deos relatus est.

XI. Post eum MARCUS ANTONINUS solus Rempublicam tenuit: vir, quem mirari facilius quis, quam laudare possit. Principio vitae tranquillissimus: adeo, ut ex infantia quoque vultum nec ex gaudio, nec ex moerore mutaret. Philosophiae deditus Stoicae; ipse etiam non solum vitae moribus, sed etiam eruditione philosophus; tantae admirationis adhuc iuvenis, ut eum successorem paraverit Hadrianus relinquere: adoptato tamen Antonino Pio, generum esse ei idcirco voluerit, ut hoc ordine ad imperium perveniret.

XII. Institutus est ad philosophiam per Apollonium Chalcædonium; ad scientiam litterarum Graecarum per Sextum Chæronensem, Plutarchi nepotem; Latinas autem litteras eum Fronto, orator nobilissimus, docuit. Hic cum omnibus Romae aequo iure egit, ad nullam insolentiam elatus imperii fastigio: liberalitatis promptissimae: provincias ingenti benignitate et moderatione tractavit. Contra Germanos eo principe res feliciter gestae sunt. Bellum ipse nnum gessit Marcomannicum: sed quantum nulla memoria fuit, adeo ut Punicis conferatur. Nam eo gravius est factum, quod universi exercitus Romani perierant. Sub hoc enim tantus casus pestilentiae fuit, ut post victoriam Persicam, Romae ac per Italiam provinciasque maxima hominum pars, militum omnes fere copiae languore defecerint.

XIII. Ingenti ergo labore et moderatione, quum apud Carnuntum iugi triennio perseverasset, bellum Marcomannicum confecit, quod cum his Quadi, Vandali, Sarmatae, Suevi, atque omnis barbaria commoverat: multa hominum millia interfecit: ac Pannoniis servitio liberatis, Romae rursus cum Commodo Antonino, filio suo, quem iam Caesarem fecerat,

triumphavit. Ad huius belli sumtum, aerario exhausto, quum largitiones nullas haberet, neque iudicare provincialibus aut Senatui aliquid vellet, instrumentum regii cultus, facta in foro Divi Traiani sectione, distraxit: vasa aurea, pocula crystallina et murrhina, uxoriam ac suam sericam et auream vestem, multa oruamenta gemmarum; ac per duos continuos menses venditio habita est, multumque auri redactum. Post victoriam tamen emtoribus pretia restituit, qui reddere comparata voluerunt: molestus nulli fuit, qui maluit semel emta retinere.

XIV. Hic permisit viris clarioribus, ut convivium eodem cultu, quo ipse, et ministris similibus, exhiberent. In editione munerum post victoriam adeo magnificus fuit, ut centum simul leones exhibuisse tradatur. Quum igitur fortunatam Rempubliacam et virtute et mansuetudine reddidisset, obiit XVIII. imperii anno, vitae LXI. et omnibus certatim adnitentibus, inter Divos relatus est.

XV. Huius successor L. ANTONINUS COMMODUS nihil paternum habuit, nisi quod contra Germanos feliciter et ipse pugnavit. Septembrem mensem ad nomen suum transferre conatus est, ut Commodus diceretur. Sed luxuria et obscenitate depravatus, gladiatorii armis saepissime in ludo, deinceps etiam in amphitheatro cum huiusmodi hominibus saepe dimicavit. Obiit morte subita, atque adeo, ut strangulatus, vel veneno interfectus putaretur, quum annis XII post patrem, et VIII mensibus imperasset; tanta execratione omnium, ut hostis humani generis etiam mortuus iudicaretur.

XVI. Huic successit PERTINAX, grandaevus iam, ut qui septagenariam attigisset aetatem, praefecturam Urbi tum agens, ex S. C. imperare inssus. Octogesimo imperii die, praetorianorum militum seditione, et Iuliani scelere occisus est.

XVII. Post eum SALVIVS IULIANUS Rempublicam invasit, vir nobilis et iure peritissimus; nepos Salvii Iuliani, qui sub Divo Hadriano *perpetuum* composuit *edictum*. Victus est a Severo apud Mulvium pontem, interfectus in palatio. Vixit mensibus septem, postquam coeperat imperare.

XVIII. Hinc imperii summam administrationem SEPTIMIUS SEVERUS accepit; oriundus ex Africa, provincia Tripolitana, oppido Lepti. Solus omni memoria et ante et postea ex Africa Imperator fuit. Hic primum fisci advocatus, mox militaris Tribunus, per multa deinde ac varia officia atque honores usque ad administrationem totius Reipublicae pervenit. Pertinacem se appellari voluit, in honorem eius Pertinacis, qui a Iuliano fuerat occisus. Parcus admodum fuit, natura saevus; bella multa, et feliciter gessit. Pescennium Nigram, qui in Aegypto et Syria rebellaverat, apud Cyzicum interfecit. Parthos vicit, et Arabas interiores et Adiabenos. Arabas eo usque superavit, ut etiam provinciam ibi faceret. Idecirco Parthicus, Arabicus, Adiabenicus dictus est. Multa toto Romano orbe reparavit. Sub eo etiam Clodius Albinus, qui in occidendo Pertinace socius fuerat Iuliano, Caesarem se in Gallia fecit, victusque apud Lugdunum est et interfectus.

XIX. Severus autem praeter bellicam gloriam etiam civilibus studiis clarus fuit, et litteris doctus, philosophiae scientiam ad plenum adeptus. Novissimum bellum in Britannia habuit: utque receptas provincias omni securitate muniret, vallum per XXXII millia passuum a mari ad mare deduxit. Decessit Eboraci admodum senex, imperii anno sexto decimo, mense tertio, et Divus appellatus est. Nam filios duos successores reliquit, Bassianum et Getam: sed Bassiano Antonini nomen a Senatu voluit imponi. Itaque dictus est M. Aurelius Antoninus Bassianus, patrique successit. Nam Geta, hostis publicus iudicatus, confestim periit.

XX. MARCUS igitur AURELIUS ANTONINUS BASSIANUS, idemque CARACALLA, morum fere paternorum fuit; paullo asperior et minax. Opus Romae egregium fecit lavacri, quae Antoninianae [thermae] appellantur; nihil praeterea memorabile. Impatiens libidinis, ut qui novercam suam Iuliam uxorem duxerit. Defunctus est in Osdroene apud Edessam, moliens adversum Parthos expeditionem. anno imperii VI. mense II. vix egressus aetatis XLIII. annum. Funere publico elatus est.

XXI. OPILIUS deinde MACRINUS, qui Praefectus praetorio erat, cum filio DIADUMENIANO facti Imperatores, nihil memorabile ex temporis brevitate gesserunt. Nam imperium eorum duum mensium et unius anni fuit. Seditione militari ambo pariter occisi sunt.

XXII. Creatus est post hos M. AURELIUS ANTONINUS. Hic Antonini Caracallae filius putabatur: sacerdos autem Elagabali templi erat. Is quum Romam ingenti et militum et Senatus expectatione venisset, probris se omnibus contaminavit. Impudicissime et obscenissime vixit, biennioque post et VII mensibus tumultu interfectus est militari, et cum eo mater Soaemis, Syra.

XXIII. Successit huic AURELIUS ALEXANDER; ab exercitu Caesar, a Senatu Augustus nominatus; invenis admodum: susceptoque adversus Persas bello, Xerxen eorum regem gloriosissime vicit. Militarem disciplinam severissime rexit; quasdam tumultuantes legiones integras exauctoravit. Adsessorem habuit, vel scrinii magistrum, Ulpianum, iuris conditorem. Romae quoque favorabilis fuit. Periit in Gallia, militari tumultu, tertio decimo imperii anno, et die VIII. in matrem suam Mamaesem unice pius.

LIBER NONUS.

I. Post hunc MAXIMINUS ex corpore militari primus ad imperium accessit, sola militum voluntate, quum nulla Senatus intercessisset auctoritas, neque ipse Senator esset. Is bello adversus Germanos feliciter gesto, quum a militibus esset Imperator appellatus, a Pupieno Aquileiae occisus est, deserentibus eum militibus suis, cum filio adhuc puero, cum quo imperaverat triennio et paucis diebus.

II. Postea tres simul Augusti fuerunt, PUPIENUS, BALBINUS, et GORDIANUS: duo superiores obscurissimo genere,

Gordianus, nobilis: quippe cuius pater, senior Gordianus, consensu militum, quum proconsulatum Africae gereret, Maximino imperante, princeps fuisset electus. Itaque quum Romam venisset, Balbinus et Pupienus in palatio interfecti sunt; soli Gordiano imperium reservatum. Gordianus admodum puer, quum Tranquillinam Romae duxisset uxorem, Ianum geminum aperuit, et ad Orientem profectus, Parthis bellum intulit, qui iam moliebantur erumpere. Quod quidem mox feliciter gessit, proeliisque ingentibus Persas adflixit. Rediens haud longe a Romanis finibus interfectus est fraude Philippi, qui post eum imperavit. Miles ei tumultum vigesimo milliario a Circesso, quod castrum nunc Romanorum est, Euphrati imminens, aedificavit, exsequias Romanam revexit, ipsum Divum appellavit.

III. PHILIPPI duo, filius ac pater, Gordiano occiso, imperium invaserunt, atque exercitu incolumi reducto, ad Italiam et Syria profecti sunt. His imperantibus millesimus annus Romae urbis ingenti ludorum apparatu spectaculorumque celebratus est. Ambo deinde ab exercitu interfecti sunt: senior Philippus Veronae, Romae iunior. Annis quinque imperaverunt; inter Divos tamen relati sunt.

IV. Post hos DECIUS, e Pannonia inferiore Budaliae natus, imperium sumpsit. Bellum civile, quod in Gallia motum fuerat, oppressit; filium suum Caesarem fecit, Romae lavacrum aedificavit. Quum biennio ipse et filius eius imperassent, uterque in barbarico interfecti sunt, et inter Divos relati.

V. Mox Imperatores creati sunt GALLUS HOSTILIANUS et Galli filius, VOLUSIANUS. Sub his Aemilianus in Moesia res novas molitus est: ad quem opprimendum quum ambo profecti essent, Interamnae interfecti sunt, non completo biennio. Nihil omnino clarum gesserunt. Sola pestilentia, et morbis, atque aegritudinibus notus eorum principatus fuit.

VI. AEMILIANUS obscurissime natus, obscurius imperavit, ac tertio mense extinctus est.

VII. Hinc LICINIUS VALERIANUS, in Rhaetia et Norico agens, ab exercitu Imperator, et mox Augustus est factus. GALLIENUS quoque Romae a Senatu Caesar est appellatus. Horum imperium Romano nomini perniciosum, et paene exitiale fuit, vel infelicitate principum, vel ignavia. Germani Rannam usque venerunt. Valerianus, in Mesopotamia bellum gerens, a Sapore, Persarum rege, superatus est: mox etiam captus, apud Parthos ignobili servitute consenuit.

VIII. Gallienus, quum adolescens factus esset Augustus, imperium primum feliciter, mox commode, ad ultimum perniciose gessit. Nam iuvenis in Gallia et Illyrico multa strenue fecit, occiso apud Mursam Ingenuo, qui purpuram sumerat, et Regaliano. Diu placidus et quietus, mox in omnem lasciviam dissolutus, tenendae Reipublicae habenas probrosa ignavia et desperatione laxavit. Alamanni, vastatis Galliis, in Italiam penetraverunt. Dacia, quae a Traiano ultra Danubium fuerat adiecta, amissa est. Graecia, Macedonia, Pontus, Asia, vastata per Gothos, Pannonia a Sarmatis Quadisque populata est. Ger-

manī usque ad Hispanias penetraverunt, et civitatem nobilem Tarraconem expugnaverunt. Parthi, Mesopotamia occupata, Syriam sibi coeperunt vindicare.

IX. Tum iam desperatis rebus, et deletō paene imperio Romano, POSTUMUS in Gallia, obscurissime natus, purpuram sumpsit, et per annos decem ita imperavit, ut consumtas paene provincias iugenti virtute et moderatione reparaverit: qui seditione militum interfectus est, quod Mogontiacum, quae adversus eum rebellaverat, L. Aeliano [Lolliano] res novas moliente, diripiendam militibus tradere noluisse. Post eum Marius, viliissimus opifex, purpuram accepit, et secundo die interfectus est. Victorinus postea Galliarum accepit imperium, vir strenuissimus. Sed quum nimiae libidinis esset, et matrimonia aliena corrumpere, Agrippinae occisus est, actuario quodam machinante dolum, imperii sui anno secundo.

X. Huic successit Tetricus Senator, qui Aquitaniam honore praesidis administrans, absens a militibus Imperator electus est, et apud Bardigalam purpuram sumpsit: seditiones multas militum pertulit. Sed dum haec in Gallia geruntur, in Oriente per Odenathum Persae victi sunt. Defensa Syria, recepta Mesopotamia, usque ad Ctesiphontem Odenathus penetravit.

XI. Ita, Gallieno Rempublicum deserente, Romanum imperium in Occidente per Postumum, per Odenathum in Oriente servatum est. Gallienus interea [fraude Aureoli ducis sui] Mediolani cum fratre Valeriano occisus est, imperii anno nono, CLAUDIUSQUE ei successit, a militibus electus, a Senatu appellatus Augustus. Hic Gothos, Illyricum Macedoniamque vastantes, ingenti proelio vicit. Parcus vir ac modestus, et iusti tenax, et Reipublicae gerendae idoneus: qui tamen intra imperii biennium morbo interiit, et Divus appellatus est. Senatus ingenti eum honore decoravit, scilicet ut in curia clypeus ipsi aureus, item in Capitolio statua aurea poneretur.

XII. QUINTILLUS post eum, Claudii frater, consensu militum Imperator electus est; vir unice moderationis et civilitatis, aequandus fratri, vel praeponendus. Consensu Senatus appellatus Augustus, septimo decimo die imperii occisus est.

XIII. Post eum AURELIANUS suscepit imperium, Dacia Ripensi oriundus: vir in bello potens, animi tamen immodici, et ad crudelitatem propensioris, quique Gothos strenuissime vicit. Romanam ditionem ad fines pristinos varia bellorum felicitate revocavit. Superavit in Gallia Tetricum apud Catalaunos, ipso Tetrico prodente exercitum suum, cuius assiduas seditiones ferre non poterat. Quin etiam per litteras occultas Aurelianum ita fuerat deprecatus, ut inter alia versu Virgiliano [Aen. VI, 365.] uteretur:

Eripe me his, invicte, malis.

Zenobiam quoque, quae, occiso Odenathō marito, Orientem tenebat, haud longe ab Antiochia sine gravi proelio cepit, ingressusque Romam, nobilem triumphum, quasi receptor Orientis Occidentisque, egit, currum praecedentibus Tetrico et Zeno-

bia, qui quidem Tetricus corrector Lucaniae postea fuit, ac privatus diutissime vixit. Zenobia autem posteros, qui adhuc manent, Romae reliquit.

XIV. Hoc imperante etiam monetarii in Urbe rebellaverant, vitiatis pecuniis, et Felicissimo rationali interfecto: quos Aurelianus victos ultima crudelitate compescuit: plurimos nobiles capite damnavit: saevus et sanguinarius, ac necessarius magis in quibusdam, quam in ullo: amabilis Imperator, trux omni tempore, etiam filii sororis interfecto: disciplinae tamen militaris, et morum dissolutorum magna ex parte corrector.

XV. Urbem Romam muris firmioribus ciuxit: templum Soli aedificavit, in quo infinitum auri gemmarumque constituit. Provinciam Daciam, quam Traianus ultra Danubium fecerat, intermisit, vastato omni Illyrico et Moesia, desperans eam posse retineri: abductosque Romanos ex urbibus et agris Daciae in media Moesia collocavit: appellavitque eam Daciam, quae nunc duas Moesias dividit, et est in dextera Danubio, in mare fluenti, quum antea fuerit in laeva. Occiditur servi sui fraude, qui ad quosdam militares viros, amicos ipsius, nomina pertulit adnotata, falso manum eius imitatus, tamquam Aurelianus ipsos pararet occidere. Itaque ut praeveniretur, ab iisdem interfectus est in itineris medio; quod inter Constantinopolin et Heracleam est stratae veteris. Locus Caenophrurium appellatur. Mors tamen eius inulta non fuit. Meruit quoque inter Divos referri. Imperavit annos quinque, menses VI.

XVI. TACITUS post hunc suscepit imperium; vir egregio moratus, et Reipublicae gerendae idoneus. Nihil tamen clarum potuit ostendere, intra sextum mensem imperii morte praeventus. FLORIANUS, qui Tacito successerat, duobus mensibus et diebus XX in imperio fuit; neque quidquam dignum memoria egit.

XVII. Post hunc PROBUS, vir illustris gloria militari, ad administrationem Reipublicae accessit. Gallias a barbaris occupatas ingenti praeciorum felicitate restituit. Quosdam imperium usurpare conatos, scilicet Saturninum in Oriente, Proculum et Bonosum Agrippinae, multis certaminibus oppressit. Vineas Gallos et Pannonios habere permisit; opere militari Almam montem apud Sirmium, et Aureum apud Moesiam superiorem vineis conseruit, et provincialibus colendas dedit. Hic quum bella innumera gessisset, pace parata dixit, *brevi milites necessarios non futuros*. Vir acer, strenuus, iustus, et qui Aurelianium aequaret gloria militari, morum autem civilitate superaret. Interfectus est tamen Sirmii, tumultu militari, in turri ferrata. Imperavit annos VI, menses quatuor.

XVIII. Post hunc CARUS est factus Augustus, Narbone natus in Gallia: qui confestim Carinum et Numerianum, filios, Caesares fecit, cum quibus regnavit duobus annis. Sed dum bellum adversum Sarmatas gerit, nuntiato Persarum tumultu ad Orientem profectus, res contra Persas nobiles gessit: ipsos proelio fudit. Cochen et Ctesiphontem, urbes nobilissimas, cepit. Et quum castra supra Tigridem haberet, ictu divini

fulminis periit. NUMERIANUS quoque, filius eius, quem secum ad Persas duxerat, adolescens egregiae indolis, quum oculorum dolore correptus in lecticula veheretur, impulsore Apro, qui socer eius erat, per insidias occisus est: et quum dolo occularetur ipsius mors, quousque Aper invadere posset imperium, foetore cadaveris prodita est. Milites enim, qui eum sequebantur, foetore commoti, diductis lecticulae palliis, post aliquot dies mortem eius notam habere potuerunt.

XIX. Interea CARINUS, quem Caesarem in Parthos proficiscens Carus in Illyrico, Gallia, Italia reliquerat, omnibus se sceleribus coinquinavit: plurimos innoxios, fictis criminibus, occidit: matrimonia nobilia corrumpit: condiscipulis quoque, qui eum in auditorio vel levi fatigatione taxaverant, perniciosus fuit. Ob quae omnibus bonis invisus, non multo post poenas dedit. Nam de Perside victa exercitus rediens, quum Carum Augustum subuine, Numerianum Caesarem insidiis perdidisset, DIOCLETIANUM Imperatorem creavit, Dalmatia oriundum, virum obscurissime natum, adeo ut a plerisque scribae filius, a nonnullis Anulini Senatoris libertinus fuisse credatur.

XX. Is prima militum concione iuravit, Numerianum nullo suo dolo interfectum, et quum iuxta eum Aper, qui Numeriano insidias fecerat, constitisset, in conspectu exercitus, manu Diocletiani, gladio percussus est. Postea Carinum, omnium odio et detestatione viventem, apud Margum ingenti proelio vicit, proditum ab exercitu suo, quem fortiorem habebat; certe desertum, inter Viminacium atque Aureum montem. Ita rerum Romanarum potitus, quum tumultum rusticani in Gallia concitassent, et factioni suae Bagaudarum nomen imponerent, duces autem haberent Amandum et Aelianum, ad subigendos eos Maximianum Herculium Caesarem misit, qui levibus proeliis agrestes domuit, et pacem Galliae reformavit.

XXI. Per haec tempora etiam Carausius, qui vilissime natus, strenuae militiae ordine famam egregiam fuerat consecutus, quum apud Bononiam per tractum Belgicae et Armoricae pacandum mare accepisset, quod Franci et Saxones infestabant, multis barbaris saepe captis, nec praeda integra aut provincialibus reddita, aut Imperatoribus missa, quum suspicio esse coepisset, consulto ab eo admitti barbaros, ut transeuntes cum praeda exciperet, atque hac se occasione ditaret; a Maximiano iussus occidi, purpuram sumsit, et Britannias occupavit.

XXII. Ita quum per orbem terrarum res turbatae essent, et Carausius in Britanniiis rebellaret, Achilles in Aegypto, Africam Quinquegentiani infestarent, Narseus Orienti bellum inferret: Diocletianus MAXIMIANUM HERCULIUM ex Caesare fecit Augustum, Constantium et Maximianum Caesares: quorum Constantius per filiam nepos Claudii traditur: Maximianus Galerius in Dacia haud longe a Sardica natus. Atque ut eos etiam adfinitate coniungeret, Constantius privignam Herculi Theodoram accepit, ex qua postea sex liberos, Constantini fratres, habuit; Galerius filiam Diocletiani Valeriam: ambo uxores, quas habuerant, repudiare compulsi. Cum Carausio tamen, quum

bella frustra tentata essent contra virum rei militaris peritissimum, ad postremum pax convenit. Eum post septennium Allectus, socius eius, occidit; atque ipse post eum Britannias triennio tenuit. Qui ductu Asclepiodoti, Praefecti praetorio, est oppressus. Ita Britanniae decimo anno receptae.

XXIII. Per idem tempus a Constantino Caesare in Gallia pugnatum est circa Lingonas. Die una adversam et secundam fortunam expertus est. Nam quum, repente barbaris ingruentibus, intra civitatem esset coactus tam praecipiti necessitate, ut, clausis portis, in murum funibus tolleretur: vix quinque horis mediis, adventante exercitu, sexaginta fere millia Alamannorum occidit. Maximianus quoque Augustus bellum in Africa profligavit, domitis Quinquegentianis, et ad pacem redactis. Diocletianus obsessum Alexandriae Achilleum octavo fere mense superavit, eumque interfecit. Victoria acerbè usus est; totam Aegyptum gravibus proscriptionibus caedibusque foedavit. Ea tamen occasione ordinavit provide multa et disposuit; quae ad nostram aetatem manent.

XXIV. Galerius Maximianus primo adversus Narseum insecundum proelium habuit, inter Callnicum Carrasque congressus, quum inconsulte magis, quam ignave dimicasset. Admodum enim parva manu cum copiosissimo hoste commisit. Pulsus igitur, et ad Diocletianum profectus, quum ei in itinere occurrisset, tanta insolentia a Diocletiano fertur exceptus, ut per aliquot passuum millia purpuratus tradatur ad vehiculum cucurrisset.

XXV. Mox tamen per Illyricum Moesiamque contractis copiis, rursus cum Narseo, Hormisdæ et Saporis avo, in Armenia maiori pugnavit successu ingenti, nec minore consilio, simulque fortitudine; quippe qui etiam speculatoris munus cum altero ac tertio equite susceperit. Pulso Narseo, castra eius diripuit, uxores, sorores, liberos cepit; infinitam extrinsecus Persarum nobilitatem, gazam Persicam copiosissimam: ipsum in ultimas regni solitudines egit. Quare ad Diocletianum, in Mesopotamia cum praesidiis tunc morantem, ovens regressus, ingenti honore susceptus est. Varia deinceps et simul, et viritim bella gesserunt, Carpis et Basternis subactis, Sarmatis victis: quarum nationum ingentes captivorum copias in Romanis finibus locaverunt.

XXVI. Diocletianus moratus callide fuit, sagax praeterea; et admodum subtilis ingenio, et qui severitatem suam aliena invidia vellet explere. Diligentissimus tamen et solertissimus princeps: et qui imperio Romano primus regiae consuetudinis formam magis, quam Romanae libertatis, iniecit, adorarique se iussit, quum ante eum cuncti salutarentur: ornamenta gemmarum vestibus calcamentisque indidit. Nam prius imperii insigne in chlamyde purpurea tantum erat; reliqua communia.

XXVII. Hercules autem propalam ferus, et incivilis ingenii, asperitatem suam etiam vultus horrore significans. Hic naturae suae indulgens, Diocletiano in omnibus, etiam severioribus consiliis obsecutus est. Quum tamen ingravescente aëro parum

se idoneum Diocletianus moderando imperio esse sentiret, auctor Herculio fuit, ut in privatam vitam concederent, et stationem tuendae Reipublicae viridioribus iunioribusque mandarent. Cui aegre collega obtemperavit. Tamen uterque una die privato habitu imperii insigne mutavit; Nicomediae Diocletianus, Herculius Mediolani, post triumphum inclutum, quem Romae ex numerosis gentibus egerant, pompa ferculorum illustri, qua Narsei coniuges sororesque et liberi ante curram ducti sunt. Concesserunt tunc Salonas unus, alter in Lucaniam.

XXVIII. Diocletianus privatus in villa, quae haud procul a Salonis est, praeclaro otio senuit: inusitata virtute usus, ut solus omnium, post conditum Romanum imperium, ex tanto fastigio sponte ad privatae vitae statum civilitatemque remearet. Contigit igitur ei, quod nulli post natos homines, ut, quum privatus obisset, inter Divos tamen referretur.

LIBER DECIMUS.

I. **H**is igitur abeuntibus ab administratione Reipublicae, **CONSTANTIUS** et **GALERIUS** Augusti creati sunt: divisusque iuxta eos ita Romanus orbis, ut Galliam, Italiam, Africam Constantius; Illyricum, Asiam, Orientem Galerius obtineret, summis duobus Caesaribus. Constantius tamen, contentus dignitate Augusti, Italiae atque Africae administrandae sollicitudinem recusavit: vir egregius et praestantissimae civilitatis, divitiis provincialium ac privatorum studens, fisci commoda non admodum adfectans, dicensque, *melius publicas opes a privatis haberi, quam intra unum claustrum reservari*. Adeo antem cultus modici, ut feriatis diebus, si cum amicis numerosioribus esset epulandum, privatorum ei argento ostiatim petito triclinio sternerentur. Hic non modo amabilis, sed etiam venerabilis Gallis fuit: praecipue quod Diocletiani suspectam prudentiam, et Maximiani sanguinariam temeritatem imperio eius evaserant. Obiit in Britannia Eboraci, principatus anno tertio decimo, atque inter Divos relatus est.

II. Galerius, vir et probe moratus, et egregius in re militari, quum Italiam quoque, sinente Constantio, administrationi suae accessisse sentiret, Caesares duos creavit: **MAXIMUM**, quem Orienti praefecit; et **SEVERUM**, cui Italiam dedit: ipse in Illyrico commoratus est. Verum Constantio mortuo, **CONSTANTINUS**, ex obscuriori matrimonio eius filius, in Britannia creatus est Imperator, et in locum patris exoptatissimus moderator accessit. Romae interea praetoriani, excitato tumultu, **MAXENTIUM**, Herculi filium, qui haud procul ab Urbe in villa publica morabatur, Augustum nuncupaverunt. Quo nuntio Maximianus Herculius ad spem arrectus resumendi fastigii, quod invitus amiserat, Romam advolvit e Lucania, quam sedem privatus elegerat, in agris amoenissimis convescens: Diocletianumque etiam per litteras adhortatus est, ut depositam resumeret potestatem: quas ille irritas habuit. Sed adversum

motum praetorianorum atque Maxentii Severus Caesar, Romam missus a Galerio, cum exercitu venit: obsidensque Urbem, militum suorum scelere desertus est.

III. Auctae Maxentio opes, confirmatumque imperium. Severus fugiens Ravennae interfectus est. Herculus tamen Maximianus post haec in concione exercitus filium Maxentium denu-dare conatus, seditionem et convicia militum tulit. Inde ad Gallias profectus est, dolo composito, tamquam a filio esset expulsus, ut Constantino genero iungeretur: moliens tamen Constantinum reperta occasione interficere, qui in Galliis et militum et provincialium ingenti iam favore regnabat, caesis Francis atque Alamannis, captisque eorum regibus, quos etiam bestiis, quum magnificum spectaculum muneris parasset, obiecit. Detectis igitur insidiis per Faustam filiam, quae dolum viro nuntiaverat, profugit Herculus, Massiliaeque oppressus (ex ea etenim navigare ad filium praeparabat) poenas dedit iustissimo exitu: vir ad omnem asperitatem saevitiamque proclivus, infidus, incommodus, civilitatis penitus expertus.

IV. Per hoc tempus a Galerio LICINIUS Imperator est factus, Dacia oriundus, notus ei antiqua consuetudine, et in bello, quod adversus Narseum gesserat, strenuis laboribus et officiis acceptus. Mors Galerii confestim secuta est. Itaque Respublica tunc a novis quatuor Imperatoribus tenebatur, Constantino et Maxentio, filiis Augustorum, Licinio et Maximino, novis hominibus. Quinto tamen Constantinus imperii sui anno bellum adversum Maxentium civile commovit; copias eius multis proeliis fudit: ipsum postremo Romae adversus nobiles omnibus exitiis saevientem, apud pontem Mulvium vicit, Italiaque est potitus. Non multo deinceps in Oriente quoque adversus Licinium Maximinus res novas molitus, vicinum exitium fortuita apud Tarsum morte praevenit.

V. CONSTANTINUS tamen, vir ingens, et omnia efficere nitens, quae animo praeparasset, simul principatum totius orbis adfectans, Licinio bellum intulit; quamvis necessitudo et adfinitas cum eo esset: nam soror Constantia nupta Licinio erat. Ae primo eum in Pannonia secunda, ingenti apparatu bellum apud Cibalas instruentem, repentinus oppressit, omnique Dardania, Moesia, Macedonia potitus, numerosas provincias occupavit.

VI. Varia deinceps inter eos bella, et pax reconciliata ruptaque est. Postremo Licinius navali et terrestri proelio victus, apud Nicomediam se dedit, et contra religionem sacramenti Thessalonicae privatus occisus est. Eo tempore res Romana sub uno Augusto et tribus Caesaribus, (quod numquam alias,) fuit, quum liberi Constantini Galliae, Orienti, Italiaeque praessent. Verum insolentia rerum secundarum aliquantum Constantinum ex illa favorabili animi docilitate mutavit. Primum necessitudines persecutus, [Crispum] filium, egregium virum, et sororis filium, commodae indolis juvenem, interfecit; mox uxorem; post numerosos amicos.

VII. Vir primo imperii tempore optimis principibus, ultime mediis comparandus. Innumerae in eo animi corporisque vir-

fates claruerunt. Militaris gloriae appetentissimus, fortuna in bellis prospera fuit, verum ita, ut non superaret industriam. Nam etiam Gothos, post civile bellum, varie profligavit, pace his ad postremum data, ingentemque apud barbaras gentes memoriae gratiam collocavit. Civilibus artibus et liberalibus studiis deditus; adfectator iusti amoris, quem ab omnibus sibi et liberalitate et docilitate quaesivit. Sicut in nonnullos amicos dubius, ita in reliquos egregius: nihil occasionum praetermittens, quo opulentiores eos clarioresque praestaret.

VIII. Multas leges rogavit, quasdam ex bono et aequo, plerasque superfluas, nonnullas severas. Primusque urbem nominis sui ad tantum fastigium evehere molitus est, ut Romae aemulam faceret. Bellum adversus Parthos moliens, qui iam Mesopotamiam fatigabant, uno et trigesimo anno imperii, aetatis sexto et sexagesimo, Nicomediae in villa publica obiit. Denuntiata mors eius est etiam per crinitam stellam, quae inusitatae magnitudinis aliquamdiu fulsit: eam Graeci *κομήτης* vocant: atque inter Divos meruit referri.

IX. Successores filios tres reliquit, atque unum fratris filium. Verum Dalmatius Caesar prosperrima indole, neque patruo ab similis, haud multo post oppressus est factione militari, et Constantio, patruale suo, sinente potius, quam iubente. Constantinum porro, fratri bellum inferentem, et apud Aquileiam inconsultius proelium adgressum, Constantis duces interemerunt. Ita Respublica ad duos Augustos redacta est. Constantis imperium strenuum aliquamdiu et iustum fuit. Mox quum et valetudine improspera et amicis pravioribus uteretur, ad gravia vitia conversus, quum intolerabilis provincialibus, militibus iniucundus esset, factione Magnentii occisus est. Obiit haud longe ab Hispaniis, in castro, cui Helenae nomen est, anno imperii decimo septimo, aetatis trigesimo: rebus tamen plurimis strenue in militia gestis, exercituique per omne vitae tempus sine gravi crudelitate terribilis.

X. Diversa constantii fortuna fuit. A Persis enim multa et gravia perpressus, saepe captis oppidis, obsessis urbibus, caesis exercitibus: nullumque ei contra Saporem prosperum proelium fuit: nisi quod, apud Singaram, haud dubiam victoriam ferocia militum amisit, qui pugnam seditiose et stolide, contra rationem belli, die iam praecipiti, poposcerunt. Post Constantis necem, Magnentio Italiam, Africam, Gallias obtinente, etiam Illyricum res novas habuit, VETRANIONE ad imperium consensu militum electo: quem grandaevum iam, et cunctis amabilem, diuturnitate et felicitate militiae, ad tuendum Illyricum, principem creaverunt: virum probum et morum veterum, ac iucundae civilitatis; sed omnium liberalium artium expertem adeo, ut ne elementa quidem prima litterarum, nisi grandaevus et iam Imperator, acceperit.

XI. Sed a Constantio, qui ad ultionem fraternae necis bellum civile commoverat, abrogatum est Vetranonii imperium: qui novo inusitatoque more, consensu militum deponere insignis compulsus est. Romae quoque tumultus fuit, Nepotiano, Con-

stantini sororis filio, per gladiatoriam manu imperium invadente, qui saevis exordiis dignum exitum nactus est. Vigesimo enim atque octavo die a Magnentianis ducibus oppressus, poenas dedit: caput eius pilo per Urbem circumlatum est: gravissimaeque proscriptiones et nobilium caedes fuerunt.

XII. Non multo post Magnentius apud Mursam profligatus acie est, ac pacis captus. Ingentes Romani imperii vires eadem dimicatione consumtae sunt, ad quaelibet bella externa idoneae, et quae multum triumphorum possent securitatisque conferre. Orienti mox a Constantio Caesar est datus, patruus filius GALLUS: Magnentiusque, diversis proeliis victus, vim vitae suae apud Lugdunum attulit, imperii anno tertio, mense septimo; frater quoque eius Senonis, quem ad tuendas Gallias Caesarem miserat.

XIII. Per haec tempora etiam a Constantio, multis incivilibus gestis, Gallus Caesar occisus est; vir natura ferus, et ad tyrannidem pronior, si suo iure imperare licuisset. Silvanus quoque in Gallia res novas molitus, ante diem trigesimum extinctus est, solusque imperio Romano eo tempore Constantius princeps et Augustus fuit.

XIV. Mox IULIANUM Caesarem ad Gallias misit, patrualem suam, Galli fratrem, tradita ei in matrimonium sorore: quum multa oppida barbari expugnassent, alia obsiderent, ubique foeda vastitas esset, Romanumque imperium non dubia iam calamitate mutaret. A quo modicis copiis apud Argentoratum, Galliae urbem, ingentes Alamannorum copiae extinctae sunt, rex nobilissimus captus, Galliae restituta. Multa postea per eundem Iulianum egregie adversum barbaros gesta sunt: submotique ultra Rhenum Germani, et finibus suis Romanum imperium restitutum.


XV. Neque multo post, quum Germaniciani exercitus a Galliarum praesidio tollerentur, consensu militum Iulianus factus Augustus est, intericectoquo anno, ad Illyricum obtinendum profectus, Constantio Parthicis bellis occupato. Qui, rebus cognitis, ad bellum civile conversus, in itinere obiit inter Ciliiciam Cappadociamque, anno imperii octavo et trigesimo, aetatis quinto et quadragesimo, meruitque inter Divos referri: vir egregiae tranquillitatis, placidus, nimis amicis et familiaribus credens, mox etiam uxoribus deditior; qui tamen primis imperii annis ingenti se modestia egerit. Familiarium etiam locupletator: neque inhonoros sinens, quorum laboriosa expertus fuisset officia. Ad severitatem tamen propensior, si suspicio imperii moveretur; mitia alias, et cuius in civilibus magis, quam in externis bellis, sit laudanda fortuna.

XVI. Hinc IULIANUS rerum potitus est, ingentique apparatu Parthis intulit bellum, cui expeditioni ego quoque interfui. Aliquot oppida et castella Persarum in dedicationem accepit, vel vi expugnavit; Assyriamque populatus, castra apud Ctesiphontem stativa aliquamdiu habuit, remeansque victor, dum se inconsultius proeliis inserit, hostili manu interfectus est, VI. Kalend. Iulias, imperii anno septimo, aetatis altero et trigesimo: atque inter Divos relatus est. Vir egregius et Republicam

insigniter moderaturus, si per fata licuisset. Liberalibus disciplinis apprime eruditus: Graecis doctior, atque adeo, ut Latina eruditione nequaquam cum Graeca scientia conveniret. Facundia ingenti et prompta, memoriae tenacissimae, in quibusdam philosopho propior. In amicos liberalis: sed minus diligens, quam tantum principem decuit; fuerunt enim nonnulli, qui vulnera gloriae eius inferrent. In provinciales iustissimus, et tributorum, quatenus fieri posset, repressor: civilis in cunctos: mediocrem habens aerarii curam: gloriae avidus, ac per eam animi plerumque immodici: [nimius] religionis Christianae insectator, perinde tamen, ut cruore abstineret. Marco Antonino non absimilis, quem etiam aemulari studebat.

XVII. Post hunc IOVIANUS, qui tunc domesticus militabat, ad obtinendum imperium consensu exercitus lectus est: commendatione patris, quam sua, militibus notior. Qui iam turbatis rebus, exercitu quoque inopia laborante, uno a Persis atque altero proelio victus, pacem cum Sapore, necessariam quidem, sed ignobilem fecit: multatus finibus, ac nonnulla imperii Romani parte tradita, quod ante eum annis mille centum et duobus de viginti fere, ex quo Romanum imperium conditum erat, numquam accidit. Quin etiam legiones nostrae ita et apud Caudium per Pontium Telesinum, et in Hispania apud Numantiam, et in Numidia sub iugum missae sunt, ut nihil tamen finium traderetur. Ea pacis conditio non penitus reprehendenda foret, si foederis necessitatem, quum integrum fuit, mutare voluisset: sicut a Romanis, omnibus his bellis, quae commemoravi, factum est. Nam et Samnitibus, et Numantinis, et Numidis confestim bella illata sunt, neque pax rata fuit. Sed dum aemulum imperii veretur, intra Orientem residens, gloriae parum consuluit. Itaque iter ingressus, atque Illyricum petens, in Galatiae finibus repentina morte obiit: vir alias neque iners, neque imprudens.

XVIII. Multi exanimatum opinantur nimia cruditate; inter coenandum enim epulis indulserat: alii odore cubiculi, quod ex recenti teetorio calcis grave quiescentibus erat: quidam nimietate prunarum, quas gravi frigore adoleri multas iusserat. Decessit imperii mense septimo, quarto decimo Kalend. Martias: aetatis, ut qui plurimum ac minimum tradunt, tertio et trigésimo anno, ac benignitate principum, qui ei successerunt, inter Divos relatus est. Nam et civilitati propior, et natura admodum liberalis fuit. Is status erat Romanae rei, Ioviano eodem et Varroniano Coss. anno Urbis conditae millesimo centesimo et nono decimo. Quia autem ad inclutos principes venerandosque perventum est, interim operi modum dabimus. Nam reliqua stilo maiore dicenda sunt; quae nunc non tam praetermittimus, quam ad maiorem scribendi diligentiam reservamus.



SEXTI

AURELII VICTORIS

HISTORIA ROMANA.

INSUNT LIBELLI

DE ORIGINE GENTIS ROMANÆ.

DE VIRIS ILLUSTRIBUS URBIS ROMÆ.

DE CAESARIBUS.

EPITOME DE CAESARIBUS.

THE

RECORDS OF THE

LEGISLATIVE COUNCIL

OF

THE PROVINCE OF

ONTARIO

SEXTI AURELII VICTORIS

ORIGO GENTIS ROMANAE,

A IANO ET SATURNO CONDITORIBUS, PER SUCCEDENTES SIBIMET REGES, USQUE AD CONSULATUM DECIMUM CONSTANTII, DIGESTA EX AUCTORIBUS VERRIO FLACCO, ANTIATE, (UT QUIDEM IDEM VERRIUS MALUIT DICERE, QUAM ANTIA) TUM EX ANNALIBUS PONTIFICUM; DEIN CNAEO EGNATIO VERATIO, FABIO PICTORE, LICINIO MACRO, VARRONE, CAESARE, TUBERONE, ATQUE EX OMNI PRISCORUM HISTORIA; PROINDE UT QUISQUE NEOTERICORUM ADSEVERAVIT, HOC EST, ET LIVIUS ET VICTOR APER.

I. **P**rimus in Italiam creditur venisse Saturnus, ut etiam Maronis Musa testatur illis versibus:

Primus ab aethereo venit Saturnus Olympo,

Arma Iovis fugiens, et regnis exsul ademptis, cet.

Tanta autem usque id tempus antiquorum hominum traditur a fuisse simplicitas, ut venientes ad se advenas, qui modo consilio ac sapientia praediti, ad instruendam vitam formandosque mores aliquid conferrent, quod eorum parentes atque originem ignorabant, coelo et terra editos non solum ipsi crederent, verum etiam posteris affirmarent; veluti hunc ipsum Saturnum, quem Coeli et Terrae filium esse dixerunt. Quod quum ita 3 existimetur, certum tamen est, priorem Ianum in Italiam devenisse, ab eoque postea venientem exceptum esse Saturnum. Unde intelligendum est, Virgilium quoque non ignoratione veteris historiae, sed suo more, *primum* dixisse Saturnum, non ante quem nemo, sed *principem*: ut

Troiae qui primus ab oris:

quum procul dubio constet, ante Aeneam priorem Antenorem 5 in Italiam esse pervectum, eumque non in ora litori proxima, sed in interioribus locis, id est, Illyrico, urbem Patavium condidisse, ut quidem idem Virgilius illis versibus ex persona Veneris, apud Iovem de aerumnis Aeneae sui conquerentis:

Antenor potuit, mediis elapsus Achivis,

Illyricos penetrare sinus, atque intima tutus cet.

Quare autem addiderit *tutus*, suo loco plenissime adnotavimus 6 in commentatione; quum hoc scribere coepimus, cognita ex

- 7 Ibero, qui inscriptus est, *De Origine Patavina*. Itaque nunc,
primus, ex ea quoque significatione est, e qua illud in secundo
 8 Aeneidos, de enumeratione eorum, qui equo Durio digredie-
 bantur. Nam quum nominasset Thessandrum, Sthenelum, Uly-
 xem, Acamanta, Thoanta, Neoptoleum; post intulit, *primusque*
 9 *Machaon*. De quo quaeri potest, quomodo potest *primus* dici,
 post tantos, qui supra dicti sunt? Verum intelligimus *primum*
 pro principe, vel quia is ad perfectum illis temporibus circa
 peritiam medicae artis praecipuus fuisse traditur.

- II. Sed ut ad propositum revertamur, ferunt Creusam, Erech-
 thei, regis Atheniensium, filiam speciosissimam, stupratam ab
 Apolline, enixam puerum, eumque Delphos olim educandum
 esse missum; ipsam vero a patre, istarum rerum nescio, Xutho
 2 cuidam comiti collocatam. Ex qua quum ille pater non posset
 existere, Delphos eum petiisse ad consulendum oraculum,
 quomodo pater fieri posset. Tum illi deum respondisse, ut,
 3 quem postero die obviam habuisset, eum sibi adoptaret. Itaque
 supra dictum puerum, qui ex Apolline genitus erat, obviam
 4 illi fuisse, eumque adoptatum. Quum adolevisset, non conten-
 tum patrio regno cum magna classe in Italiam devenisse, oc-
 cupatoque monte, urbem ibidem constituisse, eamque ex suo
 nomine Ianiculum cognominasse.

- III. Igitur Iano regnante apud indigenas rudes incultosque,
 Saturnus, regno profugus, quum in Italiam venisset, benigno
 exceptus hospitio est; ibique laud procul a Ianiculo arcem suo
 2 nomine Saturniam constituit. Isque primus agriculturam edo-
 cuit, ferosque homines et rapto vivere adsuetos ad compositam
 vitam eduxit. Unde Virgilius in octavo sic ait:

Huc nemora indigenae Fauni Nymphaeque tenebant,
Gensque virum, truncis et duro robore nata:
Quois neque mos neque cultus erat: nec iungere tauros,
Aut componere opes norant, aut parcere parto:
Sed rami atque asper victu venatus alebat.

- 3 Omissoque Iano, qui nihil aliud, quam ritum colendorum Deo-
 rum religionesque induxerat, se Saturno maluit adnectere; qui,
 vitam moresque feris etiam tum mentibus insinuans, ad com-
 munem utilitatem, ut supra diximus, disciplinam colendi ruris
 edocuit, ut quidem indicant illi versus:

It genus indocile ac dispersum montibus altis
Composuit, legesque dedit, Latiumque vocari
Muluit, his quoniam latuisset tutus in oris.

- 4 Istam etiam usum signandi aeris ac monetae in formam incuti-
 endae ostendisse traditur, in qua ab una parte caput eius im-
 5 primeretur, altera navis, qua vectus illo erat. Unde hodieque
 aeneantes,posito numine opertoque, optionem collusoribus
 ponentes enuntiandi, quid putent subesse, caput aut navem: quod
 6 nunc vulgo corrumpentes *naviam* dicunt. Aedes quoque sub
 clivo Capitolino, in quo pecuniam eonditam habebat, aerarium
 7 Saturni hodieque dicitur. Verum quia, ut supra diximus, prior
 illuc Ianus advenerat, quum eos post obitum divinis honoribus
 cumulandos censuissent, in sacris omnibus primus locus Iano

detulerunt; usque eo, ut etiam, quum aliis Diis sacrificium sit, dato ture in altaria, Ianus prior nominetur, cognomento quoque addito Pater, secundum quod uoster [cognomento] sic intulit:

Hanc Ianus Pater, hanc Saturnus condidit arcem: ac subindit:

Ianiculum huic, illi fuerat Saturnia nomen:

eique, eo quod mire praeteritorum memor, tum etiam futuri
*** [dixerit:

Rex arva Latinus et urbes

Iam senior longa placidus in pace regebat:

quo regnante Troianos refert Italiam devenisse. Quaeritur, quomodo Sallustius dicat: *Cumque his Aborigines, genus hominum egeste, sine legibus, sine imperio, liberum atque solutum.*]

IV. Quidam autem tradunt, terris diluvio cooperitis, passim multos diversarum regionum in montibus, ad quos confugerant, constitisse: ex quibus quosdam sedem quaerentes, pervectos in Italiam, Aborigines appellatos; appellatione, a cacuminibus montium, quae Graeca scilicet illi ὄρη vocant. Alii volunt, eos, a quod errantes illo venerint, primo Aberrigines, post, mutata una littera, altera adempta, Aborigines cognominatos. Eos advenientes Picus excepit, permisos vivere, ut vellent. Post Picum regnavit in Italia Faunus, quem a fando dictum volunt, quod is solet futura praecinere versibus, quos Saturnios dicimus; quod genus metri in vaticinatione Saturoiae primum proditum est. [Sed urbem Saturnus, quum in Italiam venisset, condidisse traditur.] Eius rei Ennius testis est, quum ait:

Versibus, quos olim Fauni vatesque canebant.

Hunc Faunum plerique eundem Silvanum a silvis, Inuum deum; quidam etiam Pana vel Pan esse dixerunt.

V. Igitur regnante Fauno, ante annos circiter sexaginta, quum Aeneas in Italiam deferretur, Evander Arcas, Mercurii et Carmentis Nymphae filius, simul cum matre eodem venit: quam quidam memoriae prodiderunt primo Carmentin dictam, post Nicostraten, de carminibus, eo quod videlicet omnium litterarum peritissima, futurorumque prudens, versibus canere sit solita: adeo ut plerique velint, non tam ipsam a carmine Carmentam, quam carmina, a qua dicta essent, appellata. Huius admonitu transvectus in Italiam Evander, ob singularem eruditionem atque scientiam litterarum, brevi tempore in familiaritatem Fauni se insinuavit, atque ab eo hospitaliter benigneque exceptus, non parvum agri modum ad incolendum accepit; quem suis comitibus distribuit, exaedificatis domiciliis in eo monte, quem primo tum illi a Pallante Pallanteum, postea nos Palatium diximus: ibique Pani deo fanum dedicavit; quippe is familiaris Arcadiae deus est, teste etiam Marone, qui ait:

Pan, deus Arcadiae, captam te, Luna, fefellit:
et item:

Pan etiam Arcadia mecum si iudice cantet.

Primus itaque omnium Evander Italicos homines legere et scribere edocuit, litteris, partim quas ipse antea didicerat: idemque fruges in Graecia primum inventas ostendit, serendique usum edocuit, terraeque excolendae gratia primus boves in Italia iunxit.

- VI. Eo regnante, forte Recaranns quidam, Graecae originis, ingentis corporis et magnarum virium pastor, qui erat forma et virtute ceteris antecellens, Hercules appellatus, eodem venit.
- 2 Quumque armenta eius circa flumen Albulam pascerentur, Ca-
 - cus, Evandri servus, nequitiae versutus et praeter cetera furac-
 - 3 indicium, aversas in speluncam attraxit. Quumque Recarannus,
 - vicinis regionibus peragratis, scrutatisque omnibus eiusmodi la-
 - 4 tebris, desperasset inventurum, utcunque aequo animo dispen-
 - 5 dium ferens, excedere his finibus constituerat. At vero Evan-
 - der, excellentissimae iustitiae vir, postquam rem, uti acta erat,
 - 6 comperit, servum noxae dedit, hovesque restitui fecit. Tum
 - Recarannus sub Aventino Inventori Patri aram dedicavit, appel-
 - lavitque Maximam, et apud eam decimam sui pecoris profanavit.
 - 7 Quumque ante moris esset, uti homines decimam fructuum re-
 - gibus suis praestarent, aequius sibi ait videri, Deos potius illo
 - honore impartiendos esse, quam reges; inde videlicet tractum,
 - ut Herculi decimam profanari mos esset, secundum quod Plau-
 - tus, *In partem*, inquit, *Herculaneam*, id est, decimam. Con-
 - secrata igitur ara Maxima, profanataque apud eam decima,
 - Recarannus, eo quod Carmentis invitata ad id sacrum non adfu-
 - isset, sanxit, ne cui feminae fas esset vesci ex eo, quod eidem
 - arae sacratum esset: atque ab ea re divina feminae in totum
 - remotae.

- VII. Haec Cassius lib. I. At vero in libris Pontificalium traditur Hercules, Iove atque Alcmena genitus, superato Gery-one, agens nobile armentum, cupidus eius generis hoves in Graecia instituendi, forte in ea loca venisse, et ubertate pabuli delectatus, ut ex longo itinere homines sui et pecora reficerent-
- 2 tor, aliquamdiu sedem ibi constituisse. Quae quum in valle,
 - ubi nunc est Circus Maximus, pascerentur, neglecta custodia,
 - quod nemo credebatur ausurus violare Herculis praedam, latro-
 - 3 nem quendam regionis eiusdem, magnitudine corporis et virtute
 - ceteris praevalentem, octo hoves in speluncam, quo minus fur-
 - 4 tum vestigiis colligi posset, caudis abstraxisse. Quumque inde
 - Hercules proficiscens, reliquum armentum casu praeter eandem
 - speluncam ageret, forte quadam inclusas hoves transeuntibus
 - 5 admogisse, atque ita furtum detectum: interfectoque Caeco,
 - Evandrum, re comperta, hospiti obviam ivisse, gratantem,
 - quod tanto malo fines suos liberasset; compertoque, quibus pa-
 - rentibus ortus esset Hercules, rem ita, uti erat gesta, ad Fau-
 - num pertulisse. Tum cum quoque amicitiam Herculis cupidis-
 - sime appetisse. Quam opinionem sequi metuit [maluit] noster Maro.

- VIII. Quum ergo Recarannus, sive Hercules, Patri Inventori aram Maximam consecrasset; duos ex Italia, quos eadem sacra certo rita administranda edoceret, adscivit, Potitium et Pinarium. Sed eorum Potitio, quia prior venerat, ad comedenda exta admissio, Pinarius, eo quod tardius venisset, posterique eius submoti. Unde hodieque servatur: Nemini [Potitio] Pinariae gentis in eis sacris vesci licet. Eosque alio vocabulo prius appellatos, nonnulli volunt; post vero Pinarios dictos

ἀπὸ τοῦ πεινῆν, quod videlicet ieiuni, ac per hoc esurientes
ab eiusmodi sacrificiis discedant. Isque mos permansit usque 4
Appium Claudium Censorem, ut Potitius sacra facientibus ve-
scentibusque de eo bove, quem immolaverant, postquam inde
nihil reliquissent, Pinarii deinde admitterentur. Verum postea 5
Appius Claudius, accepta pecunia, Potitios illexit, ut admini-
strationem sacrorum Herculis servos publicos edocerent, nec
non etiam mulieres admitterent. Quo facto sunt intra dies tri- 6
ginta omnem familiam Potitiorum, quae prior in sacris habe-
batur, extinctam: atque ita sacra penes Pinarios resedis-
se, eosque, tam religione quam etiam pietate edoctos, mysteria
eiusmodi fideliter custodisse.

IX. Post Faunum Latino, eius filio, in Italia regnante, Ae-
neas, Ilio Achivis prodito ab Antenore aliisque principibus,
quum, prae se deos Penates patremque Anchisen humeris ge-
stans, nec non et parvulum filium manu trahens, noctu excede-
ret, orta luce cognitus ab hostibus, eo quod tanta onustus pie-
tatis sarcina erat, non modo a nullo interpellatus, sed etiam a
rege Agamemnone, quo vellet, ire permissus, Idam petit: ibi-
que navibus fabricatis, cum multis diversi sexus oraculi admo-
nitu Italiam petit; ut docet Alexander Ephesius lib. 1. belli
Marsici. At vero Lutatius non modo Antenorem, sed etiam 2
ipsum Aeneam proditorem patriae fuisse tradit: cui quum a rege 3
Agamemnone permissum esset ire, quo vellet, et humeris suis,
quod potissimum putaret, hoc ferret; nihil illum praeter deos
Penates et patrem duosque parvulos filios, ut quidam tradunt,
ut vero alii, unum, cui Iulo cognomen, post etiam Ascanio
fuerit, secum extulisse: qua pietate motos Achivorum principes 4
remisisse, ut reverteretur domum, atque inde omnia secum,
quae vellet, auferret. Itaque cum magnis cum opibus pluribus-
que sociis utriusque sexus a Troia digressum, longo mari emen-
so, per diversas terrarum oras in Italiam devenisse; ac pri-
mum Thraciam appulsum, Aenum ex suo nomine condidisse.
Dein, cognita Polymnestoris perfidia ex Polydori nece, inde 5
digressum, pervectumque ad insulam Delum, atque illinc ab eo
Laviniam, Anii sacerdotis Apollinis filiam, in matrimonium ad-
scitam, ex cuius nomine *Lavinia litora* appellata. Postquam is, 6
multa maria permensus, appulsum sit ad Italiae promontorium,
quod est in Baiano, circa Averni lacum, ibique gubernatorem
Misenum morbo absutum, sepultum ab eo; ex cuius nomine
urbem Misenum appellatam, ut etiam scribit Caesar, Pontifica-
lium lib. 1., qui tamen hunc Misenum non gubernatorem, sed
tubicinem fuisse tradit. Inde non immerito, utramque opinio- 7
nem secutus, Maro sic intulit:

At pius Aeneas ingenti mole sepulcrum

Imponit, suaeque arma viro, remumque tubanque:

quamvis, auctore Homero, quidam adserant, tubae usum Tro- 8
ianis temporibus etiam tunc ignoratum.

X. Addunt praeterea quidam, Aeneam in eo litore Euxini
eiusdem comitis matrem, ultimo aetatis affectam, circa stagnum,
quod est inter Misenum Avernumque, extulisse, atque inde loco

nomen inditum, qui etiam nunc Euxinius sinus dicitur: quumque comperisset, ibidem Sibyllam mortalibus futura praecinere, in oppido, quod vocatur Cimmerion, [Cimbarionis,] venisse eo sciscitatum de statu fortunarum suarum; aditisque fati, vetitum, ne is [cognitam] in Italia sepeliret Prochytae, cognatione sibi coniunctam, quam incolumem reliquerat. Et postquam ad classem rediit, reperitque mortuum, in insula proxima sepelisse, quae nunc quoque eodem est nomine, ut scribit Vuleatius et
 3 Acilius Piso. Inde profectum pervenisse in eum locum, qui nunc portus Caietae appellatur, ex nomine nutricis eius, quam
 4 ibidem amissam sepeliit. At vero Caesar et Sempronius aiunt, Caietae cognomen fuisse, non nomen, ex eo scilicet inditum, quod eius consilio impulsuque matres Troianae taedio longi navigii classem ibidem incenderint, Graeca scilicet appellatione
 5 ἀπὸ τοῦ καίειν, quod est incendere. Inde ad eam Italiae oram; quae ab arbusto eiusdem generis Laurens appellata est, Latino regnante, pervectum cum patre Anchise filioque et ceteris suorum, navibus egressum, in litore accubuisse, consumtoque, quod fuerat cibi, crustam etiam de farreis mensis, quas sacratas secum habebat, comedissee.

XI. Tum, Anchisa conciente, illam esse miseriarum errorisque finem; (quippe meminerat, Venerem sibi aliquando praedixisse, quum in externo litore esurie compulsi sacratasque mensas invasissent, illum condendae sedis fatalem locum fore;) scrofam elisum incientem, quam quum e navi produxissent, ut eam immolarent, [et] se ministrorum manibus eripuisse, et recedatū Aeneam, quod aliquando ei responsum esset, urbi condendae quadrupedem futuram ducem: cum simulacris Deorum Penatium prosecutum, atque urbem, ubi illa procubuit enixaque est proculus triginta, ibidem auspicatum, quem post Lavinium dixit: ut scribit Caesar lib. I. et Lutatius lib. II.

XII. At vero Domitius, non orbes farreos, ut supra dictum est, sed mensarum vice sumendi cibi gratia apium, cuius maxima erat ibidem copia, fuisse substratum, quod ipsum, consumtis aliis eduliis, eos comedissee, ac post subinde intellexisse, illas esse mensas, quas illos comesturos praedictum esset. Quum interim, immolata suae, in litore sacrificium perageret, traditur forte advertisse Argivam classem, in qua Ulyxes erat: quumque vereretur, ne ab hoste cognitus periculum subiret, itemque rem divinam interrompere summum nefas duceret, caput velamento obduxisse, atque ita pleno ritu sacra perfecisse. Inde posteris traditum morem ita sacrificandi, ut scribit Marcus
 3 Octavius lib. I. At vero Domitius lib. I. docet, sorte Apollinis Delphici monitum Aeneam, ut Italiam peteret, ubi duo maria invenisset, prandinumque cum mensis comesset, ibi urbem
 4 uti conderet. Itaque egressum in agrum Laurentem, quum paululum e litore processisset, pervenisse ad duo stagna aquae sal-sae, vicina inter se: ibique quum se lavisset, ac refectum cibo, quum apium quoque, quod tunc vice mensae substratum fuerat, consumsisset, existimantem procul dubio illa esse duo maria, quod in illis stagnis aquae marinae species esset, mensasque,

quae erant ex stramine apii, comestas; urbem in eo loco condidisse; eamque, quod in stagno laverit, Lavinium cognominasse. Tum deinde a Latino, rege Aboriginum, data ei, quae incole-
ret, iugera quingenta. At Cato in Origine generis Romani ita 5
docet: Suem triginta porculos peperisse in eo loco, ubi nunc
est Lavinium: quumque Aeoeas ibi urbem condere constituisset,
propterque agri sterilitatem metueret, per quietem ei visa Deo-
rum Penatum simulacra, adhortantium, ut perseveraret in con-
denda urbe, quam coeperat; nam post annos totidem, quot
foetus illius suis essent, Troianos in loca fertilia atque uberio-
rem agrum transmigraturos, et urbem clarissimi nominis in
Italia condituros.

XIII. Igitur Latinum, Aboriginum regem, quum ei nuntiatum
esset, multitudinem advenarum, classe advectam, occupavisse
agrum Lauretem, adversum subitos inopinatosque hostes incun-
ctanter suas copias eduxisse: ac prius, quam signum dimicandi
daret, animadvertisse Troianos militariter instructos, quum sui
lapidibus ac sudibus armati, tum etiam veste aut pellibus, quae
eis integumento erant, sinistris manibus involutis, processissent.
Itaque suspenso certamine, per colloquium inquisito, qui es-
sent, quidve peterent, utpote qui in hoc consilium auctoritate
huminum cogebatur: namque extis ac somniis saepe admonitus
erat, tutiorem se adversum hostes fore, si copias suas cum ad-
venis coniunxisset: quumque cognovisset, Aeneam et Anchisen,
3 bello patria pulsos, cum simulacris Deorum errantes sedem quaere-
re; amicitiam foedere inisse, dato invicem iureiurando, ut
communes quoque hostes amicosve haberent. Itaque coeptum a
4 Troianis muniri locum, quem Aeneas ex nomine uxoris suae,
Latini regis filiae, quae iam ante desponsata Turno Herdonio
fuerat, Lavinium cognominavit. At vero Amatam, Latini regis
5 uxorem, quum indigne ferret, Laviniam, repudiato Turno con-
sobrino suo, Troiano advenae collocatam, Turnum ad arma
concitavisse; eumque mox, coacto Rutulorum exercitu, teten-
disse in agrum Lauretem, et adversus eum Latinum pariter
cum Aenea progressum, inter proeliantes circumventum occi-
sumque. Nec tamen, amisso socero, Aeneas Rutulis obsistere
6 desiit; namque et Turnum interemit. Hostibus fuis fugatisque,
7 victor Lavinium se cum suis recepit, consensuque omnium La-
tinorum rex declaratus est; ut scribit Lutatius lib. III. Piso
8 quidem, Turnum matrualem Amatae fuisse tradit, interfectoque
Latino, mortem ipsam sibi met conscivisse.

XIV. Igitur Aeneam, occiso Turno, rerum potitum, quum
adhuc irarum memor Rutulos bello persequi instituisset, illos
sibi ex Etruria auxilium Mezentii, regis Agyllaeorum, adscivisse
ac imploravisse, pellicitos, si victoria parita foret, omnia, quae
Latinorum essent, Mezentio cessura. Tum Aeneam, quod copiis
inferior erat, multis rebus, quae necessario tuendae erant, in
urbem comportatis, castra sub Lavinio collocasse; praeposito-
que his filio Euryleone, ipsum, electo ad dimicandum tempore,
copias in aciem produxisse, circa Nemicii fluminis stagnum: ubi
quum acerrime dimicaretur, subitis turbinibus infuscato aëre,

repente coelo tantum imbrium effusum, tonitribus etiam consecutis flammarumque fulgoribus, ut omnium non oculi modo praestriugerentur, verum etiam mentes quoque confusae essent: quumque universos utriusque partis dirimeudi proelia cupiditas incessisset, nihilo minus in illa tempestatis subitae confusione
 3 interceptum Aeneam nusquam deinde comparuisse. Traditur autem, non proviso, quod propinquus flumini esset, ripa depulsus, forte in fluvium decidisse, atque ita proelium diremtum; dein post apertis fugatisque nubibus quum serena facies
 4 effulisset, creditum est; vivum eum coelo adsumtum. Idemque tamen post ab Ascanio, et quibusdam aliis visus affirmatur super Numici ripam, eo habitu armisque, quibus in proelium processerat. Quae res immortalitatis eius famam confirmavit. Itaque illi eo loco templum consecratum, appellisque placuit
 5 *Patrem indigetem*. Dein filius eius Ascanius, idem qui Euryleo, omnium Latinorum iudicio rex appellatus.

XV. Igitur summum imperii Latinorum adeptus Ascanius, quum continuis proeliis Mezentium persequi inatituisset, filius
 2 eius Lausus collem Laviniae arcis occupavit. Quumque id opus circumfusus omnibus copiis regis teneretur, Latini legatos ad Mezentium miserunt sciscitatum, qua conditione in dedicationem eos accipere vellet; quumque ille inter alia onerosa illud quoque adiiceret, ut omne vinum agri Latini aliquot aunia sibi inferretur: consilio atque auctoritate Ascanii placuit ob libertatem mori potius, quam illo modo servitutei subire. Itaque
 3 vino ex omni vindemia Iovi publice voto consecratoque, Latini urbe eruperunt, fusoque praesidio interfectoque Lauso, Mezentium fugam facere coegerunt. Is postea per legatos amicitiam societatemque Latinorum impetravit, ut docet Iulius Caesar lib. I., itemque Aulus Postumius in eo volumine, quod de adventu
 4 Aeneae conscripsit atque edidit. Igitur Latini Ascanium ob insignem virtutem non solum Iove ortum crediderunt, sed etiam per diminutionem, declinato paullulum nominis, primo Iobum, dein postea Iulum appellarunt; a quo Iulia familia manavit, ut scribunt Caesar lib. II. et Cato in Originibus.

XVI. Interim Lavinia, ab Aenea gravida relicta, metu veluti insecuturi se Ascanii, in silvam profugit ad magistrum patrii pecoris Tyrrhum, ibique enixa est puerum, qui a loci qualitate
 2 Silvius est dictus. At vero vulgus Latinorum, existimans clam ab Ascanio interfectam, magnam ei invidiam conflaverat, usque
 3 eo, ut armis quoque ei vim denuntiaret. Tum Ascanius iurando se purgans, quum nihil apud eos proficeret, petita dilatione ad inquirendum, iram praesentem vulgi aliquantulum fregit; pollicitusque est, se ingentibus praemiis cumulaturum eum, qui sibi Laviniam investigasset: mox recuperatam cum
 4 filio in urbem Lavinium reduxit, dilexitque honore materno. Quae res rursum ei magnum favorem populi conciliavit, ut scribunt Caius Caesar et Sextus Gellius in Origine Gentis Romanae. At vero alii tradunt, quod quum Ascanius ab universo populo ad restituendam Laviniam cogeretur, iuraretque, se
 5 neque intermittere, neque scire, ubi esset, Tyrrhum, petito

silentio, in illa concionis frequentia professum indicium, si sibi Laviniaeque pueroque ex ea nato fides incolumitatis daretur; tumque eum, accepta fide, Laviniam in urbem cum filio reduxisse.

XVII. Post haec Ascanius, completis in Lavinio triginta annis, recordatus novae urbis condendae tempus advenisse ex numero porcorum, quos pepererat sus alba, circumspicis diligenter finitimis regionibus, speculatus montem editum, qui nunc ab ea urbe, quae in eo condita est, Albanus nuncupatur, civitatem communit; eamque ex forma, quod ita in longum porrecta est, Longam, ex colore suis, Albam cognominavit. Quumque illuc simulacra Deorum Penatium transtulisset, postridie apud Lavinium apparuerunt: rursusque relata Albam, appositisque custodibus [nescio quantis], se Lavinium in pristinam sedem identidem receperunt. Itaque tertio nemo ausus est amovere ea, ut scriptum est in Annali Pontificum IV. lib. Cincii et Caesaris II. Tiberonis I. At Ascanius postquam excessisset e vita, inter Iulum, filium eius, et Silvium Postumum, qui ex Lavinia genitus erat, de obtinendo imperio orta contentio est, quum dubitaretur, an Aeneae filius, an nepos potior esset. Permissa disceptatione eius rei, ab universis rex Silvius declaratus est. Eiusdem posterii omnes cognomento Silvii, usque ad conditam Romam, Albae regnaverunt, ut est scriptum Annalium Pontificum lib. IV. Igitur regnante Latino Silvio coloniae deductae sunt Praeneste, Tibur, Gabii, Tusculum, Cora, Pometia, Co-rioli [Locri], Crustumium, Cameria, Bovillae, ceteraque oppida circumquaque.

XVIII. Post eum regnavit Tiberius Silvius, Silvii filius. Qui quum adversus finitimos bellum inferentes copias eduxisset, inter proeliantes depulsus in Albulam flumen, deperiit, mutandique nominis extitit causa, ut scribunt Lucius Cincius lib. I. Lutatius lib. III. Post eum regnavit Aemulus Silvius; qui tantae superbiae non adversum homines modo, sed etiam deos fuisse traditur, ut praedicaret, se superiorem esse ipso Iove, ac, tonante coelo, militibus imperaret, ut telis clypeos quaterent, diclaretque, clariorem sonum se facere. Qui tamen praesenti affectus est poena: nam fulmine ictus raptusque turbine in Albanum lacum praecipitatus est, ut scriptum est Annalium lib. VI. et Epitomarum Pisonis II. Aufidius sane in Epitomis et Domitius lib. I. non fulmine ictum, sed terrae motu prolapsum, simul cum eo regiam, in Albanum lacum tradunt. Post illum regnavit Aventinus Silvius; isque, finitimis bellum inferentibus, in dimicando circumventus ab hostibus prostratus est, ac sepultus circa radices montis, cui ex se nomen dedit, ut scribit Iulius Caesar lib. II.

XIX. Post eum Silvius Procas rex Albanorum, duos filios, Numitorem et Amulium, aequis partibus heredes instituit. Tum Amulius in una parte regnum tantummodo, in altera totius patrimonii summam atque omnem paternorum honorum substantiam posuit, fratrique Numitori, qui maior natu erat, optionem dedit, ut ex his, utrum mallet, eligeret. Numitor quum privatum omne cum facultatibus regno praetulisset, Amulius regnum

3 obtinuit. Quod ut firmissime possideret, Numitoris fratris sui
 4 filium in venando interimendum curavit. Tum etiam Rheam
 Silviam, eius sororem, sacerdotem Vestae fieri iussit, simulato
 somnio, quo admonitus ab eadem Dea esset, ut id fieret; quum
 te vera ita faciendum sibi existimaret, periculosum ducens, si
 quis ex ea nasceretur, qui avitas persequeretur iniurias, ut
 5 scribit Valerius Antias lib. I. At vero Marcus Octavius et Li-
 cinius Macer tradunt, Amulium, patrum Rheae sacerdotis,
 amore eius captum, nubilo coelo obscuroque aëre, quum pri-
 mum illucescere coepisset, in usum sacrorum aquam petenti
 insidiatum, in luco Martis compressisse eam: tum exactis men-
 6 sibus geminos editos. Quod quum comperisset, celandi facti
 gratia per scelus concepti, necari iussit sacerdotem, partum
 7 sibi exhiberi. Tumque Numitorem spe futurorum, quod hi, si
 adolevisent, iniuriarum suarum quandoque ultores futuri essent,
 alios pro eis subdidisse, illosque suos veros nepotes Faustulo,
 pastorum magistro, dedisse nutriendos.

XX. At vero Fabius Pictor lib. I. et Vennonius, solito insti-
 tutoque egressam virginem, in usum sacrorum aquam petitem
 ex eo fonte, qui erat in luco Martis, subito imbris tonitru-
 busque, quae cum illa erant, disiectis, a Marte compressam:
 conturbatamque mox recreatam consolatione Dei, nomen suum
 indicantis affirmantisque, ex ea natos dignos patre evasuros.
 2 Primum igitur Amulius rex, ut comperit, Rheam Silviam sa-
 cerdotem peperisse geminos, protinus imperavit deportari ad
 3 aquam profluentem, atque eo abiici. Tum illi, quibus id im-
 peratum erat, impositos alveo pueros, circa radices montis Pa-
 latii in Tiberim, qui tum magnis imbris stagnaverat, abiecerunt:
 eiusque regionis subuleus Faustulus, speculatus expouen-
 tes, ut vidit, relabente flumine, alveum, in quo pueri erant,
 obhaesisse ad arborem fici, puerorumque vagitu lupam excitam,
 quae repente exierat, primo lambitu eos deterxisse, dein levandorum
 uberum gratia mammas praeuisse; descendit ac sustulit,
 nutriendosque Aceae Larentiae, uxori suae, dedit, ut scribunt
 4 Ennius lib. I. et Caesar lib. II. Addunt quidam, Faustulo in-
 spectante, picum quoque advolasse, et ore pleno cibum pueris
 ingressisse: inde videlicet lupum picumque Martiae tutelae esse.
 Arborem quoque illam Ruminalem dietam, circa quam pueri
 abiecti erant, quod eius sub umbra pecus acquiescens meridio
 ruminare sit solitum.

XXI. At vero Valerius tradit, pueros ex Rhea Silvia natos
 Amulium regem Faustulo servo necandos dedisse: sed eum, a
 Numitore exoratum, ne pueri necarentur, Aceae Larentiae ami-
 cae suae nutriendos dedisse; quam mulierem, eo quod pretio
 2 corpus esset vulgare solita, Lupam dietam. Notum quippe, ita
 appellari mulieres quaestum corpore facientes: unde et eiusmodi
 3 loci, in quibus haec consistunt, lupanaria dieta. Quom vero
 pueri liberalis disciplinae capaces facti essent, Gabiis Graccarum
 Latinarumque litterarum ediscendarum gratia commoratos, Nu-
 4 mitore avo clam omnia subministrante. Itaque ut primum ado-
 levissent, Romulum, indicio educatoris Faustuli comperto, qui

sibi avus, quae mater fuisset, quidque de ea factum esset, cum armatis pastoribus Albam protinus perexisse, interfectoque Amulio, Numitorem avum in regnum restitutum. Romulum autem a virium magnitudine appellatum: nam Graeca lingua *ῥώμην* virtutem dici certum est. Alterum vero Remum dictum, videlicet a tarditate: quippe talis naturae homines ab antiquis *remores* dicti.

XXII. Igitur actis, quae supra diximus, et re divina facta eo in loco, qui nunc Lupercal dicitur, ludibuudi discurrerant, pellibus hostiarum occurrentes quosque sibimet verberantes; utque solemne sacrificium sibi posterisque id esset, sanxerunt, separatimque suos appellaverunt, Remus Fabios, Romulus Quintilios: quorum utrumque nomen etiamnum in sacris manet. At vero lib. II. Pontificalium proditur, missos ab Amulio, qui Remum, pecorum pastorem, attraherent, quum non auderent ei vim afferre, opportunum tempus sibi ad insidiandum nactus, quod tum Romulus aberat, genus lusum simulasse, quinam eorum, manibus post terga ligatis, lapidem, quo lana pensitari solebat, mordicus sublatum, quam longissime perferret. Tum Remum 3 fiducia virium in Aventinum usque se perlaturum spopondisse: dein, postquam vinciri se passus est, Albam abstractum. Quod postquam Romulus comperisset, coacta pastorum manu, eaque in centenos homines distributa, perticas manipulis foeni varie formatas in summo iunctas dedisse, quo facilius eo signo suum quisque ducem sequeretur. Unde institutum, ut postea milites, 4 qui eiusdem signi essent, manipulares dicerentur. Itaque ab eo, oppresso Amulio, fratrem vinculis liberatum, avum regno restitutum.

XXIII. Quum igitur inter se Romulus et Remus de condenda urbe tractarent, in qua ipsi pariter regnarent, Romulusque locum, qui sibi idoneus videretur, in monte Palatino designaret, Romamque appellari vellet; contraque item Remus in alio colle, qui aberat a Palatio millibus quinque, eundemque locum ex suo nomine Remuriam appellaret, neque ea inter eos finiretur contentio: avo Numitore arbitro adscito, placuit disceptatores eius controversiae immortales Deos sumere; ita ut, utri eorum priori secunda auspicia obvenissent, urbem conderet, eamque ex suo nomine nuncuparet atque in ea regni summam teneret. Quumque auspicaretur Romulus in Palatio, Remus in Aventino, 2 sex vultures, pariter volantes, a sinistra Remo prius visos, tumque ab eo missos, qui Romulo nuntiarent, sibi iam data auspicia, quibus condere urbem iuberetur; itaque maturaret ad se venire. Quumque ad eum Romulus venisset, quaesissetque, 3 quatenam illa auspicia fuissent, dixissetque ille, sibi auspicanti sex vultorios simul apparuisse: *At ego*, inquit Romulus, *iam tibi duodecim demonstrabo*; ac repente duodecim vultures apparuisse, subsecuto coeli fulgore pariter tonitruoque. Tum Romulus, *Quid*, inquit, *Reme, affirmas priora, quum praesentia intuearis?* Remus postquam intellexit, sese regno fraudatum, *Multa*, inquit, *in hac urbe, temere sperata atque praesumpta, felicissime proventura sunt.* At vero Licinius Macer lib. I. docet, 5

contentionis illius perniciosum exitum fuisse; namque ibidem
 6 obsistentes Remum et Faustulum interfectos. Contra Egnatius
 lib. I. in ea contentione non modo Remum non esse occisum,
 7 sed etiam ulterius a Romulo vixisse tradit. Sed horum omnium
 opinionibus diversis repugnat [nostrae memoriae proclamans]
 historia Liviana, quae testatur, quod auspicio Romulus ex suo
 nomine Romam vocavit: quumque muniret moenibus, edixit,
 ne quis vallum transiliret; quod Remus irridens, transilivit, et
 a Celere centurione rastro [rastro] fertur occisus. Romulus asy-
 lum convenis cet.

SEXTUS AURELIUS VICTOR

DE

VIRIS ILLUSTRIBUS

URBIS ROMAE.

CAPUT I.

PROCAS, REX ALBANORUM.

Procas, rex Albanorum, Amulium et Numitorem filios habuit;
 quibus regnum annuis vicibus habendum reliquit, [et ut alter-
 nis imperarent.] Sed Amulius fratri imperium non dedit; et,
 ut eum sobole privaret, Rheam Silviam, filiam eius, Vestae
 sacerdotem praefecit, ut virginitate perpetua teneretur: quae a
 2 Marte compressa, Romulum et Remum edidit. Amulius ipsam
 in vincula compegit; parvulos in Tiberim abiecit, quos aqua
 3 in sicco reliquit. Ad vagitum lupa accurrit, eosque uberibus
 suis aluit. Mox Faustulus pastor collectos Accae Larentiae con-
 4 iugi educandos dedit. Qui postea, Amulio interfecto, Numitori
 avo regnum restituerunt: ipsi, pastoribus adunatis, civitatem
 condiderunt, quam Romulus, augurio victor, quod ipse XII,
 Remus VI vultures viderat, Romam vocavit; et, ut eam prius
 legibus muniret, quam moenibus, edixit, ne quis vallum tran-
 siliret: quod Remus irridens, transilivit, et a Celere centurione
 rastro fertur occisus.

CAPUT II.

ROMULUS, ROMANORUM REX I.

Romulus asylum convenis patefecit, et, magno exercitu facto,
 quum videret coniugia deesse, per legatos a finitimis civitatibus

petiit. Quibus negatis, Indos Consualia simulavit: ad quos a
 quum utriusque sexus multitudo venisset; dato suis signo, vir-
 gines raptae sunt. Ex quibus quum una pulcherrima cum magna
 omnium admiratione duceretur, Talassio eam duci responsum.
 Quae nuptiae quia feliciter cesserant, institutum est, ut omni- 3
 bus nuptiis Talassii nomen vocaretur. Quum feminas finitimo-
 rum Romani vi rapuissent, primi Caeninenses contra eos bellum
 sumserunt. Adversus quos Romulus processit, et exercitum 4
 eorum ac ducem Acronem singulari proelio devicit. Spolia 5
 opima Iovi Feretrio in Capitolio consecravit. [Antemnates, Cru-
 stumini, Fidenates, Veientes,] Sabini [etiam] ob raptas bellum
 adversus Romanos sumserunt. Et quum Romae appropinqua- 6
 rent, Tarpeiam virginem nacti, quae aquae, caussa sacrorum,
 hauriendae descenderat, ei T. Tatius optionem muneris dedit,
 si exercitum suum in Capitolium perduxisset. Illa petiit, quod
 illi in sinistris manibus gerebant, videlicet annulos et armillas.
 Quibus dolose repromissis, Sabinos in arcem perduxit, ubi Ta-
 tius scutis eam obrui praecepit; nam et ea in laevis habuerant.
 Romulus adversus Tatium, qui montem Tarpeium tenebat, pro- 7
 cessit; et in eo loco, ubi nunc Romanum forum est, pugnam
 conseruit: ibi Hostus Hostilius fortissime dimicans cecidit; cu-
 ius interitu consternati Romani fugere coeperunt. Tunc Romu- 8
 lus Iovi Statori aedem vovit, et exercitus seu forte seu divinitus
 restitit. Tunc raptae in medium processerunt; et hinc patres, 9
 inde coniuges deprecatae, pacem conciliarunt. Romulus foedus
 perenssit, et Sabinos in urbem recepit; populum a Curibus,
 oppido Sabinorum, Quirites vocavit. Centum Senatores a pie-
 tate Patres appellavit. Tres equitum centurias instituit, quas
 a suo nomine Ramnenses, a Tito Tatius Tatienses, a Lucumone
 Luceres appellavit. Plebem in triginta curias distribuit, easque
 raptarum nominibus appellavit. Quum ad Caprae paludem ex- 13
 ercitus lustraret, nusquam comparuit: unde inter Patres et po-
 pulum seditione orta, Iulius Proculus, vir nobilis, in concio-
 nem processit, et iureiurando firmavit, Romulum a se in colle
 Quirinali visum augnstiore forma, quum ad Deos abiret; eun-
 demque praecipere, ut seditionibus abstinerent, virtutem cole-
 rent; futurum, ut omnium gentium domini existerent. Huius 14
 auctoritati creditum est. Aedes in colle Quirinali Romulo con-
 stituta, ipse pro Deo cultus et Quirinus est appellatus.

CAPUT III.

NUMA POMPILIUS, ROMANORUM REX II.

Post consecrationem Romuli, quum diu interregnum esset et
 seditiones orirentur, Numa Pompilius, Pomponis filius, Cari-
 bus, oppido Sabinorum, accitus, quum addicentibus avibus
 Romam venisset, ut populum ferum religione molliret, sacra
 plurima instituit. Aedem Vestae fecit; virgines Vestales legit;
 Flamines tres, Dialem, Martialem, Quirinalem; Salios, Martis
 sacerdotes, quorum primus Praesul vocatur, XII instituit;

Pontificem maximum creavit; portas Iano gemino aedificavit.
 2 Annum in XII menses distribuit, additis Ianuario et Februario.
 Leges quoque plures et utiles tulit: omnia, quae gerebat, iussu
 Egeriae Nymphae, uxoris suae, se facere simulans. Ob hanc
 3 tantam iustitiam bellum ei nemo intulit. Morbo solutus in Ianiculo sepultus est, ubi post multos annos arcula cum libris a Terentio quodam exarata: qui libri, quia leves quasdam sacerorum causas continebant, ex auctoritate Patrum cremati sunt.

CAPUT IV.

TULLUS HOSTILIUS, ROMANORUM REX III.

Tullus Hostilius, quia bonam operam adversum Sabinos navaverat, rex creatus, bellum Albanis indixit, quod trigemino-
 2 rum certamine finivit. Albam propter perfidiam ducis Metii
 3 Fufetii diruit: Albanos Romam transire iussit. Curiam Hosti-
 4 liam constituit. Montem Coelium urbi addidit. Et dum Numam Pompilium sacrificiis imitatus Iovi Elicio litare non po-
 5 tuit, fulmine ictus cum regia conflagravit. Quum inter Romanos et Albanos bellum fuisset exortum, ducibus Hostilio et Fu-
 6 setio, placuit rem paucorum certatione finire. Erant apud Romanos trigemini Horatii, tres apud Albanos Curiatii: quibus, foedere icto, concurrentibus, statim duo Romanorum cecide-
 7 runt, tres Albanorum vulnerati. Unus Horatius, quamvis integer, quia tribus impar erat, fugam simulavit, et singulos per
 8 intervalla, ut vulnere erat dolor, insequentes, interfecit. Et quum spoliis onustus rediret, sororem obviam habuit; quae, viso paludamento sponsi sui, qui unus ex Curiatiis erat, flere
 9 coepit. Frater eam occidit. Qua re apud Duumviros condemnatus, ad populum provocavit: ubi patris lacrimis condonatus, ab eo, expiandi gratia, sub tigillum missus; quod nunc roqueque, viae suppositam, Sororium appellatur. Metius Fufetius, dux Albanorum, quum se invidiosum apud cives videret, quod bellum solo trigeminorum certamine finisset, ut rem corrigeret, Veientes et Fidenates adversum Romanos incitavit. Ipse ab Tullo in auxilium arcessitus, aciem in collem subduxit, ut infortunam sequeretur. Qua re Tullus intellecta magna voce ait, suo illud iussu Metium facere. Qua re hostes territi et victi
 13 sunt. Postera die Metius quum ad gratulandum Tullo venisset, iussu ipsius quadrigis religatus et in diversa distractus est.

CAPUT V.

ANCUS MARCIUS, ROMANORUM REX IV.

Ancus Marcius, Numae Pompilii ex filia nepos, aequitate et
 2 religione avo similis, Latinos bello domuit. Aventinum et Ianiculum montes Urbi addidit: nova moenia oppido circumdedit. Silvas ad usum navium publicavit. Salinarum vectigal instituit.
 3 Carcerem primus aedificavit. Ostiam, coloniam maritimis com-
 4 meatibus opportunam in ostio Tiberis, deduxit. Ius fetiale,

quo legati ad res repetundas uterentur, ab Aequieulis transtulit; quod primus fertur Rhesus excogitasse. His rebus intra 5 paucos dies confectis, immatura morte praereptus, non potuit praestare, qualem promiserat, regem.

CAPUT VI.

L. TARQUINIUS PRISCUS, ROMANORUM REX V.

Lucius Tarquinius Priscus, Damarati Coriuthii filius, eius, qui Cypseli tyrannidem fugiens, in Etruriam commigravit. Ipse 2 Lucumo dictus, urbe Tarquinii profectus Romam petiit. Adveni- 3 nienti aquila pileum sustulit, et, quum alte subvolasset, reposuit. Tanaquil coniux, auguriorum perita, regnum ei portendi intellexit. Tarquinius pecunia et industria dignitatem, 5 atque etiam Anci regis familiaritatem consecutus est: a quo tutor liberis relictus, regnum intercepit, et ita administravit, quasi iure adeptus fuisset. Centum Patres in curiam legit, qui 6 minorum gentium sunt appellati. Equitum centurias numero 7 duplicavit: nomina mutare non potuit, Attii Navii auguris auctoritate deterritus, qui fidem artis suae novacula et cote firmavit. Latinos bello domuit. Circum maximum aedificavit. 8 Ludos magnos instituit. De Sabinis et priscis Latinis triumphavit. Murum lapideum Urbi circumdedit. Filium XIII annorum, 9 quod in proelio hostem percussisset, praetexta bullaque donavit; unde haec ingenuorum puerorum insignia esse coeperunt. 10 Post ab Anci liberis, immissis percussoribus, per dolum regno exutus et interfectus est.

CAPUT VII.

SERVIUS TULLIUS, ROMANORUM REX VI.

Servius Tullius, Tullii Corniculani et Oeresiae captivae filius, quum in domo Tarquini Prisci educaretur, flammae species caput eius amplexa est. Hoc visu Tanaquil summam dignitatem 2 portendi intellexit. Coniugi suasit, ut ita eum, ut liberos suos, 3 educaret. Qui quum adolevisset, gener a Tarquinio adsumtus 4 est: et quum rex occisus esset, Tanaquil ex altiore [loco] ad populum despiciens, ait, Priscum gravi quidem, sed non letali, vulnere accepto, petere, ut interim, dum convalescit, Servio Tullio dicto audientes essent. Servius Tullius quasi precario 5 reguare coepit; sed recte imperium administravit. Etruscos 6 saepe domuit: collem Quirinalem et Viminalem et Esquilias Urbi addidit; aggerem fossasque fecit. Populum in quatuor tribus 7 distribuit, ac post plebi distribuit annonam. Mensuras, pondera, 8 classes, centuriasque constituit. Latinorum populis persuasit, uti exemplo eorum, qui Dianae Ephesiae aedem fecissent, et ipsi aedem Dianae in Aventino aedificarent. Quo effecto, 10 hos cuidam Latino mirae magnitudinis nata, et responsum somnio datum, eum populum summam imperii habituram, cuius civis bovem illam Dianae immolasset. Latius bovem in Aven-

ratium egit, et caussam sacerdoti Romano exposuit. Ille callidus dixit, prius eum vivo flumine manus abluere debere. Latinius dum ad Tiberim descendit, sacerdos bovem immolavit. Ita imperium civibus, sibi gloriam facto consilioque quaesivit. Servius Tullius, filiam alteram ferocem, mitem alteram habens, quum Tarquini filios pari animo videret, ut omnium mentes morum diversitate leniret, ferocem miti, mitem feroci in matrimonium dedit. Sed mites seu forte seu fraude perierunt; feroces morum similitudo coniunxit. Statim Tarquinius Superbus, a Tullia incitatus, advocato Senatu, regnum paternum repetere coepit. Qua re audita, Servius, dum ad curiam properat, iussu Tarquini gradibus deiectus et, domum refugiens, interfectus est. Tullia statim in forum properavit, et prima coniugem regem salutavit: a quo iussa turba decedere, quum domum rediret, viso patris corpore, mulionem evitantem super ipsum corpus carpentum agere praecepit: unde vicus ille Scele-ratus dictus. Postea Tullia cum coniuge in exilium acta est.

CAPUT VIII.

TARQUINIUS SUPERBUS, ROMANORUM REX VII.

Tarquinius Superbus cognomen moribus meruit. Occiso Servio Tullio, regnum sceleste occupavit. Tamen bello strenuus, Latinos Sabinosque domuit; Suessam Pometiam Volscis eripuit; Gabios per Sextum filium, simulato transfugio, in potestatem redegit; et serias Latinas primus instituit. Foros in Circo, et cloacam maximam fecit, ubi totius populi virilis usus est: unde illae fossae Quiritium sunt dictae. Quum Capitolium inciperet, caput hominis invenit; unde cognitum est, eam urbem caput gentium futuram. Et quum in obsidione Ardeae filius eius Lucretiae stuprum intulisset, cum eo in exilium actus, ad Porsenam, Etruriae regem, confugit, cuius ope regnum retinere tentavit. Pulsus, Cumas concessit; ubi per summam ignominiam reliquum vitae tempus exegit.

CAPUT IX.

L. TARQUINIUS COLLATINUS ET LUCRETIA UXOR.

Tarquinius Collatinus, sorore Tarquini Superbi genitus, in contubernio iuvenum regionum Ardeae erat: ubi quum forte in liberiore convivio coniugem suam unusquisque laudaret, placuit experiri. Itaque equis Romam petunt. Regias nurus in convivio et luxu deprehendunt. Exinde Collatium petunt. Lucretiam inter ancillas in lanificio offendunt: itaque ea pudicissima iudicatur. Ad quam corrumpendam Tarquinius Sextus nocte Collatiam rediit, et iure propinquitatis in domum Collatini venit, et in cubiculum Lucretiae irrupit, pudicitiam expugnavit. Illa postero die, advocatis patre et coniuge, rem exposuit; et se cultro, quem veste texerat, occidit. Illi in exitium regum coniurarunt, eorumque exilio necem Lucretiae vindicaverunt.

CAPUT X.

IUNIUS BRUTUS, PRIMUS ROMANORUM CONSUL.

Lucius Iunius Brutus, sorore Tarquinii Superbi genitus, quum eandem fortunam timeret, in quam frater iuciderat, qui ob divitias et prudentiam fuerat ab avunculo occisus, stultitiam finxit; unde Brutus dictus. Iuvenibus regiis Delphos euntibus 2 deridiculi gratia comes adscitus, baculo sambuceo aurum infusum Deo donum tulit. Ubi responsum est, eum Romae sum- 3 mam potestatem habiturum, qui primus matrem oscularetur: ipse terram osculatus est. Deinde propter Lucretiae stuprum 4 cum Tricipitino et Collatino in exitium regum coniuravit. Qui- 5 bus in exilium actis, primus Consul creatus, filios suos, quod cum Aquiliis et Vitelliis ad recipiendum in Urbem Tarquinius coniuraverant, virgis caesos securi percussit. Deinde in proe- 6 lio, quod adversus eos gerebat, singulari certamine cum Arunte, filio Tarquinii, congressus, se ambo mutuis vulneribus occiderunt. Cuius corpus in foro positum, a collega laudatum matronae anno luxerunt.

CAPUT XI.

HORATIUS COCLES.

Porsena, rex Etruscorum, quum Tarquinius in Urbem restituere tentaret, et primo impetu Ianiculum cepisset, Horatius Cocles (illo cognomine, quod in alio proelio oculum amiscrat) pro ponte sublicio stetit, et aciem hostium solus sustinuit, donec pons a tergo interrumpereetur, cum quo in Tiberim decidit, et armatus ad suos transnavit. Ob hoc ei tantum agri publice 2 datum est, quantum uno die circumarari potuisset. Statua quoque ei in Vulcanali posita.

CAPUT XII.

C. MUCIUS SCAEVOLE.

Quum Porsena rex Urbem obsideret, Mucius Cordus, vir Romanae constantiae, Senatum adiit, et veniam transfugiendi petiit, necem regis repromittens. Accepta potestate, in castra Porsenae 2 venit, ibique purpuratum pro rege deceptus occidit. Apprehen- 3 sus et ad regem pertractus, dextram aris imposuit; hoc supplicii ab ea exigens, quod in caede peccasset. Unde quum miseri- 4 cordia regis abstraheretur, quasi beneficium referens, ait, trecentos adversus eum similes coniurasse. Qua re ille territus, 5 bellum, acceptis obsidibus, deposuit. Mucio prata trans Tibe- 6 rim data, ab eo Mucia appellata. Statua quoque ei honoris 7 gratia constituta est.

CAPUT XIII.

CLOELIA VIRGO.

Porsena Cloeliam virginem nobilem inter obsides accepit: quae, deceptis custodibus, noctu castris eius egressa, equum,

2 quem fors dederat, arripuit, et Tiberim traiecit. A Porsena
 3 per legatos repetita, reddita est. Cuius ille virtutem admiratus,
 4 cum quibus optasset, in patriam redire permisit. Illa virgines
 puerosque elegit, quorum aetatem iniuriæ obnoxiam sciebat.
 5 Huic statua equestris in foro posita.

CAPUT XIV.

FABII TRECENTI SEX.

Romani quum adversum Veientes bellarent, eos sibi hostes
 familia Fabiorum privato nomine deposcit: et profecti trecenti
 2 sex, duce Fabio Consule, fuerunt. Quum saepe victores existi-
 3 tissent, apud Cremeram fluvium castra posuerunt. Veientes, ad
 dolos conversi, pecora ex diverso in conspectu illorum protu-
 lerunt: ad quae progressi Fabii, in insidias delapsi, ad unum
 4 occisione perierunt. Dies, quo id factum est, inter nefastos
 5 relatus. Porta, qua profecti erant, Seclerata est appellata.
 6 Unus ex ea gente, propter impuberem aetatem domi relictus,
 genus propagavit ad Q. Fabium Maximum, qui Hannibalem mo-
 ra fregit, Cunctator ab obtrectatoribus dictus.

CAPUT XV.

P. VALERIUS POPLICOLA.

Publius Valerius, Volesi filius, primum de Veientibus, ite-
 2 rum de Sabinis, tertio de utrisque gentibus triumphavit. Illic,
 quia in locum Tricipitini collegae Consulem non subrogaverat,
 et domum in Velia, tutissimo loco, habebat, in suspicionem
 3 regni adfectati venit. Quo cognito, apud populum questus, quod
 de se tale aliquid timuissent, immisit, qui domum suam dirue-
 4 rent. Secures etiam fascibus demisit, eosque in populi concio-
 5 ne submisit. Legem de provocatione a magistratibus ad popu-
 6 lum tulit. Hinc Poplicola dictus. Quum diem obiisset, publice
 sepultus et annuo matronarum luctu honoratus est.

CAPUT XVI.

A. POSTUMIUS.

Tarquinius eiectus, ad Mamilium Tusculanum generum suum
 confugit: qui quum Latio concitato Romanos graviter urgeret,
 A. Postumius, Dictator dictus, apud Regilli lacum cum hosti-
 2 bus conflixit. Ubi quum victoria nuteret, Magister equitum
 equis frenos detrahi iussit, ut irrevocabili impetu ferrentur:
 3 ubi et aciem Latinorum fuderunt, et castra ceperunt. Sed in-
 ter eos duo invenes candidis equis insigni virtute apparuerunt,
 quos Dictator quaesitos, ut dignis muneribus honoraret, non
 reperit: Castorem et Pollucem ratus, communi titulo dedicavit.

CAPUT XVII.

L. QUINCTIUS CINCINNATES.

Lucius Quinctius Cincinnatus filium Caesonem petulantissimum
 abdicavit, qui et a Censoribus notatus, ad Volscos et Sabinos

confugit, qui duce Cloelio Graccho bellum adversus Romanos gerebant, et Q. Minucium Consulem in Algido monte cum exercitu obsidebant. Quinctius Dictator dictus; ad quem missi legati nudum eum arantem trans Tiberim offenderunt: qui, insignibus sumtis, Consulem obsidione liberavit. Quare a Minucio et eius exercitu corona aurea et obsidionali donatus est. Vicit hostes; ducem eorum in deditionem accepit, et triumphi die ante currum egit. Sextodecimo die dictaturam, quam acceperat, deposuit, et ad agriculturam reversus est. Iterum post viginti annos Dictator dictus, Spurius Maelium, regnum affectantem, a Servilio Ahala, Magistro equitum, occidi iussit: domum eius solo aequavit: unde locus ille Aequimelium dictus.

CAPUT XVIII.

MENENIUS AGRIPPA LANATUS.

Menenius Agrippa, cognomento Lanatus, dux electus adversum Sabinos, de his triumphavit. Et quum populus a Patribus scississet, quod tributum et militiam toleraret, nec revocari posset; Agrippa apud eum, *Olim, inquit, humani artus, quum ventrem otiosum cernerent, ab eo discordarunt, et suum illi ministerium negaverunt. Quum eo pacto et ipsi deficerent, intellexerunt, ventrem acceptos cibos per omnia membra disseerere; et cum eo in gratiam redierunt. Sic Senatus et populus, quasi unum corpus, discordia pereunt, concordia valent.* Hac fabula populus regressus est. Creavit tamen Tribunos plebis, qui libertatem suam adversum nobilitatis superbiam defenderent. Menenius autem tanta paupertate decessit, ut eum populus collatis quadrantibus sepeliret, locum sepulcro Senatus publice daret.

CAPUT XIX.

C. MARCIUS CORIOLANUS.

Caius Marcius, captis Coriolis, urbe Volscorum, Coriolanus dictus, ob egregia militiae facinora a Postumio optionem munerum accipiens, equum tantum et hospitem sumsit, virtutis et pietatis exemplum. Hic Consul gravi annonae advectum e Sicilia frumentum magno pretio dandum populo curavit; ut hac iniuria plebs agros, non seditiones coleret. Ergo a Tribuno plebis Decio die dicta, ad Volscos concessit; eosque duce Attio Tullo adversus Romanos concitavit, et ad quartum ab Urbe lapidem castra posuit. Quumque nullis civium legationibus flecteretur, a Veturia matre et Volturnia uxore, matronarum numero comitata, motus, omisso bello, ut proditor occisus est. Ibi templum Fortunae muliebri constitutum est.

CAPUT XX.

C. LICINIUS STOLO.

Fabius Ambustus ex duabus filiis alteram Licinio Stolori plebeio, alteram Aulo Sulpicio patricio coniugem dedit. Quarum

plebeia quum sororem saluaret, cuius vir Tribunus militaris consulari potestate erat, fasces lictorios foribus appositos inde-
 2 center expavit. A sorore irrita, marito quaesta est: qui, ad-
 iuvante socero, ut primum tribunatum plebis adgressus est, legem tulit, ut alter Consul ex plebe crearetur. Lex, resistente
 Appio Claudio, lata tamen; et primus Licinius Stolo Consul
 3 factus. Idem legem scivit, ne cui plebeio plus centum iugera
 4 agri habere liceret. Et ipse quum iugera quinquaginta centum haberet, et altera emancipati filii nomine possideret, in iudicium vocatus et primus omnium sua lege punitus est.

CAPUT XXI.

L. VIRGINIUS CENTURIO.

Populus Romanus quum seditiosos magistratus ferre non posset, Decemviros legibus scribendis creavit, qui eas, ex libris
 2 Solonis translatis, duodecim tabulis exposuerunt. Sed quum pacto dominationis magistratum sibi prorogarent, unus ex his Appius Claudius Virginiam, Virginii Centurionis filiam, in Algidio militantis, adamavit. Quam quum corrumpere non posset, clientem subornavit, qui eam in servitium deposceret; facile
 3 victurus, quum ipse esset accusator et iudex. Pater, re cognita, quum ipso die iudicii supervenisset et filiam iam addictam videret, ultimo eius alloquio impetrato, quum eam in secretum abduxisset, occidit; et corpus eius humero gerens ad exercitum profugit, et milites ad vindicandum facinus accendit: qui, creatis decem Tribunis, Aventinum occuparunt, Decemviros abdicare se magistratu praeceperunt, eosque omnes aut morte aut
 4 exsilio punierunt. Appius Claudius in carcere necatus est.

CAPUT XXII.

AESCULAPIUS ROMAM ADVECTUS.

Romani ob pestilentiam, responso monente, ad Aesculapium Epidauro arcessendum decem legatos, principe Q. Ogulnio, miserunt. Qui quum eo venissent, et simulacrum ingens mirarentur, anguis e sedibus eius elapsus, venerabilis, non horribilis,
 per mediam urbem cum admiratione omnium ad navem Romanam perrexit, et se in Ogulnii tabernaculo conspiravit. Legati, Deum vehentes, Antium proveci sunt; ubi per malaciam maris anguis proximum Aesculapii fanum petiit, et post paucos dies ad navem rediit: et quum adverso Tiberi subveleretur, in proximam insulam desiluit; ubi templum ei constitutum, et pestilentia mira celeritate sedata est.

CAPUT XXIII.

M. FURIUS CAMILLUS.

Furius Camillus quum Faliscos obsideret, ac Iudi litterarii magister principum filios ad eum adduxisset, vinctum eum iis-

dem pneris in urbem redigendum et verberandum tradidit. Sta-
 tim Falisci se ei ob tantam iustitiam dederunt. Veios [decen- 3
 ni] obsidione et hieme domuit, deque his triumphavit. Post- 4
 modum est crimini datum, quod albis equis triumphasset et
 praedam inique divisisset: die dicta ab L. Appuleio, Tribuno
 plebis, damnatus Ardeam concessit. Mox quum Galli Senones, 5
 relictis ob sterilitatem agris suis, Clusium, Italiae oppidum,
 obsiderent, missi sunt Roma tres Fabii, qui Gallos monerent,
 ut ab oppugnatione desisterent. Ex his unus contra ius gentium 6
 in aciem processit, et ducem Senonem interfecit. Quo com- 7
 moti Galli, petitis in deditionem legatis, nec impetratis, Ro-
 mam petierunt, et exercitum Romanum apud Allium fluvium
 ceciderunt, die xvr. Kalend. Augusti; qui dies inter nefastos re-
 latus, Alliensis dictus. Victores Galli Urbem intraverunt, ubi 8
 nobilissimos senum in curulibus et honorum insignibus, primo
 ut Deos venerati, deinde ut homines despiciati, interfecere.
 Reliqua iuventus cum Manlio in Capitolium fugit, ubi obsessa 9
 Camilli virtute est servata. Qui absens Dictator dictus, collectis
 reliquiis, Gallos improvisus internecone occidit. Populum Ro- 10
 manum migrare Veios volentem retinuit. Sic et oppidum civi- 11
 bus, et cives oppido reddidit.

CAPUT XXIV.

M. MANLIUS CAPITOLINUS.

Manlius, ob defensum Capitolium Capitolinus dictus, sedecim
 annorum voluntarium militem se obtulit. Triginta septem mi- 2
 litaribus donis a suis ducibus ornatus, viginti tres cicatrices in
 pectore habuit. Capta Urbe, auctor in Capitolium confugiendi 3
 fuit. Quadam nocte, clangore anseris excitus, Gallos adscenden- 4
 tes deiecit. Patronus a civibus appellatus et farre donatus est.
 Domum etiam in Capitolio publice accepit. Qua superbia elat- 5
 us, quum Senatum suppressisse Gallicos thesauros argueret, et
 addictos propria pecunia liberaret, regni adfectati suspicione in
 carcerem coniectus, populi consensu liberatus est. Rursus quum 6
 in eadem culpa et gravius perseveraret, reus factus, et ob con-
 spectum Capitolii ampliatus est. Alio deinde loco damnatus et 7
 de saxo Tarpeio praecipitatus est: domus diruta; bona publica-
 ta. Gentilitas eius Manlii cognomen eiuravit. 8

CAPUT XXV.

A. CORNELIUS COSSUS.

Fidenates, [fidei] Romanorum hostes, ut sine spe veniae for-
 tius dimicarent, legatos ad se missos interfecerunt: ad quos
 Quinctius Cincinnatus Dictator missus magistrum equitum habuit
 Cornelium Cossum, qui Lartem Tolmianum ducem sua manu
 interfecit. De eo spolia opima Iovi Ferpetrio secundus ab Ro- 2
 mula consecravat.

CAPUT XXVI.

P. DECIUS MUS, PATER.

Publius Decius Mus bello Samnitico sub Valerio Maximo et Cornelio Cossio Consulibus Tribunus militum, exercitu in angustiis Gauri montis insidiis hostium clauso, accepto, quod postulaverat, praesidio, in superiorem locum evasit; hostes terripuit. Ipse intempesta nocte per medias custodias somno oppressas incolumis evasit. Ob hoc ab exercitu civica corona [de quaeruo, quae dabatur ei, qui cives in bello servasset, obsidionali, quae dabatur ei, qui obsidione cives liberasset] donatus est. Consul bello Latino, collega Manlio Torquato, positus apud Vesperim fluvium castris, quum utrique Consuli somnio obvenisset, eos victores futuros, quorum dux in proelio cecidisset; tum, collato cum collega somnio, quum convenisset, ut, cuius cornu in acie laboraret, Diis se Manibus voveret, inclinante sua parte, se et hostes per Valerium Pontificem Diis Manibus devovit. Impetu in hostes facto, victoriam suis reliquit.

CAPUT XXVII.

P. DECIUS, FILIUS.

Publius Decius, Decii filius, primo Consul de Samnitibus triumphavit; spolia ex his Cereri consecravit. Iterum et tertio Consul, multa domi militiaeque gessit. Quarto consulatu cum Fabio Maximo, quum Galli, Samnites, Umbri, Tursi contra Romanos conspirassent; ibi exercitu in aciem ducto, et cornu inclinante, exemplum patris imitatus, advocato Marco Livio Pontifice, hastae insistens et solemnia verba respondens, se et hostes Diis Manibus devovit. Impetu in hostes facto, victoriam suis reliquit. Corpus a collega laudatum, magnifice sepultum est.

CAPUT XXVIII.

T. MANLIUS TORQUATUS.

Titus Manlius Torquatus, ob ingenii et linguae tarditatem a patre rus relegatus, quum audisset, ei diem dictam a Pomponio Tribuno plebis, nocte Urbem petiit. Secretum colloquium a Tribuno impetravit, et gladio stricto dimittere eum accusatorem terrore multo compulit. Sulpitio Dictatore Tribunus militum Gallum provocatorem occidit. Torquem ei detractum cervici suae induit. Consul bello Latino filium suum, quod contra imperium pugnasset, securi percussit. Latinos apud Vesperim fluvium, Decii collegae devotione, superavit. Consulatum recusavit, quod diceret, neque se populi vitia, neque illum severitatem suam posse sufferre.

CAPUT XXIX.

M. VALERIUS CORVINUS.

Reliquias Senonum Camillus persequatur. Adversum ingentem Gallum provocatorem solus Valerius, Tribunus militum,

omnibus territis, processit. Corvus ab ortu solis galeae eius 2
 inedit, et inter pugnandum ora oculosque Galli verberavit.
 Hoste devicto, Valerius Corvinus dictus. Hinc, quum ingens 3
 multitudo, aere alieno oppressa, Capuam occupare tentasset, et
 ducem sibi Quinctium necessitate compulsum fecisset, sublato
 aere alieno, seditionem compressit.

CAPUT XXX.

SP. POSTUMIUS.

Caius Veturius et Spurius Postumius Consules, bellum adver-
 sum Samnites gerentes, a Pontio Telesino, duce hostium, in in-
 sidias seducti sunt. Nam ille simulatos transfugas misit, qui a
 Romanis dicerent, Luceriam Appulam a Samnitibus obsideri;
 quo duo itinera ducebant, aliud longius et tutius, aliud brevius
 et periculosius. Festinantibus itaque quum insidias statuisset, 3
 (qui locus Furculae Caudinae vocabatur) Pontius accitum patrem
 Herennium rogavit, quid fieri placeret. Ille ait, aut omnes oc-
 cidendos, ut vires frangerentur; aut omnes dimittendos, ut be-
 neficio obligarentur. Utroque improbato consilio, omnes sub
 iugum misit ex foedere, quod a Romanis postea improbatum
 est. Postumius Samnitibus deditus, nec receptus est. 5

CAPUT XXXI.

L. PAPIRIUS CURSOR.

Lucius Papirius, a velocitate Cursor, quum Consulem se ad-
 versis omnibus adversum Samnitas progressum esse sensisset,
 ad auspicia repetenda Romam regressus, edixit Fabio Rutilio,
 quem exercitui imponebat, ne manum cum hoste consereret.
 Sed ille, opportunitate ductus, pugnavit. Reversus securi eum 2
 ferire voluit: ille in Urbem confugit; nec supplicem Tribuni
 tuebantur. Dein pater lacrymis, populus precibus veniam in- 3
 petrarunt. Papirius de Samnitibus triumphavit. Idem quum 4
 Praenestinum Praetorem gravissime increpuisset, *Expedi*, inquit, 5
licitor secures. Et quum eum metu mortis attonitum vidisset; 6
 incommodam ambulanti radicem excidi iussit.

CAPUT XXXII.

Q. FABIUS RUTILIUS.

Quinctus Fabius Rutilius, primus ex ea familia ob virtutem
 Maximus, Magister equitum a Papirio securi paene percussus,
 primum de Appulis et Nucerinis, iterum de Samnitibus, tertio
 de Gallis, Umbris, Marsis atque Tuscis triumphavit. Censor 2
 libertinos tribubus amovit. Iterum Censor fieri noluit, dicens,
 non esse ex usu Reipublicae, eosdem Censores saepius fieri. Hic 3
 primus instituit, uti equites Romani Idibus Quinctilibus ab acie
 honoris, equis insidentes, in Capitolium transirent. Mortuo 4
 hoc tantum aeris populi liberalitate congestum est, ut inde fili-
 us viscerationem et epulas publice daret.

CAPUT XXXIII.

M'. CURIUS DENTATUS.

Manius Curius Dentatus primo de Samnitibus triumphavit,
 2 quos usque ad mare superum perpacavit. Regressus, in concio-
 ne ait: *Tantum agri cepi, ut solitudo futura fuerit, nisi tantum*
hominum cepissem; tantum porro hominum cepi, ut fame peri-
 3 *turi fuissent, nisi tantum agri cepissem.* Iterum de Sabinis tri-
 4 umphavit. Tertio de Lucanis ovaus Urbem introivit. Pyrrhum
 5 Epirotam Italia expulit. Quaterna dena agri iugera viritum po-
 6 pulo divisit. Sibi deinde totidem constituit, dicens, neminem
 7 esse debere, cui non tantum sufficeret. Legatis Samnitum au-
 rum offerentibus, quum ipse in foco rapas torreret, *Malo, in-*
quit, haec in fictilibus meis esse, et aurum habentibus imperare.
 8 Quum interservae pecuniae argueretur, cadum ligneum, quo
 uti ad sacrificia consueverat, in medium protulit, iuravitque,
 se nihil amplius de praeda hostili in domum suam convertisse.
 9 Aquam Anienem de manubiis hostium in Urbem induxit. Tri-
 10 bonus plebis Patres auctores fieri coëgit comitiis, quibus ple-
 beius magistratus creabatur. Ob haec merita domus ei apud
 Tiphatham et agri iugera quinquaginta publice data.

CAPUT XXXIV.

APPIUS CLAUDIUS CAECUS.

Appius Claudius Caecus in censura libertinos quoque in Sena-
 tum legit. Epulandi decantandique ius tibicinibus in publico
 2 ademit. Duae familiae ad Herculis sacra sunt destinatae, Poti-
 3 tiorum et Pinariorum. Potitios Herculis sacerdotes pretio cor-
 rupti, ut sacra Herculea servos publicos edocerent: unde cae-
 4 catus est: gens Potitiorum funditus periit. Ne consulatus cum
 5 plebeiis communicaretur, acerrime restitit. Ne Fabius solus ad
 bellum mitteretur, contradixit. Sabinos, Samnitas, Etruscos
 6 bello domuit. Viam usque Brundisium lapidibus stravit; unde
 7 illa Appia dicta. [Aquam Anienem in Urbem induxit.] Censu-
 8 ram solus omni quinquennio obtinuit. Quum de pace Pyrrhi
 9 ageretur, et gratia potentum per legatum Cineam pretio quae-
 reretur, senex et caecus lectica in senatum latus, turpissimas
 conditiones magnifica oratione discussit.

CAPUT XXXV.

PYRRHUS, REX EPIROTARUM.

Pyrrhus, rex Epirotarum, materno genere ab Achille, paterno
 ab Hercule oriundus, quum imperium orbis agigaret, et Roma-
 2 nos potentes videret, Apollinem de bello consuluit. Ille ambi-
 gue respondit:

Aio te, Aeacida, Romanos vincere posse.

3 Hoc dicto in voluntatem tracto, auxilio Tarcentinis bellum Ro-
 manis intulit. Laevinum Consulem apud Heracleam clephantorum

novitate turbavit. Quumque Romanos adversis vulneribus occi- 4
 sos videret, *Ego*, inquit, *talibus militibus brevi orbem terrarum*
subigere potuissem. Amicis gratulantibus, *Quid mihi cum tali* 5
victoria, inquit, *ubi exercitus robur amittam?* Ad vicesimum 6
 ab Urbe lapidem castra posuit: captivos Fabricio gratis reddi-
 dit. Viso Laevini exercitu, eandem sibi, ait, adversus Roma- 7
 nos, quam Herculi adversus hydram, fuisse fortunam. A Curio 8
 et Fabricio superatus, Tarentum refugit; in Siciliam traiecit.
 Mox in Italiam Locros regressus, pecuniam Proserpinae avehere 9
 tentavit. Sed ea naufragio relata est. Tum in Graeciam regres- 10
 sus, quum Argos oppugnavit, ictu tegulae prostratus est. Cor- 11
 pus ad Antigoum, regem Macedoniae, relatum magnifice
 sepultum. [Pyrrhus quum secundo proelio a Romanis esset pul- 12
 sus Tarentum, interiecto anno contra Pyrrhum Fabricius mis-
 sus est, qui prius inter legatos sollicitari non poterat, quarta
 regni parte promissa. Quum vicina castra ipse et rex haberent, 13
 medicus Pyrrhi nocte ad eum venit, promittens, se Pyrrhum
 veneno occisurum, si sibi quidquam pollicitaretur: quem Fabri-
 cius vinctum reduci iussit ad dominum, Pyrrhoque dici, quae
 contra caput eius medicus sponderet. Tum rex, admiratus 14
 eum, dixisse fertur: *ille est Fabricius, qui difficilius ab hono-*
state, quam sol a suo cursu averti posset.]

CAPUT XXXVI.

DECIVS MUS.

Volsinii, Etruriae nobile oppidum, luxuria paene perierunt.
 Nam quum temere servos manumitterent, dein in curiam lege-
 rent, consensu eorum oppressi. Quum multa indigna pateren- 2
 tor, clam Romae auxilium petierunt. Missusque Decius Mus 3
 mox libertinos omnes aut in carcere necavit, aut dominis in
 servitutem restituit.

CAPUT XXXVII.

APPIUS CLAUDIUS CADEX.

Appius Claudius, [victis Volsiniensibus] cognomento Cadex
 dictus, frater Caeci fuit. Consul ad Mamertinos liberandos mis- 2
 sus est, quorum arcem Carthaginienses et Hiero, rex Syracu-
 sanus, obsidebant. Primo ad explorandos hostes fretum pisca- 3
 toria nave traiecit, et cum duce Carthaginiensium egit, ut prae-
 sidium arce deduceret. Rhegium regressus, quinqueremem ho-
 stium copiis pedestribus cepit: ea legionem in Siciliam traduxit.
 Carthaginienses Messina expulit. Hieronem proelio apud Sy- 4
 racusas in deditiorem accepit; qui eo periculo territus, Roma- 5
 norum amicitiam petiit, iisque postea fidelissimus fuit.

CAPUT XXXVIII.

C. DULIUS.

Caius Duilius primo Punico bello dux contra Carthaginienses
 missus, quum videret eos multum mari posse, classem magis

validam, quam decoram, fabricavit; et [quas corvos vocavere] manus ferrens cum irrisu hostium primus instituit, quibus inter pugnandum hostium naves apprehendit, qui victi et capti sunt. Hannibal, dux classis, Carthaginem fugit, et a senatu quaesivit, quid faciendum censerent. Omnibus, ut pugnaret, acclamantibus, *Feci, inquit, et victus sum*: sic poenam crucis effugit. Nam apud Poenos dux, male re gesta, puniebatur. Duilio concessum est, ut praelucente funali et praecinente tibicine a coena publice rediret.

CAPUT XXXIX.

A. ATILIUS CALATINUS.

Atilius Calatinus, dux adversus Carthaginenses missus, maximis et munitissimis civitatibus, Enna, Drepano, Lilybaeo, hostilia praesidia deiecit. Panormum cepit. Totam Siciliam pervagatus, paucis navibus magnam hostium classem, duce Hamilcare, superavit. Sed quum ad Camerinam, ab hostibus obsessam, festinaret, a Poenis in angustiis clausus est, ubi Tribopus, militum Calpurnius Flamma, acceptis trecentis sociis, in superiore locum evasit, Consulem liberavit: ipse cum trecentis pugnans cecidit. Postea ab Atilio semianimis inventus et sanatus, magno postea terrori hostibus fuit. Atilius gloriose triumphavit.

CAPUT XL.

M. ATILIUS REGULUS.

Marcus Atilius Regulus Consul, fuis Sallentinis, triumphavit; primusque Romanorum ducum in Africam classem traiecit. Ea quassatas de Hamilcare naves longas tres et sexaginta accepit. Oppida ducenta et hominum ducenta millia cepit. Absente eo, coniugi eius et liberis ob paupertatem sumtus publice dati. Mox arte Xanthippi Lacedaemonii, mercenarii militis, captus, in carcerem missus. Legatus de permutandis captivis Romam missus, dato iureiurando, ut, si non impetrasset, ita demum rediret; in Senatu conditionem dissuasit, reiectisque a se coniuge et liberis, Carthaginem regressus; ubi, in arcam ligneam coniectus, clavis introrsum adactis, vigiliis ac dolore punitus est.

CAPUT XLI.

C. LUTATIUS CATULUS.

Caius Lutatius Catulus primo Punico bello, trecentis navibus adversum Poenos profectus, sexcentas eorum naves, commeatibus et aliis oneribus impeditas, duce Hamilcare, apud Aegates insulas inter Siciliam et Africam depressit aut cepit, sinemque bello imposuit. Pacem petentibus hac conditione concessit, Sicilia, Sardinia, et ceteris insulis intra Italiani Africamque decederent; Hispania citra Iliberum abstinere.

CAPUT XLII.

HANNIBAL, CARTHAGINIENSIS DUX.

Hannibal, Hamilcaris filius, novem annos natus, a patre aris admotus, odium in Romanos perenne iuravit. Exinde socius et miles in castris patri fuit. Mortuo eo; causam belli quaerens, Saguntum Romanis foederatum intra sex menses evertit. Tum, Alpibus patefactis, in Italiam traiecit. P. Scipionem 3 apud Ticinum, Sempronium Longum apud Trebiam, Flaminium 4 apud Trasimenum, Paullum et Varronem apud Cannas superavit. Quumque Urbem capere posset, in Campaniam devertit, 5 cuius deliciis elanguit. Et quum ad tertium ab Urbe lapidem 6 castra posuisset, tempestatibus repulsus, primum a Fabio Maximo frustratus, deinde a Valerio Flacco repulsus, a Graccho et Marcello fugatus, in Africam revocatus, a Scipione superatus, ad Antiochum, regem Syriae, confugit, eumque hostem Romanis fecit. Quo victo, ad Prusiam, Bithyniae regem, concessit. Unde Romana legatione [per Titum Flaminium] repetitus, [ne Romanis traderetur] hausto, quod sub annuli gemma habebat, veneno, absumentus est, positus apud Libyssam in arca lapidea, in qua hodieque inscriptum est: *Hannibal hic situs est.*

CAPUT XLIII.

Q. FABIVS MAXIMVS.

Quinctus Fabius Maximus Cunctator, ut Verrucosus a verruca in labris, ita Ovicula a clementia morum, Consul de Liguribus triumphavit. Hannibalem mora fregit. Minucium Magistrum 2 equitum imperio sibi aequari passus est: nihilo minus periculi 3 tanti subvenit. Hannibalem in agro Falerno inclusit. Marium 4 Statilium, transfugere ad hostes volentem, equo et armis donatis retinuit; et Lucano eundem fortissimo, ob amorem mulieris infrequenti, eandem eam dono dedit. Tarentum ab hostibus 6 recepit: Herculis signum inde translatum in Capitolio dedicavit. De redemptione captivorum cum hostibus pepigit: quod pactum 7 quum a Senatu improbaretur, fundum suum ducentis millibus vendidit, et fidei satisfecit.

CAPUT XLIV.

P. SCIPIO NASICA.

Publius Scipio Nasica, a Senatu vir optimus iudicatus, Matrem Deum hospitio recepit. Is quum adversum auspicia Consulem se a Graccho nominatum comperisset, magistratu se abdicavit. Censor statuas, quas sibi quisque per ambitionem in 3 foro ponebat, sustulit. Consul Delminium, urbem Dalmatarum, 4 expugnavit. Imperatoris nomen a militibus, et ab Senatu triumphum oblatum recusavit. Eloquentia primus, iuris scientia 6 consultissimus, ingenio sapientissimus; unde vulgo Corculum dictus.

CAPUT XLV.

M. CLAUDIUS MARCELLUS.

Marcus Marcellus Viridomarum, Gallorum ducem, singulsi
 2 proelio fudit. [Spolia opima Iovi Feretrio tertius a Romulo
 3 consecravit. Primus docuit, quomodo milites cederent, nec
 4 terga praeberent.] Hannibalem apud Nolam, locorum angustia
 5 adiutus, viuci docuit. Syracusas per tres annos expugnavit.
 6 Et quum per calumuiam triumphus ei a Senatu negaretur, de
 7 sua sententia in Albano monte triumphavit. Quinque Consul,
 insidiis Hannibalis deceptus occubuit, et magnifice sepultus.
 8 Ossa Romam remissa a praedonibus intercepta perierunt.

CAPUT XLVI.

CLAUDIA, VIRGO VESTALIS.

Hannibale Italiam devastaute, ex responso librorum Sibylli-
 norum Mater Deum a Pessiuante arcessita, quum adverso Ti-
 2 beri vcheretur, repente in alto stetit. Et quum moveri nullis
 viribus posset, ex libris cognitum, castissimae demum feminae
 manu moveri posse. Tum Claudia, virgo Vestalis, falso incoesta
 suspecta, Deam oravit, ut, si pudicam sciret, sequeretur; et
 zona imposita navem movit, simulacrum Matris Deum abduxit.
 3 Templum aedificavit Nasica, qui vir optimus iudicabatur.

CAPUT XLVII.

M. PORCIUS CATO CENSORIUS.

Marcus Porcius Cato, genere Tusculanus, a Valerio Flacco
 Romam sollicitatus, Tribunus militum in Sicilia, Quaestor sub
 Scipione fortissimus, Praetor iustissimus fuit: in praetura Sar-
 2 diniam subegit, ubi ab Ennio Graecis litteris institutus. Con-
 sul Celtiberos domuit; et, ne rebellare possent, litteras ad
 3 civitates singulas misit, ut muros diruerent. Quum unaquaeque
 sibi soli imperari putaret, fecerunt. Syriaco bello Tribunus
 militum sub M. Acilio Glabrione, occupatis Thermopylarum
 4 iugis, praesidium hostium depulit. Censor L. Flaminium Con-
 sularem Senatu movit, quod ille in Gallia, ad cuiusdam scorti
 spectaculum, eductum quendam e carcere in convivio iugulari
 5 iussisset. Basilicam suo nomine primus fecit. Matronis orna-
 6 menta, erepta Oppia lege, repetentibus restitit. Accusator
 7 assiduus malorum, Galbam octogenarius accusavit; ipse quadra-
 8 gies quater accusatus, gloriose absolutus. Carthaginem delenda
 9 censuit. Post octoginta annos filium genuit. Imago huius
 funeris gratia e curia produci solet.

CAPUT XLVIII.

C. CLAUDIUS NERO, ET HASDRUBAL, FRATER HANNIBALIS.

Hasdrubal, frater Hannibalis, ingentibus copiis in Italiam
 transiecit; actumque erat de Romano imperio, si iungere se

Hannibali potuisset. Sed Claudius Nero, qui in Apulia cum 2
Hannibale castra coniunxerat, relicta in castris parte, cum de-
lectis ad Hasdrubalem properavit, et se Livio collegae apud
Senam oppidum et Metaurum flumen coniunxit: amboque Has-
drubalem vicerunt. Nero, regressus pari celeritate, qua vene- 3
rat, caput Hasdrubalis ante vallum Hannibalis proiecit. Quo 4
ille viso, vinci se Fortuna Carthaginis confessus. Ob haec Li-
vius triumphans, Nero ovans, Urbem introierunt.

CAPUT XLIX.

P. CORNELIUS SCIPIO AFRICANUS.

Publius Scipio ex virtutibus nominatus Africanus, Iovis filius
creditus: nam antequam conciperetur, serpens in lecto matris
eius apparuit; et ipsi parvulo draco circumfusus, nihil nocuit.
In Capitolium intempesta nocte euntem numquam canes latrave- 2
runt. Nec hic quidquam prius coepit, quam in cella Iovis diu- 3
tissime sedisset, quasi divinam mentem accepisset. Decem et 4
octo annorum, patrem apud Ticinum singulari virtute servavit.
Clade Cannensi nobilissimos iuvenes, Italiam deserere cupientes, 5
sua auctoritate compescuit. Reliquias incolumes per media ho- 6
stium castra Canusium perduxit. Viginti quatuor annorum; 7
Praetor in Hispaniam missus, Carthaginem, qua die venit, cepit.
Virgine pulcherrimam, ad cuius adspæctum concurrebatur, ad 8
se vetuit adduci, patrique eius ac sponso restituit. Hasdruba- 9
lem Magonemque, fratres Hannibalis, Hispania expulit. Ami-10
citiam cum Syphace, Maurorum rege, coniunxit. Masinissam
in societatem recepit. Victor domum regressus, Consul antea
annos factus, concedente collega, in Africam classem traiecit.
Hasdrubalis et Syphacis castra una nocte perrupit. Revocatum 13
ex Italia Hannibalem superavit. Victis Carthaginiensibus leges 14
imposuit. Bello Antiochi Legatus fratri fuit: captum filium gra-15
tis recepit. A Petillio Ateio, Tribuno plebis, repetundarum 16
accusatus, librum rationum in conspectu populi reddidit: *Hæc*
die, inquit, Carthaginem vici: quare bonum factum, in Capito-
lium eamus et Diis supplicemus. Inde in voluntarium exilium 17
concessit, ubi reliquam egit ætatem. Moriens ab uxore petiit, 18
ne corpus suum Romam referretur.

CAPUT L.

M. LIVIUS SALINATOR.

Livius Salinator primo Consul de Illyriis triumphavit; deinde,
ex invidia peculatus reus, ab omnibus tribubus, excepta Metia,
condemnatus. Iterum cum Claudio Nerone inimico suo Consul, a
ne Republica discordia male administraretur, amicitiam cum eo
funxit, et de Hasdrubale triumphavit. Censor cum eodem col- 3
lega omnes tribus, excepta Metia, aerarias fecit, stipendio pri-
vavit, eo crimine, quod ant prius se iniuste condemnassent, aut
postea tantos honores non recte tribuissent.

CAPUT LI.

T. QUINTUS FLAMINIUS.

Quintus Flaminius, Flamini, qui apud Trasimenum periit, filius, Consul Macedonia sortitus, ducibus Charopae principibus pastoribus, provinciam ingressus, regem Philipppum proelio fudit, castris exiit. Filium eius Demetrium obsidem accepit; quem, pecunia mulctatum, in regnum restituit. A Nabide quoque Lacedaemonio filium obsidem accepit. Liberos etiam Graecos Nemeae per praekonem pronuntiavit. Legatus etiam ad Prusiam, ut Hannibalem repeteret, missus.

CAPUT LII.

M. FULVIUS NOBILIOR.

Marcus Fulvius Nobilior Consul Vettones Oretanosque superavit: unde ovans Urbem introiit. Consul Aetolos, qui bello Macedonico interfuerant, post ad Antiochum defecerant, proeliis frequentibus victos, et in Ambraciam oppidum coactos, in deditionem accepit; tamen signis tabulisque pictis spoliavit: de quibus triumphavit. Quam victoriam, per se magnificam, Quintus Ennius, amicus eius, insigni laude celebravit.

CAPUT LIII.

L. SCIPIO ASIATICUS.

Scipio Asiaticus, frater Africani, infirmo corpore, tamen in Africa virtutis nomine a fratre laudatus, Consul Antiochum, regem Syriae, Legato fratre, apud Sipylum montem, quum arcus hostium pluvia hebetati fuissent, vicit, et regni relictum a patre parte privavit: hinc Asiaticus dictus. Post reus pecuniae interceptae, ne in carcerem duceretur, Gracchus pater, Tribunus plebis, intercessit. M. Cato Censor equum ei ignominiae causa ademit.

CAPUT LIV.

ANTIOCHUS, REX SYRIAE.

Antiochus, Syriae rex, nimia opum fiducia bellum Romanis intulit, specie Lysimachiae repetundae, quam a maioribus suis in Thracia conditam Romani possidebant: statimque Graeciam insulasque eius occupavit. In Enboea luxuria elanguit. Adventu Acilii Glabronis excitus, Thermopylas occupavit: unde industria Marci Catonis eiectus, in Asiam refugit. Navali proelio, cui Hannibalem praefecerat, a L. Aemilio Regillo superatus, filium Scipionis Africani, quem inter navigandum ceperat, patri remisit: qui ei, quasi pro reddenda gratia, suavit, ut amicitiam Romanam peteret. Antiochus, spreto consilio, apud Sipylum montem cum L. Scipione conflavit. Victus et ultra Taurum montem relegatus, a sodalibus, quos temulentus in convivio pulsaverat, occisus est.

CAPUT LV.

CN. MANLIUS VULSO.

Cnaeus Manlius Vulso [Consul] missus ad ordinandam Scipionis Asiatici provinciam, cupidine triumphi bellum Pisidis et Gallograecis, qui Antiocho adfuerant, intulit. His facile victis, inter captivos uxor regis Ortiagontis centurioni cuidam in custodiam data: a quo vi stuprata, de iniuria tacnit; et post, impetrata redemptione, marito adulterum interficiendum tradidit.

CAPUT LVI.

L. AEMILIUS PAULLUS MACEDONICUS.

Lucius Paullus Aemilius, filius eius, qui apud Canuas cecidit, primo consulatu, quem post tres repulsas adeptus erat, de Liguribus triumphavit. Rerum gestarum ordinem in tabula pictum a publice posuit. Iterum Consul Persen, Philippi filium, regem Macedonum, apud Samothracas cepit; quem victum flevit et adsidere sibi iussit: tamen in triumphum duxit. In hac laetitia duos filios amisit: et progressus ad populum, gratias Fortunae egit, quod, si quid adversi Reipublicae imminebat, sua esset calamitate decisa. Ob haec omnia ei a populo et a Senatu concessum est, ut ludis Circensibus triumphali veste uteretur. Ob huius licentiam et paupertatem post mortem eius dos uxori, nisi venditis possessionibus, non potuit exsolvi.

CAPUT LVII.

TIB. SEMPRONIUS GRACCHUS.

Tiberius Sempronius Gracchus, nobilissima familia ortus, Scipionem Asiaticum, quamvis inimicum, duci in carcerem non est passus. Praetor Galliam domuit, Consul Hispaniam; altero consulatu Sardiniam: tantumque captivorum adduxit, ut longa venditione res in proverbium veniret; *Sardi venales*. Censor libertinos, qui rusticas tribus occupant, in quatuor urbanas divisit: ob quod a populo collega eius Claudius (nam ipsum auctoritas tuebatur) reus factus; et quum enim duae classes condemnassent, Tiberius iuravit, se cum illo in exsillum iturum: ita reus absolutus est. Quum in domo Tiberii duo augures a geniali toro repressissent, responso dato, eum de dominis periturum, cuius sexus anguis fuisset occisus; amore Corneliae coniugis marem iussit interfici.

CAPUT LVIII.

P. SCIPIO AEMILIANUS.

Publius Scipio Aemilianus, Paulli Macedonici filius, a Scipione Africani filio adoptatus, in Macedonia cum patre agens, victum Persen tam pertinaciter persecutus est, ut media nocte in castra redierit. Lucullo in Hispaniam Legatus, apud Intercatiam oppi-

3 dum provocatorem singulari proelio vicit. Muros hostilis civi-
 4 tatis primus adscendit. Tribunus in Africa sub M. Manilio im-
 5 peratore, cohortes octo obsidione vallatas consilio et virtute
 6 servavit, a quibus corona obsidionali aurea donatus. Quum
 7 aedilitatem peteret, Consul ante annos nltro factus, Carthaginem
 8 intra sex menses delevit. Numantiam in Hispania, correcta prius
 9 militum disciplina, fame vicit. Hinc Numantinus. Caio Laelio
 10 plurimum usus. [Ad reges adeundos missus, duo secum, prae-
 11 ter eum, servos duxit.] Ob res gestas superbus, Gracchum iure
 12 caesus videri respondit: obstrepente populo, *Taceant*, inquit,
 13 *quibus Italia noverca, non mater est*; et addidit, *Quos ego sub*
 14 *corona vendidi*. Censor, Mummio collega segniore, in Senatu
 15 ait, *Utinam mihi collegam aut dedissetis, aut non dedissetis*.
 16 Suscepta agrariorum caussa, domj repente exanimis inventus,
 17 obvoluto capite elatus, ne livor in ore appareret. Huius pa-
 18 trimonium tam exiguum fuit, ut XXXII libras argenti, duas et
 19 semilibram auri reliquerit.

CAPUT LIX.

C. HOSTILIUS MANCINUS.

Caius Hostilius Mancinus Praetor adversum Numantinos, ven-
 tantibus avibus, et nescio qua voce revocante, profectus, quum
 ad Numantiam venisset, exercitum Pompeii acceptum prius cor-
 2 rigere decrevit, et solitudinem petiit. Eo die Numantini forte
 3 solemnino nuptu filias locabant: et unam speciosam duobus com-
 4 petentibus, pater puellae conditionem tulit, ut ei illa nuberet,
 5 qui hostis dextram retulisset. Profecti iuvenes, abscessum Ro-
 6 manorum in modum fugae properantium cognoscunt: rem ad
 7 suos referunt. Illi statim quatuor millibus suorum viginti mil-
 8 lia Romanorum ceciderunt. Mancinus, auctore Tiberio Grac-
 9 cho, Quaestore suo, in leges hostium foedus percussit: quo per
 10 Senatum improbatum, Mancinus Numantinis deditus, nec receptus,
 11 angurio in castra reductus, praeturam postea consecutus est.

CAPUT LX.

L. MUMMIUS ACHAICUS.

Lucius Mummius, devicta Achaia Achaicus, adversus Corin-
 2 thios missus, victoriam alieno labore quaesitam intercepit. Nam
 3 quum illos Metellus Macedonicus apud Heracleam fudisset et
 4 duce Critolao privasset, cum lictoribus et paucis equitibus in
 5 Metelli castra properavit et Corinthios apud Leucopetram vicit
 6 duce Diaeo, qui domum refugit, eamque incendit: coniugem
 7 interfecit et in ignem praecipitavit: ipse veneno interiit. Mum-
 8 mius Corinthum signis tabulisque spoliavit: quibus quum totam
 9 repletisset Italiam, in domum suam nihil contulit.

CAPUT LXI.

Q. CAECILIUS METELLUS MACEDONICUS.

Quinctus Caecilius Metellus, a domita Macedonia Macedoni-
 2 cus, Praetor Pseudophilippum, qui idem Andrisus dictus est,

vicit. Achaeos his proelio fudit: triumphandos Mummio tradidit. Invisus plebi ob nimiam severitatem; et ideo post duas repulsas Consul aegre factus, Arbacos in Hispania domuit. Apud Contrebiā oppidum cohortes loco pulsas redire et locum recipere iussit. Quum omnia proprio et subito consilio ageret, amico cuidam, quid acturus esset, roganti, *Tunicam*, inquit, *meam exurerem, si eam consilium meum scire existimarem.* Hic, quatuor filiorum pater, supremo tempore humeris eorum ad sepulcrum latus est: ex quibus tres Consulares, unum etiam triumphantem vidit.

CAPUT LXII.

Q. CAECILIUS METELLUS NUMIDICUS.

Quinctus Caecilius Metellus Numidicus, qui de Iugurtha rege triumphavit, Censor Quinctinum, qui se Tiberii Gracchi filium mentiebatur, in censum non recepit. Idem in legem Appulciam per vim latam, iurare noluit: quare in exilium actus, Smyrnae exsulavit. Calidia deinde rogatione revocatus, quum ludis forte litteras in theatro accepisset, non prius eas legere dignatus est, quam spectaculum finiretur. Metellae, sororis suae, virum laudare noluit, quod is solus iudicium contra leges detrectarat.

CAPUT LXIII.

Q. METELLUS PIUS.

Quinctus Metellus Pius, Numidici filius, Pius, quia patrem lacrimis et precibus assidue [ab exilio] revocavit, Praetor bello sociali Q. Pompeium, Marsorum ducem, interfecit. Consul in Hispania Herculeios fratres oppressit: Sertorium Hispania expulit. Adolescens in petitione praeturae et pontificatus consularibus viris praelatus est.

CAPUT LXIV.

TIBERIUS GRACCHUS.

Tiberius Gracchus, Africani ex filia nepos, Quaestor Mancino in Hispania, foedus eius flagitiosum probavit. Periculum dedicationis eloquentiae gratia effugit. Tribunus plebis legem tulit, ne quis plus mille agri iugera haberet. Octavio collega intercedente, novo exemplo magistratum abrogavit. Dein tulit, ut de familia, quae ex Attali hereditate erat, ageretur, et populo divideretur. Deinde quum prorogare sibi potestatem vellet, adversis auspiciis in publicum processit, statimque Capitolium petiit, manum ad caput referens; quo salutem suam populo commendabat. Hoc nobilitas ita accepit, quasi diadema posceret: sequenterque cessante Mucio Consule, Scipio Nasica sequi iussit, qui salvam Rempublicam vellent, Gracchum in Capitolium persecutus oppressit. Cuius corpus Lucretii Aedilis manu in Tiberim missum; unde ille Vespillo dictus. Nasica ut invidiae subtraheretur, per speciem legationis in Asiam ablegatus est.

CAPUT LXV.

C. GRACCHUS.

Caius Gracchus, pestilentem Sardiniam Quaestor sortitus, non
 2 veniente successore, sua sponte decessit. Asculanae et Fregel-
 3 lunae defectionis invidiam sustinuit. Tribunus plebis agrarias et
 frumentarias leges tulit: colonos etiam Capuam et Tarentum
 4 mitteudos censuit. Triumviros agris dividendis se, et Fulvium
 5 Flaccum, et C. Crassum constituit. Minucio Rufo, Tribunus
 plebis, legibus suis obrogante, in Capitolium venit: ubi quum
 Antyllius, praeco Opimii Consulis, in turba fuisset occisus, in
 forum descendit et imprudens concionem a Tribunus plebis avo-
 cavit; qua re arcessitus, quum in senatum non venisset, armata
 familia Aventinum occupavit. Ubi ab Opimio victus, dum a
 templo Lunae desiliit, talam intorsit, et Pomponio [Pontino]
 amico apud portam Trigeminam, P. Laetorio in ponte sublicio,
 6 persequentibus resistente, in lucum Furinae pervenit. Ibi vel
 sua, vel servi Eupori manu interfectus: caput a Septimuleio,
 amico Gracchi, ad Opimum relatum, auro expensum fertur,
 propter avaritiam infuso plumbo gravius effectum.

CAPUT LXVI.

M. LIVIUS DRUSUS.

Marcus Livius Drusus, genere et eloquentia magnus, sed am-
 bitiosus et superbus, Aedilis munus magnificentissimum dedit.
 2 Et ibi Rummio collegae, quaedam de utilitate Reipublicae sug-
 3 gerenti, *Quid tibi, inquit, cum Republica nostra?* Quaestor in
 Asia nullis insignibus uti voluit, ne quid ipso esset insignius.
 4 Tribunus plebis Latinis civitatem, plebi agros, equitibus curi-
 5 am, Senatui iudicia permisit. Ninniae liberalitatis fuit: ipse
 etiam professus, nemini se ad largiendum praeter coelum et
 coelum reliquisse; ideoque quum pecunia egeret, multa contra
 6 dignitatem fecit. Magulsam, Mauretae principem, ob regis
 similitudinem profugum, accepta pecunia Boccho prodidit: quem
 7 ille elephantum obiecit. Adherbalem, filium regis Numidarum,
 obsidem domi suae sumpsit, redemptionem eius occultam a patre
 8 sperans. Caepionem inimicum, actionibus suis resistentem, ait,
 9 se de saxo Tarpeio praecipitaturum. Consuli, legibus agrariis
 resistenti, ita collum in comitio obtorsit, ut multus sanguis
 efflueret e naribus: quam ille, luxuriam exprobrans, muriam
 10 de tardis esse dicebat. Deinde ex gratia nimia in invidiam ve-
 nit. Nam plebs acceptis agris gaudebat; expulsi dolebant:
 [equites in senatu lecti laetabantur; sed praeteriti querebantur:]
 Senatus permissis iudiciis exultabat; sed societatem cum equi-
 11 tibus aegro ferebat. Unde Livius anxius, ut Latinorum postu-
 lata differret, qui promissam civitatem flagitabant, repente in
 publico concidit, sive morbo comitiali, seu hausto capriuo san-
 12 guine, semianimis domum relatus. Vota pro illo per Italiam
 publice suscepta sunt. Et quum Latini Consulem in Albano

monte interfecturi essent, Philippum admonuit, ut caveret: unde in senatu accusatus, quum domum se reciperet, immisso inter turbam percussore, corruit. Invidia caedis apud Philippum et Caepionem fuit.

CAPUT LXVII.

C. MARIUS PATER.

Caius Marius, septies Consul, Arpinas, humili loco natus, primis honoribus per ordinem functus, Legatus Metello in Numidia, criminando eum consulatum adeptus, Iugurtham captum ante curram egit. In proximum annum Consul ultro factus, Cimbro in Gallia apud Aquas Sextias, Teutonas in Italia, in campo Raudio vicit, deque his triumphavit. Usque sextum consulatum per ordinem factus, Appuleium Saturninum Tribunum plebis, et Glauciam Praetorem, seditiosos, ex senatusconsulto interemit. Et quum Sulpicia rogatione provinciam Sullae eriperet, armis ab eo victus, Minturnis in palude latuit. Inventus et in carcerem coniectus, immissum percussorem Gallum vultus auctoritate deterruit; acceptaque navicula in Africam traiecit: ibi diu exsulavit. Mox Cinnana dominatione revocatus, ruptis ergastulis, exercitum fecit; caesisque inimicis iniuriam ultus, septimo consulatu, ut quidam ferunt, voluntaria morte decessit.

CAPUT LXVIII.

C. MARIUS FILIUS.

Caius Marius filius viginti septem annorum consulatum invasisit: quem honorem tam immaturum mater flevit. Illic, patri saevitia similis, curiam armatus obsedit, inimicos trucidavit, quorum corpora in Tiberim praecipitavit. In apparatu belli, quod contra Sullam parabatur, apud Sacriportum, vigiliis et labore defessus, sub dio requievit: et absens victus, fugae, non pugnae interfuit. Praeneste refugit, ubi per Lucretium Ofellam obsessus, tentata per cuniculum fuga, quum omnia septa intelligeret, iugulandum se Pontio Telesino praebuit.

CAPUT LXIX.

L. CORNELIUS CINNA.

Lucius Cornelius Cinna, fugitiosissimus, Rempublicam summa crudelitate vastavit. Primo consulatu legem de exsiliis revocandis ferens, ab Octavio collega prohibitus et honore privatus, Urbe profugit; vocatisque ad pileum servis, adversarios vicit, Octavium interfecit, Ianiculum occupavit. Iterum et tertium Consulem se ipse fecit. Quarto consulatu quum bellum contra Sullam pararet, Anconae ob nimiam crudelitatem ab exercitu lapidibus occisus est.

CAPUT LXX.

G. FLAVIUS FIMBRIA.

Caius Flavius Fimbria (saeuissimus quippe Cinnae satelles)
 Valerio Flacco Consuli Legatus in Asiam profectus, per simulta-
 tem dimissus, corrupto exercitu, ducem interficiendum curavit.
 2 Ipse, correptis imperii insignibus, provinciā ingressus, Mi-
 3 thridateū Pergamo expulit. Hium, ubi tardius portae patue-
 runt, incendi iussit; ubi Minervae templum inviolatum stetit,
 4 quod divina maiestate servatum nemo dubitavit. Ibidem Fimbria
 militiae principes securi percussit: mox, a Sulla Pergami ob-
 sessus, corrupto exercitu desertus, semet occidit.

CAPUT LXXI.

VIRIATHUS LUSITANUS.

Viriathus, genere Lusitanus, ob paupertatem primo merce-
 narius, deinde alacritate venator, audacia latro, ad postremum
 dux, bellum adversum Romanos sumpsit, eorumque imperatorem
 2 Claudium Unimanum, dein C. Nigidium oppressit. Pacem a
 populo [Romano] maluit integer petere, quam victus: et quum
 3 alia dedisset, et arma retinerentur, bellum renovavit. Caepio
 quum vincere aliter non posset, duos satellites pecunia corrupit,
 4 qui Viriathum humi depositum peremerunt. Quae victoria,
 quia emta erat, Senatu non probata.

CAPUT LXXII.

M. AEMILIUS SCAURUS.

Marcus Aemilius Scaurus, nobilis, pauper: nam pater eius,
 quamvis patricius, ob paupertatem carbonarium negotium ex-
 2 ercuit. Ipse primo dubitavit, honores peteret, an argentariam
 3 faceret: sed, eloquentiae consultus, ex ea gloriam peperit. Pri-
 mo in Hispania corniculum meruit: sub Oreste in Sardinia sti-
 4 peudia fecit. Aedilis iuri reddendo magis, quam mueri eden-
 5 do studuit. Praetor adversus Iugurtham tamen eius pecunia
 victus. Consul legem de sumtibus et libertinorum suffragiis
 6 tulit. P. Decium Praetorem, traeseunte ipso sedentem, iussit
 adsurgere, eique vestem scidit, sellam coucidit; ne quis ad eum
 7 in ius iret, edixit. Consul Ligures et Gantiscos domuit atque
 8 de his triumphavit. Censor viam Aemiliam stravit: pontem
 9 Mulvium fecit. Tantumque auctoritate potuit, ut Opimium
 contra Gracchum, Marium contra Glauciam et Saturninum, pri-
 rovato consilio armaret. Idem filium suum, quia praesidium de-
 seruerat, in conspectum suum vetuit accedere: ille ob hoc de-
 10 iudicus mortem sibi conscivit. Scaurus senex quum a Vario Tri-
 buno plebis argueretur, quasi socios et Latium ad arma coëgis-
 set, ad populum ait: *Varius Sucronensis Aemilium Scaurum ait*
socios ad arma coëgisso; Scaurus negat: utri potius creden-
dum putatis?

CAPUT LXXIII.

L. APPULEIUS SATURNINUS.

Lucius Appuleius Saturninus, Tribunus plebis seditiosus, ut gratiam Marianorum militum pararet, legem tulit, ut veteranis centena agri iugera in Africa dividerentur: intercedentem Baebium collegam, facta per populum lapidatione, submovit. Glanciae Praetori, quod is eo die, quo ipse concionem habebat, ius dicendo partem populi avocasset, sellam concidit, ut magis popularis videretur. Quendam libertini ordinis subornavit, qui 3 se Tiberii Gracchi filium fingeret. Ad hoc testimonium Sempromnia, soror Gracchorum, producta, nec precibus, nec minis adduci potuit, ut dedecus familiae agnosceret. Saturninus, Aulo 5 Nonio competitore interfecto, Tribunus plebis relictus, Siciliam; Achaïam, Macedoniam novis colonis destinavit; et aurum, dolo an scelere Caepionis partum, ad emtionem agrorum convertit. Aqua et igni interdixit ei, qui in leges suas non iurasset. Huic 6 legi multis nobilibus abrogantibus, quum tonuisset, clamavit: 7 *Iam, inquit, nisi quiescitis, grandinabit.* Metellus Numidicus 8 exulare, quam iurare, maluit. Saturninus, tertio Tribunus 9 plebis relictus, ut satellitem suum Glauciam Praetorem faceret, Memminum, competitorem eius, in campo Martio necandum curavit. Marins, senatusconsulto armatus, quo censeretur, darentio operam Consul; ne quid Respublica detrimenti caperet, Saturninum et Glanciam in Capitolium persecutus obsedit, maximoque asta incisus fistulis, in deditionem accepit: nec deditis fides servata. Glanciae fracta cervix: Appuleius quum in curiam fugisset, lapidibus et togulis desuper interfectus est. Caput eius Babirius quidam Senator per convivia in Indibrium circumtulit.

CAPUT LXXIV.

L. LICINIUS LUCULLUS.

Lucius Licinius Lucullus, nobilis, disertus et dives, munus quaestorium amplissimum dedit. Mox per Murenam in Asia classem Mithridatis, et Ptolemæum regem Alexandriae Consuli 2 Sullae conciliavit. Praetor Africam iustissime rexit. Adversus 3 Mithridatem missus, collegam suum Cottam Chalcedone obses- 4 sum liberavit. Cyzicenum obsidione solvit. Mithridatis copias 5 ferro et fame adflixit; eumque regno suo, id est, Ponto expulit. Quem rursum cum Tigrane, rege Armeniae, subveniente magna 6 felicitate superavit. Nimius in habitu: maxime signorum et tabularum amore flagravat. Post quum alienata mente desipere 8 coepit, tutela eius M. Lucullo fratri permissa est.

CAPUT LXXV.

L. CORNELIUS SULLA.

Cornelius Sulla, in fortuna Felix dictus, quum parvulus a nutrice ferretur, mulier obvia, *Salve, inquit, puer tibi et Rei-*

publicae tuae felix: et statim quaesita, quae haec dixisset, non
 2 potuit inveniri. Hic, Quaestor Maril, Iugurtham a Boccho in
 3 deditionem accepit. Bello Cimbrico et Teutonico Legatus, bo-
 4 nam operam navavit. Praetor inter cives ius dixit. Praetor
 5 Ciliciam provinciam habuit. Bello sociali Samnites Hirpinosque
 6 superavit. Ne monumenta Bocchi tollerentur, Mario restitit.
 7 Consul Asiam sortitus, Mithridatem apud Orchomenum et Chae-
 8 roneam proelio fudit: Archelaum, praefectum ejus, Athenis
 9 vicit: portum Piraeum recepit: Medos et Dardanos in itinere
 10 superavit. Mox quum rogatione Sulpicia imperium eius trans-
 ferretur ad Marium, in Italiam regressus, corruptis adversario-
 11 ram exercitibus, Carbonem Italia expulit: Marium apud Sacri-
 12 portum, Telesium apud portam Collinam vicit. Mario Prae-
 13 nese interfecto, Felicem se edicto appellavit. Proscriptionis
 14 tabulas primus proposuit. Novem millia deditorum in villa
 15 publica cecidit. Numerum sacerdotum auxit: tribuniciam po-
 16 testatem minuit. Republica ordinata, dictaturam deposuit: unde
 17 sperni coepit, Puteolos concessit, et morbo, qui phthiriasis
 18 vocatur, interiit.

CAPUT LXXVI.

MITHRIDATES, REX PONTI.

Mithridates, rex Ponti, oriundus a septem Persis, magna vi
 2 animi et corporis, ut sexiuges equos regeret, quinquaginta gen-
 3 tium ore loqueretur. Bello sociali dissidentibus Romanis, Ni-
 4 comedem Bithynia, Ariobarzanem Cappadocia expulit. Litteras
 5 per totam Asiam misit, ut, quicumque Romanus esset, certa
 6 die interficeretur: et factum est. Graeciam insulasque omnes,
 7 excepta Rhodo, occupavit. Sulla eum proelio vicit, classem
 8 ejus proditione Archelai intercept: ipsam apud Orchomenum
 9 oppidum fudit et oppressit; et potuit capere, nisi, adversum
 10 Marium festinans, qualemcunque pacem componere maluisset.
 11 Deinde eum Cahiris resistentem Lucullus fudit. Mithridates post
 12 a Pompeio nocturno proelio victus, in regnum confugit: ubi
 13 per seditionem popularium a Pharmace filio in turre obsessus,
 14 venenum sumpsit. Quod quum tardius biberet, quia adversum
 15 venena multis antea medicaminibus corpus firmarat; immissum
 16 percussorem Gallum Sithocum auctoritate vultus territum revo-
 17 cavit, et in caedem suam manum trepidantis adiuvit.

CAPUT LXXVII.

CN. POMPEIUS MAGNUS.

Cnaeus Pompeius Magnus, civili bello Sullae partes secutus, ita
 2 agit, ut ab eo maxime diligeretur. Siciliam sine bello a pro-
 3 scriptis recepit. Numidiam, Hiabae ereptam, Masinissae re-
 4 stituit. Viginti sex annos natus triumphavit. Lepidum, acta
 5 Sullae rescindere volentem, privatus Italia fugavit. Praetor in
 6 Hispaniam pro Consulibus missus, Sertorium vicit. Mox pira-

tas intra quadragesimum diem subegit. Tigranem ad deditio- 5
nem, Mithridatem ad venenum compulit. Deinde mira felicitate 6
nunc in septemtrione Albanos, Colchos, Heniochos, Caspios,
Iberos, nunc in oriente Parthos, Arabes, atque Iudaeos cum
maguo sui terrore penetravit. Primus in Hyreanum, Rubrum 7
et Arabicum mare usque pervenit. Moxque diviso orbis impe- 8
rio, quum Crassus Syriam, Caesar Galliam, Pompeius Urbem
obtineret; post caedem Crassi Caesarem dimittere exercitum
iussit. Cuius infesto adventu Urbe pulsus, in Pharsalia victus, 9
ad Ptolemaeum, Alexandriae regem, fugit. Huius latus subio
oculis uxoris et liberorum a Septimio, Ptolemaei praefecto;
mucrone confossum est. Iamque defuncti caput gladio praeci- 10
sum, quod usque ad ea tempora fuerat ignoratum Truncus
Nilo iactatus, a Servio Codro rogo inustus humatusque est, in-
scribente sepulcro, HIC POSITUS EST MAGNUS. Caput ab 11
Achilla, Ptolemaei satellite, Aegyptio velamine iavolutum, cum
annulo Caesari praesentatum est, qui non continens lacrimas il-
lud plurimis et pretiosissimis odoribus cremandum curavit.

ADDITAMENTUM

LIBELLO DE VIRIS

ILLUSTRIBUS

EX LIBRIS ANTIQUIS MANU DESCRIPTIS

AB ANDR. SCHOTTO PRIMUM ADIECTUM.

CAPUT LXXVIII.

CAIUS IULIUS CAESAR.

Caius Iulius Caesar, veneratione rerum gestarum Divus dictus,
contubernalis Thermo in Asiam profectus, quum saepe ad Ni-
comedem, regem Bithyniae, commicaret, impudicitiae infamatus
est. Mox Dolabellam iudicio oppressit. Dum studiorum causa 2
Rhodum petit, a piratis captus et redemptus, eosdem et postea 3
captos punivit. Praetor Lusitaniam, et post Galliam, ab Alpi- 4
bus usque, et Oceanum his classe transgressus, Britanniam sub-
egit. Quum ei triumphus a Pompeio negaretur, armis cum 5
Urbe pulsus in Pharsalia vicit. Capite eius oblato, flevit, et 6
honorifice sepeliri fecit: mox a satellitibus Ptolemaei obsessus;
eorum et regis neco Pompeio parentavit. Pharnacem, Mithri- 7
datis filium, fama nominis fugavit. Iubam et Scipionem in Afri- 8
ca, Pompeios iuvenes in Hispania apud Mundam oppidum in-
genti proelio vicit. Deinde ignoscendo amicis odia cum armis 9

deposuit: nam Lentulum tantum, et Afranium, et Faustum, 10 Sullae filium, iussit occidi. Dictator in perpetuum factus a Senatu, in curia, Cassio et Bruto caedis auctoribus, tribus et viginti vulneribus occisus est: cuius corpore pro rostris posito, sol orbem suum celasse dicitur.

CAPUT LXXIX.

CAESAR OCTAVIANUS.

Caesar Octavianus, ex Octavia familia in Iuliam translatus, in ultionem Iulii Caesaris, a quo heres fuerat institutus, Brutum et Cassium, caedis auctores, in Macedonia vicit. Sextum Pompeium, Cnaei Pompeii filium, bona paterna repetentem, in 2 freto Siculo superavit. Marcum Antonium Consulem Syriam obtinentem, amore Cleopatrae devinctum, in Actiaco Ambraciae 3 litore debellavit. Reliquam orbis partem per Legatos domuit. 4 Huic Parthi signa, quae Crasso sustulerant, ultro reddiderunt. 5 Indi, Scythae, Sarmatae, Daci, quos non domuerat, dona miserunt. Iani gemini portas, bis ante se clausas, primo sub 6 Numa, iterum post primum Punicum bellum, sua manu clausit. 7 Dictator in perpetuum factus, a Senatu, ob res gestas, Divus Augustus est appellatus.

CAPUT LXXX.

CATO PRAETORIUS.

Cato Praetorius, Catonis Censorii pronepos, quum in domo avunculi Drusi educaretur, nec pretio, nec minis potuit adduci a Q. Popedio Silone, Marsorum principe, ut favere se causasae 2 Sociorum diceret. Quaestor in Cyprum missus ad vehendam ex Ptolemaei hereditate pecuniam, cum summa eam fide perduxit: 3 praeterea coniuratos puniendos censuit. Bello civili Pompeii partes secutus est: quo victo, exercitum per deserta Africae duxit; ubi Scipioni Consulari delatum ad se imperium concessit. 4 Victis partibus, Uticam concessit; ubi filium hortatus, ut clementiam Caesaris experiretur, ipse, lecto Platonis libro, qui de bonis mortis est, semet occidit.

CAPUT LXXXI.

M. TULLIUS CICERO.

Marcus Tullius Cicero, genere Arpinas, patre equite Romano 2 natus, genus a Tullo Attio rege duxit. Adolescens Rosciano iudicio eloquentiam et libertatem suam adversus Sullanos ostendit: ex quo veritus invidiam, Athenas studiorum gratia petivit, ubi Antiochum, Academicum philosophum, studiose audivit. Inde eloquentiae gratia Asiam, post Rhodum petiit, ubi Molonem Graecum, rhetorem tum disertissimum, magistrum habuit; qui flesse dicitur, quod per hunc Graeciae eloquentiae laude pri- 3 varctur. Quaestor Siciliam habuit. Aedilis Caium Verrem re-

petundarum damnavit. Praetor Ciliciam latrocinis liberavit. Consul coniuratos capite punivit. Mox invidia P. Clodii, in- 4
 stinctuque Caesaris et Pompeii, quos dominationis suspectos, eadem, qua quondam Sullanos, libertate perstrinxerat, sollici-
 tatis Pisone et Gabinio Consulibus, qui Macedoniam Asiamque provincias in stipendium opera huius acceperant, in exilium actus; mox, ipso referente Pompeio, rediit, eumque civili bello, secutus est. Quo victo, veniam a Caesare ultro accepit: quo 5
 interfecto, Augustum fovit; Antonium hostem iudicavit. Et 6
 quum Triumviros se fecissent Caesar, Lepidus, Antoniusque, concordia non aliter visa est inter eos iungi posse, nisi Tullius necaretur: qui, immissis ab Antonio percussoribus, quum forte Formis quiesceret, imminens exitium corvi auspicio didicit, et fugiens occisus est. Caput ad Antonium relatum.

CAPUT LXXXII.

MARCUS BRUTUS.

Marcus Brutus, avunculi Catonis imitator, Athenis philosophiam, Rhodi eloquentiam didicit. Cytheridem mimam cum Antonio et Gallo poeta amavit. Quaestor in Galliam proficisci noluit, quod is bonis omnibus displicebat. Cum Appio Claudio 4
 in Cilicia fuit: et quum ille repetundarum accusaretur, ipse ne verbo quidem infamatus est. Civili bello a Catone ex Cilicia 5
 retractus, Pompeium secutus est. Quo victo, veniam a Caesare accepit, et Proconsul Galliam rexit; tamen cum aliis coniuratis in curia Caesarem occidit. Et ob invidiam veteranorum 6
 in Macedoniam missus, ab Augusto in campis Philippicis victus, Stratoni cervicem praebuit.

CAPUT LXXXIII.

C. CASSIUS LONGINUS.

Caius Cassius Longinus Quaestor Crassi in Syria fuit, post cuius caedem, collectis reliquiis, in Syriam rediit. Osaceni, 2
 praefectum regium, apud Orontem fluvium superavit. Dein, 3
 quod coëmtis Syriacis mercibus foedissime negotiaretur, Carya cognominatus est. Tribunus plebis Caesarem oppugnavit. 4
 Bello civili Pompeium secutus classi praefuit. A Caesare veniam 5
 accepit; tamen adversus eum coniurationis auctor cum Bruto fuit, et in caede dubitanti cuidam, *Vel per me*, inquit, *feri*: magnoque exercitu comparato, in Macedonia Bruto coniunctus in campis Philippicis ab Antonio victus, quum eandem fortunam Bruti putaret, qui Caesarem vicerat, Pindaro liberto iugulum praebuit. Cuius morte audita, Antonius exclamasse dicitur, *Vici*.

CAPUT LXXXIV.

SEXTUS POMPEIUS.

Sextus Pompeius, in Hispania apud Mundam victus, amisso fratre, reliquiis exercitus collectis, Siciliam petiit; ubi ruptis

- 2 ergastulis mare obsedit: Interceptis commentibus Italiam vexavit; et quum mari feliciter uteretur, Neptuni se filium confessus est, eumque bobus auratis et equo placavit. Pace facta, epulatus in navi cum Antonio et Caesare, non invenuste ait: *Hae sunt meae carinae*; quia Romae in Carinis domum eius
- 4 Antonius tenebat. Rupto per eundem [Antonium] foedere, Sextus, ab Augusto per Agrippam navali proelio victus, in Asiam fugit, ubi ab Antonianis militibus occisus est.

CAPUT LXXXV.

MARCUS ANTONIUS.

- Marcus Antonius, in omnibus expeditionibus Iulio Caesari comes, Lupercalibus diadema ei imponere tentavit: mortuo divinus honores decrevit. Augustum perfidiose tractavit; a quo apud Mutinam victus, [Perusii fame domitus] in Galliam fugit. Ibi Lepidum sibi collegam adiunxit: Brutum, exercitu eius corrupto, occidit: reparatis viribus in Italiam regressus, cum Caesare in gratiam rediit. Triumvir factus, proscriptionem a Lucio Caesare avunculo suo coepit. In Syriam missus, bellum Parthis intulit: a quibus victus, vix tertiam partem de quindecim legionibus in Aegyptum perduxit: A ibi Cleopatrae amore
- 5 devinctus, in Actiaco littore ab Augusto victus est. In Alexandriam regressus, quum habitata regio in solio regali sedisset, necem sibi conscivit.

CAPUT LXXXVI.

CLEOPATRA REGINA.

- Cleopatra, Ptolemaei regis Aegyptiorum filia, a fratre suo Ptolemaeo eodemque marito, quem fraudare regno voluerat, pulsa, ad Caesarem bello civili in Alexandriam venit: ab eo specie sua et concubitu regnum Ptolemaei et necem impetravit.
- 2 Haec tantae libidinis fuit, ut saepe prostituerit: tantae pulchritudinis, ut multi noctem illius morte emerint. Postea Antonio iuncta, cum eo victa, quum se illi inferias ferre simularet in Mausoleo eius, admotis aspidibus periit.



SEXTUS AURELIUS VICTOR
DE
CAESARIBUS
SIVE
HISTORIAE ABBREVIATAE
PARS ALTERA

AB AUGUSTO OCTAVIANO, ID EST, A FINI TITI LIVII, USQUE AD
CONSULATUM DECIMUM CONSTANTII AUGUSTI, ET IULIANI CAE-
SARIS TERTIUM.

CAPUT I.

OCTAVIANUS AUGUSTUS.

Anno Urbis septingentesimo fere vicesimoque secundo etiam
mos Romae incessit uni prorsus parendi. Namque Octavianus, a
patre Octavio, atque adoptione magni avunculi Caesaris, ac
mox procerum consulto ob victoriam patriam placide exercitum
Augusti cognomento dictus, illectis per dona militibus, atque
annonae curandae specie vulgo, ceteros haud difficulter subegit.
Eoque modo annis quatuor circiter et quadraginta actis, morbo 3
Nolae consumptus, adiectis imperio civium Rhactis Illyricoque,
ac pacata exterarum gentium ferocia, nisi Germaniae: quam-
quam tertius post Numam, victo Antonio, Ianum clausurit,
quod jure Romano quiescentibus bellis accidebat. Mores viro 4
civiles lepidique; flagrante haud modice luxuria, ludorumque
cupidine aleaeque ad summum intemperantia. Doctorum, qui 5
abunde erant, necessariorumque perculator, quam eloquentiae
studio ac religionibus mire retineretur. Pater Patriae, ob clem-
entiam, ac Tribunitia potestate perpetuo habitus: hincque uti
Deo, Romae provinciisque omnibus per urbes celeberrimas vivo
mortuoque templa, sacerdotes et collegia sacravere. Felix adeo, 6
(absque liberis tamen simulque coniugio) ut Indi, Scythae, Ga-
rumantes, ac Bactri legatos mitterent orando foederi.

CAPUT II.

CLAUDIUS TIBERIUS NERO.

Dein Claudius Tiberius Nero, in Augusti liberos e privigno
redactus arrogatione, ubi, quae metuebantur, satis tuta ani-

advertit, imperium complexus est, cuius nomen astu abnuebatur: subdolos et occultior, hisque saepe simulando infensus, quae maxime cuperet, et insidiosae deditus, quae odio erant; ingenio ad repentina longe acriore; bonis iniitiis idem periculosus, quaesitissimis in omnem fere aetatem sexumque libidinibus; atque atrocius puniens insontes, suos pariter externosque.

2 Adhuc dum urbes et conventus execratur, Capreas insulam
 3 quaesierat flagitiis obtentui. Quare solutis militiae artibus, directae pleraque iuris Romani; nihilque praeter Cappadocas, idque inter exordia, in provincia subactum, remoto rege Archelao, compressaque Gaetulorum atrocinitia, quae Tacfarinate
 4 duce passim proruperant. Praetorias, quae dispersae proximis municipiis, scilicet Romae, quaeque per domos habebantur, in castra apud Urbem redegit; quae tenebantur, Praefecturam appellans, vel augens, Praetorio: nam ceteros paritorum praesidesque Augustus instituerat.

CAPUT III.

CAIUS CAESAR CALIGULA.

Igitur Claudio senio an insidiis oppresso, quum imperium tres atque viginti, aevi octogesimum uno minus annos egisset, Caius Caesar, cognomento Caligula, adventibus cunctis deligitur,

2 maiorum gratiae parentisque. Namque per filiam proavus Augustus; genere materno, Agrippa; Drusus, Germanici pater, e
 3 quo is oriebatur, avi erant. Quorum modestia atque immaturo, absque Octaviani, interitu, vulgus, simul matris fratrumque, quos Tiberius exitio interceperat, permovebatur. Quae
 4 causa nitebantur omnes casum tantae familiae lenire adolescentuli spe: tum quia natus in exercitu (unde cognomentum calcamento militari quaesiverat) legionibus carus acceptusque habebatur. Praeterea prudentissimus quisque similem fore suis
 5 credebatur; quod longe secus, quasi naturae lege, quae crebro tamquam ex industria malos e bonis, agrestes e doctioribus, et
 6 ceteros huiusmodi, seu contra gignit. Quo demum exemplo
 7 sapientium plures caruisse liberis utilius duxere. Ceterum in Caligula haudquaquam vero plurimum aberant, quippe qui diu immaniam animi ita pudore ac parendi specie obtexerat, uti merito vulgaretur, neque meliorem famulum, neque atrociorum dominum illo fuisse. Denique nactus potestatem, uti talia ingenia versare solent animi sensus, egregia ad populum, inter
 8 Patres, cum militibus gessit: delataque coniratione, quasi minus credens, praedicavit, vix convenire in eum, cuius vita nullus oneri aut incommodo esset. Sed repente caesis primum
 9 vario facinore innocentium paucioribus, tamquam belluae hausto sanguine ingenium exercuit: itaque deinceps triennium consumtum, quum Senatus atque optimi cuiusque multiplici clade
 10 terrarum orbis foedaretur. Quin etiam sororum stupro ac matrimonii illudinis nobilibus, Deorum habitu incedebat, quum Iovem se ob incestum, ex choro autem Bacchanali Liborum ac

adsereret. Neque secus contractis ad unum legionibus, spe into Germaniam transgrediendi, conchas umbilicosque in ora maris Oceani legi iussit: quam ipse nunc fluxu cultu Venerioque in-
 teresset, nunc armatus spolia a se non ex hominibus, sed coelestium capi dictitaret; scilicet quod huiusmodi pisces Graecorum dicto, quis augendi omnia studium est, Nympharum lumina accepisset. His elatus, dominum dici, atque insigne regni capitis nectere tentaverat. Qua caussa, auctore Chaerea, moti, qui-
 bus Romana virtus inerat, tanta pernicië Rempublicam, confosso eo, levare: praelatumque excellens Bruti facinus eiecto Tarquinio foret, si per Quirites modo militia exerceretur. Verum
 ubi cives desidia externos barbarosque in exercitum cogere libido incessit; corruptis moribus, libertas oppressa, atque habendi auctum studium. Interim dum Senatus decreto gentem
 Caesarum, etiam muliebri sexu, omnemque adfinitatem armati persequuntur, forte unus, ortus Epiri, e cohortibus, quae palatium per opportunos locos obsidebant, Tib. Claudium occultantem se reperit deformi latebra: protractoque eo, exclamat apud socios, si sapiant, adesse principem. Et sane quia vecors
 erat, mitissimus videbatur imprudentibus; quae res adversum nefariam patris Neronis mentem auxilio, neque apud fratris filium Caligulam invidiae fuit: quin etiam militares plebisque animos conciliaverat, dum, flagrante suorum dominatione, ipse contemptul miserabilior haberetur. Talia plerisque memoranti-
 bus, repente eum, nullo retractante, quae aderant turbae circumastunt, simulque adfluebant reliqui militum et vulgi magnavis. Quod ubi Patres acceperunt, mittunt ocus ausum compri-
 mere. Sed postquam variis tetrisque seditionibus civitas cunctisque ordines lacerabantur, tamquam ex imperio omnes dedere se. Ita Romae regia potestas firmata, proditumque apertius, mortallum conatus vacuos a fortuna cassosque esse.

CAPUT IV.

CLAUDIUS.

Igitur Claudius, quamquam ventri foede obediens, vecors iuxta atque immemor, pavidusque animi et ignavior esset, pleraque per formidinem tamen egregie consultabat, nobilitatis praecipue consiliis, quae metu colebatur: quippe stolidorum ingenia proinde agunt, uti monitores sunt. Denique bonis auctoribus compressa per enim vitia, ac per Galliam Druidarum famosae superstitiones; lata iura quam commodissima; curatum militiae officium; retenti fines, seu dati imperio Romano; Mesopotamia per orientem, Rhenus Danubiusque ad septemtrionem, et a meridie Manri accessere provinciis, dentis regibus post Iubam; caesaque Mnsalaminorum manus; simul, ultima occasus, Britanniae partes contusae, quam solam adiit, Ostia profectus mari: nam cetera dnces curavere. Adhuc annonae egestas composita, quam Caligula induxerat, dum, adactis toto orbe navigiis, pervinum mare theatris curribusque damno publico effluere

contendit. Neque secus censu novato, quum, Senatu motis pluribus, lascivum adolescentem, quem sibi probatum parens adse-
 4 recte adiecerat. Ast ubi Messalinae conjugis, simulque libertorum delinquentis, quibus semet dederat, in pravam abstractus, non illa modo tyrannorum admissa, verum quae postremum genus mulierum atque servile quibat facere viro amenti
 5 dominoque. Namque uxor primo passim, quasi iure, adulteris utebatur: eoque extincti cum suis plerique, ingenuo seu mela abstinentes; dum, pervagatis mulierum artibus, peti se a petitis
 6 criminator. Dehinc atrocius accensa, nobiliores quasque nuptas et virgines scortorum modo secum prostituerat; coactique mar-
 7 res, uti adessent. Quod si qui talia horruerat, adfecto crimine, in ipsam omnemque familiam saeviebatur. Namque Claudium,
 8 uti supra docuimus, natura perfuriosum, injecto metu sui agitabant, maxime coniurationis: quo commento liberti etiam,
 9 quos vellent, perditum ibant. Qui primo sceleribus colludentes, ubi pares patronae facti sunt, eam quoque, ignaro, quasi iu-
 10 bente tamen, domino, per satellites interfecerunt. Et sane in id progressa mulier erat, uti, animi ac pellicum gratia Ostiam profecto, Romae nuptias cum altero frequentaret: et hinc notior, dum mirum videtur apud Imperatorem virum, viro quam
 11 xoluperatori nuptam esse. Ita liberti potestatem nacti summam, stupris, exilio, caede, proscriptionibus, omnia foedebant, eoque herilem stultitiam perpulere, uti senex fratris filiam in
 12 x nuptias concupisceret. Quae quamvis superiore absurdior haberetur, idcircoque paria extimesceret; veneno conjugem inter-
 13 xegit. Huius anno sexto, quum quatuordecim regnarit, octingentesimus Urbis mire celebratus: visusque apud Aegyptum Phoenix, quam volucrem ferunt anno quingentesimo ex Arabia memoratos locos advolare; atque in Aegaeo mari repente insula
 14 xSingen emersit, nocte, quae defectus lunae acciderat. Tetrum funus, uti quondam in Priaseo Tarquinio, diu occultatum; dum arte mulieris corrupti custodes, aegram simulant, atque ab eo mandatam interim privigno, quem paullo ante in liberos adsciverat, curam Reipublicae.

CAPUT V.

L. DOMITIUS NERO.

1 Eo modo L. Domitius (nam id certe nomen Neroni, patre
 2 Domitio, erat) Imperator factus est. Qui quum longae adolescentis dominantum parem annis vitrico gessisset, quinquennium tamen tantus fuit, augenda Urbe maxime, uti merito Traianus saepius testaretur, procul disferre cunctos principes Neronis quinquen-
 3 nio; quo etiam Pontum in ius provinciae, Polemonis permissu, redegit; cuius gratia Polemoniacus Pontus appellatur: itemque
 4 Cottias Alpes, Cottia rege mortuo. Quare satis compertum, neque aevum impedimento virtuti esse; eam facile mutari, corrupto per licentiam ingenio; omissamque adolescentiae quasi
 5 legem perniciosius repeti. Namque eo dedecore reliquum vitae

egit, uti pigeat pudeatque memorare huiusmodi quemquam, nedum rectorem gentium, fuisse. Qui dum psallere per coetus, 5 Graccorum invento, in certamen coronae coepisset; eo progressus est, uti neque suae, neque aliorum pudicitiae parcens, ad extremum amictus nubentium virginum specie, palam Senatu, dote data, cunctis festa more celebrantibus, in manum conveniret lecto ex omnibus prodigiosis. Quod sane in eo (narrantur 6 scelera Neronis) levius aestimandum. Quippe noxiorum vinctis modo, pelle tectus ferae, utrique sexui genitalia vultu contrectabat; exactor parium maiore flagitio. Atque inter haec matrem 8 etiam contaminavisse plures habent; dum ea quoque, dominandi ardore, scelere quolibet subiici filium cupit. Id ego, quamquam scriptoribus diversa firmanibus, verum puto. Namque 9 ubi mentem invaserint vitia, nequaquam inverecundiae, externis salatae, inhumanus datur peccandi consuetudo, nova, et eo dulciora, adfectans, ad extremum in suos agens. Quodio his proditum magis, dum quasi quodam progressu, illa per adulteros ad patrum nuptias, atque alienorum cruciatibus, mariti exitium: hic paullatim ad sacerdotem Vestae, deinde in se, postremo uterque in sui scelus processerunt. Neque blandimentis talibus tamen coalescere potuere, sed eo praecipue dati, dum insidiantur invicem, mater perversa interit. Igitur quum omnia in fasque parricidio trivisset, ac magis magisque in optimos saeviretur; coniuravere plures varia sane tempestate ad liberandam Rempublicam. Quis proditis caesisque immanior, Urbem 13 incendio, plebem feris vulgo emissis, Senatum pari morte tollere decreverat, nova sede regno quaesita, maximeque incitante legato Parthorum; qui forte inter epulas, aulicis, uti mos est, canentibus, quum sibi citharistam poposcisset, responso dato, liberum esse, adiecerat, sumeret ipse, quem vellet, e suis, ostentans, qui convivio aderant; quod liber sub imperio nullus haberetur. Ac nunc Galba, qui Hispaniae praesidebat, cognito, 14 mandatum sui exitium, quamquam senecta aetate, imperio correpto; subvenisset; tantum fucinus haud dubie patraretur. Verum 15 eius adventu desertus undique, nisi ab spadone, quem quondam exsectum formare in mulierem tentaverat, semet ictu transegit; quam, implorans percussorem, dii ne ad mortem quidem meruisset cuiusquam officium. Hic finis Caesarum gentis fuit: quem fore, prodigiorum multa denuntiavere, praecipueque eorum praediis arescens lauri nemus, dicatum triumphantibus; atque interitus gallinarum, quae adeo multae [albaeque, aptiores] erant [religionibus], ut his Romae habeatur hodie locus.

CAPUT VI.

SERVIUS GALBA.

At Galba, haud secus nobilis e gente clarissima Sulpiciorum, ubi Romam ingressus est, quasi luxuriae aut etiam crudelitatis auxilio ventitasset, rapere, trahere, vexare, ac fardum in modum vastare cuncta et polluere. Quis rebus instabilius, (dum 2

gravius offendunt, quos mollius consulturos spes erat) simul quia opes militum, nimis pecuniae cupidus, attenuaverat, Othone auctore interficitur; qui, praelatum adoptione eius Pisonem impatientius dolens, accensas cohortes armatasque in forum deduxerat. Quo quum lorica tectus Galba tumultum leniturus contenderet, ad lacum Curtium caesus est mense imperii ac die septimo.

CAPUT VII.

SALVIUS OTHO.

Igitur Salvius Otho, Neroni quoque quondam criminose familiaris, haud multo sine adolescentiae grandior, potentiam invadit. Qui, dies fere quinque et octoginta praecognitis moribus potitus, postquam a Vitellio, qui e Gallia descenderat, Veronensi proelio pulsus est, mortem sibi conscivit.

CAPUT VIII.

A. VITELLIUS.

Ita ad Aulum Vitellium potestas delata; quae progressu funestior talibus initiis foret, si Vespasianus aliquamdiu Iudaeorum bello, quod Neronis iussu susceperat, impensius attineretur. Is ubi gesta per Galbam, ipsumque oppressum accepit, simul quoniam Legati Moesiae Pannonicique exercitus hortantium venerant, imperium capit. Namque milites praedicti, postquam Othonem Imperatorem praetoriis, Vitellium Germanicianis legionibus factum comperere, aemuli, ut inter se solent, ne dissimiles viderentur, Vespasianum perpulere, in quem iam Syriacae cohortes ob egregia vitae consenserant. Quippe Vespasianus, nova Senator familia, Reatinis maioribus, industria rebusque pacis ac militiae longe nobilis habebatur. Huius Legatorum in Italiam transgressu, fuisque apud Cremonam suis, Vitellius ab Sabino, Urbi praefecto, Vespasiani fratre, sestertium millics pepigerat, arbitris militibus imperio decedere: sed postquam mox circumventum se nuntio ratus est, quasi renovato furore, ipsum ceterosque adversae partis, cum Capitolio, quod saluti remedium ceperant, cremavit. Ast ubi vera esse, ac propinquare hostes, patefactum est, productus e turgurio, quo se abdiderat, ianitoris, iniecto laqueo, parricidarum more ad scalas Gemonias, perque eas pertractus; simul ictibus, quantum quisque valuerat, confosso corpore, in Tiberim deiicitur, tyrannidis octavo mense, annos natus septuaginta et quinque amplius. Hi omnes, quos paucis attingi, praecipueque Caesarum gens, adeo litteris culti atque eloquentia fuere, ut, ni cunctis vitiis, absque Augusto, nimii forent, tantae artes profecto texissent modica flagitia. Quis rebus quamquam satis constet praestare mores; tamen cuique, praesertim summo rectori, utroque, si queat, iuxta opus: sin autem [non], vitae proposito in immensum progrediente, elegantiae satis atque auctoritatis sumat eruditionem.

CAPUT IX.

FLAV. VESPASIANUS.

Hoc item ex genere Vespasianus, sanctus omnia, facundiae
 haud egeus promendis, quae senserat, exsauguem diu fessumque
 terrarum orbem brevi refecit. Namque primum satellites ty-
 rannidis, nisi qui forte atrocius longe processerant, flectere
 potius maluit, quam excruciatos delere; prudentissime ratus,
 nefaria ministeria a pluribus metu curari. Dein coniurationum
 multas scelere inulto abscedere patiebatur; comiter, uti erat,
 stultitiae arguens, qui ignorarent, quanta moles molestiaeque
 imperio inesset. Simul divinis deditus, (quorum vera plerisque
 negotiis compererat) successores fidebat liberos, Titum ac Do-
 mitianum, fore. Praeterea legibus aequissimis monendo, quod-
 que vehementius est, vitae specie, vitiorum plura aboleverat:
 infirmus tamen, uti quidam prave putant, adversum pecuniam:
 quum satis constet, aerarii inopia ac labe urbium novas eum,
 neque aliquamdiu postea habitas, vectigalium pensiones exqui-
 sivisse. Namque Romae Capitolium, quod conflagrasset supra
 memoravimus, aedes Pacis, Claudii monumenta, amphitheatri
 tanta vis, multaeque aliae, ac forum, coepta ac patrata. Adhuc
 per omnes terras, qua ius Romanum est, renovatae urbes cultu
 egregio, viaeque operibus maximis munitae, et cavati montes
 per Flaminiam, prono transgressu. Quae tot tantaque, brevi
 confecta, intactis cultoribus, prudentiam magis, quam avaritiam
 probavere: simul, censu more veterum exercito, Senatu motus
 probrosior quisque; ac lectis undique optimis viris, mille gen-
 tes compositae, quum ducentas aegerrime reperisset, extinctis
 saevitia tyrannorum plerisque. Ac bello rex Parthorum Volo-
 gesus in pacem coactus, atque in provinciam Syria, cui Palae-
 stinae nomen, Iudaeique, adnitente filio Tito, quem transgre-
 diens in Italiam reliquerat externae militiae, moxque victorem
 praefectura praetorio extulerat. Unde etiam honos is, ingens
 a principio, tumidior, atque alter ab Augusto imperio fuit.
 Verum hac tempestate dum honorum honestas despectatur,
 mixtique bonis indocti, ac prudentibus inertes sunt, fecere no-
 men plerique potentia vacuum insolens per iniurias, subiectum
 pessimo cuique, et annonae specie rapax.

CAPUT X.

T. FLAV. VESPASIANUS.

Ceterum Titus, postquam imperium adeptus est, incredibile
 [est] quantum, quem imitabatur, anteierit; praesertim litteris
 clementiae ac muneribus. Denique quum concessa per prio-
 res principes firmari ab insequentibus mos esset; simul impe-
 rium cepit, talia possidentibus edicto sponte cavit prospexitque.
 Neque minus sancte facilis in tuendis, qui forte in se conspi-
 rassent: adeo ut, quum amplissimi ordinis duo abnuere cogita-
 tum scelus nequirent, Patresque censuissent de confectis suppli-

cium sumendum: deductos in spectaculum [se] utrimque adsi-
dere iussit, petitoque ex industria gladiatoris, quorum pugnae
visebantur, gladio, quasi ad explorandam aciem, uni atque
4 alteri committere. Queis percussis et constantiam mirantibus:
Videtisne, inquit, *potestates fato dari, frustra que tentari faci-*
5 *mus potiundi spe vel amittendi metu?* Ita biennio post, ac men-
ses fere novem, amphitheatri perfecto opere, lautusque, vene-
no interiit, anno aevi quadragesimo, quum eius pater septua-
6 gesimo obiisset, Imperator decennii. Huius sane mors adeo
provinciis luctui fuit, uti, generis humani delicias appellantes,
orbatum orbem deflerent.

CAPUT XI.

T. FLAV. DOMITIANUS.

Igitur Domitianus, fratris atque Imperatoris optimi nece,
privato scelere publicoque amentior, simul maculosae adolescen-
2 tiae, praedas, caedem, supplicia agere occoeperat. Maior libidi-
num flagitio, ac plus quam superbe utens Patribus: quippe qui
se dominum Deumque dici coegerit; quod confestim ab inse-
quentibus remotum, validius multo posthac deinceps retulere.
3 Sed Domitianus primo clementiam simulans, neque adeo iners
4 domi, belloque tolerantior videbatur. Idcircoque, Dacis et Cat-
torum manu devictis, Septembrem Octobremque menses, Ger-
manici superiorem; e suo nomine alterum appellaverat: multa-
que opera inchoata per patrem, vel fratris studio, atque inpru-
5 mis Capitolium, absolvit. Dehinc atrox caedibus honorum,
segnisque, ridicule, remotis procul omnibus, muscarum agmina
persequabatur, postquam ad libidinem minus virium erat, cuius
6 foedum exercitium Graecorum lingua *κλυοπάλην* vocabat. Hinc-
que iocorum pleraque: nam percontanti cuidam, Quisquamne
in palatio esset, responsum: *Ne musca quidem, nisi forte apud*
7 *palaestram.* Is ergo magis magisque saevitia nimius, eoque sus-
pectior etiam suis, libertorum consilio, uxore non ignara, quae
amorem histrionis viro praetulerat, poenas luit, quinto et qua-
8 dragesimo anno vitae, dominationis circiter quintodecimo. At
Senatus gladiatoris more funus ferri, radendumque nomen de-
9 crevit. Quo moti milites, quibus privatae commoditates dispen-
dium publico largius procedunt, auctores necis ad supplicium
10 petere more suo seditiosius coeperant. Qui vix aegreque per
prudentes cohibiti, tandem in gratiam optimatum convenere.
11 Neque minus per se moliebantur bellum, quod his conversum
imperium moestitiae erat, ob omissionem praedarum per dona
12 munifica. Hactenus Romae, seu per Italiam orti imperium re-
xere: hinc advenae; nescio quoque, an, ut in Prisco Tarquinio,
13 longe meliores. At mihi quidem audienti multa legentique plane
comptum, urbem Romam externorum virtute atque insitivis
artibus praecipue crevisse.

CAPUT XII.

COCCEIUS NERVA.

Quid enim Nerva Narniensi prudentius magisque moderatum?

Qui quum extrema aetate apud Sequanos, quo tyranni defecit a metu, imperium arbitrio legionum cepisset; ubi prospexit, nisi a superioribus robustioribusque corpore animoque geri non posse, mense sexto ac decimo semet eo abdicavit, dedicato prius foro, quod appellatur Pervium, quo aedes Minervae eminentior consurgit, et magnificentior. Id quum semper egregium sit, 3 metiri, quantum queas, neque ambitione praeceps agi; tum in imperio, cuius adeo cupidi mortales sunt, ut id vel ultima senectus avide petat. Huc accedit, quod suffecti virtute quantus 4 consilio esset, magis magisque patefecit.

CAPUT XIII.

ULPIUS TRAIANUS.

Namque Ulpium Traianum, Italica, urbe Hispaniae, ortum, amplissimi ordinis tamen atque consulari loco, arrebatum accepit et dedit. Hoc aegre clarior domi, seu militiae reperitur. a Quippe primus, aut solus etiam, vires Romanas trans Istrum 3 propagavit, domitis in provinciam Dacorum pileatis Sacisque nationibus, Decibalo rege ac Sardonio: simul ad ortum solis cunctae gentes, quae inter Indum et Euphratem, amnes inclitos, sunt, concussae bello; atque imperati obsides Persarum regi, nomine Cosdroë, et inter ea iter conditum per sceras gentes, quo facile ab usque Pontico mari in Galliam permeatur. Ca- 4 stra suspectioribus atque opportunis locis exstructa; postque Danubio impositus; ac deductae coloniarum pleraeque. Adhuc 5 Romae a Domitiano coepta fora, atque alia multa, plusquam magnifice coluit ornavitque: et annonae perpetuae mla consul- tum, reperto firmatoque pistorum collegio: simul noscendis ocus, quae ubique e Republica gerebantur, admota media publici cursus. Quod equidem munus, satis utile, in pestem orbis 6 Romani vertit posteriorum avaritia insolentiaque; nisi quod his annis suffectae vires Illyrico sunt, Praefecto medente Anstolio. Boni malique in republica nihil est, quod in diversum traduci 7 nequeat moribus praesidentium. Aequus, clemens, patientissi- 8 mus, atque in amicos perfidelis: quippe qui Surae familiari opus sacraverit, quae Suranae sunt: usque eo innocentiae fideis, 9 uti Praefectum praetorio Saburanum nomine, quum insignie potestatis, uti mos erat, pugionem daret, crebro monuerit, *Tibi istum ad munimentum mei committo, si recte agam; sin aliter, in me magis*: quod moderatorem omnium vel errare mi- nus fas sit. Quin etiam vinolentiam, quo vitio, uti Nerva,angebatur, prudentia molliverat; curari vetans iussa post lon- giores epulas. His virtutibus acto imperio annos prope viginti, 10 quum terrae motu gravi apud Antiochiam ceteraque Syriae extremis afficeretur, rogatu Patrum militiam repetens, morbo periit, grandaeva aetate; adscito prius ad imperium Hadriano, cive propinquoque. Abhinc divisa nomina Caesarum atque Au- 11 gusti; inductumque in Rempublicam, uti duo seu plures summae potentiae, dissimiles cognomento ac potestate dispari sint.

12 Quamquam alii Plotinae, Traiani coniugis, favore imperium adsecutum putent, quae viri testamento heredem regni institutum simularat.

CAPUT XIV.

AELIUS HADRIANUS.

Igitur Aelius Hadrianus, eloquio togaeque stndiis accommodatior, pace ad Orientem composita, Romam regreditur. Ibi Graecorum more, seu Pompilii Numae, caerimonias, leges, gymnasia, doctoresque curare occoeperit; adeo quidem, ut etiam ludum ingenuarum artium, quod Athenaeum vocant, constitueret; atque initia Cereris Liberaeque, quae Eleusina dicitur, Atheniensium modo Roma percoleret. Deinde, uti solet tranquillis rebus, remissior, rus proprium Tibur secessit, permissa urbe Lucio Aelio Caesari. Ipse, uti beatis locupletibus mos, palatia exstruere, curare epulas, signa, tabulas pictas: postremo omnia satis anxie prospicere, quae luxus lasciviaeque essent. Hinc orti rumores mali, iniecissee stupra puberibus, atque Antinoi flagravisse famoso ministerio, neque alia de causa urbem conditam eius nomine, aut locasse ephebo statuas. Quae quidem alii pia volunt religiosaque: quippe Hadriano cupiente factum producere, quum voluntarium ad vicem magi poposcissent, cunctis retractantibus, Antinum obiecissee se referunt; hincque in eum officia supra dicta. Nos rem in medio relinquemus; quamquam in remisso ingenio suspectam aestimantes societatem aevi longe imparilis. Iuterim Aelio Caesare mortuo, quum ipse animo parum valeret, idcircoque despectui haberetur, ad creandum Caesarem Patres convocat. Quibus propere accurrentibus, forte Antoninum conspexit, senis socieri aut genitoris anxios gressus levantem manu. Quo mire oblectatus, adoptatum legibus Caesarem iubet; statimque ab eo Senatus, cui ludibrio fuserat, magnam partem necari. Neque multo post apud Baias tabe interiit: anno imperii, absque mense, vicesimo secundo, senecta viridior. At Patres ne principis oratu quidem ad Divi honorem eidem deferendum flectebantur; tantum amissos sui ordinis tot viros moerebant. Sed postquam subito prodire, quorum exitum dolori erat, quique, suos complexi, censent, quod abnuerant.

CAPUT XV.

ANTONINUS PIUS.

Aurelio Antonino cognomentum Pii. Hunc fere nulla vitiorum labes maculavit. Vir veterrimae familiae, e Lanuvino municipio, Senator Urbis: adeo aequalis, probisque moribus, uti plane docuerit, neque iugi pace ac longo otio absoluta ingenia corrumpi: eoque demum fortunatas urbes fore, si regna sapientiae sint. Denique annis, quibus publica egit, viginti, idem mansit, 4 celebrato magnifice Urbis nongentesimo. Nisi forte, triumpho-

rum expertem, socordiae videtur: quod longe secus est, quum 5
maius haud dubie sit, neque quemquam turbare ausum compo-
sita, neque ipsum ostentandi sui bellum fecisse quietis gentibus. :
Quin etiam, maribus frustratus, filiae viro Reipublicae consultavit. 6

CAPUT XVI.

M. AURELIUS ANTONINUS ET L. VERUS.

Namque M. Boionium, qui Aurelius Antoninus habetur, eodem
oppido, pari nobilitate, philosophandi vero eloquentiaeque stu-
diis longe praestantem, in familiam atque imperium adscivit.
Cuius divina omnia domi militiaeque facta consultaque: quae a
imprudencia regendae coniugis attaminavit: quae in tantum pe-
tulantiae proruperat, ut, in Campania sedens, amoena littorum
obsideret, ad legendos ex nauticis, quia plerumque nudi agunt,
flagitiis aptiores. Igitur Aurelius, socero apud Lorios anno vi- 3
tae post quintum et septuagesimum mortuo, confestim fratrem
Lucium Verum in societatem potentiae accepit. Eius ductu 4
Persae, quum primum superavissent, ad extremum triumpho
cessere, rege Vologeso. Lucius paucis diebus moritur; hincque 5
materies fingendi, dolo consanguinei circumventum: quem ferunt,
quum invidia gestarum rerum angeretur, fraudem inter coenam
exercuisse. Namque lita veneno cultri parte, vulvae frustum,
quod de industria solum erat, eo praecidit; consumtoque uno,
uti mos est inter familiares, alterum, qua virus contigerat,
germano porrexit. Haec in tanto viro credere, nisi animi ad 6
scelus proni, non queunt. Quippe quum Lucium satis constet 7
Altini, Venetiae urbe, consumtum, tantumque Marco sapientiae,
lenitudinis, innocentiae ac litterarum fuisse, ut is, Marcomau-
nos cum filio Commode, quem Caesarem suffecerat, petiturus,
philosophorum obtestantium [corona] circumfunderetur, ne
se expeditioni aut pugnae prius committeret, quam secta-
rum ardua et occulta explanavisset. Ita incerta belli eius salute 8
doctrinae studiis metuebantur: tantumque illo imperante florere
artes bonae, ut illam gloriam etiam temporum patem. Legum 9
ambigua mire distincta, vadimoniorumque solemni remoto, de-
nuuntiandaeque litis operiendaeque ad diem commode ius intro-
ductum. Data cunctis promissa civitas Romana; multae urbes
conditae, deductae, repositae, ornatuaeque; atque inprimis Poe-
norum Carthago, quam ignis foede consumserat, Asiaeque
Ephesus, ac Bithyniae Nicomedia, constratae terrae motu, aequae
ac nostra aetate Nicomedia Cereali Consule. Triumphus acti ex
nationibus, quae regi Marcomaro ab usque urbe Pannoniae,
cui Carnuto nomen est, ad media Gallorum protendebantur. Itaque
auno imperii octavo decimoque, aevi validior, Vendobonae in-
terit, maximo gemitu mortalium omium. Denique, qui se- 13
iuncti in aliis, Patres ac vulgus, soli omnia decrevere; templa,
columnas, sacerdotes.

CAPUT XVII.

L. AURELIUS COMMODUS.

At filius saeva à principio dominatione detestabilior habeba-

tar, praecipue per malorum controversam memoriam; quae
 2 posteris usque eo gravis est, ut absque communi in impios odio,
 3 quasi corruptores generis execrabiliores sint. Bello plane im-
 4 piger: quo in Quados prospere gesto, Septembrem mensem
 5 Commodum appellaverat. Moenia Romana potentia vix digna,
 6 lavandi usui instituit. Immiti prorsus feroque ingenio, adeo
 7 quidem, ut gladiatores, specie depugnandi, crebro trucidaret:
 8 quum ipse ferrum, obiectum veronibus plumbeis, uteretur.
 9 Quumque eo modo plures confecisset, forte eum Scaeva nomi-
 10 ne, audacia ac robore corporis pugnandique arte perfidens, ab
 11 studio tali deterruit: qui, spreto gladio, quem inutilem cerne-
 12 bat, sufficere utrique ait, quo armabatur ipse. Eo metu, ne
 13 inter congressum, uti solet, extorto pugione conficeretur, Scae-
 14 vam removit, atque, ad alios formidolosior, in feras belluasque
 15 ferociam convertit. Quis rebus quum insatiabilem sanguinis
 16 cuncti horrescerent, coniuravere in eum maxime proximus quis-
 17 que, quippe dominationi adeo fidus nemo, ipsique satellites,
 18 dum incestam mentem pravamque putant, et Commodum quidem
 19 primo occultatius veneno petivere, anno regni tertio fere atque
 20 decimo. Cuius vis frustrata per cibum, quo se casu repleverat:
 21 quum tamen alvi dolorem caussaretur, auctore medico, principe
 22 factionis, in palastram perrexit. Ibi per ministrum unguendi
 23 (nam forte is quoque e consilio erat) faucibus, quasi arte exer-
 24 citii, brachiorum nodo validius pressis, expiravit. Quo co-
 25 gnito, Senatus, qui ob festa Ianuarius frequens primo luci
 26 convenerat, simul plebes hostem Deorum atque hominum ap-
 27 pellavere, radendumque nomen sanxere: confestimque Praefecto
 28 Urbi Publio Helvio Pertinaci imperium defertur.

CAPUT XVIII.

PUBL. HELVIUS PERTINAX.

Hic doctrinae omnis ac moribus antiquissimis, immodice par-
 2 cus, Curios aequaverat Fabriciosque. Eum milites, quis, exha-
 3 sto iam perditoque orbe, satis videtur nihil, impulsore Didio,
 4 foede iugulavere octogesimo imperii die.

CAPUT XIX.

DIDIUS JULIANUS.

At Didius Salvius Iulianus, fretus praetorianis, quos in socie-
 2 tatem promissis magnificentioribus perpulerat, ex praefectura
 3 vigilum ad insignia dominatus processit. Genus ei pernobile,
 4 iurisque urbani praestans scientia; quippe qui primus edictum,
 5 quod varie inconditeque a Praetoribus promebatur, in ordinem
 6 composuerit. Hincque satis compertum, cohibendae cupidini,
 7 ingenium ni iuvet, eruditionem imbecillum esse: quum prae-
 8 ceptor, et asper quidem, rectius vivendi, in facinus processe-
 9 rit, quod novo supplicio plectendum ediderat. Neque tamen
 10 cupito potitus diu. Namque eum, acceptis illieo, quae acci-

derant, Septimius Severus, qui forte Syriae Legatus in extremis terris bellum gerebat, Imperator creatus, pontem proximo Milvium acie devicit; missique, qui fugientem insequerentur, apud palatium Romae obtruncavere.

CAPUT XX.

SEPTIMIUS SEVERUS.

Igitur Septimius, Pertinacis nece, simul flagitiorum odio, dolore atque ira commotior, cohortes praetorias statim militia exemit; cunctisque partium caesis, Helvium senatusconsulto inter Divos refert; Salvii nomen atque eius scripta factave aboleri iubet: quod unum effici nequivit. Tantum gratia doctarum artium valet, ut scriptoribus ne saevi mores quidem ad memoriam officiaut. Quin etiam mors huiuscemodi, ipsis gloriae, exsecrationi auctoribus est: quum omnes, praecipueque posterius, sic habent, illa ingenia, nisi publico latrocinio ac per demeritiam, opprimi non potuisse. Quo bonis omnibus ac mihi fidendum magis, qui, rure ortus tenuique et indocto patre, in haec tempora vitam praestiti, studiis tantis honestiorem. Quod equidem gentis nostrae reor, quae fato quodam honorum parte foecunda, quos eduxit tamen, quemque ad celsa suos habet. Velut Severum ipsum, quo praeclarior in Republica fuit nemo: quem, quamquam exacta aetate, mortuum, iustitio elogioque lugendum sancire, adstruentes illum iustum nasci aut emori, minime convenisse. Scilicet quod corrigendis moribus nimium, postquam ad veterum innocentiam, quasi mentium sanitatem, pervenerant, elementem habuere. Ita honestas, quae principio anxia habetur, ubi contigerit, voluptati luxuriaeque est. Per scennium Nigrum apud Cyzicenos, Clodium Albinum Lugduni victos coegit mori: quorum prior Aegyptum dux obtinens, bellum moverat, spe dominationis; alter Pertinacis auctor occidendi, quum eo metu in Britannos, quam provinciam a Commodo meruerat, transmittere nitebatur, in Gallia invaserat imperium. Horum infinita caede crudelior habitus, ac cognomentoro Pertinax; quamquam ob vitae parsimoniam similem, ipsum magis adscivisse plures putent: nobis mens ad credendum prona, acerbitati impositum. Nam quum quidam hostium, quem tamen, uti bellis civilibus solet, conditio loci ad Albinum detulerat, caussa exposita, novissime conclusisset, *Quid, quaeso, faceres, si tu esses?* Ille respondit, *Es perferrem, quae tu.* Quo dicto factoque durius nihil bonis: quum sanctique huiuscemodi dissensiones, quamvis studiosius coeptas, fortunae increpent; magisque in protegendis, quam ad perdendum cives, verum corrumpi patiantur. At iste, delendarum cupidus factionum, quot deinceps mitius ageret, necessitudinem facti ulcisci maluit, ne paulatim spe vchiae in labem publicam per coniurationes pro-cederetur, ad quas vitio temporum [agi] animos intelligebat: neque ego abnuo, ea delictorum, quae grassari immodice coeperint, plus paene quam severe excidenda esse. Felix ac pru-

dens, armis praecipue; adeo ut uullo congressu nisi victor
 discesserit, auxeritque imperium, subacto Persarum rege, no-
 mine Abgaro. Neque minus Arabas, simul adortus ut est, in
 ditionem redegit, provinciae modo. Adiabena quodque, ni ter-
 rarum macies despectaretur, in tributarios concessisset. Ob
 haec tanta Arabicum, Adiabenicum, et Parthici cognomento
 Patres dixere. His maiora adgressus, Britanniam, quae ad ea
 ntillis erat, pulsus hostibus, muro munivit, per transversam in-
 gaulam ducto utrimque ad finem Oceani. Quin etiam Tripoli,
 cuius Lepti oppido oriebatur, bellicosae gentes submotae pro-
 nocul. Quae, factu ardua, facilius eo patrabantur, quo, impla-
 cabilis delictis, strenuum quemque praenisi extollebat. Deuque
 ne parva latrocinia quidem impunita patiebatur, in suos ani-
 madvertens magis, quod vitio ducum aut etiam per factionem
 fieri vir experiens intelligeret. Philosophiae, declamandi, cunctis
 postremo liberalium deditus studiis; idemque abs se texta
 ornata et fide paribus composuit. Legum conditor longe aqua-
 bilium. Huic tanto domi forisque, uxoris probra summam glo-
 riae demerere; quam adeo famose amplexus est, uti, cognita
 libidine, ac ream coniurationis, retentavit. Quod quum infimo
 turpe, tum potentibus; et illi magis, cui non privati, neque
 singuli, aut flagitiosi, verum imperia, et exercitus, atque ipsa
 vitia concessere. Nam quum pedibus aeger bellum moraretur,
 idque milites anxie ferrent, eiusque filium Bassianum, qui Cae-
 sar una aderat, Augustum fecissent; in tribunal se ferri, adesse
 omnes, Imperatoremque ac Tribunos, Centuriones ac cohortes,
 quibus auctoribus acciderat, sisti reorum modo iussit. Quo
 metu stratus humi victor, quum tantorum exercitus veniam pre-
 caretur: *Sentisne*, inquit, pulsaus manu, *caput potius, quam*
pedes imperare? Neque multo post Britanniae municipio, cui
 Eboraci nomen, annis regni duodeviginti morbo extinctus est.
 Ortus medie humilis, primo litteris, deinde imbutus foro, quo
 parum commodante, uti rebus artis solet, dum tentat aut ex-
 quirir varia melioraque, conscendit imperium. Ibi graviora
 expertus, laborem, curas, metum, et incerta prorsus omnia,
 quasi testis vitae mortalium, *Cuncta*, inquit, *fui; conducit ni-*
hil. Funus, quod liberi, Geta Bassianusque, Romam detulerant,
 mire celebratum, illatumque Marci sepulcro, quem adeo per-
 colnerat, ut eius gratia Commodum inter Divos referri suaserit,
 fratrem appellans; Bassianoque Autonini vocabulum addiderat;
 quod ex illo, post multos dubiosque eventus, aspiciat honorum
 ceperisset patrocínio fisci. Proinde laborantibus secundarum ini-
 stia earumque auctores memoriae sunt. At posteri, quasi bel-
 lum inter se mandatis acceperant, confestim secessere. Ita Geta,
 cui nomen paterno ab avo erat, quum eius modestiore ingenio
 frater angeretur, obsessus interiit. Quae victoria Papiniani ex-
 itio foedior facta, ut saepe putant memoriae curiosi; quippe
 quem ferunt illo tempore Bassiani scrinia curavisse, monitum-
 que, uti mos est, destinanda Romam quam celerrime compo-
 neret, dolore Getae dixisse, haudquaquam pari facilitate velari
 patricidium, quam fieret; idcirco morte adfectum. Sed haec

improbe absurda sunt, quum constet satis, praefecturam praetorio gessisse, neque incondite illum virum tantam contumeliam imponere potuisse, cui amor ac magisterio erat.

CAPUT XXI.

ANTONINUS CARACALLA.

Ceterum Antoninus incognita munerum specie urbem Romanam adiiciens, quod indumenta in talos demissa largiretur, Caracalla dictus; quum pari modo vesti Antonianae nomen e suo daret. Alamaunos, gentem populosam, ex equo mirifice pugnantiem, prope Moenum amnem devicit. Patiens, communis, tranquillisque; pari fortuna, et eodem matrimonio, quo pater. Namque Iuliam Severam, cuius facinora supra memoravi, forma captus, coniugem affectavit: quum illa factiosior, adspectui adolescentis, praesentiae quasi ignara, semet dedisset intecto corpore, adserentique, *Vellem, si liceret, uti: petulantius multo (quippe quae pudorem velamento exuerat) respondisset: Libet? plane licet.* Aegypti sacra per eum deportata Romam, atque aucta Urbs magno accessu viae Novae, et ad lavandum absoluta opera pulchri cultus. Quibus confectis, quum Syriam circumgrederetur, anno potentiae sexto moritur. Corporis reliqua luctu publico relata Romam atque inter Antoninos funerata sunt.

CAPUT XXII.

OPILIUS MACRINUS ET DIADUMENUS.

Dehinc Opilius Macrinus, qui praefecturam praetorio gerebat, Imperator, eiusque filius, Diadumenus nomine, Caesar a legionibus appellatur. Quibus eo quod ingens amissi principis desiderium erat, adolescentem Antonium vocavere. Horum nihil praeter saevos atque inciviles animos interim reperimus. Quae gratia, mensibus ferme quatuor ac decem vix retento imperio, per quos creati fuerant, interfecti sunt.

CAPUT XXIII.

M. AURELIUS ANTONINUS HELIOGABALUS.

Accitusque Marcus Antoninus, Bassiano genitus; qui, patre mortuo, in Solis sacerdotium, quem Heliogabalum Syri vocant, tamquam asylum, insidiarum metu confugerat, hincque Heliogabalus dictus; translatoque Romam Dei simulacro, in palatii penetralibus [palatia] constituit. Hoc impurius ne improbae quidem aut petulantes mulieres fuere: quippe orbe toto obsconissimos perquirebat, visendis tractandisque artibus libidinum ferendarum. Haec quum auferentur in dies, ac magis magisque Alexandri, quem, comperta Opillii nece, Caesarem nobilitas nuncupaverat, amor cumlaretur, in castris praetoriis tricesimo regni mense oppressus est.

CAPUT XXIV.

AURELIUS ALEXANDER.

Statimque Aurelio Alexandro, Syriae orto, cui duplex, Caesarea et Arca, nomen est, militibus quoque aditibus, Augusti potentia delata. Qui, quamquam adolescens, ingenio supra aevum tamen, confestim apparatu magno bellum adversum Xerxem, Persarum regem, movet: quo fuso fugatoque, in Galliam maturime contendit, quae Germanorum direptionibus tentabatur. Ibi tumultuantes legionum plerasque constantissime abiecit; quod in praesens gloriae, mox exitio datum. Nam dum tantae severitatis vim milites inhorrescunt, (unde etiam Severi cognomentum accesserat) agentem casu cum paucis vico Britanniae, cui vocabulum Sicila, trucidare. Opus Urbi florentissimum celebrequae fabricatus est; matrisque cultu, quae nomine Mammaea erat, plus quam pius. Adhuc Domitium Ulpianum, quem Heliogabalus praetorianis praefecerat, eodem honore retinens, Paulloque inter exordia patriae reddito, iuris auctoribus, quantus erga optimos atque aequi studio esset, edocuit. Neque ultra annos tredecim imperio functus, Rempublicam reliquit firmatam undique. Quae iam tum a Romulo ad Septimium certatim evolans Bassiani consiliis, tamquam in summo constitit. Quo ne confestim liberetur, Alexandri fuit. Abhinc dum dominandi suis, quam subigendi externos, cupientiores sunt, atque inter se armantur, magis Romanum statum quasi abrupto praecipitare, immissique in imperium promiscue boni omalique, nobiles atque ignobiles, ac barbariae multi. Quippe ubi passim confusaque omnia, neque suo feruntur modo, quique fas putant, uti per turbam, rapere aliena officia, quae regere nequeunt, et inscientia bonarum artium foede corrumpunt. Ita fortunae vis, licentiam nacta, perniciose libidine mortales agit: quae, diu quidem virtute, uti muro, prohibita, postquam paene omnes flagitiis subacti sunt, etiam infirmis genere institutoque publica permisit.

CAPUT XXV.

CAIUS IULIUS MAXIMINUS.

Namque Caius Iulius Maximinus, praesidens rei bellicae, primus e militaribus, litterarum fere rudis, potentiam cepit saefragiis legionum. Quod tamen etiam Patres, dum periculosum existimant inerme armato resistere, approbaverunt: filiusque eius pari nomine Caius Iulius Maximinus Caesar factus est.

CAPUT XXVI.

GORDIANUS, PUPIENUS ET BALBINUS.

Quois biennium summis potitis, hand incommode proelio gesto contra Germanos. repente Antoninus Gordianus Africae Proconsul, ab exercitu Princeps apud Thydri oppidum absens sit.

Quo ut accitus pervenit, tamquam ea re creatus foret, seditione 2
 excipitur: qua lenita facile, Carthaginiem petit. Ibi quum aver- 3
 tendis prodigiis, quorum metu haud inaneangebatur, rem di-
 vnam solitis ageret, repente hostia partum edidit. Id haruspi- 4
 ces, atque ipse maxime, (uam huius scientiae usu immodice
 prudeus erat) ita acceper, illum quoque destinatum neci, verum
 liberis pariturum imperium: progressique coniectu longius liberi
 quoque exitum deuuntiavere, mitem atque innoxium praefantes
 fore, ut illud pecus, nec diuturnum tamen, subiectumque insi-
 diis. Interim Romae, comperto Gordiani interitu, hortante 5
 Domitio, Urbi Praefectus reliquique iudices vulgo caeduntur
 per praetorias cohortes. Quippe Gordianus, postquam delatum 6
 sibi imperium cognovit, praemia amplum in modum ostentans,
 Romam legatos ac litteras destinaverat; quibus, necato eo, fru-
 stratos se militesangebantur, genus hominum pecuniae cupidius,
 fidumque ac bonam solo quaestu. At Senatus metueus, ne, 7
 nullis rectoribus, specie captae Urbis, atrociora acciderent, pri-
 mo potestatum vices, mox, conscriptis iunioribus, Clodium Pu-
 pienum, Caecilium Balbinum Caesares constituit.

CAPUT XXVII.

GORDIANUS NEPOS.

Iisdemque per Africam diebus milites Gordianum, Gordiani
 filium, qui forte contubernio patris praetextatus ac deinceps
 Praefectus praetorio intererat, Augustum creavere; neque saue
 factum nobilitas adspersa. Denique accito eo, inter implana 2
 Urbis atque ipso siuu praetoriae manus acie deletae per gladiat-
 orum familias tironumque exercitum. Dum haec Romae gerun- 3
 tur, Iulii Maximini, quos forte ea tempestate Thracia retinebat,
 acceptis quae evenerant, Italiam propere petunt. Eos Pupienus 4
 Aquileiae obsidione confecit, postquam proelio victos reliqui
 paullatim deseruerant. Horum imperio ad biennium per huius- 5
 modi moras annus quaesitus. Neque multo post tumultu mili- 6
 tarium Clodio Caecilioque Romae intra palatium caesis, Gordia-
 nus solus regnum obtinuit. Eoque anno lustris certamine, quod 7
 Nero Romam iuvexerat, aucto firmatoque, in Persas profectus
 est; quum prius Iani aedes, quas Marcus clauserat, patentes
 more veterum fecisset. Ibi gesto insigniter bello, Marci Phi- 8
 lippi Praefecti praetorio insidiis periit sexennio imperii.

CAPUT XXVIII.

PHILIPPI DUO, PATER ET FILIUS.

Igitur Marcus Iulius Philippus, Arabs Thraconites, sumto in
 consortium Philippo filio, rebus ad Orientem compositis, con-
 ditoque apud Arabiam Philippopoli oppido, Romam venire:
 exstructoque trans Tiberim lacu, quod eam partem aquae pe-
 nuria fatigabat, annum Urbis millesimum ludis omnium generum
 celebrant. Et quoniam nomen admonuit, nostra quoque aetate 2

post mille centesimus, consule Philippo, excessit, nullis, uti solet, solemnibus frequentatus: adeo in dies cura minima Romanae urbis. Quod equidem denuntiatio illo tempore prodigiis portentisque: ex quis unum memorare brevi libet. Nam quum Pontificum lege hostiae mactarentur, suis utero maris 5 feminarum genitalia apparuere. Id haruspices solutionem posterorum portendere, vitiaque fore potiora, interpretati. Quod frustratum iri aestimans Imperator Philippus, tum quia forte praeteriens, filii similem meritorio ephebum pro conspexerat, 7 usum virilis sortis removendum honestissime consultavit. Verumtamen manet: quippe conditione loci mutata, peioribus flagitiis agitur, dum avidius periculosa, quibusque mortales 8 prohibentur, petunt. Huc accedit, quod longe aliud Etruscorum artes cecinerant, quae, bonis parte plurima iacentibus, 9 mollissimum quemque beatum fore adseriebant. Eos ego ignorasse verum plane puto. Etenim, quamvis rerum omnium prospero successu, pudore amisso tamen, fortunatus quis esse potest? quum, eodem retento, cetera tolerabilia sint. His actis, filio Urbi relicto, ipse, quamquam debili per aetatem corpore, adversum Decium profectus, Veronae cadit, pulso amissoque 11 exercitu. Quis Romae compertis, apud castra praetoria filius interficitur. Annos potentiae quinque egere.

CAPUT XXIX.

DECIVS.

Et Decius, Sirmiensium vico ortus, militiae gradu ad imperium conspiraverat, laetiorque hostium nece, filium, Etruscum nomine, Caesarem facit; statimque eo in Illyrios praemisso, Romae aliquantum moratur moenium gratia, quae instituit, 2 dedicandorum. Et interea ad eum Iotapiani, qui, Alexandri tamen stirpe, per Syriam tentans nova, militum arbitrio occubuerat, ora, uti mos est, inopinato feruntur, simulque per eos dies Lucio Prisco, qui Macedonas praesidatu regebat, delata dominatio, Gothorum concursu, postquam, directis Thraciae 5 plerisque, illo pervenerant. Qua caussa Decio quam potuit matnrime Roma digresso, Iulius Valens cupientissimo vulgo imperium capit. Verum utrique mox caesi, quum Priscum nobilitas hostem patriae censuisset. Decii, barbaros trans Danubium persectantes, Bruti fraude cecidere, exacto regni biennio. 5 Sed Deciorum mortem plerique illustrem ferunt. Namque filium audacius congregientem cecidisse in acie: patrem autem, quum percussi milites ad solandum Imperatorem multa praefarentur, strenue dixisse, detrimentum unius militis parum videri sibi. Ita refeito bello, quum impigre decertaret, interiisse pari modo.

CAPUT XXX.

GALLUS ET HOSTILIANUS.

Haec ubi Patres comperere, Gallo Hostilianoque Augusta imperia, Volusianum, Gallo editum, Caesarem decernunt. Dein

pestilentia oritur: qua atrocius saeviente, Hostilianus interiit, Gallo Volusianoque favor quæsitus, quod anxie studioseque tenuissimi cuiusque exsequias curarent.

CAPUT XXXI.

ÆMILIUS ÆMILIANUS.

Igitur his Romæ morantibus, Æmilins Æmilianus summam potestatem, corruptis militibus, arripuit. Ad quem expugnandum profecti, Interamne ab suis caeduntur, spe præmii maioris ab Æmilio, cui nullo labore seu detrimento victoria obveniebat: simul quia immodici per luxum lasciviamque, officia benevolentiae corruperant. His sane omnibus biennio profecit. Nam Æmilianus quoque tres menses usus modesto imperio, morbo absumtus est; quum procures primo hostem, dein, extinctis superioribus, pro fortuna, ut solet, Augustam appellavissent.

CAPUT XXXII.

LICINIUS VALERIANUS.

At milites, qui, contracti undique, apud Rhaetias ob instans bellum morabantur, Licinio Valeriano imperium deferunt. Qui, quamquam genere satis claro, tamen, uti mos tum etiam erat, militiam sequebatur. Eius filium Gallienum Senatus Caesarem creat; statimque Tiberis adulta æstate diluvii facie inundavit. Prudentes perniciosum Reipublicæ cecinere, adolescentis fluxo ingenio, quia Etruria accitus venerat, unde amnis prædictus. Quod equidem confestim evenit. Nam quum eius pater bellum per Mesopotamiam anceps diuturnumque instruit, Persarum regis, cui nomen Sapor erat, dolo circumventus, foede laniatus interiit, imperii anno sexto, ætate robustiore.

CAPUT XXXIII.

LICINIUS GALLIENUS CUM SALONINO.

Sub idem tempus Licinius Gallienus, quum a Gallia Germanos strenue arceret, in Illyricum properans descendit. Ibi Ingenium, quem, curantem Pannonos, comperta Valeriani clade, imperandi cupido incesserat, Mursiæ devicit; moxque Regalianum, qui, receptis militibus, quos Mursina labe reliquos fecerat, bellum duplicaverat. His prospere ac supra vota cedentibus, more hominum, secundis solutior, rem Romanam quasi naufragio dedit, cum Salonino filio, cui honorem Caesaris contulerat, adeo uti Thraciam Gothi libere progressi, Macedonas Achaesque et Asiae finitima occuparent: Mesopotamiam Parthi: Orienti latrones seu mulier dominaretur: Alamannorum vis tunc acque Italiam; Francorum gentes, direpta Gallia, Hispaniam possiderent, vastato ac paene direpto Tarraconensium oppido, nactisque in tempore navigiis, pars in usque Africam permea-

4 ret: et amissa trans Istrum, quae Traianus quaesierat. Ita quasi
 5 ventis undique saevientibus, parvis maxima, ima summis orbe
 6 toto miscebantur. Simulque Romam pestilentia grassabatur,
 7 quae saepe curis gravioribus atque animi desperatione oritur.
 8 Inter haec ipse popinas ganeasque obiens, lenonum ac vinario-
 9 rum amicitia haerebat, expositus Saloninae coniugi atque amoris
 10 flagitioso filiae Attali, Germanorum regis, Pipae nomine: qua
 11 causa etiam civiles motus longe atrociores orti. Namque pri-
 12 mus omnium Postumus, cui forte barbaris per Galliam praesi-
 13 debat, imperium ereptum ierat: explosaque Germanorum mul-
 14 titudine, Laeliani bello excipitur. Quo non minus feliciter fu-
 15 so, snorum tumultu periit; quod flagrantibus Moguntiacorum
 16 direptiones, quia Laelianum iuverant, abnuisset. Igitur eo oc-
 17 ciso, Marius, ferri quondam opifex, neque etiam tum militiae
 18 satis clarus, regnum capit. Proinde cuncta ad extremum reci-
 19 derant, ut talibus imperia ac virtutum omnium decus ludibrio
 20 essent. Hinc denique ioculariter dictum, nequaquam mirum
 21 videri, si rem Romanam Marius reficere contenderet, quam
 22 Marius, eiusdem artis auctor, stirpisque ac nominis, solidavis-
 23 set. Hoc iugulato post biduum, Victorinus deligitur, belli
 24 scientia Postumo par, verum libidine praecipiti: qua cohibita
 25 in exordio, post biennii imperium, constupratis vi plerisque,
 26 ubi Attitiani coniugem concupivit, facinusque ab ea viro pate-
 27 factum est, accensis furim militibus, per seditionem Agrippi-
 28 nae occiditur. Tantum actuariorum, quorum loco Attitianus
 29 habebatur, in exercitu factiones vigent, ut arduum petentibus
 30 malitia patraretur: genus hominum, praesertim hac tempestate,
 31 nequam, venale, callidum, seditiosum, habendi cupidum, atque
 32 ad patrandas fraudes velandasque quasi ab natura factum; an-
 33 nouae dominans, eoque utilia cunctantibus, et fortunae aratorum
 34 infestum; prudens in tempore his largiendi, quorum vecordia
 35 damnoque opes contraxerit. Interim Victoria, amisso Victorino
 36 filio, legionibus grandi pecunia comprobantibus, Tetricum Im-
 37 peratorem facit, qui familia nobili, praesidat Aquitanos tue-
 38 batur; filioque eius Tetrico Caesarea insignia impartuntur. At
 39 Romae Gallienus pacata omnia, ignavis publici mali, improbe
 40 suadebat, crebro etiam, uti rebus ex voluntate gestis solet,
 41 indos ac festa triumphorum, quo promtius simulata confirma-
 42 rentur, exercens. Sed postquam periculum propinquabat, tan-
 43 dem Urbe egreditur. Namque Aureolus, quum per Rhaetias
 44 legionibus praecesset, excitus, uti mos est, socordia tam ignavi
 45 ducis, sumto imperio, Romam contendebat. Eum Gallienus
 46 apud pontem, cui ex eo Aureoli nomen est, fuscum acie Medio-
 47 rglanum coegit. Quam urbem dum machinationibus omnis generis
 48 oppugnat, ab suis interit. Quippe Anreolus, ubi solvendi
 49 obsidii spem inanem videt, ducum Gallieni Tribunorumque no-
 50 mina, quasi destinata ab eo ad necem, astu composuit, litte-
 51 rasque e muro, quam occultissime potuit, abiecit; quae forte
 52 a memoratis repertae, metum suspicionemque iniecere mandati
 53 exitii, verum casu effluxisse incuria ministrorum. Qua causa
 54 Heracliani consilio, cuius gratia in exercitu atque honor prae-

stabant, simulata prurptione hostium, nullis, uti re trepida ac repentina solet, tectum stipatoribus, tabernaculo educunt nocte intemperata; teloque traicitur, cuiusnam, per tenebras incertum. Ita auctoris necis errore, an quia bono publico acciderat, inulta caedes fuit. Quamquam eo prolapsi mores sunt, uti suo, quam Reipublicae, magisque potentiae, quam gloriae studio plures agant. Hinc quoque rerum vis ac nomen corrupta; quum plerumque potior flagitio, ubi armis superaverit, tyrannidem amotam vocaverit, damno publico oppressos. Qui etiam aliquanti pari libidine in coelestium numerum referuntur, aegre exsequiis digni. Quois ni fides rerum gestarum obstitisset, quae neque honestos praemiis memoriae frustrari sinit, neque improbis aeternam illustremque famam procedere; nec cuiquam peteretur virtus, quum verum illud atque unicum decus pessimo cuique gratia tribueretur, dentum impie bonis. Denique Gallienum subacti a Claudio Patres, quod eius arbitrio imperium cepisset, Divum dixere. Nam quum profluvio sanguinis, vulnere tam gravi, mortem sibi adesse intelligeret, iusignia imperii ad Claudium destituaverat, honore tribunatus Ticini retinentem praesidiariam manum. Quod saepe extortum: quum neque Gallieni flagitia, dum urbes erant, occultari queant; et quisque pessimus erit, par similisque semper ipsi habebitur. Adeo principes atque optimi mortalium, vitae decore, quam quaesitis nominibus atque compositis, quantum coniciatur, coelum adeunt, seu fama hominum Dei celebrantur modo. At Senatus, comperto tali exitio, satellites propinquosque per scalas Gemonias praiceps agendos decrevit, patronoque fisci in curiam perducto effossos oculos pependisse satis constat; quum irruens vulgus, pari clamore, Terram matrem Deosque inferos precaretur, sedes impias uti Galliено darent. Ac nisi Claudius, confestim recepta Mediolani urbe, tamquam postulato exercitus, parcendum, qui forte eorum supererant, praecepisset; nobilitas plebesque atrocius grassarentur. Et Patres quidem praeter commune Romani malum orbis, stimulabat proprii ordinis contumelia: quia primus ipse, metu socordiae suae, ne imperium ad optimos nobilium transferretur, Senatum militia vetuit; etiam adire exercitum. Huic novem annorum potentia fuit.

CAPUT XXXIV.

CLAUDIUS.

Sed Claudii imperium milites, quos fere contra ingenium perditae res subiguunt recta consulere, ubi afflicta omnia perspexere, avidè approbant extolluntque, viri laborum patientis, aequique ac prorsus dediti Reipublicae: quippe ut longo intervallo Deciorum morem renovaverit. Nam quum pellere Gothos cuperet, quos diuturnitas nimis validos, ac prope incolas effecerat, proditum ex libris Sibyllinis est, primum ordinis amplissimi victoriae vovendum. Quamque is, qui esse videbatur, semet obtulisset, sibi potius id muneris competere ostendit, qui re-

- 5 vera Senatus atque omnium princeps erat. Ita nullo exercitus
 detrimento fusi barbari summotique, postquam Imperator vitam
 6 Reipublicae dono dedit. Adeo bonis salus civium ac longe sui
 memoria cariora sunt; quae non gloriae modo, verum etiam
 7 ratione quadam posterorum felicitati proficiunt. Hoc siquidem
 Constantius et Constantinus, atque Imperatores nostri *** cor-
 porisque acceptior militibus, praemiorum spe, seu lasciviae.
 8 Quo aegra asperiorque victoria fuit, dum, uti mos subditis
 erat, studio impune peccandi, remissa imperia promptius, quam
 utilia defendunt.

CAPUT XXXV.

AURELIANUS.

- Ceterum Aurelianus, successu tanto vehementior, confestim,
 2 quasi belli reliquiae superessent, in Persas progressus est. Quis
 deletis, Italiam repetivit, cuius urbes Alamannorum vexationi-
 3 bus affligebantur. Simul Germanis Gallia demotis, Tetrici, de
 quo supra commemoravimus, caesae legiones, proditore ipso
 4 duce. Nam Tetricus, quum Faustini praesidis dolo corruptis
 militibus plerumque peteretur, Aureliani per litteras praesidium
 imploraverat, eique adventanti, producta ad speciem acie, in-
 5 ter pugnam se dedit. Ita, uti rectore nullo solent, turbati or-
 dines oppressi sunt: ipse post celsum biennii imperii in trium-
 phum ductus, Lucaniae correcturam, filioque veniam atque ho-
 6 norem Senatorum cooptavit. Neque secus intra Urbem monetae
 opifices deleti: qui, quum auctore Felicissimo rationali num-
 mariam notam corrossissent, poenae metu bellum fecerant,
 usque eo grave, uti, per Coelium montem congressi, septem
 7 fere millia bellatorum confecerint. His tot tantisque prospere
 gestis, fanum Romae Soli magnificum constituit, donariis or-
 nans opulentis. Ac ne umquam, quae per Gallienum evenerant,
 acciderent, muris Urbem quam validissimis laxiore ambitu cir-
 cumsepsit: simulque usus porcinae carnis, quo plebi Romanae
 affatim cederet, prudenter munificeque prospectavit: deletaque
 fiscales et quadruplatorum, quae Urbem miserabiliter affecerant,
 calumniae, consumtis igui tabulis monumentisque huiusmodi
 negotiorum, atque ad Graeciae morem decreta abolitione; inter
 quae avaritiae peculatum, provinciarum praedatores, contra
 morem militarium, quorum e numero erat, immane quantum
 8 insectabatur. Qua causa ministri scelere, cui secretorum offi-
 cium crediderat, circumventus, apud Coenophorum interiit:
 quum ille, praedae conscientia delictique, scripta callide com-
 posita Tribunis, quasi per gratiam, prodidisset, quibus inter-
 fici iubebantur: illique, eo metu accensi, facinus patraverunt.
 9 Interea milites, omisso Principe, legatos statim Romam desti-
 nant, uti suoapte arbitrati Patres Imperatorem deligerent. Qui-
 bus hoc ipsorum potissimum, convenire munus respondentibus,
 rursum legiones ad eos reiciunt. Ita utrimque pudore ac mo-
 destia decertabatur, rara in hominibus virtute, rebus praeser-
 titim huiusmodi, ac prope ignota militibus. Tantum ille vir

severitate atque incorruptis artibus potuit, ut eius necis auctoribus exitio, pravis metui, stimulo dubiis, optimo cuique desiderio, nemini insolentiae aut ostentationi esset. Atque etiam soli; quasi Romulo, interregni species obvenit, longe vero gloriosior. Quod factum praecipue edocuit, cuncta in orbis modis verti; nihilque accidere, quod rursum naturae vis ferre nequeat aevi spatio. Adhuc virtutibus principum res attolli facile, vel afflictas, easque firmiores praeceps vitiis dari.

CAPUT XXXVI.

TACITUS ET FLORIANUS.

Igitur tandem Senatus, mense circiter post Aureliani interitum sexto, Tacitum e Consularibus, mitem sane virum, Imperatorem creat; cunctis fere laetioribus, quod militari ferocia legendi ius principis procures recepissent. Quae tamen laetitia brevis, neque exitu tolerabili fuit. Namque Tacito confestim a ducentesima regni luce Tyanae mortuo; quum tamen prius auctores Aureliani necis, maximeque Mucaperem ducem, quod ipsius ictu occiderat, excruciaisset; Florianus, eiusdem frater, nullo Senatus seu militum consulto, imperium invaserat.

CAPUT XXXVII.

PROBUS.

Qui, uno mense aut altero vix retentata dominatione, apud Tarsum ab suis interficitur. Post quem Probum, in Illyrico a factum, acceperere, ingenti belli scientia exercitandisque varie militibus ac duranda iuventute prope Hannibalem alterum. Namque ut ille oleis Africae pleraque per legiones, quarum otium Republicae atque ductoribus suspectum rebatur, eodem modo hic Galliam Pannoniasque et Moesorum colles vinetis replevit: postea sane quam barbarorum attritae gentes sunt, quae, nostris Principibus suorum scelere interfectis, irruerant; simul caesis, Saturnino per Orientem, Agrippinae Bonoso [cum] exercitu: nam utrique dominatum tentaverant, sumta, cui duces praee-rant, manu. Qua causa, receptis omnibus pacatisque, dixisse proditur, brevi milites frustra fore. Hinc denique magis irritati paullo eis sextum annum apud Sirmium trucidavere, quum ad siccandam lacunis ac fossa urbem ipsi patriam adigerentur, quae palustri solo hiemalibus aquis corrumpitur. Abhinc militaris potentia convaluit, ac Senatui imperium creandique ius principis ereptum ad nostram memoriam: incertum, an, ipso cupiente, per desidium, an metu seu dissensionum odio. Quippe omissio Gallieni edicto, refici militia potuit, concedentibus modeste legionibus, Tacito regnante, neque Florianus temere invasisset, aut iudicio manipularium cuicumque, bono licet, imperium daretur, amplissimo ac tanto ordine in castris degente. Verum dum oblectantur otio, simulque divitiis pavent, quarum usum affluentiamque aeternitate maius putant, munivere militaribus ac paene barbaris viam, in se ac posteros dominandi.

CAPUT XXXVIII.

CARUS, CARINUS ET NUMERIANUS.

Igitur Carus praefectura pollens praetorii, Augusto habito,
 2 liberis Caesaribus, Carino Numerianoque. Et quoniam, cognita
 Probi morte, barbarorum quique opportune invaserant, missō
 ad munimentum Galliae maiore filio, Numeriani comitatu in
 Mesopotamiam pergit protinus; quod ea Persarum quasi sole-
 3 mni bello subest. Ubi, fuis hostibus, dum gloriae inconsulte
 avidior, Ctesiphonta, urbem Parthiae inclytam, transgreditur,
 4 fulminis tactu conflagravit. Id quidam iure ei accidisse referunt.
 Nam quum oracula docuissent, adusque oppidum memoratum
 5 perveniri victoria licere, longius delatus, poenas luit. Proinde
 6 arduum fatalia devertere; eoque futuri notio superflua. At Nu-
 merianus, amisso patre simul confectum aestimans bellum, quum
 exercitum reductaret, Aprī, Praefecti praetorio, soceri, insidiis
 7 exstinguitur; quis casum detulit adolescentis oculorum dolor.
 8 Denique diu facinus occultatum, dum clausum lectica cadaver,
 specie aegri, ne vento obtunderetur acies, gestabatur.

CAPUT XXXIX.

VALERIUS DIOCLETIANUS.

Sed postquam odore tabescentium membrorum scelus proditum
 est, ducum consilio Tribunorumque Valerius Diocletianus, do-
 mesticos regens, ob sapientiam deligitur, magnus vir, his mo-
 2 ribus tamen: quippe qui primus, ex auro veste quaesita, serici
 3 ac purpurae gemmarumque vim plantis concupiverit. Quae
 quamquam plus, quam civilia, tumidique et affluentis animi;
 4 levia tamen prae ceteris. Namque se primus omnium, Caligula
 post Domitianumque, Dominum palam dici passus, et ado-
 5 rari se, appellarique uti Deum. Quis rebus, quantum ingenium
 est, compertum habeo, humillimos quosque, maxime ubi alta
 6 accesserunt, superbia atque ambitione immodicos esse. Hinc
 Marius, patrum memoria; hinc iste nostra, communem habitum
 supergressi, dum animus potentiae expert, tamquam inedia re-
 7 fecti, insatiabilis est. Quo mihi mirum videtur, nobilitati
 plerosque superbiam dare; quae, gentis patriciae memor, mo-
 lestiarum, quis agitatur, remedio, eminere paullulum plaris ha-
 8 bet. Verum haec in Valerio obducta ceteris bonis; eoque ipso,
 quod Dominum dici passus, parentem egit: satisque constat,
 prudentem virum edocere voluisse, atrocitatem rerum magis,
 9 quam nominum, officere. Interim Carinus eorum, quae acci-
 derant, certior, spe, facilius erumpentes motus sedatum iri,
 10 Illyricum prope Italiae circuitu petit. Ibi Iulianum, pulsa
 11 eius acie, obtruncat. Namque is, quum Venetos correctura
 12 ageret, Cari morte cognita, imperium avens cripere, ad adventanti
 hosti obviam processit. At Carinus, ubi Moesiam contigit, il-
 lico Margum iuxta Diocletiano congressus, dum victos avide
 premeret, suorum ietu interiit, quod, libidine impatiens, mi-

Nitarium nuptas affectabat: quarum infestiores viri iram tamen
doloremque in eventum belli distulerant. Quo prosperius ce-
dente, metu, ne huiusmodi ingenium magis magisque victoria
insolesceret, sese ulti sunt. Is finis Caro liberisque: Narbone, 3
patria, imperium biennii fuere. Igitur Valerius prima ad exer- 14
citum concione, quum, educto gladio, solem intuens, obtesta-
retur, ignarum cladis Numeriani, neque imperii cupientem se
fuisse, Aprum proxime adstantem ictu transegit; cuius dolo, uti
supra docuimus, adolescens bonus facundusque et gener occide-
rat. Ceteris venia data, retentique hostium fere omnes, ac 15
maxime vir insignis Aristobulus, Praefectus praetorio, per officia
sua. Quae res post memoriam humanam nova atque inopinabi- 16
lis fuit, civili bello, fortune, fama, dignitate, spoliatum ne-
minem: quum pie admodum mansuetique geri laetetur, exsilio,
proscriptioni, atque etiam suppliciiis et caedibus modum fieri.
Quid ea memorem, adscivisse consortio multos externosque, 17
tuendi prolutandive gratia iuris Romani? Namque ubi comperit
Carini discessu, Aelianum Anandumque per Galliam, excita
manu agrestium ac latronum, quos Bagaudas incolae vocant,
populatis late agris, plerasque urbium tentare; Maximianum
atque fidem amicitia, quamquam semiagrestem, militiae tamen
atque ingenio bonum, Imperatorem iubet. Huic postea cultus 18
numinis Herculei cognomentum accessit, uti Valerio Iovium:
unde etiam militaribus auxiliis longe in exercitum praestantibus
nomen impositum. Sed Herculus, in Galliam profectus, fuscis 19
hostibus aut acceptis, quicquid omnia brevi patrauerat. Quo bello
Carausius, Menapiae civis, factis promptioribus edituit; eoque
eum, simul quia gubernandi (quo officio adolescentiam mercede
exercuerat) gnarus habebatur, paraetae classi ac propulsandis
Germanis, maria infestantibus, praefecere. Hoc elatior, quum
parum multos opprimeret, neque praedae omnia in aerarium
referret, Herculi metu, a quo se caedi iussum compererat, Bri-
tanniam hausto [augusto] imperio capessivit. Eodem tempore 22
Orientem Persae, Africam Iulianus, ac nationes Quingentanae
graviter quatiebant. Adhuc apud Aegypti Alexandriam Achilleus 25
nomine dominationis insignia induerat. His de causis Iulium 24
Constantium, Galerium Maximianum, cui cognomen Armenturio
erat, creatos Caesares, in affinitatem vocant. Prior Herculi 25
privignam, alter Diocletiano editam sortiuntur, dirantis prio-
ris coniugiis; ut in Nerone Tiberio ac Iulia filia Augustus
quondam fecerat. His sane omnibus Illyricum patria fuit; qui, 26
quamquam humanitatis parum, ruris tamen ac militiae miseriis
imbuti, satis optimi Reipublicae fuere. Quare constat, sanctos 27
prudentesque sensu mali promptius fieri; contraque expertes
aerumnarum, dum opibus suis cunctos aestimant, minus con-
sulere. Sed horum concordia maxime edocuit, virtuti ingenium, 28
usumque bonae militiae, quanta his Aureliani Probique institu-
tio fuit, paene sat esse. Denique Valerium, ut parentem, seu 29
Dei magni suspiciebant modo, quod quale quantumque sit, ab
Urbe conditore ad nostram aetatem propinquorum facinoribus
patefactum est. Et quoniam bellorum moles, de qua supra 30

memoravimus, acrius urgebat, quasi partito imperio, cuncta, quae trans Alpes Galliae sunt, Constantio commissa; Africa Italiaque Herculio; Illyricique ora adusque Ponti fretum Galerio; cetera Valerius retentavit. Hinc denique parti Italiae inventum 32 tributorum ingens malum. Nam quum omnis eadem functione moderataque ageret, quo exercitus atque Imperator, qui semper aut maxima parte aderant, ali possent; pensionibus inducta lex nova. Quae sane illorum temporum modestia tolerabilis, in 33 perniciem processit his tempestatibus. Interim, Iovio Alexandria profecto, provincia credita Maximiano Caesari, uti, relictis finibus, in Mesopotamiam progrediretur, ad arcendos 34 Persarum impetus. A quis primo graviter vexatus, contracto confestim exercitu e veteranis ac tironibus, per Armeniam in hostes contendit: quae ferme sola seu faciliior vincendi via est. 35 Denique ibidem Narseum regem in ditionem subegit: simul liberos coniugesque et aulam regiam. Adeo victor, ut ni Valerius, cuius nutu omnia gerebantur, incertum qua caussa, abnu- 36 gisset, Romani fasces in provinciam novam ferrentur. Verum pars terrarum tamen nobis utilior quaesita: quae quum acrius reposcantur, bellum recens susceptum est, grave admodum perniciosumque. At in Aegypto Achilleus, facili negotio pulsus, 37 poenas luit. Per Africam gestae res pari modo; solique Carausio remissum insulae imperium, postquam iussis ac munimento 40 incolarum contra gentes bellicosas opportunior habitus. Quem 41 sane sexennio post Allectus nomine dolo circumvenit. Qui, quum eius permissu summae rei praesset, flagitiorum et ob ea 42 mortis formidine, per scelus imperium extorserat. Quo usum brevi, Constantius, Asclepiodoto, qui praetorianis Praefectus 43 praeerat, cum parte classis ac legionum praemisso, delevit. Et interea caesi Marcomanni, Carporumque natio translata omnis in nostrum solum; cuius fere pars iam tum ab Aureliano * erat. 44 Neque minore studio pacis officia vineta legibus acquissimis, ac remoto pestilenti frumentariorum genere, quorum nunc Agentes 45 rerum simillimi sunt. Qui quum ad explorandum adnuntian- damque, qui forte in provinciis motus existerent, instituti viderentur; compositis nefarie criminationibus, iniecto passim metu, praecipue remotissimo cuique, cuncta forde diripiebant. Simul annonae Urbis ac stipendiariorum salus anxie sollicitaeque habita; honestiorumque propectu, et e contra, supplicis flagitiosi cuiusque, virtutum studia augebantur. Veterrimae religiones castissime curatae. Ac mirum in modum novis adhuc cultisque mœnibus Romana culmina et ceterae urbes ornatae; 46 maxime Carthago, Mediolanum, Nicomedia. Neque tamen, quum haec agerent, extra vitia fuerunt. Qulppe Herculius libidine tanta agebatur, ut ne ab obsidum corporibus quidem animi labem comprimeret. Valerio parum honesta in amicos fides erat, discordiarum sane metu; dum enuntiationibus posse 47 agitari quietem consortii putat. Hinc etiam quasi truncatae vires Urbis, imminuto praetorianum cohortium atque in armis vulgi numero: quo quidem plures volunt imperium possidere. 48 Namque imminentium scrutator, ubi fato intestinas clades et

quasi fragorem quandam impendere comperit status Romani; celebrato regni vicesimo anno, valentior curam Reipublicae abiecit; quum in sententiam Herculum aegerissime traduxisset, cui anno minus potentia fuerat. Et quamquam, aliis alia aestimantibus, veri gratia corrupta sit, nobis tamen excellenti natura videtur ad communem vitam, spreto ambitu, descendisse.

CAPUT XL.

CONSTANTIUS ET ARMENTARIUS, SEVERUS ET MAXIMINUS, ITEM
CONSTANTINUS ET MAXENTIUS.

Igitur Constantio Armentarioque his succedentibus, Severus Maximinusque, Illyricorum indigenae, Caesares, prior Italiam, posterior in quae Iovius obtinuerat, destinantur. Quod tolerare nequiens Constantinus, cuius iam tum a puero ingens potensque animus ardore imperitandi agitabatur, fugae commento, quum ad frustrandos insequentis publica iumenta, quaqua iter egerat, interficeret, in Britanniam pervenit: nam is a Galerio religionis specie ad vicem obsidis tenebatur. Et forte iisdem diebus ibidem Constantium patrem vitae ultima agebant. Quo mortuo, cunctis, qui aderant, adnitentibus, imperium capit. Interim Romae vulgus turmaeque praetoriae Maxentium, retentante diu patre Herculio, Imperatorem confirmant. Quod ubi Armentarius accepit, Severum Caesarem, qui casu ad Urbem erat, arma in hostem ferre propere iubet. Is circum muros quum ageret, desertus a suis, quos praemiorum illecebris Maxentius traduxerat, fugiens, obsessusque Ravennae obiit. Hoc acrior Galerius, adscito in consilium Iovio, Licinium vetere cognitum, amicitia Caesarem, creat Augustum; eoque ad munimentum Illyrici ac Thraciae relicto, Romam contendit. Ibi quum obsidione distineretur, militibus eadem, qua superiores, via attentatis, metu ne descerneretur, Italia decessit; paulloque post vulnere pestilenti consumtus est, quum agrum satis Reipublicae commodantem, caesis immanibus silvis, atque emissis in Danubium lacu Pelsone, apud Pannonios secisset. Cuius gratia provinciam uxoris nomine Valeriam appellavit. Huic quinquenni imperium; Constantio annuum fuit; quum saepe uterque potentiam Caesarum annos tredecim gessissent. Adeo miri naturae officis, ut ea, si a doctis pectoribus proficiscerentur, neque insulsiute offenderent, haud dubie praecipua haberentur. Quare compertum est, eruditionem, elegantiam, comitatem praesertim, principibus necessarias esse; quum sine his naturae bona quasi incomta, aut etiam horrida despectui sint, contraque ea Persarum regi Cyro aeternam gloriam paraverint. Atque memoria mea Constantinum, quamquam ceteris promptum virtutibus, adusque astra votis omnium subvexere. Qui profecto sit munificentiae atque ambitioni modum, hisque artibus statuisset, quis praecipue adulta ingenia gloriae studio progressa longius in contrarium labuntur, haud multum abesset Deo. Is ubi vastari Urbem atque Italiam comperit, puerosque seu redemptos exercitus, et Imperatores duos, composita pace per Gallias,

17 Maxentium petit. Ea tempestate apud Poenos Alexander pro
 Praefecto gerens, dominatui stolidè incubuerat: quum ipse de-
 bili aetate, agrestibus ac Paunouicis parentibus vecordior, mi-
 lites, tumultuarieque quacsiti, armorum vix medium haberetur.
 18 Denique cum a tyranno missi paucissimis cohortibus Rufius Vo-
 lusianus Praefectus praetorio, ac militares duces levi certamine
 19 confecere. Quo victo, Maxentius Carthaginiem, terrarum decus,
 simul Africae pulchriora vastari, diripi, incendique iusserat;
 20 ferus inhumanusque ac libidine multo tetrior. Adhuc pavidus
 et imbellis, atque in desidiam foede pronus, usque eo, ut,
 flagrans per Italiam bello, fusisque apud Veronam suis, nihilo
 21 sequevis solita curaret, neque patris exitio moveretur. Namque
 Hercules, natura impotentior, simul filii segnitiae metuens,
 22 inconsulta imperium repetiverat. Quumque specie officii dolis
 compositis Constantinum generum tentaret acerbe, iure tandem
 23 interierat. Sed Maxentius atrocior in dies, tandem Urbe in
 Saxa rubra millia ferme novem aegerrime progressus, quum caesa
 acie fugiens semet Romam reciperet, iusidiis, quas hosti apud
 pontem Milvium locaverat, in transgressu Tiberi interceptus
 24 est, tyrannidis anno sexto. Huius nece incredibile quantum
 laetitia gaudioque Senatus ac plebes exsultaverint: quos in tan-
 tum afflictaverat, uti praetorianis caedem vulgi quondam an-
 nuierit, primusque iustituto pessimo munera specie Patres tra-
 25 storesque pecuniam conferre prodigenti sibi cogeret. Quorum
 odio praetoriae legiones, ac subsidia factionibus aptiora, quam
 urbi Romae, sublata peuitus, simul arma atque usus indumentis
 26 militaris. Adhuc cuncta opera, quae magnifice constraxerat,
 Urbis sanum, atque basilicam, Flavii meritis Patres sacravere.
 27 A quo etiam post Circus maximus excultus mirifice, atque ad
 28 lavandum institutum opus ceteris haud multo dispar. Statuae
 locis quam celeberrimis, quarum plures ex auro, aut argenteae
 sunt: tum per Africam sacerdotum decretum Flaviae genti;
 Cirtaeque oppido, quod obsidione Alexandri ceciderat, reposito
 29 exornatoque, nomen Constantina inditum. Adeo acceptius prae-
 stantiusque tyrannorum depulsoribus nihil est; quorum gratia
 30 eo demum auctior erit, si modesti atque abstinentes sint. Quippe
 humanae mentes, frustratae honi spe, asperius offeunduntur,
 quam, mutato rectore flagitioso, aerumnarum vis manet.

CAPUT XLI.

CONSTANTINUS, LICINIUS, CRISPUS, CONSTANTIUS, LICINIANUS, CON-
 STANS, DALMATIUS, MAGNENTIUS, VETRANIO.

Dum haec in Italia geruntur, Maximinus ad Orientem, post
 biennii augustum imperium fusus fugatusque a Licinio, apud
 2 Tarsum perit. Ita potestas orbis Romani duobus quacsita: qui,
 quamvis per Flavii sortorem, nuptam Licinio, connexi inter se
 erant, ob diversos mores tamen anxie triennium congruere qui-
 vere. Namque illi praeter admodum magna cetera, huic par-
 3 simonia, et ea quidem agrestis, tantummodo inerat. Denique
 Constantinus cunctos hostes honore ac fortunis manentibus texit

recepitque; eo pius, ut etiam vetus veterrimamque supplicium
patibulorum et cruribus suffringendis primas removerit. Hinc 4
pro conditore, seu Deo habitus. Licinio ne insontium quidem
ac nobilium philosophorum servili more cruciatus adhibiti mo-
dum fecere. Quo sane variis proeliis pulso, quum eum prorsus 5
opprimere arduum videretur, simul affinitatis gratia recepti con-
sortio, adscitque imperio Caesarum communes liberi Crispus
Constantinusque, Flavio geniti; Licinianus, Licinio. Quod 6
equidem vix diuturnum, neque his, qui adsumebantur, felix
fore, defectu solis foedato iisdem mensibus die, patefactum.
Itaque sexennio post rupta pace apud Thracas Licinius pulsus 7
Chalcedona concessit. Ibi ad auxilium sui Martiniano in impe- 8
rium cooptato, una oppressus est. Eo modo Respublica unius 9
arbitrio geri coepit, liberis Caesarum nomina diversa retentan-
tibus: namque ea tempestate Imperatori nostro Constantio insi-
gne Caesaris datum. Quorum quum natu grandior, incertum 10
qua causa, patris iudicio occidisset; repente Calocerus, magi-
ster pecoris camclorum, Cyprum insulam specie regni demens
capessiverat. Quo ex cruciato, ut fas erat, servili aut latronum 11
more, condenda urbe formandisque religionibus ingentem ami-
tum avocavit, simul novando militiae ordine. Et interea Go- 12
thorum Sarmatarumque stratae gentes; filiusque cunctorum mi-
nor, Constans nomine, Caesar fit. Cuius gratia Reipublicae 13
permixtionem fore, ostentorum mira prodidere: quippe ea no-
cte, quae commissi imperii diem sequebatur, igui continuo
coeli facies conflagravit. Abhinc consumto fere biennio, fratris 14
filium, cui ex patre Dalmatio nomen fuit, Caesarem iussit, ad-
sistentibus valide militaribus. Ita anno imperii tricesimo secun- 15
doque, quum totum orbem tredecim tenuisset, sexaginta natus
atque amplius duo, in Persas tendens, a quis bellum irrumpere
acceperat, rure proximo Nicomediae, Achyronam vocant, ex- 16
cessit: quum ad id tetrum sidus regnis, quod crinitum vocant,
portendisset. Funus relatum in urbem sui nominis. Quod sane 17
populus Romanus aegerime tulit; quippe cuius armis, legibus, 18
clementi imperio, quasi novatam urbem Romanam arbitaretur.
Pons per Danubium ductus; castra castellaque pluribus locis 19
commode posita. Remotae olei frumentique adventitiae praebi- 20
tiones, quibus Tripolis ac Nicaea acerbius angebantur. Quas 21
res superiores, Severi imperio gratantes, civi obtulerant; ver-
teratque gratiam muneris in perniciem posterorum dissimulatio.
Alteros Marcus Boionius afflixerat multa, quod Hipparchum
praestanti ingenio indigenam fuisse ignoravissent. Fiscales mo- 22
lestiae severius pressae; cunctaque divino ritui paria viderentur,
ni parum dignis ad publica aditum concessisset. Quae quam 23
quam saepius accidere, tamen in summo ingenio atque optimis
reipublicae moribus, quamvis parva vitia, elucent magis, eoque
notantur, facile: quin etiam aerius saepe officiant, quum ob au-
ctoris decus in virtutes potissimum accipiuntur, atque ad imi-
tandum invitamento sunt. Igitur confestim Dalmatius, incertum 24
quo suasore, interficitur; statimque triennio post minimum
maximumque fatali bello Constantinus cadit. Qua Constans vi- 25

etorla tumidior, simul per aetatem cautus parum, atque animi
vehemens, adhuc ministrorum pravitate execrabilis, atque prae-
ceps in avaritiam, despectumque militarium, anno post trium-
phum decimo, Magnentii scelere circumventus est, externarum
24 sane gentium compressis motibus. Quarum obsides pretio quaes-
itos pueros venustiores quod cultius habuerat, libidine huius-
25 modi arsisse pro certo habetur. Quae tamen vitia utinam man-
26 sissent. Namque Magnentii, utpote gentis barbarae, diro atroque
ingenio, simul his, quae post accidere, adeo extincta omnia
27 sunt, ut illud imperium haud iniuria desideraretur. Tum quia
Vetranio litterarum prorsus expertus et ingenio stolidior, idcir-
coque agresti vecordia pessimus, quum per Illyrios peditum
magisterio milites curaret, dominationem, ortus Moesiae supe-
rioris locis squalidioribus, improbe occupaverat.

C A P U T XLII.

CONSTANTIUS, NEPOTIANUS, DECENTIUS, PATRICIUS,
SILVANUS, IULIANUS.

Eum Constantius cis mensem decimum, facundiae vi deiectum
2 imperio, in privatum otium removit. Quae gloria post natum
3 imperium soli processit eloquio clementiae. Nam quum
magna parte utrinque exercitus convenissent, habita ad speciem
iudicii concione, quod fere vix aut multo sanguine obtinendum
4 erat, eloquentia patravit. Quae res satis edocuit, non modo
domi, verum militiae quoque dicendi copiam praestare; qua
demum vel ardua proclivius eo conficiuntur, si modestia atque
5 integritate superet. Quod maxime cognitum e nostro Principe:
quem tamen, quo minus statim in hostes alios ad Italiam con-
6 tenderet, hiems aspera clausaeque Alpes tardavere. Interim
Romae, corrupto vulgo, simul Magnentii odio, Potentianus,
materna stirpe Flavio propinquus, caeso Urbi praefecto, ar-
7 mataque gladiatorum manu, Imperator fit. Cuius stolidum in-
genium adeo plebi Romanae Patribusque exitio fuit, uti passim
domus, fora, viae, templaque cruore ac cadaveribus oppleren-
tur, bustorum modo. Neque per eum tantum, verum etiam
advolantibus Magnentianis, qui tricesimo die, triduo minus,
8 hostem perculerant. Sed iam antea, quum externi motus suspec-
tarentur, Magnentius fratri Decentio Gallias, Constantius Gal-
lo, cuius nomen suo mutaverat, Orientem, Caesaribus commi-
9 serant. Ipsi inter se acrioribus proeliis per triennium congressi,
ad extremum Constantius, fugientem in Galliam persecutus,
10 vario ambos supplicio semet adegit interficere. Et interea Iu-
daeorum seditio, qui Patricium nefarie in regni specie sustule-
11 rant, oppressa. Neque multo post ob saevitiam atque animum
12 trucem, Gallus Augusti iussu interiit. Ita longo intervallo, an-
num ferè post septuagesimum, relata ad unum cura Reipublicae.
13 Quae recens quieta a civili trepidatione, Silvano in imperium
14 coacto, tentari rursus coeperat. Is namque Silvanus, in Gal-
lia ortus barbaris parentibus, ordine militiae, simul a Magnen-
tius ad Constantiam transgressu, pedestre ad magisterium ado-

lescentior meruerat. E quo dum altius per metum seu demen-15
tiam conscendisset, legionum, a quis praesidium speraverat, tu-
multu, octavum circa ac vicesimum diem trucidatus est. Quar-6
caussa ne quid apud Gallos, natura praecipites, novaretur;
praesertim Germanis pleraque earum partium populantibus, Iu-
lianum Caesarem, cognatione acceptum sibi, Transalpinis prae-
fecit; isque nationes feras brevi subegit, captis famosis regibus. :
Quae quamquam in eius, fortuna Principis tamen et consilio;7
accidere. Quod adeo praestat, ut Tiberius Galeriusque subiectis8
aliis egregia pleraque, suo autem ductu atque auspicio minus
paria experti sint. At Iulius Constantius, annos tres atque vi-19
ginti augustum imperium regens, dum externis motibus, modo
civilibus exerceatur, aegre ab armis abest. Quis tyrannide tan-20
torum depulsa, sustentoque interim Persarum impetu, genti
Sarmatarum magno decore, considens apud eos, regem dedit.
Quod Cnaeum Pompeium in Tigrane restituisse, vixque paucos22
maiorum fecisse, comperimus. Placidus clemensque pro nego-22
tio, litterarum ad elegantiam prudens; atque orandi genere leni
iucundoque; laboris patiens, ac destinandi sagittas mire prom-
tus; cibi omnis, libidinis atque omnium cupidinum victor;
cultu genitoris satis pius; suique nimis custos: gnarus, vita bo-
norum principum Reipublicae quietem regi. Haec tanta, tamque23
inclita, tenue studium probandis provinciarum ac militiae re-
ctoribus, simul ministrorum parte maxima absurdi mores, ad-
huc neglectus boni cuiusque foedavere. Atque uti verum absol-24
vam brevi, ut Imperatore ipso clarius, ita apparitorum pleris-
que magis atrox nihil.

E P I T O M E.

DE VITA ET MORIBUS IMPERATORUM ROMANORUM, EXCERPTA EX LIBRIS SEXTI AURELII VICTORIS A CAESARE AUGUSTO

USQUE AD THEODOSIUM IMPERATOREM.

C A P U T I.

OCTAVIANUS AUGUSTUS.

Anno Urbis conditae septingentesimo vicesimo secundo, ab
exactis vero regibus quadringentesimo octogentesimoque, mos
Romae repetitus uni prorsus parendi, pro rege Imperatori vel-

2 sanctioni nomine Augusto appellato. Octavianus igitur, patre
 Octavio Senatore genitus, maternum genus ab Aenea per Iuliam
 familiam sortitus, adoptione vero Cuii Caesaris maioris avunculi
 Caius Caesar dictus, deinde ob victoriam Augustus cognomina-
 3 tus est. Iste in imperio positus, Tribunitiam potestatem per
 4 se exercuit. Regionem Aegypti, inundatione Nili accessu diffi-
 5 cilem in viamque paludibus, in provinciae formam redegit. Quam
 ut annonae Urbis copiosam efficeret, fossasque incuria vetustatis
 6 limo clausas, labore militum patefecit. Huius tempore ex Ae-
 gypto Urbi annua ducenties centena millia frumenti infereban-
 7 tur. Iste Cantabros et Aquitanos, Rhactos, Vindelicos, Dal-
 matas, numero provinciarum populo Romano coniunxit. Suevos,
 Catosque delevit; Sicambros in Galliam transtulit. Pannonios
 stipendiarios adiecit. Getarum populos Basternasque, lacessitos
 8 bellis, ad concordiam compulit. Huic Persae obsides obtule-
 9 runt, creandique regis arbitrium permiserunt. Ad hunc Indi,
 Scythae, Garamantes, Aethiopes, legatos cum donis miserunt.
 10 Adeo denique turbas, bella, simultates exsecratus est, ut, nisi
 iustis de causis, numquam genti cuiquam bellum indixerit. Iac-
 tantisque esse iugeni et levissimi dicebat, ardore triumphandi
 et ob lauream coronam, id est, folia infructuosa, in discrimen
 per incertos eventus certaminum securitatem civium praecipita-
 11 re: neque Imperatori bono quidquam minus, quam temerita-
 12 tem congruere: satis celeriter fieri, quidquid commode gere-
 retur: armaque, nisi maioris emolumentis spe, nequaquam
 movenda esse; ne compendio tenui, iactura gravi, petita victoria
 similis sit hamo aureo piscantibus, cuius abrupti amissique de-
 13 strimentum nullo capturae lucro pensari potest. Huius tempore
 trans Rhenum vastatus est Romanus exercitus, atque Tribuni et
 Proprætor. Quod in tantum [accidisse] perdoluit, ut cerebri
 valido incussa [incursu] parietem pulsaret, veste capilloque ac
 14 reliquis lugentium indiciis deformatis. Avunculi quoque inventum
 vehementer arguebat, qui, milites commilitones novo blandoque
 more appellans, dum affectat carior fieri, auctoritatem princi-
 15 pis emolliverat. Denique erga cives clementissime versatus est.
 16 In amicos fidus exstitit. Quorum præcipui erant ob taciturni-
 tatem, Maecenas, ob patientiam laboris modestiamque Agrippa.
 Diligebat præterea Virgilium. Rarus quidem ad recipiendas
 17 amicitias, ad retinendas constantissimus. Liberalibus studiis,
 præsertim eloquentiae, in tantum incumbens, ut nullus, ne in
 procinctu quidem, laboretur dies, quin legeret, scriberet, de-
 18 clamaret. Leges alias novas, alias correctas protulit suo no-
 19 mine. Auxit ornavitque Romam aedificiis multis, isto gloriosius
 20 dicto: *Urbem lateritiâ reperi, relinquo marmoreâ*. Fuit
 mitis, gratus, civilis animi, et lepidi, corpore toto pulcher,
 sed oculis magis. Quorum aciem clarissimorum siderum modo
 vibrans, libenter accipiebat; cedi ab intendentibus tamquam
 solis radiis aspectu suo. A cuius facie dum quidam miles oculos
 averteret, et interrogaretur ab eo, cur ita faceret, respon-
 dit, *Quia fulmen oculorum tuorum ferre non possum*. Nec ta-
 21 men vir tantus vitii caruit. Fuit enim paullulum impatiens,

Ieniter iracundus, occulte invidus, palam factiosus: porro autem dominandi, supra quam aestimari potest, avidissimus; studiosus alcae lusor. Quumque esset cibi ac vini multum, aliquatenus²² vero somni abstinens, serviebat tamca libidini usque ad probrum vulgaris famae. Nam inter duodecim catamitos totidemque puellas accubare solitus erat. Abiecta quoque uxore Scribonia,²³ amore alienae coniugis possessus, Liviam, quasi marito concedente, sibi coniunxit. Cuius Liviae iam erant filii Tiberius et Drusus. Quumque esset luxuriae serviens, erat tamen eiusdem²⁴ vitii severissimus ultor; more hominum, qui in ulciscendis vitiis, quibus ipsi vehementer indulgent, acres sunt. Nam poëtam Ovidium, qui et Naso, pro eo, quod tres libellos amatoriae artis conscripsit, exsilio damnavit. Quodque est laeti animi vel²⁵ amoeni, oblectabatur omni genere spectaculorum, praecipue ferarum incognita specie, et infinito numero. Annos septem²⁶ et septuaginta ingressus, Nolae morbo interiit. Quamquam alii²⁷ scribant, dolo Liviae extinctum, metuentis, ne, quia privignae filium Agrippam, quem odio novercali in insulam relegaverat, reduci compererat, eo summam rerum adepto, poenas daret. Igitur mortuum, scu necatum, multis novisque honoribus Sena²⁸ tus censuit decorandum. Nam praeter id, quod antea Patrem patriae dixerat, templa tam Romae, quam per urbes celeberrimas ei consecravit, cunctis vulgo iactantibus, *Utinam aut non nasceretur, aut non moreretur!* Alterum pessimi incepti, exitus²⁹ praeclari alterum. Nam et in adipiscendo principatu oppressor libertatis est habitus, et in gerendo cives sic amavit, ut tridui frumento in horreis quondam viso, statuisset veneno mori, si e provinciis classes interea non venirent. Quibus advectis, felici³⁰ tati eius salus patriae est attributa. Imperavit annos quingna³¹ ginta et sex, duodecim cum Antonio, quadraginta et quatuor solus. Qui certe numquam aut Reipublicae ad se potentiam traxisset, ant tamdiu ea potiretur, nisi magnis naturae et studiorum bonis abundasset.

CAPUT II.

CLAUDIUS TIBERIUS.

Claudius Tiberius, Liviae filius, Caesaris Octaviani privignus, imperavit annos viginti tres. Iste, quia Claudius Tiberius Nero² dicebatur, eleganter a iocularibus Caldius Biberius Mero ob violentiam nominatus est. Satis prudens in armis, satisque for³ tunatus ante sumtum imperium sub Augusto fuit, ut non immerito Reipublicae dominatus ei committeretur. Inerat ei scientia⁴ litterarum multa. Eloquio clarior, sed ingenio pessimo, truci, avaro, insidioso, simulans ea se velle, quae nollet: his quasi infensus, quibus consultum cupiebat; his vero, quos oderat, quasi benevolus apparens. Repentinis responsionibus aut consi⁵ liis melior, quam meditatis. Denique delatum a Patribus prin⁶ cipatum (quod quidem astu fecerat) siet abnuere, quid singuli dicerent vel sentirent, atrociter explorans: quae res bonos quos⁷ que pessumdedit. Aestimantes enim, ex animo eum longa ora-

tione imperialis molestiae magnitudinem declinare, quum sententias ad eius voluntatem promunt, incidere exitia postrema,
 8 Iste Cappadocae in provinciam, remoto Archelao rege eorum, redegit. Gaetulorum latrocinia repressit. Maroboduum, Sue-
 9 vorum regem, callide circumvenit. Quum immani furorc insontes, noxios, suos pariter externosque puniret, resolutis militiae artibus, Armenia per Parthos, Moesia a Dacis, Pannonia
 10 a Sarmatis, Gallia a finitimis gentibus direptae sunt. Ipse post septuagesimum octavum annum et mensem quartum insidiis Caligulae exstinctus est.

CAPUT III.

CAIUS CAESAR CALIGULA.

2 Caligula imperavit annos quatuor. Iste filius fuit Germanici; et, quia natus in exercitu fuerat, cognomentum calceamenti
 3 militaris, id est, Caligulae sortitus est. Ante principatum omnibus carus acceptusque fuit: in principatu vero talis, ut non
 4 immerito vulgaretur, atrociorum illo dominum non fuisse. Denique tres sorores suas stupro maculavit. Incedebat habitu Deorum suorum. Iovem ob incestum, e choro autem Bacchanali
 6 Liberum se adserbat. De quo nescio an deciperit memoriae prodi, nisi forte quia ipse de principibus nosse omnia, ut im-
 7 probi saltem famae metu talia declinent. In palatio uatronas
 8 nobiles publicae libidini subiecit. Prius, diademate imposito,
 9 Domitium se iussit appellari. In spatio trium millium, quod in sinu Puteolano inter moles iacet, duplici ordine naves contexens, arenae adgestu ad terrae speciem viam solidatam, phalerato equo, insignis quercea corona, quasi triumphans indutus auro paludamento, curru biugo deuecurrit. Dehinc a militibus confossus interiit.

CAPUT IV.

CLAUDIUS TIBERIUS.

Claudius Tiberius, Drusi, Tiberii fratris, filius, Caligulae
 2 patruus, imperavit annos quatuordecim. Iste, quum Senatus censuisset, gentem Caesarum exterminari, deformi latebra latens, repertus a militibus, quia vecors erat, mitissimus vide-
 3 batur imprudentibus, Imperator effectus est. Hic ventri, vino, libidini foede obediens, vecors et prope hebes, ignavus ac pa-
 4 vidus, libertorum et coniugis imperiis subiectus fuit. Huius tempore Seribonianus Camillus intra Dalmatias Imperator erectus, continuo occiditur. Mauri provinciis accessere: caesa
 6 Masulamlorum manus est. Aqua Claudia Romae introducta.
 7 Huius uxor Messalina primo passim, quasi iure, adulteriis utebatur: ex quo facto plures, metu abstinentes, exstincti sunt. Dehinc atrocior accensa, nobiliores quasque nuptas et virgines secretorum modo secum proposuerat; coaelique mares, ut adessent. Quod si quis talia horruerat, adfecto erimine, in ipsum,

omnemque familiam saeviebatur: ut magis videretur sub Imperatore, viro, quam Imperatori, nupta esse. Ita liberti eius, 8 potestatem summam adepti, stupris, exilio, caede, proscriptionibus, omnia foedabant. Ex quibus Felicem legionibus Iudaeae praefecit. Possidio eunucho post triumphum Britannicum inter militarium fortissimos arma insignia, tamquam participi victoriae, dono dedit. Polybium inter Consules medium incendere fecit. Hos omnes anteibat Narcissus ab epistolis, dominum se gerens ipsius domini, Pallasque, praetorii ornamentis sublimatus; adeo divites, ut, caussante eo inopiam fisci, lepidissime famoso elogio vulgatum sit, abunde ei pecuniam fore, si a duobus libertis in societatem reciperetur. Huius temporibus visus est apud Aegyptum Phoenix, quam volucrem ferunt anno quingentesimo ex Arabis memoratos locos advolare: atque in Aegaeo mari repente insula emersit. Hic Agrippinam, Germanici fratris sui filiam, uxorem duxit: quae filio imperium procurans, primo privignos insidiis multiformibus, dehinc ipsum coniugem veneno interemit. Vixit annos sexaginta quatuor: 19 cuius funus, ut quondam in Tarquinio Prisco, diu occultatum. Dum arte muliebri corrupti custodes aegrum simulant, Nero 3 privignus eius imperii iura suscepit.

CAPUT V.

DOMITIUS NERO.

Domitius Nero, patre Domitio Ahenobarbo genitus, matre Agrippina, imperavit annos tredecim. Iste quinquennio tolerabilis visus. Unde quidam prodidere, Traianum solitum dicere, 3 procul distare cunctos principes Neronis quinquennio. Hic in 4 Urbe amphitheatrum et lavacra construxit. Pontum in ius provinciae, Polemonis reguli permissu, redegit, a quo Polemoniacus Pontus appellatus est; itemque Cottias Alpes, Cottio rege mortuo. Eo namque dedecore reliquam vitae egit, ut pudent 5 memorare huiusmodi quemquam. Eo progressus est, ut, neque suae, neque aliorum pudicitiae parcens, ad extremum amictus nubentium virginum specie, palam convocato Senatu, dote dicta, cunctis festa de more frequentantibus, nuberet. Pelle tectus ferae, utrique sexui genitalia vultu contrectabat. Matrem etiam stupro contaminavit; quam postmodum interemit. Octaviam et Sabinam, cognomento Poppaeam, in matrimonium duxit, viris earum trucidatis. Tunc Galba, Hispaniae Proconsul, 6 et Caius Iulius imperium corripuere. Ubi adventare Nero Galbam didicit, Senatusque sententia constitutum, ut more malorum collo in fuscam conlecto, virgis ad necem caederetur; desertus undique, noctis medio, egressus Urbem, sequentibus Placone, Epaphrodito, Neophytoque, et spadone Sporo, quem quondam exsecutum formare in mulierem tentaverat, semet ictu gladii transegit, adiuvante trepidantem manum impuro, de quo diximus, cuncho: quum saepe prius, nullo reperto, a quo feriretur, exclamaret, *Itane nec amicum habeo, nec inimicum?* 7

8 *dedecorose vixi, turpius peream.* Periit anno aetatis tricesimo
 9 secundo. Hunc Persae in tantum dilexerunt, ut legatos mitte-
 10 rent, orantes copiam construendi monumenti. Ceterum adeo
 cunctae provinciae omnisque Roma interitu eius exsultavit, ut
 plebs induta pileis manumissionum, tamquam sacro exempta do-
 mino, triumpharet.

CAPUT VI.

SERVIUS GALBA.

Galba, nobili Sulpiciorum gente progenitus, imperavit men-
 2 ses septem diesque totidem. Iste in adolescentes infamis, ad
 3 vescendum intemperans fuit: trium amicorum consilio, id est,
 Vinnii, Corneli et Iccli, cuncta disponens, adeo ut intra Pala-
 tinas aedes pariter habitarent, et vulgo paedagogi dicerentur.
 4 Hic ante sumtum dominationem multas provincias egregie admi-
 nistravit, militem severissime tractans, ita ut, ingresso eo ca-
 stra, vulgaretur statim: *Disce militare, miles; Galba est, non*
 5 *Gaetulicus.* Quum septuagesimum tertium aetatis annum ageret,
 dum factione Othonis accensas legiones lorica tectus lenire con-
 tenderet, ad lacum Curtium caesus est.

CAPUT VII.

SALVIUS OTHO.

Salvius Otho, splendidis ortus maioribus ex oppido Ferenta-
 no, imperavit menses tres, vita omni turpis, maxime adolescen-
 2 tia. Hic a Vitellio primum apud Placentiam, dehinc apud
 3 Betriacum victus, semet gladio transfixit anno aetatis tricesimo
 septimo; adeo amabilis militibus propriis, ut plerique, corpore
 4 eius viso, suis manibus interierint.

CAPUT VIII.

A. VITELLIUS.

Vitellius, ortus familia nobili, patre Lucio Vitellio ter Con-
 2 sule, imperavit menses octo. Iste tumens, crudelis, avarusque
 3 cum profusione fuit. Huius tempore Vespasianus in Oriente
 principatum arripuit: a cuius militibus, certamine sub muris
 Urbis habito, superatus, e palatio, quo se abdiderat Vitellius,
 vinetis a tergo manibus, productus, circumducitur ad specta-
 4 culum vulgi. Ac ne homo impudens, in extremis saltem malo-
 rum, quae gesserat, rubore faciem demitteret, subiecto in
 mentum gladio, seminudus, multis coeno fimoque et ceteris
 turpioribus dictu purgamentis vultum eius ipccessantibus, per
 5 scalas Gemonias trahitur, ubi Sabinum, Vespasiani fratrem,
 6 necari permiserat. Numerosis ictibus confossus interiit. Vixit
 annos quinquaginta septem. Hi omnes, quos paucis attingi, prae-
 cipue Caesarum gens, adeo litteris culti atque eloquentia fuere,
 ut, ni cunctis vitiis, absque Augusto, nimii forent, profecto
 texissent modica flagitia.

CAPUT IX.

FLAV. VESPASIANUS.

Vespasianus imperavit annos decem. Huius inter cetera bona 2
illud singulare fuit, inimicitias oblivisci; adeo, ut Vitellii, ho-
stis sui, filiam locupletissime dotatam splendidissimo coniunge-
ret viro. Ferebat patienter amicorum motus, contumeliis eo- 3
rum, ut erat facetissimus, iocularibus respondens. Namque
Licinium Mucianum, quo adiutore ad imperium pervenerat,
fiducia meritorum insolentem, lepide flectebat, adhibito aliquo
utrique familiari, id unum dicens: *Nosti, me virum esse.* Sed 4
quid mirum in amicis, quum etiam caussidicorum obliqua dicta,
et philosophorum contumaciam contemneret? Iste exsanguem 5
diu, sessumque terrarum orbem brevi refecit. Namque primum
satellites tyrannidis, nisi qui forte atrocius longe processerant,
flectere potius maluit, quam excruciatos delere; prudentissime
ratus, nefaria ministeria a pluribus metu curari. Praeterea 6
legibus aequissimis monendo, quodque vehementius est, vitae
specie, vitiorum plura aboleverat. Infirmus tamen, uti quidam 7
prave putant, adversus pecuniam, quum satis constet, aerarii
inopia et clade urbium novae eum neque postea habitas viginti-
lium pensiones exquisivisse. Hic Romam, deformem incendiis 8
veteribus ac ruinis, permissa, si domini deessent, volentibus
aedificandi copia, Capitolium, aedem Pacis. Claudii monumenta
reparavit; multaque nova instituit. Per omnes terras, quae ius 9
Romanum est, renovatae urbes cultu egregio; viae operibus
maximis munitae sunt. Tunc cavati montes per Flaminiam suntio
prono transgressu, quae vulgariter Pertusa petra vocitatur. 10
Mille gentes compositae, quum ducentas aegerime reperisset, et
extinctis saevitia tyrannorum plerisque. Rex Parthiorum Volo- 11
gaesus metu solo in pacem coactus est. Syria, cui Palaestina 12
nomen est, Ciliciaque ac Thracia et Commagene, quam hodie
Augustophratensem nominamus, provinciis accessere. Indaei
quoque additi sunt. Hic, monentibus amicis, ut caveret a Me- 13
tio Pompeiano, de quo sermo percerebuerat regnatorum; Con-
sulem fecit, alludens tali cavillo: *Quandoque memor erit tanti*
beneficii. Institutum vero uniforme omni imperio tenuit. Vi- 14
gilare de nocte, publicisque actibus absolutis caros admittere;
dum salutatur, calecamenta sumens et regium vestitum. Post- 15
ea autem negotiis, quacumque advenissent, auditis, exerceri vo-
tatione, deinde requiescere; postremo, ubi lavisset, remissione
animi convivium curabat. Plura dicere studium coegit Impe- 16
ratoris boni, quem ab Augusti morte post annos sex et quinque
quinginta Romana respublica exsanguis saevitia tyrannorum
quasi fato; quodam, ne penitus rueret, adsecuta est. Itaque 17
annum agens vitae absque uno septuagesimum, scriis ioca, qui-
lus delectabatur, admiscens; interiit. Quippe primo quum cri-
nitum sidus apparuisset, *Istud, inquit, ad regem Persarum*
pertinet, cui capillus effusior. Deinde, ventris eluvie fessus, et
adsurgens, *Stantem, ait, Imperatorem excedere terris decet.*

Titus, vocabulo patris etiam Vespasianus dictus, matre Li-
berta, Domitilla nomine, genitus, imperavit annos duos et men-
ses duos diesque viginti. Iste a puero praeclaris studiis, pro-
bitatis, militiae, litterarum instantissime deditus, quo conten-
derit, animi et corporis muneribus ostendit. Hic ubi patriae
curam suscepit, incredibile est, quantum, quem imitabatur,
anteierit: praecipue clementia, liberalitate, honorificentia, ac
pecuniae contentu: quae eo amplius grata facerent, quod et non-
nullis a privato adhuc patris asperior, luxuriae et avaritiae
amans credebatur fore. Namque praefecturam praetorianam
patre imperante adeptus, suspectum quemque et oppositum si-
bi, immissis, qui per theatra et castris invidiosa iactantes ad
poenam poscerent, quasi criminis convictos, oppressit. In quis
Caecinam Consularem, adhibitum coenae, vixdum triclinio egres-
sum, ob suspicionem stupratae Bereniceis, uxoris suae, iugulari
iussit. Iurgia autem sub patre venundata, rapinarnm cupidum:
unde, Neronem cuncti opinantes vocantesque, summam rerum
nactum graviter acceperant. Sed haec in melius conversa adeo
ei immortalem gloriam contulere, ut *deliciae atque amor huma-
ni generis* appellaretur. Denique ut subit pondus regiam, Be-
renicem, nuptias suas sperantem, regredi domum, et enervato-
rum greges abire praecipit. Quo facto, quasi signum protulit
mutatae intemperantiae. Dehinc quum donata concessavet a
prioribus principibus firmare insequentes solerent, simul impe-
rium cepit, talia possidentibus edicto sponte cavit. Quadam
etiam die, recordans vesperi nihil se cuiquam praestitisse, ve-
nerando coelestique dicto, *Amici*, ait; *perdidimus diem*: quod
loerat magnificae liberalitatis. Clementiam vero usque eo perdu-
xit, ut, amplissimi ordinis duo quum adversus eum coniuras-
sent, neque abnuere cogitatum scelus quirent, monuerit primo:
post, deductos in spectaculum, [se] utrumque adsidere iusserit;
petitoque ex industria mirmillonum, quorum pugnae visabantur,
gladio, quasi ad explorandam aciem, uni atque alteri commise-
rit: quibus percussis et constantiam mirantibus diceret, *Vide-
tisne, potestates fato dari, frustra quoque tentori facinus potiundum*
ispe vel amittendi metu? Fratrem quoque Domitianum, parati-
tem insidias, militumque animos sollicitantem, flets saepius
obtestatus est, ne parricidio adaequi cuperet, quod et se volente
esset obventurum ei, et iam haberet, quum sit particeps pote-
statis. Huius tempore mons Vesuvius in Campania ardere coe-
pit: incendiumque Romae sine nocturna requie per triduum
fuit. Lues quoque, quanta vix unquam antea, fuit. Quibus
tamen malis, nullo vexato, pecunia propria subvenit, cunctis
remediorum generibus, nunc aegrotantes per semetipsum refici-
ens, nunc consolans suorum mortibus afflictos. Vixit annos
quadraginta unum: et in eodem, quo pater, apud Sabinos agro,
febri interiit. Huius mors, credi vix potest, quantum luctus

Urbi provinciisque intulerit, adeo ut eam delicias publicas, sicut diximus, appellantes, quasi perpetuo custode orbatum terrarum orbem deflerent.

CAPUT XI.

T. FLAV. DOMITIANUS.

Domitianus, Vespasiani et Domitillae libertae filius, germanus Titi, imperavit annos quindecim. Ille primo clementiam simulans, neque adeo iners domi, belloque tolerantior videbatur: ideoque Catos Germanosque devicit; ius aequissime dedit. Romae multa aedificia vel coepta, vel a fundamentis construxit. Bibliothecas, incendio consumtas, petitis undique, praesertim Alexandria, exemplis, reparavit. Sagittarum tam doctus fuit, ut inter patentes digitos extentae manus viri procul positi spicula transvolarent. Dehinc atrox caedibus, honorum supplicia agere coepit; ac, more C. Caligulae, Dominum sese Deumque dici coegit: segnisque ridicule, remotis omnibus, muscarum agmina persequabatur. Furens libidine: cuius foedum exercituum Graecorum lingua *κλυοναλην* vocabat. Hinc percontanti cuidam, quisquisme in palatio esset, responsum: *Ne musca quidem*. His eius saevitiis, ac maxime iniuria verborum, qua scortum vocari dolebat, accensus Antonius, curans Germaniam superiorem, imperium corripuit. Quo per Norbanum Appiumque acie strato, Domitianus longe tetrior, in omne hominum genus, etiam in suos, ferarum more grassabatur. Igitur metu crudelitatis et conscientiae suae coniuravere plerique, impulsoribus Parthenio, procurante cubiculum, et Stephano, et, tum ob fraudem interceptae pecuniae supplicium suspectante, Clodiano, adscita etiam in consilium tyranni uxore Domitia, ob amorem Paridis histrionis a principe cruciatus formidante. Domitianum multis vulneribus confodiunt, post annum quintum et quadagesimum vitae. At Senatus gladiatoris more funus efferr, radendumque nomen decrevit. Huius tempore saeculares ludi celebrati sunt. Hactenus Romae, seu per Italiam orti imperium rexere: hinc advenae. Unde compertum est, urbem Romam externorum virtute crevisse. Quid enim Nerva prudentius aut moderatius? quid Traiano divinius? quid praestantius Hadriano?

CAPUT XII.

COCCEIUS NERVA.

Cocceius Nerva, oppido Narniensi genitus, imperavit menses sedecim, dies decem. Iste quum imperium suscepisset, mox a rumore orto, vivere atque adfore Domitianum, perinde trepidavit, ut colore mutato, verbis amissis, vix consisteret. Sed a Parthenio confirmatus, recepta fiducia, ad solemne delinquentum conversus est. Qui quum in curiam a Senatu gratanter exceptus esset, solus ex omnibus Arrius Antonius, vir acer eique amicissimus, conditionem imperantium prudenter exprimens,

amplexus eum, gratulari se ait Senatui et populo provinciisque;
 ipsi autem nequaquam, cui satius fuerat, malos semper princi-
 pes eludere, quam tanti oneris vim sustentem, haud molestiis
 modo et periculis subiici, sed famae etiam inimicorum pariter
 et amicorum: qui quum se mereri omnia praesumunt, si quid-
 quam non extorserint, atrociore sunt ipsis quoque hostibus.
 4 Iste, quidquid antea poenae nomine tributis accesserat, indul-
 sit; afflictas civitates relevavit; puellas puerosque natos paren-
 5 tibus egestosis sumtu publico per Italiae oppida ali iussit. Hic
 ne accessu malevolorum terreretur, Iunii Maurici constantis viri
 dicto ita admonetur. Qui, convivio familiari adhibitus, quum
 Veientonem, consulari honore functum quidem apud Domitia-
 num, tamen multis occultis criminationibus persecutum, adesse
 vidisset; inter colloquia, mentione Catulli facta, calumniatoris
 praecipui, dicente Nerva, quid nunc faceret, si Domitiano su-
 6 pervixisset? *Nobiscum*, inquit Mauricus, *coenaret*. Hic iur-
 giorum disceptator [dispensator] et scientissimus et frequens
 7 fuit. Calpurnium Crassum, promissis ingentibus animos militum
 pertentantem, detectum confessumque, Tarentum cum uxore
 removit, Patribus lenitatem eius increpantibus. Quumque in-
 terfectores Domitiani ad exitium poscerentur, tantum est con-
 sternatus, ut neque vomitum neque impetum ventris valuerit
 differre: et tamen vehementer obstitit, dictitans, aequius esse
 mori, quam auctoritatem imperii foedare, proditis potentiae
 8 sumendae auctoribus. Sed milites, neglecto principe, requis-
 tos, Petronium uno ictu, Parthenium vero dentis prius geni-
 talibus et in os coniectis, iugulavere, redempto magnis sumtibus
 Casperio; qui scelere tam truci insolentior, Nervam compulsit
 referre apud populum gratias militibus, quia nefandos pessi-
 9 mosque omnium mortalium peremissent. Hic Traianum in liberi
 locum inque partem imperii cooptavit: cum quo tribus vixit
 10 mensibus. Qui dum, suggerente ira, voce quam maxima contra
 quendam Regulum nomine inclamaret, sudore correptus est.
 11 Quo refrigescnte, horror corporis nimius initia febri praebuit,
 12 nec multo post vitam finivit, anno aetatis sexagesimo tertio. Cu-
 ius corpus a Senatu, ut quondam Augusti, honore delatum, in
 sepulchro Augusti sepultum est. Eoque die, quo interijt, solis
 defectio facta est.

CAPUT XIII.

ULPIUS TRAIANUS.

Ulpus Traianus, ex urbe Tuderina, Ulpus ab avo dictus,
 Traianus a Traio patris generis auctore, vel de nomine Tra-
 1 iani patris sic appellatus, imperavit annis viginti. Iste talem se
 Reipublicae praebuit, qualem vix aegreque exprimere valuerint
 3 summorum scriptorum miranda ingenia. Hic imperium apud
 Agrippinam, nobilem Galliae coloniam, suscepit, habens dili-
 4 gentiam in re militari, in civilibus lenitatem, in sublevandis
 principibus expectentur, sanctitas domi, in armis fortitudo,

utrobique prudentia; tantus erat in eo maximarum rerum mo-
 dus, ut quasi temperamento quodam miscuisse videretur, nisi
 quod cibo vinoque paullulum deditus erat. Liberalis in amicos, 5
 et tanquam vitae conditione par, societatibus perfrui. Hic ob 6
 honorem Sarae, cuius studio imperium arripuerat, lavacra con-
 didit. De quos supervacaneum videtur cuncta velle nominatim 7
 promere, quum satis sit, exultum atque emendatum dixisse.
 Fuit enim patiens laboris, studiosus optimi cuiusque ac belli- 8
 cosi: magis simpliciora ingenia aut eruditissimos, quamvis ipse
 parcae esset scientiae, moderateque eloquens, diligebat. Iusti- 9
 tiae vero ac iuris humani divinique tam repertor novi, quam
 inveterati custos. Quae omnia eo maiora visebantur, quo, per 10
 multos atque atroces tyrannos perditio atque prostrato statu Ro-
 mano, in remedium tantorum malorum divinitus credebatur
 opportune datus; usque eo, ut adveniens imperium eius plera-
 que mirifica denuntiaverint. In quis praecipuum, cornicem e
 fastigio Capitolii Atticis sermonibus effatam esse, καλῶς ἵσταται.
 Huius exusti corporis cineres relati Romam, humatique Traianus
 foro sub eius columna; et imago superposita, sicuti triumphan-
 tes solent, in Urbem ivecta, Senatu praecedente et exercitu. Eo- 11
 tempore multo perniciosius, quam sub Nerva, Tiberis inundavit,
 magna elade acdium proximarum; et terrae motus gravis
 per provincias multas, atroxque pestilentia, famesque, et in- 12
 cendia facta sunt. Quibus omnibus Traianus per exquisita re- 13
 media plurimum opitulatus est; statuens, ne domorum altitudo
 sexaginta superaret pedes, ob ruinas faciles, et sumtus, si quando
 talia contingerent, exitiosos. Unde merito Pater patriae dictus 14
 est. Vixit annos sexaginta quatuor.

CAPUT XIV.

AELIUS HADRIANUS.

Aelius Hadrianus, stirpis Italicae, Aelio Hadriano, Traiani
 principis consobrinus, Adriae orto, genitus, quod oppidum agri
 Piceni etiam mari Adriatico nomen dedit, imperavit annis vi-
 ginti duobus. Hic, Graecis litteris impensius eruditus, a ple-
 risque Graeculus appellatus est. Atheniensium studia moresque
 hausit, potitus non sermone tantum, sed et ceteris disciplinis,
 canendi, psallendi, medendique scientia, musicus, geometra,
 pictor, fictorque ex aere vel marmore proximo Polycleto et
 Euphranoro. Proinde omnino ad ista et facetus, ut elegantius
 umquam raro quidquam humanae res expertae videantur. Me- 5
 mor supra quam cuiquam credibile est, locos, negotia, milites,
 absentes quoque, nominibus recensere. Immensi laboris, quip- 4
 pe qui provincias omnes passibus circuevit, agmen comitantium
 praevergens, quum oppida universa restitueret, augeter ordinibus.
 Namque ad specimen legionum militarium, fabros, per- 5
 pendiculatores, architectos, genusque cunctum extruendorum
 moenium, seu decorandorum, in cohortes centuriaverat. Varius, 6
 multiplex, multiformis: ad vitia atque virtutes quasi arbiter

genitus, impetum mentis quodam artificio regens, ingenium invidum, triste, lascivum, et ad ostentationem sui insolens callide tegebat; continentiam, facilitatem, elementiam simulans, 7 contraque dissimulans ardorem gloriae, quo flagrabat. Acer nimis ad lacesseundum pariter et respondendum seriis, ioco, maledictis: referre carmen carmini, dictum dictui; prorsus ut 8 meditatum crederes adversus omnia. Huius uxor Sabina, dum prope servilibus iniuriis addicitur, ad mortem voluntariam compulsa. Quae palam iactabat, se, quod immaue ingenium probavisset, elaborasse, ne ex eo ad humani generis perniciem 9 gravidaretur. Hic morbo subcutaneo, quem diu placide pertulerat, victus, dolore ardens, impatiensque, plures e Senatu 10 extinxit. A regibus multis pace occultis muneribus impetrata, iactabat palam, plus se otio adeptum, quam armis ceteros. 11 Officia sane publica et palatina, nec non militiae, in eam formam statuit, quae, paucis per Constantinum immutatis, hodie 12 perseverant. Vixit annos sexaginta duos: dehinc miserabili exitu consumtus est, cruciatu membrorum fere omnium confectus, in tantum, ut crebro sese interficiendum ministrorum fidissimis preceus offerret; ac ne in semetipsam saeviret, custodia carissimorum servaretur.

CAPUT XV.

ANTONINUS PIUS.

Antoninus Fulvius, seu Boionius dictus, postea etiam Pius 1 cognominatus, imperavit annos viginti tres. Iste ab Hadriano in filium adoptatus, cuius gener fuerat, tantae bonitatis in principatu fuit, ut haud dubie sine exemplo vixerit. Quamvis eum 3 Numae contulerit aetas sua, quum orbem terrae nullo bello per annos viginti tres auctoritate sola rexerit, adeo trementibus eum atque amantibus cunctis regibus nationibusque et populis, ut parentem seu patronum magis, quam dominum Imperatoremve reputarent; omnesque [uno ore] in coelestium morem propitium 4 optantes, de controversiis inter se iudicem poscerent. Qui etiam Iudi, Bactriani, Hyrcani legatos misere, iustitia tanti 5 Imperatoris comperta, quam ornabat vultus serietate pulchra, [vultu serie pulchro.] procerus membra, decenter validus. Priusquam salutandus prodiret, degustans panis aliquantulum, ne, 6 frigescente circum praecordia per ieiunium sanguine, viribus exesis interciperetur, eoque actui publicorum minime sufficeret, quae incredibili diligentia ad speciem optimi patrisfamilias exaequebatur. Appetentia gloriae carens, et ostentatione: adeo 7 mansuetus, ut instantibus Patribus ad eos, qui contra eum conluraverant, persequendos, compresserit quaestionem, praefatus, necesse non esse, sceleris in semetipsum cupidos pertinacius 8 indagari, ne, si plures reperirentur, quantis odio esset, inteligeretur. Igitur apud Lorios, villa propria, militibus passuum 9 duodecim ab Urbe, febris paucorum dierum, post tres atque

tem mitis fuit, ut, quum ob inopiae frumentariae suspicionem lapidibus a plebe Romana perstringeretur, maluerit ratione exposita placare, quam ulcisci seditionem.

CAPUT XVI.

M. AURELIUS ANTONINUS ET L. VERUS.

Marcus Aurelius Antoninus imperavit annos decem et octo. Iste virtutum omnium, coelestisque ingenii exstitit, aerumnis-
que publicis quasi defensor obiectus est. Etenim nisi ad illa tempora natus esset, profecto quasi uno lapsu ruissent omnia
status Romani. Quippe ab armis nusquam quies erat; perque
omnem Orientem, Illyricum, Italiam, Galliamque bella ferve-
bant: terrae motus non sine interitu civitatum, inundationes
fluminum, lues crebrae, locustarum species agris infestae, prorsus
ut prope nihil, quo summis angoribus atteri mortales solent,
dici seu cogitari queat, quod non illo imperante saevierit. Cre-
do divinitus attributum, ut, dum mundi lex seu natura, aliudve
quid hominibus incognitum, gignit, rectorum consiliis, tamquam
medicinae remediis, leniantur. Is propinquum suum, Lucium
Annum Verum, ad imperii partem novo benevolentiae genere
adscivit. Qui Verus, inter Altinum atque Concordiam iter faciens,
ictu sanguinis, quem morbum Graeci ἀπὸ πλῆθους vocant,
undecimo imperii anno exstinctus est. Carminum, maxime tra-
gicorum, studiosus, ingenii asperi atque lascivi. Post cuius
obitum Marcus Antoninus Rempublicam solus tenuit: a principio
vitae tranquillissimus, adeo, ut ab infantia vultum nec ex gaudio
nec ex moerore mutaverit: philosophiae studens, litterarumque
Graecarum [peritissimus]. Hic permisit viris clarioribus,
ut convivia eodem cultu, quo ipse, et ministris similibus exhiberent.
Hic quum, serario exhausto, largitiones, quas militibus
impenderet, non haberet, neque indicare provincialibus
aut Senatui aliquid vellet, instrumentum regii cultus, facti in
foro Traiani sectione, distraxit, vasa aurea, poecila crystallina
et murrhina, nxoriam ac suam sericam et anream vestem, multa
ornamenta gemmarum: ac per duos continuos menses venditio
habita est, multumque auri redactum. Post victoriam tamento
emtoribus pretia restituit, qui reddere comparata voluerunt;
molestus nulli fuit, qui maluit semel einta retinere. Hufus tem-
pore Cassius tyrannidem arripieus, exstinctus est. Ipse vitae
anno quinquagesimo nono apud Vendobonam morbo consumtus
est. De cuius morte nuntio Romam pervecto, confusa luctur
publico Urbe, Senatus in curia, veste tetra amictus, lacrimans
convenit. Et quod de Romulo aegre creditum est, omnes parit
consensu praesumserunt, Marcum coelo receptum esse. Ob cuius
honorem templa, columnae, multaque alia decreta sunt.

CAPUT XVII.

L. AURELIUS COMMODUS.

Aurelius Commodus, Marci Antonini filius, Antoninus et ipse
dictus, imperavit annos tredecim. Hic qualis futurus esset, in

ipso primordio ostendit. Nam quum in supremis moneretur a parente, attritos iam barbaros ne permitteret vires recipere; respondit, ab incolumi quamvis paullatim negotia perfici posse, a mortuo nihil. Saevior omnibus libidine atque avaritia, crudelitate: nulli fidus: magisque in eos atrox, quos amplissimis honoribus donisque ingentibus extulerat. In tantum depravatus, ut gladiatoris armis saepissime in amphitheatro dimicaverit. Huic Marcia, generis libertini, forma tamen meretriciisque artibus pollens, quum animum eius penitus devinxisset, egresso e balneo veneni poculum obtulit. Ad extremum, ab immisso validissimo palaestra compressis faucibus, expiravit, anno vitae tricesimo secundo.

CAPUT XVIII.

P. HELVIUS PERTINAX.

Helvius Pertinax imperavit dies octoginta quinque. Isto coactus repugnansque imperium suscipiens, tale cognomentum sortitus est. Origine ortus sordida, praefecturam Urbi agens, Imperator effectus, scelere Iuliani multis vulneribus obtruncatur, annos natus septem atque sexaginta. Huius caput tota Urbe circumvectum est. Hoc exitu obiit vir ad humanae conversationis exemplum per laboris genera universa ad summa proventus, usque eo, ut fortunae vocaretur pila. Nam libertino genitus patre, apud Ligures in agro squalido Lollii Gentiani, cuius in praefectura quoque clientem se esse libentissime fatebatur, fuit doctor litterarum, quae a Grammaticis traduntur. Blandus magis, quam beneficus: unde eum Graeco nomine *χαριστολόγον* appellavere. Numquam iniuria accepta ad ulciscendum ductus. Amabat simplicitatem; communem se assatu, convivio, incessu praebebat. Huic mortuo Divi nomen decretum est: ob cuius laudem ingeminatis, ad vocis usque defectum, plausibus acclamatum est, *Pertinace imperante securi victimus, neminem timuimus: patri pio, patri Senatus, patri omnium bonorum.*

CAPUT XIX.

DIDIUS IULIANUS.

Didius Iulianus, ortu Mediolanensis, imperavit mensibus septem. Vir nobilis, iure peritissimus, factiosus, praeceps, regni avidus. Hoc tempore Niger Pescennius apud Antiochiam, in Pannoniae Sabaria Septimius Severus, creantur Augusti. Ab hoc Severo Iulianus in abditis palatii balneas ductus, extenta damnatorum modo cervice, decollatur, caputque eius in rostris ponitur.

CAPUT XX.

SEPTIMIUS SEVERUS.

Septimius Severus imperavit annos decem et octo. Hic Pescennium interemit, hominem omnium tarpitudinum. Sub eo

etiam Albinus, qui in Gallia se Caesarem fecerat, apud Lugdunum occiditur. Hic Severus filios suos successores reliquit, Bassianum et Getam. Hic in Britannia vallum per triginta duos passuum millia a mari ad mare deduxit. Fuit bellicosissimus omnium, qui ante eum fuerunt. Acer ingenio, ad omnia, quae intendisset, in finem perseverans. Benevolentia, quo inclinasset, mirabili ac perpetua. Ad quaerendum diligens, ad largiendum liberalis. In amicos inimicosque pariter vehemens; quippe qui Lateranum, Cilonem, Anulinum, Bassum, ceterosque alios distaret, aedibus quoque memoratu dignis, quarum praecipuas videmus, Parthorum quae dicuntur ac Laterani. Hic nulli in dominatu suo permisit honores venundari. Latinis litteris sufficienter instructus: Graecis sermonibus eruditus. Punica eloquentia promptior, quippe genitus apud Leptim provinciae Africae. Is dum membrorum omnium, maxime pedum, dolorem pati nequiret, veneni vice, quod ei negabatur, cibum gravis ac plurimae carnis avidius invasit: quem quum conficere non posset, cruditate pressus, expiravit. Vixit annos sexaginta quinque.

CAPUT XXI.

AUR. ANTONINUS CARACALLA.

Aurelius Antoninus Bassianus Caracalla, Severi filius, Lugduni genitus, imperavit solus annos sex. Hic Bassianus ex avi materni nomine dictus est. At quum e Gallia vestem plurimam decessisset, talaresque caracallas fecisset, coegissetque plebem ad se salutandum indutam talibus introire, de nomine huiusce vestis Caracalla cognominatus est. Hic fratrem suum Getam peremit: ob quam causam furore poenas dedit Dirarum insectatione, quae non immerito ultrices vocantur; a quo post furore convaluit. Hic, corpore Alexandri Macedonis conspecto, Magnum atque Alexandrum se iussit appellari, adstantium fallacis eo perductus, ut truci fronte, et ad laevum humerum conversa cervice, quod in ore Alexandri notaverat, incedens, fidem vultus simillimi persuaderet sibi. Fuit impatiens libidinis, quippe qui novercam suam duxit uxorem. Quum Carras iter faceret, apud Edessam secedens ad officia naturalia, a milite, qui quasi ad custodiam sequebatur, interfectus est. Vixit annos fere triginta. Corpus eius Romam relatum est.

CAPUT XXII.

MACRINUS ET DIADUMENUS.

Macrinus cum Diadumeno filio, ab exercitu Imperatores creati, imperaverant menses quatuordecim; et ab eodem exercitu obtruncantur pro eo, quia Macrinus militarem luxuriam stipendiaque profusiora comprimeret.

CAPUT XXIII.

AUR. ANTONINUS VARIUS HELIOGABALUS.

Aurelius Antoninus Varius, idem Heliogabalus dictus, Cara-

- callae ex Soemen consobrina, occulte stuprata, filius, imperavit
 2 biennio et mensibus octo. Huius matris Soemae avus, Bassianus nomine, fuerat Solis sacerdos; quem Phoenices, unde erat, Heliogabalum nominabant, a quo iste Heliogabalus dictus est.
 3 Is quum Romam ingenti militum et Senatus expectatione venisset, probris se omnibus contaminavit. Cupiditatem stupri, quam adsequi naturae defectu nondum poterat, in se convertens, muliebri nomine Bassianam se pro Bassiano iusserat appellari. Vestalem virginem quasi matrimonio iungens sno, abscisisque genitalibus, Matri se Magnae sacravit. Hic Marcellum, qui post
 4 Alexander dictus est, consobrinum suum, Caesarem fecit. Ipse
 5 tumultu militari interfectus est. Huius corpus per Urbis vias, more canini cadaveris, a militibus tractum est, militari cavillo appellantium indomitae rabidaeque libidinis catulam. Novissime quum angustum foramen cloacae corpus minime reciperet, usque ad Tiberim deductum, adiecto pondere, ne unquam emergeret,
 7 in fluvium proiectum est. Vixit annos sedecim: atque ex re, quae acciderat, Tiberinus Tractitiusque appellatus est.

CAPUT XXIV.

SEVERUS ALEXANDER.

- Severus Alexander imperavit annos tredecim. Hic bonus Reipublicae, fuit aerumnosus. Sub hoc imperante Taurinus Augustus effectus, ob timorem ipse se Euphrate fluvio abiecit. Tunc etiam Maximinus regnum arripuit, pluribus de exercitu corruptis.
 4 Alexander vero quum deseri se ab stipulatoribus vidisset, matrem sibi causam fuisse mortis exclamans, accurrenti percussori, obvolato capite, eervices valide compressas praebuit,
 5 anno vitae vicesimo sexto. Huius mater Mammaea eo filium coegerat, ut illa ipsa permodica, si mensae prandioque superessent, quamvis [alteri] convivio, reponerentur.

CAPUT XXV.

IULIUS MAXIMINUS.

- Iulius Maximinus Thrax, ex militaribus, imperavit annos tres.
 2 Is dum persequitur pecuniosos, insontes pariter noxiosque, [apud Aquileiam] seditione militum discerptus est una cum filio, conclamantibus cunctis militari loco, ex pessimo genere ne catulum habendum.

CAPUT XXVI.

GORDIANI, PATER ET FILIUS, PUPPIENUS ET BALBINUS.

- Huius imperio duo Gordiani, pater et filius, principatum arripientes, unus post unum interfieri. Pari etiam tenore Puppienus et Balbinus, regnum invadentes, perempti sunt.

CAPUT XXVII.

GORDIANUS NEPOS.

- Gordianus, nepos Gordiani ex filia, ortus Romae clarissimo

patre, imperavit annos sex. Apud Ctesiphontem, a Philippo, a Praefecto praetorio, accensis in seditionem militibus, occiditur anno vitae undevicesimo. Corpus eius prope fines Romani Persicique imperii positum, nomen loco dedit; Sepulcrum Gordiani.

CAPUT XXVIII.

MARCUS IULIUS PHILIPPUS.

Marcus Iulius Philippus imperavit annos quinque. Veronae ab exercitu interfectus est, medio capite supra ordines dentium praeciso. Filius autem eius, Caius Iulius Saturninus, quem potentiae sociaverat, Romae occiditur, agens vitae annum duodecimum: adeo severi et tristis animi, ut iam tum a quinquennii aetate nullo prorsus cuiusquam commento ad ridendum solvi potuerit; patremque, ludis saecularibus petulantius cachinnantem, quamquam adhuc tener, vultu notaverit aversato. Is Philippus humillimo ortus loco fuit, patre nobilissimo latronum ductore.

CAPUT XXIX.

DECIVS.

Decius e Pannonia inferiore, Buballae natus, imperavit menses triginta. Hic Decium filium suum Caesarem fecit; vir artibus cunctis virtutibusque instructus, placidus et communis domi, in armis promptissimus. In solo barbarico inter confusas turbas gurgite paludis submersus est, ita ut nec cadaver eius potuerit inveniri. Filius vero eius bello extinctus est. Vixit annos quinquaginta. Huius temporibus Valens Lucilianus Imperator effectus est.

CAPUT XXX.

VIBIUS GALLUS, VOLUSIANUS ET HOSTILIANUS.

Vibius Gallus cum Volusiano filio imperaverunt annos duos. Horum temporibus Hostilianus Perpetua a Senatu Imperator creatus, nec multo post pestilentia consumtus est.

CAPUT XXXI.

AEMILIANUS.

Sub his etiam Aemilianus in Moesia Imperator effectus est; contra quem ambo profecti, apud Interamniam ab exercitu suo caeduntur, anno aetatis pater septimo circiter et quadragesimo, creati in insula Meninge, quae nunc Girba dicitur. Aemilianus vero mense quarto dominatus, apud Spoletium, sive pontem, quem ab eius caede Sanguinarium accepisse nomen ferunt, inter Oriculum Narniamque, Spoletium et urbem Romam regione media positum. Fuit autem Maurus genere, pugnax, nec tamen praeceps. Vixit annis tribus minus quinquaginta.

CAPUT XXXII.

LICINIUS VALERIANUS, GALLIENUS, CUM TYRANNIS.

Licinius Valerianus, cognomento Colobius, imperavit annos quindecim, parentibus ortus splendidissimis, stolidus tamen, et multum iners, neque ad usum aliquem publici officii consilio seu gestis accommodatus. Hic filium suum Gallienum Augustum fecit, Gallienique filium, Cornelium Valerianum, Caesarem. His imperantibus Regillianus in Moesia, Cassius Latienus Postumus in Gallia, Gallieni filio interfecto, Imperatores effecti sunt. Pari modo Aelianus [Laelianus] apud Moguntiacum, in Aegypto Aemilianus, apud Macedonas Valens, Mediolani Aureolus dominatum invasere. Valerianus vero in Mesopotamia bellum gerens, a Sapore Persarum rege superatus, mox etiam captus, apud Parthos ignobili servitute consenuit. Nam quamdiu vixit, rex eiusdem provinciae, incurvato eo, pedem cervicibus eius imponens, equum conscendere solitus erat.

CAPUT XXXIII.

GALLIENUS.

Gallienus quidem in loco Cornelii filii sui Salonianum, alterum filium, subrogavit, amoris diverso pellicum deditus, Saloninae coniugis, et concubinae, quam per pactionem, concessa parte superioris Pannoniae, a patre, Marcomannorum rege, matrimonii specie susceperat, Pipam nomine. Novissime adversus Aureolum profectus est. Quem quum apud pontem, qui ex eius nomine Aureolus appellatur, obtentum detrusumque Mediolanum obsedit, eiusdem Aureoli commento a suis interijt. Regnavit annos quindecim, cum patre septem, solus octo. Vixit annos quinquaginta.

CAPUT XXXIV.

CLAUDIUS, ET FRATER EIUS QUINTILLUS.

Claudius imperavit annis duobus. Hunc plerique putant Gordiano satum, dum adolescens a muliere matura institueretur ad uxorem. Hic Claudius Gallieni morientis sententia Imperator designatus, ad quem, Ticini positum, per Gallonium Basilium indumenta regia direxerat, extinctoque a suis Aureolo, receptis legionibus, adversum gentem Alamannorum haud procul a lacu Benaco dimicans, tantam multitudinem fudit, ut aegre pars dimidia superfuert. His diebus Victorinus regnum cepit. Claudius vero quum ex fatalibus libris, quos inspicere praeceperat, cognovisset, sententiae in Senatu dicendae primi morte remedium desiderari, Pomponio Basso, qui tunc erat, se offerente, ipse vitam suam, haud passus responsa frustrari, dono Reipublicae dedit; praefatus, neminem tanti ordinis primas habere, quam ipsum Imperatorem. Ea res sicut erat cunctis grata, non Divi vocabulum modo, sed ex auro statuum prope ipsum Iovis

simulacrum, atque in curia imaginem auream proceres sacravere. Huic successit frater eius Quintillus. Is paucis diebus imperium tenens interemptus est.

CAPUT XXXV.

AURELIANUS.

Aurelianus, genitus patre mediocri, et, ut quidam ferunt, Aurelii clarissimi Senatoris colono inter Daciam et Macedoniam, imperavit annis quinque, mensibus sex. Iste haud dissimilis fuit magno Alexandro, seu Caesari Dictatori. Nam Romanum orbem triennio ab inuasoribus recepit; quum Alexander annis tredecim per victorias ingentes ad Indiam pervenerit, et Caius Caesar decennio subegerit Gallos, adversum cives quadriennio congressus. Iste in Italia tribus proeliis victor fuit, apud Placentiam, iuxta amdem Metaurum ac fanum Fortunae, postremo Ticinensibus campis. Huius tempore apud Dalmatas Septimius Imperator effectus, mox a suis obtruncatur. Hoc tempore in urbe Roma monetarii rebellant, quos Aurelianus victos ultima crudelitate compescuit. Iste primus apud Romanos diadema capiti innexit; gemmisque et aurata omni veste, quod adhuc fere incognitum Romanis moribus viscebatur, usus est. Hic muris validioribus et laxioribus urbem sepsit. Porcinae carnis usum populo instituit. Hic Tetricum, qui Imperator ab exercitu in Galliis effectus fuerat, Correctorem Lucaniae provexit, adspargens hominem eleganti ioco, *Sublimius habendum, regere aliquam Italiae partem, quam trans Alpes regnare*. Novissime fraude servi sui, qui ad quosdam militares viros, amicos ipsius, nomina pertulit adnotat, falso manum eius imitatus, tamquam Aurelianus ipsos pararet occidere, ab iisdem interfertus est in itineris medio, quod inter Constantinopolim et Heracleam est. Fuit saevus et sanguinarius, et trux omni tempore, etiam filii sororis interfector. Hoc tempore septem mensibus interregni species evenit.

CAPUT XXXVI.

TACITUS ET FLORIANUS.

Tacitus post hunc suscepit imperium, vir egregie moratus; qui ducentesimo imperii die apud Tarsum febris moritur. Huic successit Florianus. Sed quum magna pars exercitus Equitum Probum, militiae peritum, legisset, Florianus dierum sexaginta quasi per ludum imperio usus, incisis a semetipso venis, effuso sanguine consumtus est.

CAPUT XXXVII.

PROBUS.

Probus, genitus patre agresti, hortorum studioso, Dalmatio nomine, imperavit annos sex. Iste Saturninum in Oriente,

Proculdum et Bonosum, Agrippinae Imperatores effectos, oppressit. Vineas Gallos et Pannonios habere permisit. Opere militari Alam montem apud Sirmium, et Aureum apud Moesiam superiorem, vineis conseruit. Hic Sirmii in turri ferrata occiditur.

CAPUT XXXVIII.

CARUS, CARINUS, NUMERIANUS.

Carus, Narbonae natus, imperavit annos duos. Iste confestim Carinum et Numerianum Caesares fecit. Hic apud Ctesiphonta ictu fulminis interiit. Numerianus quoque, filius eius, quum oculorum dolore correptus in lecticula veheretur, impulsore Apro, qui socer eius erat, per insidias occisus est. Quum dolo occultaretur ipsius mors, quousque Aper invadere posset imperium, foetore cadaveris scelus est proditum. Hinc Sabinus Iulianus invadens imperium, a Carino in campis Veronensibus occiditur. Hic Carinus omnibus secleribus inquinavit. Plurimos innoxios fictis criminibus occidit. Matrimonia nobilium corripuit. Condiscipulis quoque, qui eum in auditorio verbi fatigatione taxaverunt, perniciosus fuit. Ad extremum trucidatur eius praecipue Tribuni dextera, cuius dicebatur conjugem polluisse,

CAPUT XXXIX.

DIOCLETIANUS ET MAXIMIANUS HERCULIUS.

Diocletianus Dalmata, Anulini Senatoris libertinus, matre pariter atque oppido nomine Dioclea, quorum vocabulis, donec imperium sumeret, Diocles appellatus, ubi orbis Romani potentiam cepit, Graium nomen in Romanum morem convertit, imperavit annis viginti quinque. Is Maximianum Augustum effecit; Constantium et Galerium Maximianum, cognomento Armentarium, Caesares creavit, tradens Constantio Theodoram, Herculi Maximiani privignam, abiecta uxore priori. Hoc tempore Charausio in Galliis, Achilleus apud Aegyptum, Iulianus in Italia Imperatores effecti, diverso exitu periere. E quibus Iulianus, acto per costas pugione, in ignem se abiicit. Diocletianus vero apud Nicomediam sponte imperiales fasces relinquens, in propriis agris consenuit. Qui dum ab Herculo atque Galerio ad recipiendum imperium rogaretur, tamquam pestem aliquam detestans, in hunc modum respondit: *Utinam Salutaris possetis visere olera nostris manibus instituta, profecto numquam istud tentandum iudicaretis.* Vixit annos sexaginta octo, ex quibus communi habitu prope novem egit. Morte consumtus est, ut satis patuit, per formidinem, voluntaria. Quippe quum a Constantino atque Licinio vocatus ad festa nuptiarum, per senectutem, quo minus interesse valeret, excusavisset, rescriptis minacibus acceptis, quibus increpabatur Maxentio favisse, ne Maximino fore. suspectus necem dedecorosa, venenum dicitur hausisse,

CAPUT XL.

CONSTANTIUS, GALERIUS MAXIMIANUS, SEVERUS, MAXIMINUS,
MAXENTIUS, LICINIUS, ALEXANDER, VALENS.

His diebus Constantius, Constantini pater, atque Armentarius, Caesares, Augusti appellantur, creatis Caesaribus, Severo per Italiam, Maximiano, Galerii sororis filio, per Orientem: eodemque tempore Constantinus Caesar efficitur. Maxentius Imperator in villa sex millibus ab Urbe discreta, itinere Lavicano; dehinc Licinius Augustus efficitur; parique modo Alexander apud Carthaginem Imperator fit; similique modo Valens Imperator creatur, quorum exitus iste fuit. Severus ab Herculo Maximiano Romae ad Tres Tabernas exstingitur; funusque eius Gallieni sepulcro infertur, quod ab Urbe abest per Appiam millibus novem. Galerius Maximianus consumptis genitalibus defecit. Maximianus Herculius, a Constantino apud Massiliam obsessus, deinde captus, poenas dedit mortis genere postremo, fractis laqueo cervicibus. Alexander a Constantini exercitu iugulatur. Maxentius, dum adversus Constantinum congreditur, paulo superius a ponte Mulvio, in pontem navigiis compositum ab latere ingredi festinans, lapsu equi in profundum demersus est; voratumque limo, pondere thoracis corpus vix repertum. Maximinus apud Tarsum morte simplicis periit. Valens a Licinio morte mulctatur. Fuerunt autem morum huiusmodi. Aurelianus Maximianus, cognomento Herculius, ferus natura, ardens libidine, consiliis stolidus, ortu agresti Pannonioque. Nam etiam nunc haud longe Sirmio eminet locus palatio ibidem constructo, ubi parentes eius exercebant opera mercenaria. Aetate interitix sexagenarius, annorum viginti Imperator. Genuit ex Eutropia, Syra muliere, Maxentium et Faustam, coniugem Constantini; cuius patri Constantio tradiderat Theodoram privignam. Sed Maxentium suppositum ferunt arte muliebri, tenere mariti animi laborantis auspicio gratissimi partus coepti a puero. Maximianus carus nulli umquam fuit, ne patri aut socero quidem Galerio. Galerius autem fuit, licet inculta agrestique iustitia, satis laudabilis, pulcher corpore, eximius et felix bellator, ortus parentibus agrariis, pastor armentorum; unde ei cognomen Armentarius fuit. Ortus Dacia Ripensi, ibique semipultus est: quem locum Romulianum ex vocabulo Romulae matris appellarat. Is insolenter affirmare ausus est, matrem, more Olympiadis, Alexandri Magni creatricis, compressam dracone semet concepisse. Galerius Maximinus, sorore Armentarii progenitus, veroque nomine ante imperium Dacia dietus, Caesar quadriennio, dehinc per Orientem Augustus triennio fuit; ortu quidem atque instituto pastorali, verum sapientissimus cuiusque ac litterarum cultor, ingenio quieto, vini avidior. Quo ebrius, quaedam corrupta mente aspera iubebat: quod quum pigret factum, disferri, quae praecepisset, in tempus sobrium ac matutinum statuit. Alexander fuit Phryx origine, ingenio timidus, inferior adversus laborem vitio senectutis aetatis.

CAPUT XLI.

CONSTANTINUS, LICINIUS, CRISPUS, CONSTANTINUS, LICINIANUS,
 MARTINIANUS, CONSTANTIUS, CONSTANS, DELMATIUS,
 ANIBALIANUS, MAGNENTIUS, VETRANIO.

His omnibus absumtis, imperii iura penes Constantinum et
 2 Licinium devenere. Constantinus, Constantii Imperatoris et
 Helenae filius, imperavit annos triginta. Hic dum iuenculus a
 Galerio in urbe Roma religionis specie obses teneretur, fugam
 arripens, atque ad frustrandos insequentes, publica iumenta,
 quaque iter egerat, interfecit, et ad patrem in Britanniam per-
 venit: et forte iisdem diebus ibidem Constantium parentem facta
 3 ultima perurgebant. Quo mortuo, cunctis, qui aderant, adoi-
 tentibus, sed praecipue Eroco, Alamannorum rege, auxilii gra-
 4 tia Constantium comitato, imperium capit. Hic sororem suam
 Constantiam Licinio, Mediolanum accito, coniungit: filiumque
 suum, Crispum nomine, ex Minervina concubina susceptum,
 item Constantinum, iisdem diebus natum oppido Arelatensi,
 Licinianumque, Licinii filium, mensium fere viginti, Caesares
 5 effecit. Verum enimvero, ut imperia difficile concordiam custo-
 diunt, discidium inter Licinium Constantinumque exoritur: pri-
 mumque apud Cibalas iuxta paludem, Hiuleam nomine, Con-
 stantium nocte castra Licinii irruumpente, Licinius fugam petiit;
 6 Byzantiumque fuga volucris pervenit. Ibi Martinianum, officio-
 7 rum magistrum, Caesarem creat. Dehinc Constantinus, acie
 potior, apud Bithyniam adegit Licinium, pacta salute, indu-
 mentum regium offerre per uxorem. Inde Thessalonicam mis-
 8 sum, paulo post eum Martinianumque iugulari iubet. Hic Li-
 cinius annum dominationis fere post quartumdecimum, vitae
 proxime sexagesimum, occidit: avaritiae cupidine omnium pes-
 simus, neque alienus a luxu venerio, asper admodum, laud
 mediocriter impatiens, infestus litteris, quas per inscitiam im-
 modicam virus ac pestem publicam nominabat, praecipue foren-
 9 sem industriam. Agraribus plane ac rusticantibus, quia ab eo
 genere ortus altusque erat, satis utilis; ac militiae custos ad
 10 vcterum instituta severissimus. Spadonum et aulicorum omnium
 11 vehemens domitor, tineas soricesque palatii eos appellans. At
 Constantinus, obtento totius Romani imperii mira bellorum se-
 licitate regimine, Fausta coniuge, ut putant, suggerente, Cri-
 12 spum filium necari iubet. Dehinc uxorem suam Faustam, in
 balneas ardentes coniectam, interemit, quum eum mater Helena
 13 dolore nimio nepotis increparet. Fuit vero ultra, quam aesti-
 mari potest, laudis avidus. Hic Traianum herbam parietariam,
 ob titulos multis aedibus inscriptos, appellare solitus erat. Hic
 14 pontem in Danubio construxit. Habitum regium gemmis et
 caput exornans perpetuo diademate, Commodissimus tamen re-
 bus multis fuit: calumnias sedare legibus severissimis; nutrire
 artes bonas, praecipue studia litterarum; legere ipse, scribere,
 15 meditari, audire legationes et querimonias provinciarum. Quum-
 que, liberis filioque fratris Dalmatio Caesaribus confirmatis, tres
 et sexaginta annos vixisset, ex quibus dimidius ita, ut tredecim

solus imperaret, morbo consumtus est. Irrisor potius, quam
 blandus. Unde proverbio vulgari Trachala, decem annis prae-
 stantissimus, duodecim sequentibus latro, decem novissimis pu-
 pillus ob profusiones immodicas nominatus. Corpus sepultum
 in Byzantio, Constantinopoli dieta. Quo mortuo Delmatius mi-
 litum vi necatur. Ita ad tres orbis Romani redacta dominatio
 est, Constantino et Constantio ac Constante, filiis Constantini.
 Hi singuli has partes regendas habuerunt; Constantinus iunior
 cuncta trans Alpes; Constantius a freto Propontidis, Asiam at-
 que Orientem; Constans Illyricum, Italiamque et Africam,
 Dalmatiam, Thraciam Macedoniamque, et Aethiopiā; Anibali-
 nus, Delmatii Caesaris consanguineus, Armeniam nationesque
 circum socias. Interim ob Italiae Africaeque ius dissentire sta-
 tim Constantinus et Constans. Constantinus latrocinii specie dum
 incautus foedeque temulentus in aliena irruit, obtruncatus est,
 proiectusque in fluvium, cui nomen Elsa est, non longe ab
 Aquileia. Constans vero venandi cupidine dum per silvas sal-
 tusque erraret, conspiravere aliquanti militares in eius necem,
 auctoribus Chrestio et Marcellino, simulque Magnentio: qui ubi
 patrandi negotii dies placuit, Marcellinus, natalem filii simulans,
 plerosque ad coenam rogat. Itaque in multam noctem convivio
 celebrato, Magnentius, quasi ad ventris solita secedens, habitum
 venerabilem capit. Ea re cognita, Constans fugere conatus,
 apud Helenam, oppidum Pyrenaeo proximum, a Gaisone cum
 lectissimis misso interficitur anno tertio decimo Augustae domi-
 nationis, (nam Caesar triennio fuerat) aevi septimo vicesimoque.
 Hic fuit debilis pedibus manibusque, articulorum dolore; fortu-
 natus coeli temperie, fructuum proventu, nulla a barbaris for-
 midine: quae profecto maiora fierent, si provinciarum rectores
 non pretio, sed iudicio provexisset. Huius morte cognita, Ve-
 trano, Magister militum, imperium in Pannonia apud Mursiam
 corripuit: quem Constantius non post multos dies regno exiit,
 grandaevae aetati non vitam modo, sed etiam voluptarium otium
 concedens. Fuit autem prope ad stultitiam simplicissimus.

CAPUT XLII.

GALLUS, DECENTIUS, NEPOTIANUS, SILVANUS, ET IULIANUS.

Constantius Gallum fratrem patruelem Caesarem pronuntiat,
 sororem Constantinam illi coniungens. Magnentius quoque De-
 centium, consanguineum suum, trans Alpes Caesarem ereavit.
 His diebus Romae Nepotianus, Eutropiae Constantini sororis
 filius, hortantibus perditis, Augusti nomen rapit: eum octavo
 die vicesimoque Magnentius oppressit. Hoc tempore Constanti-
 us, cum Magnentio apud Mursiam dimicans, vicit. In quo bello
 paene nusquam amplius Romanae consumtae sunt vires, totius-
 que imperii fortuna pessumdata. Dehinc quum se Magnentius
 in Italiam recepisset, apud Ticinum plures fudit, incautius, et,
 ut in victoria solet, audacius persequentes. Nec multo post
 apud Lugdunum coangustatus, gladio occulte proviso, ictum
 pulsu parietis iuvans, transosso latere, ut erat vasti corporis,

vulnere naribusque et ore cruorem effundens, mense imperii
 7 quadragésimo secundo, ætatis anno prope quinquagesimo, ex-
 spiravit. Ortus parentibus barbaris, qui Galliam inhabitant:
 legendi studio promptus, sermonis acer, animi tumidi, et im-
 8 modice timidus: artifex tamen ad occultandam audaciæ specie
 9 formidinem. Eius morte audita, Decentius Jaqueo fascia com-
 10 posito vitam finivit. Hoc tempore Gallus Caesar a Constantio
 11 occiditur. Imperavit annos quatuor. Silvanus Imperator effe-
 ctus, die imperii vicesimo octavo perimitur. Fuit ingenio
 12 blandissimus. Quamquam barbaro patre genitus, tamen insti-
 13 tutione Romana satis cultus et patiens. Constantius Claudium
 14 Iulianum, fratrem Galli, honore Caesaris adsumit, annos natum
 15 3 fere tres atque viginti. Iste in campis Argentoratensibus apud
 Gallias cum paucis militibus infinitas hostium copias delevit.
 16 Stabant acervi, montium similes: fluebat cruor fluminum modo:
 captus rex nobilis Chonodomarius; fusi omnes optimates: red-
 17 ditus limes Romanæ possessionis; ac postmodum, cum Alamannis
 18 dimicans, potentissimum eorum regem Vadomarium cepit. Hic
 19 6a militibus Gallicæ Augustus pronuntiatur. Hinc Constantius
 urgere legationibus, in statum nomenque pristinum revertatur.
 Iulianus mandatis mollioribus refert, se sub nomine celsi impe-
 20 rii multo officiosius pariturum. His Constantius magis magisque
 ardens dolore, atque, ut erat talium impatiens, in radicibus
 Tauri montis apud Mopsocrenen febri acerrima, quam indigna-
 tio nimia vigiliis augebat, interiit anno ævi quarto et quadra-
 gesimo, imperii nono atque tricesimo, verum Augustus quarto
 21 vicesimoque: octo solus, cum fratribus atque Magnentio sede-
 scim, quindecim Caesar. Felix bellis civilibus, externis lacrima-
 bilis; mirus artifex in sagittis: a cibo vinoque et somno mul-
 22 tum temperans, patiens laboris, facundiæ cupidus; quam quum
 23 adsequi tarditate ingenii non posset, aliis invidebat. Spadonum
 24 aulicorumque amor deditus et uxorum: quibus contentus, nulla
 solitudine transversa aut iniusta polluebatur. Sed ex coniugibus,
 quas plurimas sortitus est, præcipue Eusebiam dilexit, decoram
 quidem, verum per Adamantias, et Gorgonias, et alia impor-
 tuna ministeria vexantem famam viri contra, quam feminis mo-
 destioribus mos est; quarum sæpe præcepta maritos iuvant.
 25 Namque ut ceteras omittam, Pompeia Plotina, incredibile dicta
 est, quanto auxerit gloriam Traiani: cuius procuratores quum
 provincias calumniis agitent, adeo ut unus ex iis diceretur
 locupletissimum quemque ita convenire. *Quare habes?* alter, *Unde
 habes?* tertius, *Pone, quod habes;* illa coniugem corripuit; at-
 que increpans, quod laudis suæ esset incuriosus, talem reddi-
 dit, ut postea exactiones improbas detestans, fiscum licentia
 vocaret, quod eo crescente, artus reliqui tabescunt.

CAPUT XLIII.

IULIANUS.

Igitur Iulianus, redacta ad unum se orbis Romani curatione,
 2 gloriæ nimis cupidus, in Persas proficiscitur. Illic a transfuga

quodam in insidias deductus, quum eum hinc inde Parthi urgerent, e castris iam positis, arrepto tantum clypeo, procurrit. Quumque inconsulto ardore nititur ordines ad proelium componere, ab uno ex hostibus, et quidem fugiente, conto percutitur. Relatusque in tabernaculum, rursusque ad hortandos suos egressus, paulatim sanguine vacuatus, circa noctis fere medium defecit, praefatus, consulto sese de imperio nihil mandare; ne, uti solet in multitudine discrepantibus studiis, amico ex invidia, Reipublicae discordia exercitus periculum pararet. Fuerat in eo litterarum ac negotiorum ingens scientia: eo iuverat philosophos et Graecorum sapientissimos. Usu promptior corporis; quo validus quidem, sed brevis fuit. Haec minuebat quarundam rerum neglectus modus. Cupido laudis immodica; cultus numinum superstitiosus: audax plus, quam imperatorem deceat, cui salus propria, quum semper ad securitatem omnium, in bello maxime conservanda est. Ita illum cupido gloriae flagrantior pervicerat, ut neque terrae motu, neque plerisque praesagiis, quibus vetabatur petere Persidem, adductus sit sinem ponere ardori; ac ne noctu quidem visus ingens globus coelo labi ante diem belli cautum praestiterit.

CAPUT XLIV.

IOVIANUS.

Iovianus, genitus patre Varroniano in solo agri Singidonensis provinciae Pannoniae, imperavit menses octo. Eius patri, quum a liberis crebros amitteret, praeceptum somnio est, eum, qui iam instante uxoris partu, edendus foret, diceret Iovianum. Hic fuit insignis corpore, latus ingenio, litterarum studiosus. Hic dum a Perside hieme aspera mediaque Constantinopolim accellerans, cruditate stomachi, tectorio novi operis gravatus [esset], repente interiit, annos gerens proxime quadraginta.

CAPUT XLV.

VALENTINIANUS ET FIRMUS.

Valentinianus imperavit annos duodecim, minus diebus centum. Huius pater Gratianus mediocri stirpe ortus apud Cibalas, a Funarius appellatus est, eo quod venalitium funem portanti quinque milites nequirent extorquere. Eo merito adscitus in militiam, usque ad praefecturae praetorianae potentiam conscendit: ob cuius apud milites commendationem, Valentiniano imperium resistenti oggeritur. Hic Valentem consanguineum suum sibi socium in imperio adscivit; ac demum Gratianum filium, necdum plene puberem, hortatu socrus et uxoris Augustum creavit. Hic Valentinianus fuit vultu decens, sollers ingenio, animo gravis, sermone cultissimus. Quamquam esset ad loquendum parvus, severus, vehemens, infectus tamen vitiis, maximeque avaritiae; cuius cupiditor ipse fuit acer, et in his, quae memoraturus sum, Hadriano proximus. Pingere venustissime, 6

meminisse, nova arma meditari, fingere cera seu limbo simulacra, prudenter uti locis, temporibus, sermone: atque, ut breviter concludam, si ei foedis hominibus, quis sese quasi fidi-
 7 simis prudentissimisque dederat, carere, aut probatis eruditisque
 8 monitoribus uti licuisset, perfectus haud dubie princeps euitisset. Huius tempore Firmus apud Mauretaniam regnum inva-
 dens, exstinguitur. Valentinianus apud Bergentionem legationi
 9 Quadorum respondens, anno aevi quinto et quinquagesimo,
 impetu sanguinis, voce amissa, sensu integer, expiravit. Quod
 quidem intemperantia cibi, ac saturitate, qua artus diffuderat,
 10 accidisse plures retulere. Itaque eo mortuo, Valentinianus ad-
 huc quadriennis, auctore Equitio ac Merobaude e propinquo,
 ubi cum matre fuerat, allatus, creatus est Imperator.

CAPUT XLVI.

VALENS ET PROCOPIUS.

Valens una cum Valentiniano, germano suo, de quo diximus,
 2 regnavit annos tredecim, menses quinque. Illic Valens, cum
 Gothis lacrimabili bello commisso, sagittis saucius in casa de-
 portatur vilissima: ubi supervenientibus Gothiis, ignique suppo-
 3 sito, incendio concrematus est. In quo probanda haec fuere.
 Fuit possessoribus consultor bonus: mutare iudices rarius: in
 4 amicos fidus: irasci sine noxa ac periculo cuiusquam: sane
 valde timidus. Huius temporibus Procopius tyrannidem inva-
 dens exstinguitur.

CAPUT XLVII.

GRATIANUS ET MAXIMUS.

Gratianus, genitus Sirmii, imperavit cum patre Valentiniano
 annos octo, dies octoginta quinque; cum patruo et fratre tres;
 cum eodem fratre ac Theodosio quatuor; et his omnibus acce-
 2 dente Arcadio, menses sex. Illic apud Argentariam, oppidum
 3 Galliae, triginta Alamannorum millia in bello exstinxit. Illic
 quum animadvertisset, Thraciam Daciamque tamquam genitales
 terras possidentibus Gothiis Taifalisque, atque omni pernicie
 atrocioribus Hunnis et Alanis, extremum periculum instare no-
 mini Romano; accito ab Hispania Theodosio, cunctis faventi-
 bus, degeuti annum a tricesimo tertium, imperium committit.
 4 Fuit autem Gratianus litteris haud mediocriter institutus: car-
 men facere, ornate loqui, explicare controversias rhetorum
 more; nihil aliud die noctuque agere, quam spiculis meditari,
 summaeque voluptatis divinaeque artis credere ferire destinata.
 5 Parcus cibi somnique; et vini ac libidinis victor; cunctisque
 fuisset plenus bonis, si ad cognoscendam Reipublicae gerendae
 scientiam animum intendisset, a qua prope alienus non modo
 6 voluntate, sed etiam exercitio fuit. Nam dum exercitum negli-
 geret, et paucos ex Alanis, quos ingenti auro ad se transtule-
 rat, anteferebat veteri ac Romano militi, adeoque barbarorum


comitatu et prope amicitia capitur, ut nonnumquam eodem habitu iter faceret, odia contra se militum excitavit. Hoc tempore quum Maximus apud Britanniam tyrannidem arripuisset, et in Galliam transmisisset, ab infensis Gratiano legionibus exceptus, Gratianum fugavit; nec mora, exstinxit; qui vixit annos **XXIX**.

CAPUT XLVIII.

THEODOSIUS.

Theodosius, genitus patre Honorio, matre Thermentia, genere Hispanus, originem a Traiano principe trahens, a Gratiano Augusto apud Sirmium Imperator effectus, regnavit annos decem et septem. Huic ferunt nomen somnio parentis monitos a sacravisse, ut Latine intelligimus, a Deo datum. De hoc etiam 3 oraculo in Asia divulgatum est, cum Valenti successurum, cuius nomen e Θ et Ε et Ο atque Δ Graecis litteris initiaretur. Qua 4 cognatione principii deceptus Theodorus, quum sibi imperium deberi praesumeret, scelestae cupidinis supplicia persolvit. Fuit 5 autem Theodosius propagator Reipublicae atque defensor eximius. Nam Hunnos et Gothos, qui eam sub Valente defatigassent, diversis proeliis vicit. Cum Persis quoque petitis pacem pepigit. Maximum autem tyrannum, qui Gratianum interfecerat 6 et sibi Gallias vindicabat, apud Aquileiam exstinxit; Victoremque eius filium, intra infantiae annos a Maximo patre Augustum factum, necavit. Eugenium quoque tyrannum atque Arbogasten 7 superavit, deletis eorum decem millibus pugnatorum. Hic etenim Eugenius, confusus viribus Arbogastis, postquam apud Vinnam Valentinianum extinxerat, regnum invasit: sed mox simul cum vita imperium perdidit. Fuit autem Theodosius mo- 8 ribus et corpore Traiano similis, quantum scripta veterum et picturae docent. Sic eminens status, membra eadem, par caesaries, os, absque eo, quod illi aliquantum vellendo steriles genae, neque tam ingentes oculi essent, nescio an et tanta gratia, tantusque flos in facie, seu tanta dignitas in incessu. Mors 9 vero prorsus similis, adeo ut nihil dici queat, quod non ex libris in istum videatur transferri. Clemens animus, misericors, communis, solo habitu differre se ceteris putans; in omnes homines honorificus, verum effusius in bonos: simplicia ingenia aequae diligere, erudita mirari, sed innoxia: largiri magno animo magna; amare cives vel privato contubernio cognitos, eosque honoribus, pecunia, beneficiis ceteris munere, praesertim quorum erga se vel patrem aspero casu officia probaverat. Illaro tamen, quibus Traianus adpersus est, vinolentiam scilicet et cupidinem triumphandi, usque eo detestatus, ut bella non moverit, sed invenerit; prohibueritque lege ministeria lasciva psaltriasque comissionibus adhiberi: tantum pudori tribuens et continentiae, ut consobrinarum nuptias vetuerit, tamquam sororum. Litteris, si nimum perfectos contemplerur, medioeriter doctus: sagax plane, multumque diligens ad noscenda maiorum gesta. E quibus non desinebat execrari, quorum facta super-12

ba, crudelia, libertatique infesta legerat, ut Cinnam, Marium,
Sullamque, atque universos dominantium, praecipue tamen per-
13fidos et ingratos. Irasci sane rebus indignis, sed flecti cito:
unde modica dilatione emollebantur aliquando severa praecepta,
14Habuitque a natura munere, quod Augustus a philosophiae do-
15ctore. Qui quum vidisset, eum facile commoveri, ne asperum
aliquid statueret, monuit, ubi irasci coepisset, quatuor atque
viginti Graecas litteras memoria recenseret, ut illa concitatio,
quae momenti est, mente alio traducta, parvi temporis interie-
16ctu languesceret. Melior haud dubie, quod est rarae virtutis,
post auctam annis potentiam regalem, multoque maxime post
17civilem victoriam. Nam et annonae curam sollicitius attendere,
et auri argentique grande pondus, sublatis atque expensi a ty-
ranno, multis e suo restituere; quum benigni principum, et
quidem vix fundos solerent nudos ac deformata praedia conce-
18dere. Iam illa minutiora, et, ut dicitur, intra aulam, quae
quidem, quia occulta sunt, magis naturae hominum curiosae
oculos auresque ad se trahunt: patrum colere tamquam geni-
torem; fratris mortui sororisque liberos habere pro suis; co-
gnatos affinesque parentis animo complecti; elegans laetumque
convivium dare, non tamen sumptuosum; miscere colloquia pro
personis, studia dignitatibus, sermone cum gravitate iucundo;
19blandus pater, concors maritus. Exercebatur neque ad illece-
bram, neque ad lassitudinem; ambulationibus magis, quum es-
set otium, reficiebat animum; ac vescendi continentia valetudi-
nem regebat; sicque in pace, rebus humanis, annum a gens
quingagesimum, apud Mediolanum excessit: utramque Rempu-
blicam utrisque filiis, id est, Arcadio et Honorio, quietam re-
polinquens. Corpus eius eodem anno Constantinopolim translatum
atque sepultum est.



SEXTI RUFII

BREVIARIUM

RERUM GESTARUM POPULI ROMANI

SIVE DE

VICTORIIS ET PROVINCIIS P. R.

AD

VALENTEM AUGUSTUM.

1950-1951

1952-1953

1954-1955

1956-1957

1958-1959

D. N. VALENTI,
IMPERATORI, PIO,
PERPETUO, SEMPER AUGUSTO,
SEXTUS RUFUS V. C.

I. **B**revem fieri clementia tua praecepit. Parebo libens praeceptis tuis; quippe cui desit facultas latius eloquendi; ac morem secutus calculatorum, qui ingentes summas aere breviori exprimunt, res gestas signabo, non eloquar. Accipe ergo, quo breviter dicta brevius computeantur; ut annos et aetatem Reipublicae, ac praeteriti facta temporis non tam legere, gloriose Princeps, quam numerare videaris.

II. Ab Urbe [igitur] condita in ortum Perennitatis vestrae, quo prosperius [factum] imperium Romanum sortitus es, anni numerantur mille centum et septem. Sub Regibus ducenti quadraginta tres: sub Consulibus quadringenti sexaginta septem: sub Imperatoribus quadringenti septem. Regnaverunt Romae per annos ducentos quadraginta tres, Reges numero septem. Romulus regnavit triginta septem: Senatores, per quinos dies singuli, annum unum: Numa Pompilius, annos quadraginta tres: Tullus Hostilius, annos triginta duos: Ancus Marcius, annos viginti quatuor: Tarquinius Priscus, annos triginta septem: Servius Tullius, annos quadraginta quatuor: Tarquinius Superbus regno expulsus est anno vicesimo quinto. Consules, deinde fuerunt a Bruto et Poplicola in Pansa et Hirtium, numero CCCCLXXII, praeter eos, qui in eundem annum sortis aliqua sunt subrogati, per annos quadringentos sexaginta septem. Quadraginta novem annis Romae Consules defuerunt: sub Decemviris, annis duobus; sub Tribunis militum, annis quadraginta tribus. Sine magistratibus Roma fuit annis quatuor. Imperatores ab Octaviano Caesare Augusto usque ad Iovianum fuerunt numero quadraginta quatuor, per annos quadringentos septem.

III. Sub his igitur tribus imperandi generibus, hoc est, regio, consulari, et imperatorio, quantum Roma profecerit, breviter intimabo. Sub Regibus septem, per annos ducentos quadraginta tres, non amplius, quam usque ad Portum atque Ostiam, intra octavum decimum milliarium a Portis urbis Romae, utpote adhuc parvae et a pastoribus conditae, quum finitimae circum civitates premerent, Romanum processit imperium. Sub Consulibus, inter quos nonnumquam et Dictatores fuerunt, per annos simul quadringentos sexaginta septem, usque trans Padum

Italia occupata est. Africa subacta, Hispaniae accesserunt; Galliae et Britanniae tributariae factae sunt. Inde Illyrici, Istri, Liburni, Dalmatae, domiti sunt: ad Achaiam transitum est: Macedones subacti: cum Dardanis, Moesis, et Thracibus bellatum est: etiam ad Danubium usque perventum. In Asia, expulso Antiocho, primum pedem posuere Romani: Mithridate victo, Ponti regnum occupatum; et Armenia minor, quam idem tenuerat, armis obtenta est: in Mesopotamiam Romanus pervenit exercitus: cum Parthis foedus initum est: contra Corduena ac Saracenos et Arabas bellatum est, Iudaea omnis victa est: Cilicia et Syria in potestatem populi Romani venerunt. Aegypti reges foederati erant. Sub Imperatoribus vero per annos quadringentos septem; quum diversa Reipublicae fortuna multi principes imperarent, accesserunt tamen Romano orbi Alpes maritimae, Alpes Cottiae, Rhaetiae, Noricae: Pannoniae, Moesiae; et omnis ora Danubii in provinciam est redacta: Pontus omnis, Armenia maior, Oriens totus cum Mesopotamia, Assyria, Arabia, et Aegypto, sub imperii Romani iura transivit.

IV. Quo autem ordine singulas provincias Romana Respublica adsecuta sit, ostenditur ita. Prima provinciarum Sicilia facta est. Eam, victo Hierone, Siculorum rege, Marcellus Consul obtinuit. Deinde a Praetoribus recta est; postea commissa est Praesidibus: nunc a Consularibus administratur. Sardiniam et Corsicam Metellus vicit: qui et triumphavit de Sardis, qui rebellavere saepe. Iuncta administratio harum insularum fuerat: post quaelibet suos Praetores habuit: nunc singulae a suis Praesidibus reguntur. In Africam pro defensione Siculorum Romana transmissa sunt signa. Ter Africa rebellavit: ad extremum, deleta per P. Scipionem Carthaginense, provincia facta est: nunc sub Proconsulibus agit. Numidia ab amicis regibus tenebatur: ad Jugurthae, ob necatos Adherbalem et Hiempsalem, Micipsae regis filios, bellum indictum est: et eo per Metellum Consulem attrito, per Marium capto, in populi Romani potestatem Numidia pervenit. Mauretaniae a Boccho rege obtentae sunt. Sed subacta omni Africa, Mauros Iuba rex tenebat; qui in causa belli civilis, ab Iulio Caesare victus, mortem sibi propria manu conscivit. Ita Mauretaniae nostrae esse coeperunt: ac per omnem Africam sex provinciae factae sunt: ipsa, ubi Carthago est, proconsularis; Numidia, consularis; Byzacium, consularis: Tripolis, et Mauretaniae duae, hoc est, Sitifensis et Caesariensis, sunt praesidiales.

V. Hispaniam primum auxilium adversus Afros per Scipiones tulimus. Rebellantes Lusitanos in Hispania per Decimum Brutum obtinuimus; et usque Gades ad Oceanum mare pervenimus. Postea ad Hispanos tumultuantes Decius Iunius Silanus cum exercitu missus, eos vicit. Celtiberi in Hispania saepe rebellavere: sed, misso minore Africano, cum excidio Numantinae subacti sunt. Omnes paene Hispaniae, occasione belli Sertoriani, per Metellum et Pompeium in ditionem nostram acceptae: postea, prorogato in quinquennium imperio, a Pompeio perdomitae sunt. Ad extremum quoque ab Octaviano Caesare

Augusto Cantabri et Astures, qui freti montibus resistebant, deleti sunt. Ac per omnes Hispanias sex sunt nunc provinciae: Tarraconensis, Carthaginensis, Lusitania, Gallaecia, Baetica. Trans fretum etiam in solo terrae Africae, provincia Hispaniarum est, quae Tingitana Mauretania cognominatur. Ex his Baetica et Lusitania consulares; ceterae praesidiales sunt.

VI. Cum Gallis gravissima bella populus Romanus habuit. Galli enim etiam illam partem Italiae, in qua nunc Mediolanum est, usque ad Rubiconem fluvium tenebant, in tantum viribus freti, ut Romam ipsam bello peterent, et, caesis exercitibus Romanis apud Alliam fluvium, moenia Urbis intrarent, Capitoliumque obsiderent; ad cuius arcem sexcenti nobiles et Senatores confugerant, qui mille auri pondo se ab obsidione redemerunt. Postea Gallos victores remeantes Camillus, qui in exilio erat, collecta de agris multitudine, oppressit; aurum et signa, quae Galli ceperant, reportavit. Cum Gallis multi Consules, Praetores ac Dictatores eventu vario conflixerunt. Marius Gallos de Italia expulit: et transcensis Alpibus, feliciter adversus eos pugnavit. Ceterum C. Caesar cum decem legionibus, quae quaterna millia militum Italorum habuerunt, per annos octo ab Alpibus ad Rhenum usque Gallias subegit; cum barbaris ultra Rhenum positis conflixit: in Britanniam transivit; decimo anno Gallias et Britannias tributarias fecit. Sunt in Gallia cum Aquitania et Britannis, decem et octo provinciae: Alpes maritimae, provincia Narbonensis, Viennensis, Novempopulana, Aquitaniae duae, Lugdunenses duae, Alpes Graiae, Maxima Sequanorum, Germaniae duae, Belgicae duae: in Britannia, Maxima Caesariensis, Flavia, Britannia prima, Britannia secunda.

VII. Illyricum ab ora maritima paullatim adgressi sumus. Laevinus Consul Adriaticum atque Ionium mare primus ingressus, maritimas obtinuit civitates. Creta per Metellum Proconsulem, qui Creticus dictus, provincia facta est. Graecis in fidem nostram confugientibus, ad Achaiam accessimus. Athenienses adversus Philippum, Macedonum regem, auxilium nostrum petierunt. Libera diu sub amicitia nostris Achaia fuit: ad extremum legatis Romanorum apud Corinthum violatis, per L. Mummius Proconsulem capta Corintho, Achaia omnis obtenta est. Epirotae, qui aliquando cum rege Pyrrho, etiam ad Italiam transire praesumerant, victi: atque Thessali, simul cum Achivorum et Macedonum regionibus, nobis accesserunt. Macedonia ter rebellavit: sub Philippo, sub Perse, sub Pseudophilippo. Philippum Flaminius, Persem Paullus, Pseudophilippum Metellus oppressit: quorum triumphis Macedonia quoque populo Romano adiuncta est. Illyricos, quia Macedonibus auxilium tulerant, ex eadem occasione per Lucium Anicium Praetorem vicinus, et eos cum rege Gentio in ditionem accepimus. Dardanos et Moesos Curio Proconsul subegit; et primus Romanorum ducum ad Danubium usque pervenit. Sub Iulio et Octaviano Caesaribus per Alpes Iulias iter factum est: Alpinis omnibus victis, Noricorum provinciae accesserunt. Batone Pannoniorum rege subacto, in ditionem nostram Pannoniae venerunt.

Amantiis inter Savum et Dravum prostratis, regio Savensis ac Secundorum Pannoniorum loca obtenta sunt.

VIII. Marcomanni et Quadi, de locis Valeriae, quae sunt inter Danubium et Dravum, pulsi sunt: et limes inter Romanos ac barbaros ab Augusto per Vindeliciam, per Noricum, Pannoniam ac Moesiam est constitutus. Traianus Dacos sub rege Decibalo vicit; et Daciam trans Danubium in solo barbarico provinciam fecit: quae in circuitu decies centena millia passuum habuit, sed sub Gallieno Imperatore amissa est; et per Aurelianium, translatis exinde Romanis, duae Daciae in regionibus Moesiae [ac Dardaniae] factae sunt. Habet Illyricus septem et decem provincias: Noricorum duas, Pannoniarum duas, Valeriam, Saviam, Dalmatiam, Moesiam: Daciarum duas. Et in dioccesi Macedoniae sunt septem: Macedonia, Thessalia, Achaia, Epiri duae, Praevalis et Creta.

IX. In Thracias Macedonici belli occasione transcursum est. Saevissimi omnium gentium Thraces fuerunt. In Thraciae regionibus Scordisci habitaverunt, pariter crudele et callidum genus; de quorum saevitia multa fabulose memorantur, quod hostiis captivorum Diis suis aliquando litaverint, atque sanguinem humanum in ossibus capitum potare sint soliti. Saepe per eos Romanus est cactus exercitus. M. Didius vagantes Thraces repressit: M. Drusus intra fines proprios continuit: M. Minucius in Hebri fluminis glacie vastavit. Per Appium Claudium Proconsulem hi, qui Rhodopen incolebant, victi sunt. Europae maritimas urbes antea Romana classis obtinuit. M. Lucullus per Thracias cum Bessis primum conflixit. Ipsam, caput gentis, Traciam vicit: Haemimontanos subegit: Eumolpiadem, quae nunc Philippopolis dicitur; Uscudamam, quae modo Hadrianopolis nominatur, in ditionem nostram redegit: Calyben cepit. Supra Pontum positas civitates occupavit, Appolloniam, Calatin, Parthenopolin, Tomos, Istrum; ad Danubium usque perveniens, Romana Scythia arma monstravit. Ita ditioni Reipublicae sex Thraciarum provinciae sunt acquisitae: Thracia, Haemimontus, Moesia inferior, Scythia, Rhodope, Europa; in qua nunc secundae arces Romani orbis sunt constitutae, Constantiopolis.

X. Nunc Eoas partes, totumque Orientem, ac positas sub vicino sole provincias, qui auctores sceptris tuis paraverint, explicabo; quo studium clementiae tuae, quod in iisdem propagandis habes, amplius excitetur. Asia societate Attali regis nota Romanis est, eamque Attali testamento relictam hereditario iure possidemus. Ne quid tamen populus Romanus non viribus partum haberet, armis per nos ab Antiocho, Syriarum rege maximo, est vindicata. Eadem occasione etiam Lydia, sedes antiqua regnorum, Caria, Hellespontus, ac Phrygiae in potestate populi Romani iuncta deditione pervenerunt. Rhodiis, in insularum populis, primum infestissimis, post fidelissimis auxiliatoribus usi sumus. Ita Rhodus, et insulae primum libere agebant: postea in consuetudinem parendi Romanis, ele-

menter provocatae, pervenerunt, et sub Vespasiano principe Insularum provincia facta est.

XI. Pamphyliam, Lyciam, Phrygiam, Pisidiam, Cariam, Isauriam, Servilius Proconsul, ad bellum piratarum missus, obtinuit. Bithyniam defuncti regis Nicomedis testamento sumus adsecuti. Gallograeciam, id est, Galatiam, (sunt enim, ut nomen resonat, e Gallis Galatae) quod Antiocho contra Romanos auxilium praebuissent, invasimus. Manlius Proconsul Galatas persecutus est; et confugientes partim in Olympum, partim in Magabam montem, qui nunc Modiacus dicitur, de arduis eos in plana detruxit, victosque in perpetuam pacem redcgit. Postea Galatiam Deiotarus Tetrarches, nobis permittentibus, tenuit. Ad extremum sub Octaviano Caesare Augusto Galatia in formam provinciae redacta est. Eam primus Lollius pro Praetore administravit. Cappadoces primo societatem nostram sub Ariarathe rege per legatos petiverunt: posteaque Ariobarzanes rex Cappadocum a Mithridate expulsus, Romanorum armis restitutus est; semperque in auxilia nostra fuere Cappadoces, et ita maiestatem coluere Romanam, ut in honorem Augusti Caesaris Mazaca, civitas Cappadociae maxima, Caesarea nuncuparetur. Postremo quum sub Imperatore Claudio Caesare Archelaus ex Cappadocia Romam venisset, ibique diu detentus occubisset, in provinciae speciem Cappadocia migravit. Pontus, per Pompeium victo Mithridate, rege Pontico, formam provinciae accepit. Paphlagoniam Pylaemenes rex, amicus populo Romano, tenuit. Saepe ex ea pulsus, regno a nobis est restitutus: quo mortuo, provincia Paphlagonibus imposita est.

XII. Ultra iuga Tauri montis, quemadmodum Romana perrexerit possessio, consequenti locorum magis, quam temporum servata digestionem, monstrabitur. Antiochus, Syriae rex potentissimus, bellum formidabile populo Romano intulit. Trecenta millia armatorum habuit: falcatis etiam curribus ac elephantis aciem instruxit; a Scipione Consule, fratre Scipionis Africani, in Asia apud Magnesiam victus, pace accepta, intra Taurum montem regnare permissus est. Eius filii sub clientela populi Romani regnum Syriae retinuerunt: quibus defunctis, Syriam provinciis potiti sumus. Cilices et Isauros, qui se piratis et praedonibus maritimis iunxerant, Servilius Proconsul, ad praedonum bellum missus, subegit, et viam per Taurum montem primus instituit; isque de Cilicibus et Isauris triumphavit, atque Isauricus est cognominatus.

XIII. Cyprus, famosa divitiis, paupertatem populi Romani, ut occuparetur, sollicitavit. Eam rex foederatus Ptolemaeus regebat: sed tanta fuit penuria aerarii Romani, et tam ingens fama opum Cypriarum, ut lege lata per Publium Clodium, Tribunum plebis, Cyprus confiscari iuberetur. Quo accepto nuntio, rex Cyprius venenum sumpsit, quo vitam prius, quam divitias, amitteret. Cato Cyprius opes Romam navibus advexit; ita, ut ins eius insulae avarius magis, quam iustius, sumus adsecuti. Cyrenas, cum ceteris civitatibus Libyae Pentapolis, Ptolemaei antiquioris liberalitate suscepimus. Libyam supremo

Apionis regis arbitrio sumus adsecuti. Aegyptus omnis sub amicis regibus fuerat; sed victa cum Antonio Cleopatra, provinciae formam Octaviani Caesaris Augusti temporibus accepit: et primum apud Alexandrinos Cornelius Gallus [Romanus iudex] administravit.

XIV. Per confinia Armeniarum primum sub L. Lucullo Romana trans Taurum signa transmissa sunt. Phylarchi Saracenum in Osroëne superati cessere. In Mesopotamia ab eodem Lucullo Nisibis capta est. Postea per Pompeium eadem loca armis obtenta sunt: Syriae, Phoenice, bello a Tigrae, Armeniorum rege, receptae. Arabes et Iudaei in Palaestina victi sunt. Ad extremum sub Traiano principe, regi maioris Armeniae diadema sublatum est, et per Traianum Armenia, Mesopotamia, Assyria et Arabia provinciae factae sunt; ac limes Orientalis supra ripam fluminis Trigidis constitutus est. Sed Hadrianus, qui successit Traiano, invidens gloriae Traiani, sponte sua Armeniam, Mesopotamiam et Assyriam reddidit: ac medium inter Persas et Romanos Euphratem esse voluit. Sed postea sub Antoninis duobus, Marco et Vero, et Severo Pertinace, ceterisque principibus Romanis, qui adversus Parthos eventu vario dimicant, quater amissa, quater recepta Mesopotamia est: ac Diocletiani temporibus, victis prima congressione Romanis, secundo autem conflictu superato rege Narseo, uxore eius ac filiabus captis, et cum summa pudicitiae custodia reservatis, pace facta, Mesopotamia est restituta: et supra ripam Tigridis limes est refirmatus, ita ut quinque gentium trans Tigridem constitutarum ditionem adsequeremur: quae conditio foederis in tempus Divi Constantii conservata duravit.

XV. Scio nunc, inclute Princeps, quo tua vergat intentio. Requiris profecto, quoties Babyloniae et Romanorum arma collata sunt, et quibus viribus sagittis pila contuderint. Breviter eventus enumerabo bellorum. Furto hostes in paucis invenies esse laetatos; vera autem virtute semper Romanos probabis existisse victores. Primum a L. Sulla Proconsule Arsaces rex Parthorum, missa legatione, amicitiam populi Romani rogavit, ac meruit. L. Lucullus Mithridatem, regno Ponti exutum, ad Armeniam persecutus est. Tigranem, Armeniorum regem, cum septem millibus quingentis clibanariis, et centum viginti sagittariorum, ipse cum decem et octo millibus Romanorum vicit. Tigranocerta, maximam Armeniae civitatem, expugnavit. Mageduam, optimam Armeniorum regionem, obtinuit: per Melitenam ad Mesopotamiam descendit: Nisibim cum fratre regis cepit. Tendere in Persas paratus, successorem accepit.

XVI. Cn. Pompeius expertae felicitatis, ad Mithridaticum bellum missus, Mithridatem in Armenia minore nocte adgressus, proello superavit; caesis duobus et quadraginta millibus hostium, castra eius invasit. Mithridates enim cum uxore et duobus comitibus in Bosporum fugit: ibi desperatione rerum suarum venenum hausit; quum parum ageret vis veneni, a milite suo, ut ferro percuteretur, impetravit. Pompeius auxiliatorem Mithridatis Tigranem, Armeniorum regem, persecutus est: ille se

ei, oblato diademate, apud Artaxata dedidit. Receptae sunt ab eo Mesopotamia, Syriae, et aliquanta pars Phoenices; atque intra Armeniam maiore reguare permissus est. Idem Pompeius Bosporianis et Colchis Aristarchum regem imposuit: cum Albanis conflixit: Oroesi, Albanorum regi, ter victo, pacem dedit. Iberiam cum Artoce rege in deditionem accepit. Saracenos et Arabas vicit. Iudaea capta, Hierosolymam obtinuit. Cum Persis foedus fecit. Rediens, apud Antiochiam Daphnensem lucum; delectatus loci amoenitate et aquarum abundantia, addito nemore consecravit.

XVII. Crassus Consul adversus Parthos rebellantes missus est. Is quum pacem, missa a Parthis legatione, rogaretur, apud Ctesiphontem responsurum se ait. Apud Zeugma traiecit Euphratem, et a transfuga quodam Abgaro inductus, ad ignotam camporum solitudinem descendit. Ibi undique circumvallantibus sagittariorum agminibus cum Sillace et Surena, Praefectis regiis, est cinctus exercitus, et vi telorum obrutus. Ipse Crassus, quum ad colloquium sollicitatus, vivus paene capi potuisset, repugnantibus Tribunis, evaserat: et dum fugam petit, occisus est. Caput eius cum dextera manu resectum, ad regem perlatum est, atque ita ludibrio habitum, ut fancibus eius aurum liquefactum infunderetur: scilicet ut, qui ardens cupiditate praedandi, pacem regi dare rogatus abnuerat, etiam mortui eius reliquias auri flamma combureret. Caius Cassius, Quaestor Crassi, vir strenuus, reliquias fusi collegit exercitus. Contra Persas in Syriam irrucentes, ter cum summa admiratione conflixit, eosque trans Euphratem redactos vastavit.

XVIII. Parthi, Labieno duce, (qui Pompeianarum partium fuerat, et victus ad Persas refugerat) in Syriam irruperunt, ac totam provinciam occupaverunt. Sed Publius Ventidius Bassus Parthos, qui ducente Labieno Syriam invaserant, occurrens in Tanro monte, cum paucis fugavit, Labieum occidit, persecutus est Persas, ad interfectionem stravit: qua congressione Pacorum regis filium eadem die, qua Crassus victus fuerat, occidit, ne aliquando Romani ducis mors iulta relinqueretur. Ventidius de Persis primus triumphavit. M. Antonius Mediam ingressus, quae nunc Medena appellatur, bellum Parthis intulit, et primis eos proeliis vicit: verum post, duabus legionibus amissis, quum fame, pestilentia, tempestatibusque premeretur, vix per Armeniam, Parthis insequentibus, revocavit exercitum; tanto per momenta temporum terrore perculsus, ut a gladiatore suo percuti postulet, ne vivus veniret in hostium potestatem.

XIX. Sub Octaviano Caesare Augusto Armenia cum Parthis conspiravit. Caius Caesar, nepos Augusti, cum exercitu missus ad Orientem, quam per maiestatem Romani nominis facile cuncta sedasset, atque ei se Armenii, qui tunc temporis validiores erant Parthis, dedidissent, iudicesque ex instituto Pompeii dictis gentibus Caius Caesar praeficeret; Domues quidam, quem rex Artageris praeposuerat, proditione simulata, libellum, in quo scripti thesauri continerentur, obtulit: quem quum imperator Romanus legeret intentius, cultro [Domues] adgressus eum

vulneravit. Percussor quidem a militibus confossus est; Caius vulneratus, reversus in Syriam, obiit. Parthi ad satisfactionem tam audacis admissi, obsides tunc primum Octaviano Caesari dederunt, et erepta sub Crasso signa retulerunt. Pacatis gentibus Orientis, Augustus Caesar etiam Indorum legationem primus accepit.

XX. Nero, quem turpissimam Imperatorem Romana est passa respublica, amisit Armenias duas. Tum Romanae legiones duae sub iugum a Parthis missae, extremo dedecore Romani exercitus sacramenta foedarunt. Traianus, qui post Augustum Romanae reipublicae movit lacertos, Armeniam recepit a Parthis: sublato diademate, regi Armeniae maioris regnum ademit. Albanis regem dedit: Iberos, Bosphoranos, Colchos, in fidem Romanae ditionis accepit: Osroënorum loca et Arabum occupavit. Corduenos et Marcomedos obtinuit. Antemusium, opimam Persidis regionem, Seleuciamque et Ctesiphontem ac Babyloniam accepit, et tenuit; usque ad Indiae fines post Alexandrum accessit. In mari rubro classem instituit. Provincias fecit Armeniam, Assyriam, et Mesopotamiam, quae inter Tigridem atque Euphratem sita, irriguis amnibus, instar Aegypti, foecundatur. Hadrianum gloriae Traiani certum esse invidiasse, qui ei successit in imperio. Hic sponte propria deductis exercitibus, Armeniam, Mesopotamiam, et Assyriam concessit, et inter Romanos et Parthos medium Euphratem esse voluit.

XXI. Antonini duo, Marcus et Verus, ille socer, hic gener, pariter Augusti, imperium orbis, aequata primum potestate, tenuerunt. Sed ex his Antoninus iunior ad expeditionem Parthicam profectus est: multaque et ingentia adversus Persas feliciter gessit. Seleuciam, Assyriae urbem, cum quadringentis millibus hostium cepit: ingenti gloria de Parthis cum socero triumphavit. Septimius Severus, natione Afer, acerrimus Imperator, Parthos strenuissime vicit, Adiabenos delevit, Arabas interiores obtinuit [obtrivit], et Arabiam provinciam fecit. Haec cognomina ex victoriis quaesita sunt; nam Parthicus, Adiabanicus, et Arabicus est cognominatus. Antoninus Bassianus, cognomento Caracalla, filius Severi Imperatoris, expeditionem in Persas parans, in Osroëna apud Edessam propria morte obiit, et ibidem sepultus est.

XXII. Aurelius Alexander, quasi fato quodam in exitium Persicae gentis natus, iuvenis admodum Romani gubernacula suscepit imperii. Ipse Persarum regem nobilissimum Xerxen gloriose vicit. Hic Alexander scriniorum magistrum habuit Ulpianum iurisconsultum. De Persis pompa spectabili triumphavit. Sub Gordiano Augusto ex inventutis fiducia rebellantes Parthi, ingentibus proeliis contusi sunt: isque de Perside rediens victor, fraude Philippi, qui Praefectus praetorio eius erat, occisus est. Milites ei tumulum in vicesimo milliario a Circesso castro, quod et nunc exstat, aedificaverunt, atque exsequias eius Romam cum maxima venerationis reverentia deduxerunt.

XXIII. Valeriani, infausti principis, fortunam taedet referre. Is cum Gallieno suscepit imperium: sed hunc exercitus, Gallie-

num Senatus Imperatorem fecit. In Mesopotamia adversus Persas Valerianus congressus, a Sapore, Persarum rege, superatus est; et captus in dedecore servitutis consensuit. Sub Gallieno Mesopotamia invasa, etiam Syriam sibi Persae coeperant vindicare, nisi, quod turpe dictu est, Odenathus, decurio Palmyrenus, collecta Syrorum agrestium manu, acriter restitisset; et fuis aliquoties Persis, non modo nostrum limitem defendisset, sed etiam ad Ctesiphontem Romani ultor imperii, quod mirum est dictu, penetrasset.

XXIV. Aureliani Imperatoris gloriae Zenobia, Odenathi uxor, accessit. Ea enim post mortem mariti feminea ditione Orientis tenebat imperium: quam Aurelianus, multis elibanariorum et sagittariorum millibus fretam, apud Immas haud procul ab Antiochia vicit, et Romae triumphans ante currum duxit. Cari Imperatoris victoria de Persis nimium potens superno numini visa est. Nam ad invidiam coelestis indignationis pertinuisse credenda est: Is enim ingressus Persidem, quasi nullo obstante, vastavit: Cochen et Ctesiphontem, urbes Persarum nobilissimas, cepit. Quum victor totius gentis castra super Tigridem haberet, fulminis ictu interiit.

XXV. Sub Diocletiano principe, pompa victoriae nota de Persis est. Maximianus Caesar prima congressione, quum contra innumeram multitudinem cum paucis acriter dimicasset, pulsus recessit: ac tanta indignatione a Diocletiano susceptus est, ut ante carpentum eius per aliquot millia passuum cucurrerit purpuratus: et quum vix impetrasset, ut, reparato de limitaneis Daciae exercitu, eventum Martis repeteret, in Armenia maiore ipse Imperator cum duobus equitibus exploravit hostes: et cum viginti quinque millibus militum superveniens castris hostilibus, subito innumera Persarum agmina adgressus, ad internecionem cecidit. Rex Persarum Narseus effugit; uxor eius et filiae captae sunt, et cum maxima pudicitiae custodia servatae. Pro qua admiratione Persae non modo armis, sed etiam moribus, superiores esse Romanos confessi sunt: ac Mesopotamiam cum Transstigritanis quinque regionibus reddiderunt. Pax facta, usque ad nostram memoriam Reipublicae utilis perduravit.

XXVI. Constantinus rerum dominus, extremo vitae suae tempore, expeditionem paravit in Persas: toto enim orbe pacatis gentibus, et recenti de Gothis gloriosior victoria, multis in Persas descendebat agminibus. Sub cuius adventum Babyloniae in tantum regna trepidarunt, ut supplex ad eum legatio accurreret, et facturos imperata promitteret. Nec tamen pro assiduis eruptionibus, quas sub Constantio Caesare per Orientem tentaverant; veniam meruerunt.

XXVII. Constantius in Persas vario ac magis difficili pugnavit eventu. Praeter leves excubantium in limite congressiones, acriori acie novies decertatum est; per duces suos, septies; ipse praesens his adfuit veris et gravibus pugnis. Nimirum Singarenae, praesente Constantio; et iterum Singarenae, Constantiniensi quoque; et quum Amida capta est, grave sub eo principe Respublica vulnus accepit. Ter autem est a Persis obsessa Nisibis: sed maiore

sni detrimento, dum obsideret, hostis affectus est. Narsensi autem bello, ubi Narseus occidit, superiores discessimus. Nocturna vero in agro Eleiensi prope Singaram pugna, ubi praesens Constantius adfuit, omnium expeditionum compensatus fuisset eventus, si, locis ac nocte adversantibus, percitos ferocia milites, ab intempestivo pugnandi tempore Imperator ipse alloquendo revocare potuisset: qui tamen invicti viribus, improvisis adversus sitim aquarum subsidii, incumbente iam vespere, castra Persarum adgressi, raptis munitionibus, occuparunt, fugatoque rege, quum a proelio respirantes, praetentis luminibus repertae inhiarent aquae, nimbo sagittarum obruti sunt, quum stolidi, ad dirigendos certius in aëctus, lumina ipsi per noctem accensa praebereant.

XXVIII. Iuliano, in externos hostes expertae felicitatis principi, adversus Persas modus defuit. Is enim ingenti apparatu, utpote totius orbis regnator, infesta in Persas signa commovit, instructam commentibus classem per Euphratem invexit. Strenuus ingressu, multa Persarum oppida ac castella aut suscepit dedita, aut manu cepit. Quum contra Ctesiphontem in Tigridis et Euphratis ripa iam mixti castra haberet, ludosque campestris, ut hostis sollicitudinem demeret, per diem agitasset, noctia medio impositos navibus milites in ulteriorem ripam repente transvexit: qui per ardua nitentes, qua difficilis etiam per diem, et nullo prohibente, fuisset ascensus, Persas terrore subito miscuerunt; versisque agminibus totius gentis, apertas Ctesiphontis portas victor miles intrasset, ni maior praedarum occasio fuisset, quam cura victoriae. Tantam adeptus gloriam, quum de reditu a militibus admoneretur, intentioni suae magis credidit: et exustis navibus, quum a transfuga, qui se ad fallendum obiecerat, inductus in Imanum devium [Eumandeviam], viae compendia sectaretur, dextrum in adversa Tigridis ripa, nudato militum latere, iter relegens, dum incautius per agmen errat excito pulvere, ereptus e suorum conspectu, ab hostium obvio equite, conto per ilia ictus, inguinum tenuis vulneratus est. Inter effusionem vimis sanguinis, quum aurore ordines, licet saucius, instaurasset, cunctantem animam, multis suos allocutus, efflavit.

XXIX. Iovianus proelii superiorem, sed confusum subita morte amissi Imperatoris, suscepit exercitum. Quum commentus deficerent, et via in reditu prolixior immiueret, et Persae crebris excursibus nunc a fronte, nunc a tergo, mediorum quoque latera incurstantes, iter agminis morarentur, consumptis aliquot diebus, tanta reverentia Romani nominis fuit, ut a Persis primus de pace sermo haberetur, ac reduci confectus inedia exercitus fineretur, conditionibus (quod numquam antea accidit) dispendiosis Romanae reipublicae impositis, ut Nisibis et pars Mesopotamiae traderetur; quibus, cupidior regni, quam gloriae, Iovianus, imperio rudis, acquievit. Quam magno deinceps ore tua, o Princeps invicta, facta incluta sunt personanda? quibus me, licet imparem dicendi visu, et aevo gravior, praeparabo: maneat modo concessa Dei nutu, cui credis, et ab amico, cui creditus es, numine indulta felicitas, ut ad hanc ingentem de Gothis, etiam Babylonicæ tibi palma pacis accedat, gloriosissime Principum, Valens Auguste.

M. VALERII
MESSALAE CORVINI
DE
AUGUSTI PROGENIE
LIBELLUS.



M. VALERII
MESSALAE CORVINI

AD
OCTAVIANUM AUGUSTUM
DE
PROGENIE SUA LIBELLUS.

IN QUO SIMUL ET PRIMA URBIS REGIMINA AB EXORDIO
BREVISSIME EXPONUNTUR.

Quum frequenter me digna moveat postulatio tua, gentium gloriosissime Imperator, ut progeniem tuam scilicet inclytae posteritatis, simul et urbis Romae prima regimina ab exordio literis distinguere mihi persuadeam: parebo clementiae tuae, et operam dabo, aliquid ingenii, sed parum laboris occupare. Nam quae poscis, quum ab historicis, studiosissimisque veterum auctoribus longe lateque sint declarata, et te copiosissime rerum maximarum studiis deditum haud ignorem: tamen, quia iubes, opus expediam, et tuae vetustissimae gentis prosapiam, quae nunc in amplissimo maiestatis culmine locata solum ad sidera spectat, arctato itineris limite insistam declarare. Nam quamquam a profundo originis fonte, cursus pedetentim subsequendus foret, accelerare maturabo, serenissime Caesar Auguste.

II. Totius orbis terrarum ambitus, quem undique Oceanus verberat undis, ab historicis et cosmographis trifarie dividitur. Cuius partium prima, inter Septentrionem et Meridiem ad Orientem extenditur, Asia: secunda, ab ostio fluminis Tanais, Hyrcanorumque finibus, ubi iungitur Asiae, inter Septentrionalem Oceanum et Mediterraneum aequor, ad ultimas Hispanias in occasu terminat, Europa: tertia, ab Aegypto Niloque flumine exordium trahens, relictis terminis Asiae, inter Meridiem et Mediterraneum fretum producta, ad Occasum in Atlantici Oceani littore desinit, Africa.

III. Asia ergo, si ad numerum spectamus, orbis terrarum pars tertia erit: si ad magnitudinem, medium terrarum orbem in se continere videri poterit: sic dicta a nomine cuiusdam mulieris, Orientis reginae. In ea igitur inter ceteras provincias Minor Asia est; in qua Phrygia regio, sic dicta a Phrygia Aesepi et Enropae filia, et, ut alii tradunt, ex Iove et Europa nata. Dardanum, Iove et Electra Atlantis filia progenitum, Deorum monitu ab Italia, et, ut aliis placet, e Creta insula, patrios deserentem lares, multitudine gentium, ad hanc Phrygiam devenisse ferunt, urbem condidisse, eamque ex se Dardaniam nuncupasse: unde gens Dardana, et incolentes terras Dar-

danidae dicti. Hoc regnante, de Creta enim manu electissimorum iuvenum forte novi regni fama concitum Teucrum, ad Phrygiam, patriis sedibus expulsum, dicitur convenisse: qui a Dardano, et dextra et fide data, in parte regni consors susceptus est, ut numerosiore populo nova implerentur moenia. Ita sub duobus regibus haud discrepantibus, Dardania, potentia et magnitudine aucta, pacifice aliquamdiu stetit. Huius Teucris in regendo et rempublicam augendo bonitas comitasque tanta fuit, ut eo defuncto, superstite Dardano, ob ipsius inclytæ memoriae gloriosissimum decus, qui Dardanidae nuncupabantur, deinceps Teucris cognominarentur; ut Virgilius Maro [Aen. VI, 645]:

Hic genus antiquum Teucris, pulcherrima proles.

IV. Dardanus filium habuit Erichthonium, quem post sui obitum regnantem reliquit. Erichthonius Troum genuit; qui, iustitia et pietate insignis, mutato Dardaniae nomine, ex se urbem Troiam nominari permisit. Hinc Troianum nomen ortum. Duos filios Troum habuit, Ilum scilicet et Assaracum. Ilus vero, quia maior natu, defuncto patre, regnum obtinuit, et intra urbis moenia illam eminentissimam atque gloriosissimam arcem edidit, quae ex sui nomine Ilium nuncupata: nude Ilienses Troiani dicti. Is Laomedontem filium reliquit: quo regnante, Iason et Hercules, validissimorum iuvenum Graecorum comitatu, quum ad Colchos ob velleris auræ cupidinem transfretarent, a maritimo fastidio se recreandi gratia in Phrygiam terram legerunt, quos Laomedon, vel sui superbia, vel famosissimae gentis terrore concitus, minaci nuntio extemplo abire praecepit.

V. Hi quum alio contenderent, nec vires, nec arma ad resistendum haberent, ob illatum dedecus indignati, excidium austerissimo regi continuo minitantes, obtemperare mandatis: ac perfecto velleris negotio, ubi in Graeciam rediissent, Hercules, Phrygii regis opprobrii non immemor, maximorum iuvenum ac principum Graecorum manu armata classe, ad Troiam vela remosque direxit; et, in littore expositis armis, ad moenia impetuose contendit. Quod ubi sensisset Laomedon, audacter magis, quam cante, inordinato agmine extra moenia hostili impetu ausus congregi, insidiis interceptus, fortiter dimicando extinctus est, suorum parte maxima vel capta, vel perempta.

VI. Hinc ad exterrita moenia Hercules contendens, nullo custode nec in muris, nec in portis obstante, introit urbem; et, igne ac ferræ omnibus consumtis, Hesionam, Laomedontis sororem, Telamoni, Salaminae regi, quia muros Troiae primus invaserat, ac in portas irruperat, dedit. Ex qua natus est alter ille Teucer, qui patria profugus, in Sidonia alteram Salaminam condidit: de quo Virgilius noster, inducens Didonem effari ad Aeneam [I, 619]:

Atque equidem Teucrum memini Sidona venire,

Finibus expulsum patriis, nova regna petentem.

Ex Laomedonte superstes filius fuit Priamus, qui tum forte alio in armis aberat. Is et patris et patriae excidio cognito, rediit; dirutamque urbem impensa et opere adeo reparare institit, ut brevi marmoreis saxosisque turribus, et aedificiis publicis ac privatis, augustiorem tutioremque redderet.

VII. Assaracus vero, Troi filius, Ili frater, ut supra memini⁸ genuit Capym, Capys Anchisen, Anchises Aencam, Aeneas illum⁹ cognominatum Ascanium, ex Creusa matre natum, qui et Iulus fuit, a quo gens Iulia, unde tuae gentis vocabulum trahis, serenissime Auguste; ut Virgilius [Aen. I, 26q.]:

At puer Ascanius, cui nunc cognomen Iulo

Additur, Iulus erat, dum res stetit Iliæ regno.

VIII. Priamus vero, ubi in Graeciam postulatum misisset, ut Hesiona soror, quae a Telamone turpi servitio concubina tori tenebatur, in matrimonium duceretur, vel saltem restitueretur, derisus, neutrum obtinuit. Quare Alexander, qui et Paris dictus, Priami filius, manu electissimorum iuvenum in Graeciam aequora sulcavit, Helenamque Menelai regis uxorem, Graecarum pulcherrimam, rapuit. Quamobrem Graeciae reges armantur; et Agamemnon¹⁰ duce post decennem obsidionem Troiae moenia capta, in ruina ac cinere, facere solo.

IX. Hinc, Graecorum assensu, duo incolumes principum Troianorum recessere, qui auctores pacis et reddendae Helenae semper fuerant, et Graecorum legatorum, Ulyssis ac Diomedis, honoratissimi hospites; Antenor scilicet et Aeneas: quorum alter ex Laomedontis, vel, ut quibusdam placet, Priami sorore natus, Assyeti, viri nobilissimi, fuerat filius, Antenor: alter, ex regio sanguine ortus, Aeneas, ut supra demonstratum est. Hi navium classe parata, et patriis rebus, hominibusque, quos arbitrio sui delegerant, onusta, pansiis velis tenere altum; et per Aegaeum Ioniumque, praetereuntes Argolicas arbes, snadentibus fati, ad Italiam remigraverunt.

X. Antenor, ex Ionio aequore, ad dexteram flectens, inter Dyrrachium et Brundisium, per latissimas superl aequoris fauces ad Septemtrionem conversus, hinc Dalmatas linquens, Illyricos ac Liburnos; illinc Apulos atque Picenum; ad caput Adriatici maris cursum tenuit, et, relicto aequore, adverso flumine, quod Brentesia dicitur, sursum contendens, terra potitus, sedem sibi suisque elegit: et expugnatis Euganeis, qui tum ea incolebant loca, Patavium condidit. Is inter ceteros comites, Enetorum multitudinem numerosam secum duxerat, qui Paphlagonia orti, patria pulsi, exsules ad Troiam, quae bello tum laborabat, concesserant. Hi in proxima finitimorum praedia longe lateque diffusi, quia multitudine cuncta compleverant, ex se gentibus nomen dedere, et Venetiae regio dicta. De hoc Antenoris adventu sic meminit Virgilius [Aen. I, 242 sqq.]:

Antenor potuit, mediis elapsus Achivis,

Illyricos penetrare sinus atque intima tutus

Regna Liburnorum, et fontem superare Timavi:

Unde per ora novem vasto cum murmure montis

It mare praeruptum, et pelago premit arva sonanti.

Hic tamen ille urbem Patavi, sedesque locavit

Teuororum; et genti nomen dedit, armaque fixit

Troia; nunc placida compositus pace quiescit.

XI. Hoc loco, Imperator maxime, quum te, persæpe altiloquio tuo disserentem, dubitare animadvertissem, quod insigne

vexillis Antenori et Aeneae fuisset, sine quadam rei memoria haud praetereundum arbitror, sed eum Virgilio nostro instandum, ubi de Antenore sic profatur: et genti nomen dedit, id est, utramque gentem, Italicos scilicet et Phrygios, qui ea incoluerunt loca, Troianos, vel, ut alii tradunt, Antenoridas cognominari statuit; armaque fixit, hoc est, in templis arma et insigne armorum suspendit. Nam post exactam militiam laboresque militiae, mos antiquitus fuit, in Deorum templis suspendere arma: ideo arma fixit Troia. Troia fuit inter arma templis affixa, armorum insigne: quod nonnulli adserunt. Troia namque vulgo Italiae Latineque seropha vel sus dicitur. Cui vocabulo licentia sui allusit poeta: quod animal, quia eius nomen urbi Troiae congruebat, aureo vexillo insigne armorum statuit Antenor, absuntae urbis Troiae memoria. Verum in gestis Aeneae, alia evidentior ratio, cur ita, avideri poterit; quare progredior.

XII. Aeneas, eodem itinere per Graecorum oras Achaicumque fretum delatus, in Epiro revisit Helenum, inter Argolicas urbes domini ditionem tenentem. Narrat historia, Pyrrhum, Achillis filium, deleta Troia, Andromachen, Hectoris quondam uxorem, et Helenum, Priami filium, servitio secum duxisse. Inde quum sibi matrimonio iungeret Hermionem, Menelai filiam, Heleno Andromachen tradit. Mox ab Oreste interfectus, quia sine prole interiit, in regno praesidem reliquit Helenum; ut ibidem Maro, ubi de se Aeneas ad Didonem profatur [Aen. III, 282]:

— — iuvat exasisse tot urbes

Argolicas, mediosque fugam tenuisse per hostes.

Et paulo post [ib. 294]:

Ilic incredibilis rerum fama occupat aures,

Priamiden Helenum Graias regnare per urbes,

Et patrio Andromachen iterum cessisse marito.

Is Helenus, Aeneae futura praedicens, monitus interpres Deorum profatus fuerat; ibi locum sedis ei fore et quietis, ubi Italia iuxta Tybridis ripas seropham, seu suem triginta natorum foetu iacentem videret, ut Maro in tertio [v. 388], ad Aeneam locutus Helenus:

Signa tibi dicam: tu condita mente teneto.

Quum tibi sollicito secreti ad fluminis undam

Littoreis ingens inventa sub ilicibus sus

Triginta capitum foetus enixa iacebit:

Is locus urbis erit: requies ea certa laborum.

XIII. Aeneas hinc discedens, et extrema Italiae vadens, circumvectus per Siciliam senem Anchisen patrem amisit. Inde per Inferum mare diu fluctibus ex iniquo sidere vexatus, Afrum tenuit littus. Mox peccato aequore ad Italiam revectus, appulit Tiberis ostio. Ibi tunc temporis Latinus rex, Fauni filius, gentibus imperitabat: qui ad rei novae tumultum excitus, ut Tito Livio placet, in armis obviam pergit. Inde colloquio utrinque pacatis animis, duci Troiano filiam, quam Turno, Rutulorum regi, primo desponsarat, matrimonio iungit, Laviniam Aeneas conditum oppidum ex uxoris nomine Lavinium appellat.

XIV. At Virgilius noster hac in parte aliter sentit [Aen. VII, 152 seq.]; id est, Latinum non in armis obviam processisse, sed Aeneam legatos regi misisse: quibus auditis rex paecatus, et monitis Deorum adductus, Laviniam filiam advenae Troiano tradit. Quamobrem Turnus, impatiens opprobrii ereptae conjugis, bello petit Aeneam, nec vetante nec permittente Latino. Aeneas, ut viris et arma in hostem externo robore firmaret, ad Evandrum, qui tum his oris, ubi nunc Roma, auctoritate ditionem tenebat, sursum adverso flumine pergens, auxilii exposcendi gratia, suum, id est, scropham, triginta natorum foetu, ut Helenus praedixerat, iacentem advertit, quietae sedis certissimum omen; quam Iunoni, Deorum reginae, immolando sacravit; ut Virgilius in octavo [v. 81 seq.]:

Ecce autem subitum, atque oculis mirabile monstrum,

Procubuit viridique in littore conspicitur sus?

Quam pius Aeneas, tibi enim, tibi, maxima Iuno,

Muctat sacra ferens, et cum grege sistit ad aram.

Eodem Aeneam Lavinium oppidum struxisse aiunt; simul et hinc scrophae signum Troianis ortum quidam tradidere; seu ob in-
secti fundamenti regiae sedis memoriam; seu quia quietis genti scrophae signum dederat; seu ob aeternum insigne nominis Troiae, quae huic vocabulo animalis vulgo Italicae includitur, ut supra memini.

XV. Praeterea et nonnulli referunt historici, Aeneam more navigantium, inter cetera animalia ad usum veseendi, ut fit, suae mivivae secum detulisse, ac ex oraculo responsum habuisse, quum teneret Italiam, dimitteret eam: inde, quo reperta foret, sedi eius conderet urbem; quam in Campaniae oris, apud Avernum lacum Baiarumque fines, dimissam volant, mox supra Tybridis ripam. Quare elatum scrophae vexillum. Quocirca Helenus ad Aeneam in tertio [v. 462.] Virgilio:

Vade age, et ingentem factis fer ad aethera Troiam;

id est, insigne Troianum. Ae quum haec in parte te dubitare, serenissime Principum, crebro percepissem, et in ambiguitate rei huius multos vagari, tulit calamus prolixius, et a proposito longius, quam exposceret intentio. Quis enim rem tot saeculis remotissimam scrutaturus, per vetustissima litterarum volumina sine ambiguitate evadere potuit? Sed ad propositum redeundum.

XVI. Ad Evandrum concessit Aeneas; et optato potitus, Palantem, Evandri filium, et ingentis roboris armatorum auxilia secum duxit. Turnus, post aliquot proelia clarissima victus tandem ac peremptus, Troiano cessit. Victor Aeneas post Latini obitum in regno successit; quem mortuum, et super Numicii fluminis ripam conditum, Indigetem Iovem dixere, expleto anno tertio regni.

XVII. Superfuit Aseanius, eius filius, Troiae ex Crensa natus. Is Lavinium oppidum novercae Laviniae, et Silvio ex Lavinia fratri relinquens, haud inde longe in Albano colle condidit Albam. Inter Lavinium et Albam conditam triginta annorum spatium datur.

XVIII. Absurto Ascanio, frater eius Silvius, qui et Iulus,

a quo gens Iulia, et antiquum tuae generosae prolis derivatum cognomen, Augusto, regnat: quamquam inter auctores veterum in ambiguo constet, utrum hunc Silvium, an Ascanium cognominatum fuisse Iulum. Is Silvius, post obitum patris ex Lavinia Italiae natus, Posthumus dictus: quem Lavinia praegnans, privignum timens Ascanium, scedens, in quadam silva, apud Tityrum pastorem peperit; unde Silvius nuncupatur, ut Maro, inducens Anchisen ostentantem suorum progeniem Aeneae [Aen. VI. 760.]:

*Ille (vides) purae iuvenis qui nititur hastae,
Proxima forte tenet lucis loca, primus ad auras
Aetherias Italo commistus sanguine surget,
Silvius, Albanum nomen, tua postuma proles:
Quem tibi longaevo serum Lavinia coniux
Educes silvis regem, regumque parentem;
Unde genus longa nostrum dominabitur Alba.*

XIX. Hic Silvius Silvium Aeneam filium reliquit: ex quo Latinus filius; a quo prisci Latini cepere nomen, et Silvium cognomen Albae regnantibus datum, ut quidam tradidere: quamquam Virgilius hoc cognomen regibus Albanis a Silvio Postumo derivatum sentire videntur.

XX. Genuit hic Silvius Albam, Atym Alba, Capym Atys, Capys Capetum, Capetus Tiberinum; qui, in Albula flumine demersus, mutavit fluvio nomen, Tiberi deinceps nuncupato.

XXI. Ex Tiberino superfuit Agrippa: ex quo Romulus Silvius, qui sine prole; fulmine ictus, stirpis eiusdem Aventinum in regno reliquit. Is decedens, in quo sepultus fuerat, colli nomen dedit.

XXII. Huic successit Proca: quo defuncto, duo eius filii, Numitor et Amulius, superstites fuere: quorum alter Amulius Numitorem, fratrem maiorem, e solio deiecit; cuius virili prole interempta, filiam Rheam Silviam, ut partum averteret, Vestalem virginem sacrat. Rhea geminos edidit, Remum scilicet et Romulum; a Marte compressa, ut traditur. Quod regi Amulio notum, in vincula tradita matre, regio edicto in Tybridis alveo exponuntur gemini. Fama est, in lupam, geminos lambentem, regium pastorem Faustulum casu quodam incidisse; qui uxori Laurentiae nutriendos dedit. Iam adulti iuvenes, corporis et animi vires adepti, per silvas ac nemora non modo infestare feras, sed et finitimis pastoribus dominari occeperant. Tandem insidiis Remus interceptus, ut praedae reus ad Amulium ducitur. Inde, quia eum cum fratre Romulo in agrum Numitoris impetum fecisse dicebatur, ad poenas supplicii materno avo traditur: a quo mox et ipsi nepotes, praesidio pastorum in regiam facto impetu, Amulium obtruncant, et restitunt Numitori regnum. Hunc scito, Caesar Auguste, gentis Iuliae Albanorum regum ultimum; eamque gentem ad Iulium usque Caesarem, teque, principum decus, sine imperio private in tuae felicitatis tempora terminasse. Namque Romulum, Romanae urbis imperiiue tui conditorem, materna linea incognito patre ortum, tuae stirpis non censeo, si maiorum genealogiam recte complector.



XXIII. At nunc ad Reges Romanos, Consules, Dictatores, Tribunos militares et plebeios, subsequenter calamum deducam; ut ab origine ad tua felicissima saecula Romana regimina noscas. Igitur Palatino in monte, ubi adulti et a pastoribus culti gemini erant, auspicio parva moenia ponunt; et, ubi alter alterum non patitur, cui regnandum, angurio permittunt. Qua contentione interfectum Remum describere quidam: at alii, quia fertur incepta moenia contra edictum transiluisse Remum, à Romulo, cui regnare obtigerat, securi percussum, et a nomine conditoris urbem Romam nuncupatam. Ferunt, anno vigesimo secundo aetatis, undecimo Kalend. Maias, quadringentesimo trigesimo tertio post captam Troiam, Romulum urbis fundamenta iecisse. Qui primo constitutis sacris, legum iura sanxit; fecit et se regiis insignibus, augustiorem; circa se lictores instituit; asyllum aperuit complendae Urbis gratia; centum Senatores creavit, quos Patres auctoritate nuncupavit, Reipublicae consilium; Equestri Neptuno ludos finitimis gentibus indicavit. Circumstantes populi cum familiis ad Urbem, velut ad rem novam simul et ludos, conveniunt. Tum ad spectacula intentis advenis, raptae virgines Sabinorum, ceterarumque turba, et in matrimonium abductae. Raptarum parentes, ad ultionem illati dedecoris, arma parant. Hinc pleraque bella orta. Caeninenses, qui primum in agrum Romanum impetum fecerant, victi sunt, Acrono, eorum rege, a Romulo obtruncato, cuius opima spolia in Capitolium ad quercum pastoribus sacram rex ipse Romanus suspendit; ibique Iovi Feretrio templum statuit, quod primum Romae sacrum fuit: et de Caeninensibus primum triumphum egit, ut quibusdam placet scriptoribus. Antequam exinde populandi gratia hostiliter adventarent: qui a Romulo victi, in Urbem ducebantur. Hinc adversus Crustumino, subsequenter tumultuantes, in armis Romulus profectus, superatos hostes Romae cohabitare coarctavit. Cum Sabinis ultima et acrior pugna fuit. Nam ab his, Tito Tatius duce, Capitolii arce capta, mox virtute Romuli recuperata, interventu raptarum, miserando fletu implorantium, pacatis utrinque animis, pax fit, et ex duobus regnis unum. Namque Sabini eorum imperium Romam traducunt; et sub duobus regibus, Romulo et Tito Tatius, commune dominium per aliquot annos fuit. Sed primo Tatius moritur, a Laurentibus interfectus, anno quinto, postquam Romae regnare coeperat. Superfuit Romulus, qui decem victis Fidenatibus ac Veientibus, ad Capreae paludem concione habita, subito turbine et imbre lumine solis adempto, inter fulgura obstreptentia coeli ereptus, nusquam apparuit, postquam triginta et septem regnaverat annis.

XXIV. Numia exinde Pompilius, e Sabinis ortus, vir pietate et iustitia insignis, secundus a Romulo regnat; et, pacatis finitimorum odiis, gemini Iani templum edidit: quod apertum, bella; clausum, quietem indicaret. Mox ad religionem conversus, ut Deorum timor ad mitiora truces flecteret animos, sacra instituit, sacerdotes creat, virgines Vestales sacras, Pontificem Maximum primus declarat: dies fastos nefastosque condidit, an-

num in duodecim menses divisit. Postremo, ubi maxima cum reverentia et suorum et finitimorum tres et quadraginta regnasset annos, obiit.

XXV. Tullus Hostilius exinde rex tertius creatur, ad bella promptissimus, animosior Romulo. Cum Albanis armorum negotium habuit, sed paucorum cruore ac fortuna finitum. Nati trigeminis Horatiis Romanorum, et trigeminis Curiatis Albanorum res hoc foedere committitur, ut civitas, pro qua, qui pugnarent, qui vicissent, alteri imperaret. Vicerunt Horatii, Albani sub imperio Romano fere. Fidenates ac Veientes proinde in agrum Romanum impetum faciunt; quibus victis ac fugatis, Metium, Albanorum dictatorem, quia ex foedere in armis occitus, proditor rem Romanam maximo in discrimine abscondendo deserperat, Tullus quadrigis in diversum actis alligatum discerpi, Albanque dirui, ac omnes Albanos Romam devchi iussit. Coelium montem intra moenia clausit, numero et potentia crescente Roma. Cum Sabinis, qui patriis in sedibus T. Tatii tempore manserant, bellum grave gessit, hostemque vicit. Demum fulminis ictu cum tota domo absuutus, anno regni tricesimo secundo interiit.

XXVI. Ancus Marcius Tullo successit, vir pace et bello clarissimus. Ad arma et religionem paratus, ad sacra primum et templa condenda ornandaque animum flexit. Mox, quum res postularet, a sacris ad arma concitus, adversus Latinos, qui primo in eum moverant bella, se contulit, et Politorium, unicum Latinorum praesidium, expugnat, et diruit: omnesque in oppido repertos, Romae cohabitandos destinat. Ianiculum collem Urbi adiecit, pontem sublicium sopra Tiberim fecit: tum Quiritium fossa per plana deducta, et carcer prius structus; usque ad mare dilatati fines, ubi Tibris in aequora prorumpit; Ostia urbs condita, et Salinae circumfactae. Feretrium Iovis templum ampliatum. Decessit Ancus anno regni vicesimo quarto.

XXVII. Priscus Tarquinius, a Tarquiniis Etruriae profectus, exinde regnum occupat. Cum Latinis is bellum habuit; et Apiola urbe expugnata, ingenti praeda victor rediit. Ludos instituit: Circum erexit; adversus Sabinos centurias auxit: quibus industria ac viribus superatis, arma eruenta hostium in Anienem flumen eicere fecit: quae ex Anicno in Tiberim devecta, summae victoriae nuntium Romae detulere. Iterum eisdem hostibus secundo proelio attritis, Collatiam oppidum sui iuris fecit. Romam regressus, insigni gloria primus triumphat, ut quidam volunt: cum priscis Latinis bello orto pugnaret: quibus devictis pacem dedit, vi et armis oppidis captis, Corniculo, Ficula, Cameria, Crustumero, Ameriola, Medullia, et Nomento. Demum ad aedificia publica intentus, muro lateritio circuit Urbem: valles interfacentes collibus, ceteraque loca limosa, et sordibus repleta, cloacis vacuat. In Capitolio Iovis aedem, grande opus, inceperat: tum interfectus a duobus Anci filiis, obiit anno regni tricesimo septimo.

XXVIII. Servius Tullius post hunc rex declaratur, ex captiva et nobili femina, a Corniculo oppido gravida educta, in domo

Tarquinius natus, et adultus, Cum Veientibus et Etruscis primum bellum sumsit: quibus fortissime victis, insigni gloria victor rediit. Censum primus instituit, quo et paci et bello opportuna redimerentur. In classes centuriasque populum divisit. Domi pace tranquilla, et foris in armis, quod necesse fuerat, sollertissima statuit industria. Cives omnes, pedites equitesque, qui arma ferre possent, in campum Martium convenire edicto iussit; ibique exercitum instructum ordine, porco, ove, et tauro lustrat. Inde ad posteros lustrum nuncupatum: quo octoginta millia civium censa referuntur. Duo colles Urbi tum additi, Viminalis et Quirinalis, et Esquiliae, ubi ipse regiam habuit. Aggere, fossa et muro, quae Urbi adiecerat, circumclusit. Dianae templum condidit. Postremo a Lucio Tarquinio, Prisci Tarquinius filio, et genero suo, anno regni tricesimo quarto, in vico Cyprio obtruncatur.

XXIX. Tarquinius inde regnum invadit: qui male partum imperium ita contumaciter rexit, ut cognomen Superbo sibi vindicaret. In Patres ac Senatum saeviens, iniussu populi, ad libitum agere omnia coepit. Occidere, carcerare, afficere supplicio, sui iuris fecit. Cum Volscis bellum habuit: quibus expugnatis, oppida Suessam et Pometiam eripuit. Fraude et non bello Gabios subiugavit, et cruciatibus attrivit. Cum Aequeicolis et Etruscis foedera tenuit. Iovis templum, quod in Capitolio pater inceptaverat, maximo impendio ac labore, ad culmen erexit. Demum ob Lucretiae per vim illati stupri dedecus a Sexto Tarquinio, eius filio, Iunii Bruti opera regno pulsus in Etruriam exsulatum cum scelèsta coniuge ac filiis fuga perrexit, anno regni tricesimo quinto, ab Urbe vero condita ducentesimo quadragésimo quarto.

XXX. Depulsis regibus sub Consulibus annuo imperio iura Romana fuere. Senatus, ut [rerum] solidum corpus, immutabile erat; Consules, velat membra: Senatus, consilium, et rerum deliberatio; Consules, ad consulta peragenda parati.

XXXI. Dictatoris imperium, quod ceteros magistratus excedebat, ad terrorem cunctorum, tum, quam res Romana in extremis periculis nutare cerueretur, creabatur, summae potentiae unicum robur. Inde ob truculentissimas inter patricios et plebeios seditiones, plebs armata, maximo cum terrore nobilium; in Aventinum, et, ut aliis placet, in Sacrum collem secesserat: nec inde abduci potuit, donec, ad favorem sui, Tribuni plebei primum crearentur.

XXXII. Mox ad Decemviros res venit. Nam Decemviros creari placuit, qui sine alio magistratu annuo imperio Reipublicae praessent. Anno ab Urbe condita uno et trecentesimo, hoc imperium in Appio Claudio, atrocissimi ingenii viro, desinere voluit eiusdem obstinata perfidia: ob cuius scelestae libidinis nefas violandae Virginiae, virginis pudicissimae, se abdicare magistratu Decemviri coacti sunt. Tum ad Consules res redierat.

XXXIII. Verum paullo post, Tribunis plebis auctoribus, seditione, ut alias, orta, inter cetero obtinere plebei, ut et Tribunos militares haberent, sicut et plebeios. Sed hi promiscue vel


patricii, vel plebei esse poterant; qui aliquando consulare gessere imperium.

XXXIV. Sed demum Consules regnum obtinuerunt: quorum faeces adusque Iulii Caesaris, patris patrique tui, principatum defluerunt, expletis ab Urbe condita annis septingentis decem.

XXXV. Sub quorum magistratum, Consulum, Dictatorum, et Tribunorum militarium ductu, per quadringentos quadraginta et septem annos, omnis Italia viribus armorum subacta est, simul et Alpes Cottiae, Penninae, et Graiae atque Romanae, cum Alpini populis, ipsis in rupibus duratis, in ditionem convenere. Africa ter victa, primo et secundo et tertio bello Punico, inaeestimabili vulnere, utrimque accepto, Romano imperio tandem parata: Sicilia, Sardinia, Baleares, Creta, insulae obtentae. Numidia victo Iugurtha in potestatem redacta. Hispaniam, genus armorum ferox, nostrorum, nec sine Romano cruore, subiugavere arma. Celtiberi, Cantabri, Astures, Lusitani, Numantia, omnisque Gallaecia, flexere cervicem. Gallia atque Britannia novem annorum Iulii Caesaris labor fuere; tributariae demum factae. Post haec Illyria, Istria, Liburni et Dalmatae obsecundavere perdomiti. Proinde in Graeciam transitus fuit; qua perdomiti, Epirus, Thessalia et Achaia parvum mandatis. Ter Macedonia cum regibus suis debellata, et in provinciae formam demum redacta. Thraces saevissimos omnium, Propontidem, et Thracium Bosporum cum ipso Byzantio virtus Romana superatos reddidit. Hinc ad Danubium Rhenumque tuis auspiciis, victoriosissime principum, penetretum, et utriusque fluminis utramque ripam tuae industriae subiugavere vires. Duae Germaniae, inferior ac superior, tibi unico cessere; Norici, Pannonii, Suevi, Marcomanni, Daci, Moesi, ceteraeque nationes ad Arcton, superati. Europa in extremis finium suorum per te undique exterrita, et armis concussa. In Asiam iam ante perventum fuerat; et victo Antiocho, potentissimo Syriae rege, victo Mithridate, Syria, Phoenice, Ctesiphon, Babylonia, Iudaea, Palaestina, Arabia, Cilicia, et omne Ponti regnum, cum ipsa minore Asia, in qua Phrygia, Lydia, Bithynia, Paphlagonia, Isanria et Cappadocia regiones continentur, mandatis obtemperavere. Cessit et utraque Armenia armis attrita. Mesopotamia inter Tigridem et Euphratem, sanguine Parthorum et Persarum crebro cruenta, multiplici bello demum Romano paruit. Diversis temporibus cum Persis et Parthis assidue pugnatum; et utrimque cladibus acceptis, Romanus superior fuit, et obstantibus imperavit. Ad Arcton Colchi, Iberi, Albani, Scythae, Assyrii, Caspii, cum Amazonibus suis, ductu nostrorum dumcum subiugati sunt. Aegyptiorum reges ultro in amicitia et foedere steterunt. Cyrene, ac tota Libya et Mauretania, extincto Iuba, obsequentes fuere. Indi ex ipso extremo Oriente postremo ad te, gloriosissime Principum, in extremo Occidente tum bella gerentem, legationem misere, ad obsequia se paratos profitentes, ut nonnihil, te imperante, haud superasset indomitum. Aeternum vale; tui saeculi perenne ac immortale decus, Caesar Auguste.

YAG





Legatorie Romana



: 2 GEN. 1963

